



Ոգի-Նաիրի
Vogi-Nairi

Сигизмунд КРЖИЖАНОВСКИЙ
ВОСПОМИНАНИЯ О БУДУЩЕМ

С русского перевел на армянский язык
Нерсес Атабекян

Sigismund KRZHIZHANOVSKY
MEMORY OF THE FUTURE

Translated from Russian into Armenian
by Nerses Atabekyan

Vogi-Nairi, Stepanakert

Միգրացիոն և ԿրթիժԱՆՈՎՄԿԻ

ՀԻՇՈՂՈՒԹՅՈՒՆՆԵՐ ԱՊԱԳԱՅԻ ՄԱՍԻՆ

երեք վիպակ

Ռուսերենից թարգմանեց
Ներսես ԱԹԱԲԵԿՅԱՆԸ

Ստեփանակերտ 2022

ՀՏԴ 821.161.1-31 Կրթիժանովակի
ԳՄԴ 84(2=411.2)-44
Կ 842

«Գեղարմ» հանդեսի մատենաշար

Սիգիզմունդ ԿՐԺԻԺԱՆՈՎՍԿԻ

Կ 842 **Հիշողություններ ապագայի մասին/Սիգիզմունդ Կրժիժանովակի
Թարգմ. ռուսերենից՝ Ներսես ԱԹԱԲԵԿՅԱՆ:**
Ստեփանակերտ, «Ոգի-Նաիրի» հրատ., 2022, 304 էջ:

Լեհական ծագմամբ ռուս գրող Սիգիզմունդ Կրժիժանովակու (1887-1950) արձակը ընթերցողների լայն շրջանակների սեփականությունն է դարձել միայն վերջին տարիներին՝ սկզբնավորվելով Սվիֆթից ու Պոյից, Հոֆմանից ու Շամիսոյից, Սեյրինգից ու Պերուցից, իսկ ռուս գրականության մեջ՝ Ն.Գոգոլի «Պետերբուրգյան վիպակներից», Վ.Օդոևսկուց և Ֆ.Դոստոևսկու որոշ գործերից: Գրականագետները Ս.Կրժիժանովակուն բնորոշում են որպես գրողի, ում «ներկայությունը» պատիվ կրերի աշխարհի ցանկացած գրականության:



Фонд
Михаила
Прохорова



Հրատարակությունն իրականացվել է Միխայիլ Պրոխորովի
հիմնադրամի՝ ռուս գրականության թարգմանությանն աջակցող
TRANSCRIPT ծրագրի մասնակցությամբ

ISBN 978-9939-1-1481-1

ՀՏԴ 821.161.1-31 Կրժիժանովակի
ԳՄԴ 84(2=411.2)-44

© Сигизмунд Кржижановский

© «Ոգի-Նաիրի» (թարգմանության համար), 2022

ՄՅՈՒՆԻՏՎՈՒԹՆԻ ՎԵՐԱԴՂՐԶ

Գլուխ I

Ամեն բարոն իր երեակայությունն ունի

Անցորդը կտրեց Ալեքսանդեր-պլացն ու ձեռքը տարավ շքամուտքի նիստավոր փեղկերին: Բայց այդ պահին՝ աստղածե փախչող փողոցներից՝ թերթավաճառ տղաների ճչացող բերանները.

- Ապստամբությունն Կրոնշտադտում:

- Վերջ բոլշեիկներին:

Անցորդը, զարնանային ցրտից ուսերը կծկելով, ձեռքը խցկեց գրպանը. մատները՝ կարից կար, գրողը տանի՝ ոչ մի փֆենսինգ: Եվ անցորդը թափով բացեց դուռը:

Հիմա նա բարձրանում էր հատակին փռած երկար ուղյակով. ետեւից, աստիճանից աստիճան ցատկելով՝ կեղտոտ ոտնահետքը:

Սանդուղքի շրջադարձին.

- Ի՞նչ գեկուցեմ:

- Բարոնին ասե՛ք՝ պոետ Ունդինգը:

Սպասավորը՝ հայացքն այցելուի մաշված կոշիկներից մինչեւ նրբաթաղիքե շեկ ու փափուկ գազաթը սահեցնելով՝ կրկին հարցրեց.

- Ինչպե՞ս:

- Էռնստ Ունդինգ:

- Սի րոպե:

Թայյերը հեռացան, ապա վերադարձան, ու սպասավորը՝ անկեղծ զարմանքով.

- Բարոնը աշխատասենյակում ձեզ է սպասում: Համեցե՛ք:

- Հա՛, Ունդինգ:

- Մյունխհաուզեն:

Ձեռքերի ափերը հանդիպեցին:

- Ահա այսպես: Մոտեցե՛ք բուխարուն:

Որ կողմից նայե՛ս՝ հյուրն ու տանտերը քիչ էին նմանվում իրար. կողք կողքի,- կոշկատակերը՝ բուխարուն,- կիսակոշիկների անթերի, լաքած

Միգիզմունդ ԿՐԺԻԺԱՆՈՎԱԿԻ

նավակներն ու մեզ արդեն ծանոթ կեղտոտ սապոզները՝ հարեանու-թյամբ,- բազկաթոռների գոթական թիկնակներին հենված,- ծանր կոպե-րով, երկարով, քթի ազնվագարմ, նուրբ կոճիկով՝ մանրակրկիտ սափ-րած դեմք ու մազերի փնթի փերթերի տակ, քթի կարմիր կոճակով ու թարթիչներով ծանրացած մի գույգ բիբերով լայնուկ դեմք:

Երկուսը մի րուպեի չափ լուռ նայում էին բուխարու կապույտ ու վառ կարմիր կայծերի պարհին:

- Միգարները սեղանիկին են,- վերջապես ասաց տանտերը: Հյուրը պարզեց ձեռքը, ետեւից սողաց մաշվելուց գույնզգույն շերտատված թե-զակիքը, թխկաց սիգարատուփի կափարիչը, հետո չոր տերեւի շրշուկ՝ փոքրիկ գիյոտիկի տակ, հետո՝ բուրավետ թեթեւ ծուխ:

Տանտերը շեղ նայեց թույլ թրթռացող կրակին:

- Մենք՝ գերմանացիներս, նույնիսկ ծխի հետ վարվելու ձեւն ենք գտել: Կուլ ենք տալիս գարեջրի փրփուրի պես՝ չթողնելով, որ շատ փրփրի ու տարածվի ծխափողի մեջ: Կարճիկ սիգարն ատամների արանքում մար-դու երեակայությունն էլ կարճիկ է: Թույլ կտա՞ք...

Բարոնը վեր կացավ, մոտեցավ պատի տակ դրված հնամենի պահա-րանիկ, փոքրիկ բանալին կտրուկ խրեց անցքը, քանդականախշ ծանր փեղկերը բացվեցին, եւ հյուրը զլուխն ու սիգարի կրակը նրան դարձնե-լով՝ բարոնի երկար ու նիհար թիկունքից այն կողմ տեսավ. պահարանի փայտե կեռիկներից կախ՝ մի հին, մաշված կամզու, ինչպիսիք չէն կրում արդեն հարյուր տարի, երեսած պատյանով մի երկար սուտեր, մարգար-տակար ծածկոցով մի կոր ծխամորճ եւ, վերջապես, մի բարակ ծամիկ՝ հատվածքով ներքեւ, ժապավենակապով կեռիկից կախ:

Բարոնը վերցրեց ծխամորճը եւ ուշադիր գննելով՝ վերադարձավ իր տեղը: Մի րուպեից ադամախնձորը դուրս թռավ օձիքի տակից, իսկ այտե-րը ներս քաշվեցին՝ ծխափողից քթանցքները ձգվող ծխին ընդառաջ:

- Ավելի քիչ ենք հասկանում մառախուղներից,- ծուխը ներս քաշելու արանքում շարունակեց բարոնը,- սկսած, թեկուզ, մետաֆիզիկական մա-ռախուղներից: Ի դեպ, Ունդի՛նգ, լավ է, որ այսօր եկաք. վաղը պատ-րաստվում եմ այցելել Լոնդոնի մառախուղներին: Միաժամանակ եւ՝ նրանց մեջ ապրողներին: Այո՛, Թեմզայից բարձրացող ճերմակ շղարշը գիտի ուրվագերծել ուրվագծերը, սքողել բնապատկերներն ու աշխարհա-յեցումները, ստվերանշել փաստերը եւ... մի խոսքով, մեկնում եմ Լոնդոն:

Ունդինգը վեր քաշեց ուտերը:

- Անարդար եք Բեռլինի հանդեպ, բարոն: Մենք էլ ենք վարժվել որոշ

բաների. օրինակ՝ փոխնյութերին ու պատրանքային բնագանցությանը:

Բայց Սյունիաուզենն ընդհատեց.

- Չվերսկսենք հին վեճը: Ի դեպ, ավելի հին, քան կարծում եք. հիշում եմ հարյուր տարի առաջ Թիկի հետ մի ամբողջ գիշեր վիճեցինք այս թեմայով, ճիշտ է, այլ եզրույթներով, բայց մի՞թե էությունը դրանից փոխվում է: Նա նստած էր, ինչպես դուք հիմա, ինձնից աջ, ու ծխամորճը թխկթխկացնելով՝ սպառնում էր երազներով խփել ու ցրել իրականությունը: Բայց ես նրան հիշեցրի, որ խանութպաններն էլ են երազներ տեսնում, իսկ պարանը լուսնալույսի տակ թեկուզ ես նման է օձի, բայց կծել չգիտի: Ֆիխտեի հետ, օրինակ, ավելի քիչ էինք վիճում: «Ղուկոտ՛ր,- սասցի փիլիսոփային,- այն օրվանից, որ «ոչ ես»-ը դուրս ցատկեց «ես»-ից, պիտի ավելի հաճախ փնտրի իր «որտեղից»-ը: Հերր Յոհանն ի պատասխան քաղաքավարի ժպտաց:

- Ինձ թույլ տվեք այդքան քաղաքավարի չժպտալ, բարո՛ն: Դա քննադատությանն ավելի չի դիմակայում, քան խատուտիկը՝ քամուն: Իմ «ես»-ը չի սպասում, թե «ոչ ես»-ը երբ կնայի իրեն, այլ ինքն է երես դարձնում ամեն կարգի «ոչ»-երից: Ինչ արած, այդպես է դաստիարակվել: Իմ հիշողությանը հարյուրամյակներ տրված չեն,- խոնարհվեց նա գրուցակցի կողմը,- բայց մեր առաջին հանդիպումը, հիևզ շաբաթ առաջ, հիշում ու տեսնում եմ այսօրվա պես: Սեղանիկի երեսը՝ մարմարի ոճավորումով, երկու գավաթների ու երկու զույգ աչքերի պատահական հարեւանությունը: Ես՝ կում առ կում, իսկ դուք շուրթերով չէիք դիպչում ապակուն ու միայն երբեմն,- ձեր գլխի շարժումով,- քելները չխմածի փոխարեն նորն էր բերում, որը նույնպես չխմած էր մնում: Երբ գիտվությունը փոքր-ինչ մշուշեց գլուխս, հարցրի՝ ձեր ինչի՞ն են պետք գավաթն ու գարեջուրը, եթե չեք խմում: «Ինձ հետաքրքրում են պայթող պղպջակները,- պատասխանեցիք դուք,- ու երբ բոլորը պայթում են, ստիպված փրփուրի նոր բաժին եմ պատվիրում»: Դե ինչ, ամեն մարդ յուրովի է զվարճանում, ինձ ահա այս խոյուսի շինծու լինելը, կեղծությունն է դուր գալիս: Ուսերը թոթվելով՝ դուք այնպես նայեցիք ինձ,- հիշեցնում եմ, Սյունիսիանուզեն,- ասես ես էլ պղպջակ լինեի՝ կպած ձեր գավաթի պռնկին...

- Դուք հիշաչար եք:

- Պարզապես լավ հիշողություն ունեմ. մինչ օրս դեռ իմ ուղեղում պտտվում է այնտեղ, երկու իրար մոտեցրած գավաթների շուրջը թափ առած խայտաբղետ կարուսելը: Մենք կտրում էինք ծովերն ու մայրցամաքները երկրի պտույտին գերազանցող արագությամբ: Եվ երբ ես, երկ-

Միգիզմունդ ԿՐԺԻԺԱՆՈՎԱԿԻ

րից երկիր, անցյալից ապագա ու կրկին անցյալ մղովող գնդակի նման, պատահմամբ դուրս ընկա խաղից, հարցրի. «Ո՞վ եք դուք, եւ ինչպե՞ս կարող եր ձեր կյանքը բավականացնել այդքան դեզերումներին», դուք, հարգալիր խոնարհումով,- տվեցիք ձեր ատուրը: Կեղծ զարեջրի հարբածությունն էլ կեղծ է ու մոլորեցնող, իրականությունները պայթում են պղպջակների պես, իսկ ֆանտազմները խցկվում են սրանց տեղը: Հեզ-նանքով գրո՞ւս եք օրորում: Բայց գիտե՞ք, Սյունհա՛նուզեն, մեր մեջ ասած, որպես պոետ պատրաստ եմ հավատալ, որ դուք դուք եք, բայց որպես ողջամիտ մարդ...

Խոսակցության մեջ խուժեց հեռախոսի զանգը: Սյունհաուզենը երկարամատ, մատնեմատին լուսնաքար կրող ձեռքը պարզեց հեռախոսին.

- Այո՛: Ո՞վ է խոսում: Հա՛, դո՞ւք եք, պարոն դեսպա՛ն: Այո՛, այո՛: Կլինեմ. մի ժամից:

Ու խոսափողն իջավ երկաթե երկժանու վրա:

- Գիտե՞ք ինչ, սիրելի Ունդի՛նգ, խիստ շոյված եմ, որ պոետն ընդունում է իմ գոյությունը: Բայց եթե լույնիսկ դադարեք էլ հավատալ ինձ` Հիերոնիմ ֆոն Սյունիսհաուզենին, ապա դիվանագետները երբեք չեն դադարի: Դուք զարմացած վեր եք քաշում հոնքերը. ինչո՞ւ: Որովհետեւ ես պետք եմ սրանց: Ընդամենը: Դե-յուրե կյանքը, սրանց տեսանկյունից, ոչնչով վատ չէ դե-ֆակտո կյանքից: Ինչպես տեսնում եք, դիվանագիտական պայմանագրերում ավելի շատ պոեզիա կա, քան ձեր բոլոր ոտանավորներում:

- Կատակում եք:

- Բոլորովին. կյանքը, ինչպես որ ցանկացած ապրանք, իր պահանջարկն ու առաջարկն ունի: Մի՞թե թերթերն ու պատերազմը դա ձեզ չեն սովորեցրել: Եվ քաղաքական բորսայի վիճակն այնպիսին է, որ ես կարող եմ ոչ միայն կյանք, այլև փթթուն առողջություն հուսալ: Մի շտապեք, բարեկա՛մս, ինձ ուրվականների մեջ գրանցել ու դնել գրադարանի դարակին: Այո՛, այո՛:

- Դե ինչ,- քմծիծաղեց պոետն ու ուշադիր կայեց գրուցակցի երկարուկ, արմունկները բազկաթռոճի արմնկակալներին հենած կերպարանքին,- եթե մյունխհաուզենապատման բաժնետոմսերն աճում են, ես, թերեւս, պատրաստ եմ խաղալ բարձրացման վրա, ներառյալ` կեցության աստիճանը: Բայց ինձ հետաքրքրում է` կոնկրետ ինչպե՞ս: Իհարկե, ես ընդունում եմ լինելության ու չլինելության, «ես» իրականության ու «ոչ ես» իրականության որոշակի փոխներթափանցումը, բայց եւ այնպես, ինչ-

պե՞ս կարող էր պատահել, որ ահա նստել ու զրուցում ենք առանց լսողական ու տեսողական զգայախաբության: Դա ինձ համար կարելու է իմանալ: Եթե «բարեկամ» բառի մեջ, որ ինձ շնորհեցիք, թեկուզ դույզն-ինչ իմաստ կա, ապա...

Մյունխհաուզենը կարծես տատանվում էր.

- Խոստովանություն: Դա ավելի շուտ երանելի Ավգուստինի ոճով է, քան բարոն Մյունխհաուզենի: Բայց եթե պահանջում եք... միայն թե թույլ տվեք գոնե երբեմն, ես այլ կերպ չեմ կարող, ճշմարտության տիրվից՝ դեպի ազատ ֆանտազի: Եվ այսպես, սկսում եմ: Պատկերացրեք դարերի մի այսպիսի հսկա թվատախտակ. նրա սեւ սլաքի սուր ծայրը,- բաժանումից՝ բաժանում,- տարեթվերի հերթագայության վրայով. սլաքի ծայրին նստած՝ կարելի է տեսնել ներքեւում անցնող՝ 1789 - 1830 - 1848 - 1871 եւ էլի՛, էլի՛. աչքերս հիմա էլ դեռ շաղվում են տարիների վազքից: Հիմա պատկերացրեք, սիրելի բարեկամ, ձեր խոնարհ ծառան տարիների (եւ նրանց մեջ եղած ամեն ինչի) հերթափոխության գլխին կախված ահա այդ սլաքը ծնկներով գրկած՝ պտտվում է ժամանակի թվատախտակով: Ի դեպ, այս պահարանի կախիչները, որ մոռացել եմ փակել, ձեզ կօգնեն պարզորոշ ու մանրակրկիտ տեսնել այն ժամանակվա ինձ՝ ծամիկը, կամ-զուլը, սոււները,- թվատախտակի վրա կախված՝ ճոճվում եմ հարվածներից: Իսկ թվերին իջնող հարվածներն ավելի ու ավելի են ուժեղանում. 1789-ի վրա ավելի ամուր եմ սեղմում ծնկներս, 1871-ի վրա ստիպված եմ ե՛ւ՝ ձեռքերով, ե՛ւ՝ ոտքերով կառչել սլաքի ծայրից, բայց 1914 թվականից թվերի ցնցումն անտանելի է դառնում, խփվելով 1917-ին ու 1918-ին՝ կորցնում եմ հավասարակշռությունս ու, գիտե՞ք, կրունկներս շողացնելով՝ ներքեւ:

Սկզբում ընդառաջ ես գալիս աղոտ, հետո օդի մեջ հստակվող՝ ծովերի ու մայրցամաքների բծերը: Պարզում եմ ձեռքս՝ հենարան փնտրելով. միայն օդ եւ ոչինչ՝ օդից բացի: Հանկարծ՝ հարված ափերիս, սեղմում եմ մատներս,- ձեռքերիս մեջ գագաթնաձող է, պատկերացրեք, սովորական, ինչպես ասեղը՝ մատնոցի վրա, գմբեթի գագաթնաձող: Գլխավերեւ, երկու երեք ֆուտ բարձրության վրա՝ հողմացույց: Սկաններս պրկած՝ ձգվում եմ: Թեթեւ քամին շուռումուռ է տալիս հողմացույցը, ու ես կարող եմ հանգիստ դիտել՝ ինչ կա ոտքերիս տակ, ներքեւում, երկու-երեք տասնյակ մետրի վրա փռված գետինը՝ ճառագայթաձեւ գծագրված ուղյակներ, մարմարե սանդղահարթակներ, ծառերի խուզած տողաններ, շատրվա-նաշիթերի հիպերբոլներ. այդ ամենը կարծես ծանոթ է, առաջին անգամ

Միգիզմունդ ԿՐԺԻԺԱՆՈՎԱԿԻ

չեմ տեսնում: Գազաթնածողով սահում եմ ցած ու ծխնելույզին նստելով՝ ուշադիր զննում տարածքը. դե իհարկե, Վերսալն է: Վերսալն է, ու ես՝ Տրիանոնի գլխին: Բայց ինչպե՞ս իջնեմ: Մեջքովս սահող ծխի պիրկ քուլաները պարզ ու դյուրին միջոց են հուշում: Հիշեցնեմ. եթե ես հիմա, այսպես ասած, աճել ու որոշ կշիռ եմ ստացել, ապա այդ առաջնախաղի օրը դեռ մի քիչ էի ծանր ծխից. եւ ահա սուզվում եմ ծխի հոսքի մեջ, ինչպես սուզակը՝ ջրում, ու սահուն իջնելով՝ արդեն հատակին, մետաֆորները նետելով բուխարու մեջ, ահա այսպիսի բուխարու (պատմողի լաքած կիսակոշիկի քիթը խփվում է թուջե ճաղավանդակին, որից այն կողմ ածուխներն արդեն հասցրել են մարել): Նայեցի՜ մարդ չկա: Դուրս եկա: Բուխարին,- գրքերով ու թղթապանակներով ծանրացած երկար, անընդմեջ գրադարակներից դատելով,- պալատի գրադարանում էր: Ականջ դրեցի. պատից այն կողմ՝ տեղաշարժվող բազկաթոռների աղմուկ, հետո լռություն՝ ընդգծված միայն ճոճանակի կոտորակված տկտկոցով, հետո՝ պատով խլացած՝ ինչ-որ մեկի ձայնը, որ համաչափ քստքստում էր, ինչպես կոշիկները՝ հատակին: Ինձ՝ սլաքից թվատախտակի վրա ընկածին, իհարկե, հայտնի չէր, որ այդ պահին Վերսալի կոնֆերանսի նիստերից մեկն է: Գրադարանի սեղանին՝ քարտարան, թերթերի թարմ համարներ ու արձանագրություններով թղթապանակներ: Անհապաղ թաղվեցի ընթերցանության մեջ եւ արագ հասկացա քաղաքական պահը, բայց հանկարծ պատից այն կողմ տեղաշարժվող աթոռների աղմուկ լսվեց, աղոտ ձայներ եւ ինչ-որ մեկի քայլքը դեպի գրադարանի շեմը: Եվ այստեղ ես... ո՛չ, ըստ երեւոյթին պետք է մի անգամ էլ այցելել հին պահարանին:

Եվ Էռնստ Ունդինգը, ողջ մարմնով այդ պատմությանն ընդառաջ ձգվելով՝ անհամբեր աչքերով սկսեց հետեւել, թե բարոնն ինչպես է, պատմությունն ընդհատելով, անշտապ մոտենում պահարանի խորքից դուրս ցցված կախիչներին ու ձեռքը տանում հնամենի կամզոլի փքված գրպա-
նը:

- Ահա՛,- Մյունխհաուզենը վերջապես շրջվեց հյուրի կողմը: Պարզած ափի մեջ կարմրին էր տալիս մի ոչ մեծ սեկե, կաշվե անկյունակապերով, ոսկեզր ին-օկտավո:- Ահա մի բան, որից հազվադեպ եմ բաժանվում: Խնդրեմ. լոնդոնյան առաջին հրատարակությունը, դեռեւս հազար յոթ հարյուր ութսուներեք թվականի:

Նա շրջեց հնաբույր, մաշված կազմը: Ունդինգի աչքերը տիտղոսաթերթին թռչելով՝ սահեցին տառերի վրայով. «Բարոն Հիերոնիմուս ֆոն Մյունխհաուզենի պատմությունները Ռուսաստանում զարմանահարաշ ար-

կաձների ու պատերազմների մասին»: Կազմը փակվեց, ու գիրքը տեղավորվեց պատմողի կողքին՝ բազկաթռոճի լայնաթաթ արմակակալի վրա:

- Վախենալով, որ ինձ լրտեսի տեղ կդնեն, որը հայտնի չէ որտեղից գաղտագողի մտեցել է դիվանագիտական գաղտնիքներին,- կրկին կոշկատակերով բուխարու ճաղավանդակը գտնելով՝ շարունակեց Մյունխհաուզենը,- շտապեցի թաքնվել. բացելով գիրքս,- այ այսպես,- որքան կարող էի կծկվեցի, ծնկներս հենեցի կզակիս, զլուխս թաղեցի ուսերիս մեջ ու թառ էջերի արանքը՝ անմիջապես փակելով կազմը, ինչպես դուք եք ձեր ետեւից փակում հեռախոսախցիկի դուռը: Այդ պահին քայլերը հատեցին շեմն ու մտեցան սեղանին, որի վրա ես էի տափակել վաթսու-նութերորդ ու վաթսուիններորդ էջերի արանքում:

- Պետք է ընդհատեմ ձեզ,- բազկաթռոճից վեր թռավ Ունդինգը:- Ինչպե՞ս կարող էիք փոքրասալ այս գրքույկի չափսին: Սա առաջինը, իսկ...

- Իսկ երկրորդը,- ձեռքը սեկե կազմին խփեց բարոնը,- տանել չեմ կարող, երբ ինձ ընդհատում են... Եվ երրորդ, դուք վատ պոետ եք, ծխամորճովս եմ երդվում, եթե չգիտեք, որ գրքերը, եթե միայն դրանք գրքեր են, երբեմն համաչափելի են, բայց երբեք համաչափ չեն իրականությանը:

- Ընդունե՛ք,- քրթմնջաց Ունդինգը: Ու պատմությունը շարունակվեց:

- Դիպվածին հաճո էր, որպեսզի մարդը, որը քիչ էր մնացել հանկարծակիի բերի ինձ (ի դեպ, դա դիվանագիտական խաղաթղթերի մաշված կապուկի հաղթաթղթերից էր) նոր իրարանցման մեջ գցեց ե՛լ ինձ, ե՛լ իրեն. դիվանագիտական տուզի մատները, որ ինչ-որ տեղեկանք փնտրելով՝ մի գրքի կազմից մյուսն էին անցնում, ականա դիպան իմ ապաստարանի սեկե դռանը, էջերը բացվեցին, ու ես, խոստովանեմ՝ բավական շփոթված, մեկ եռաչափվելով, մեկ նորից եռափակվելով, չգիտեի ինչ անեմ: Տուզը բերանից գցեց սիգարը, ձեռքերը հետ քաշեց եւ չո՛ված աչքերն ինձնից չկտրելով՝ թաղվեց բազկաթռոճի մեջ: Ճար չկար. դուրս եկա գրքից, խցկեցի թեւատակս, ու մոտ քաշելով դիվանագետի դիմացի բազկաթռոճը՝ ծունկ ծնկի կտեցի նրա հետ: «Պատմաբանները կգրեն,- հավանությամբ գլխով անելով՝ ասացի ես,- որ դուք եք հայտնագործել ինձ»: Բառեր փնտրելով՝ նա վերջապես հարցրեց. «Ո՞ւմ հետ պատիվ ունեմ»: Ես ձեռքս տարա գրպանս ու լուռումուռջ նրան պարզեցի այ սա:

Բազկաթռոճի թիկնակին հետ ընկած Ունդինգի աչքի առաջ քառանկյունացավ այցեքարտը՝ գոթական տառատեսակով, ամուր խավաթղթի վրա.

Միգիզմունդ ԿՐԺԻԺՄՆՈՎԱԿԻ

Բարոն

ՀԻԵՐՈՆԻՄՈՒՄ ՖՈՆ ԱՅՈՒՆԵՎՈՒԹՅԵՆ

Ֆանտազմների եւ սենսացիաների մատակարարում:

Չեմ քաշվում համաշխարհային ծավալներից:

Ֆիրման գոյություն ունի 1720 թվականից:

Հինգ տող, որոշ ժամանակ կախված մնալով օդում, գլուխկոնծի տվեցին բարոնի երկար մատների արանքում ու չքացան: Պատի ժամացույցի ճոճանակը չէր հասցրել տասն անգամ էլ ճոճվել, երբ պատմությունը վերսկսվեց:

- Սրանից երկար չտեսած դադարի ընթացքում հասցրեցի նկատել, որ դիվանագիտական անծի դեմքի արտահայտությունը փոխվում է իմ օգտին: Քանի դեռ նրա մտքերը մեծից փոքրն էին հղվում, ես պատրաստակամորեն առաջադրեցի եզրակացությունը. «Ինձնից օգտակար մարդ չեք գտնի: Հավատացեք բարոն Ֆոն Մյունհիստուլզենի ազնիվ խոսքին: Չնայած...»,- ու ես բացեցի իմ ին-օկտավոն՝ պատրաստվելով, այսպես ասած, աշխարհից աշխարհ փոխվել, բայց դիվանագետն արագ բռնեց արմունկս. «Աստծու սիրուն, խնդրում եմ»: Դե ինչ, մտածեցի ես ու որոշեցի մնալ: Եվ իմ հին տեղը, ուր տնավորվել էի, այ այստեղ՝ վաթսուևութ ու վաթսուևինը էջերի արանքում, կհաճե՞ք նայել,- պարպվեց. կարծում եմ տեսական ժամանակով, գուցե եւ ընդմիջտ:

Ունդինգը նայեց. հետ ծավված էջի վրա, բացազատված պարբերությունների արանքում տպագրական բարակ գծերով կազմած երկարուկ շրջանակ էր, բայց շրջանակում՝ միայն գրքի էջի սպիտակ մակերեսը. պատկերազարդումն անհետացել էր:

- Ահա, ուրեմն: Իմ կարիերան, ինչպես, երեւի, ձեզ հայտնի է, սկսվեց քարտուղարի համեստ պաշտոնից՝ դեսպանություններից մեկում: Իսկ հետո... ասենք, թոպեի սլաքը բաժանում է մեզ, թանկագին Ունդինգ: Ժամանակն է:

Բարոնը սեղմեց կոճակը: Դռան շրջանակը խցկվեցին սպասավորի այտմորուսները:

- Չգե՛ստս:

Այտմորուսները՝ դռնից ներս: Տանտերը վեր կացավ: Հյուրը՝ նույնպես:

- Այո՛,- ծոր տվեց Մյունհիստուլզենը,- նրանք հանեցին իմ կամզոլն ու կտրեցին հյուսքս: Թող որ այդպես: Բայց հիշեք, բարեկամս, կգա օրը, երբ

ահա այս հնոտին (երկար մատը, լուսնալույսի տակ շողալով, մարգարեաբար ուղղվեց բաց պահարանին), ահա այս փտությունը, կախիչներից իջեցնելով, դիպակե բարձիկների վրա, հանդիսավոր թափորով, որպես տուրք մասունքներ կտեղափոխեն Վեսթմինսթորյան աբբայություն:

Բայց Էռնստ Ունդինգը փախցրեց հայացքը.

- Դուք շոջաստեցիք ինքներդ ձեզ: Արժանին եմ մատուցում որպես պոետ:

Լուսնաքարն իջավ: չյուրի համար անսպասելի՝ տանտիրոջ դեմքը փոխվեց՝ բազմաթիվ ծիծաղկոտ ծալքեր տալով ու միանգամից մի տեսակ հարյուրամյակներով ծերանալով, աչքերը կկոցվեցին՝ վերածվելով նեղ խորամանկ ճեղքերի, իսկ բարակ շրթունքները բացվելով մերկացրին երկար դեղին ատամները.

- Այո՛, այո՛: Դեռ այն ժամանակներում, երբ Ռուսաստանում էի կենում, նրանք իմ մասին ասացվածք էին հորինել. «Ամեն բարոն իր երեակայությունն ունի»: «Ամենը» հետո է ավելացվել. անունները, ինչպես որ մնացած ամեն ինչ, ժամանակի ընթացքում կորչում են: Ամեն դեպքում, միթարում եմ ինձ հույսով, որ այլ բարոններից լայնորեն ու լավ եմ օգտագործել երեակայության իմ իրավունքը: Շնորհակալ եմ ձեզ, եւ Լույնպես, ինչպես պոետը պոետին,- չոր ու կառչուն ափը սեղմեց Ունդինգի մատները:- Եվ ինչպես կուզեք, բարեկամ. կարող եք հավատալ կամ չհավատալ Մյունխհաուզենին ու... Մյունխհաուզենին, բայց եթե կասկածեք իմ ձեռք-սեղմումին, շատ կնեղացնեք ծերուկիս: Մնաց բարով: Ու նաեւ, մի փոքրիկ խորհուրդ. աչքերով մի շաղափեք բոլորին ու ամեն ինչ. չէ՞ որ տակառը ծակելու դեպքում զինին կթափվի, եւ օղակապերի տակ կմնա միայն տխմար ու արծազանքող դատարկությունը:

Ունդինգը ժպտաց դռան շեմից ու դուրս եկավ: Բարոնի հագուստը բերեցին: Քաղաքավար քարտուղարը աննկատ մտնելով սենյակ՝ խոնարհումով պատրոնին տվեց ծանր պայուսակը: Ֆրակի դարձածալը ձգելով՝ Մյունխհաուզենը ձախ ձեռքի բութ մատն ու ցուցամատը տարավ պայուսակից դուրս ցցված թղթապանակների եզրով: Իրար ետեւից անցնում էին Ազգերի լիգայի արձանագրությունները, Բրեստի հաշտության բնագիր փաստաթղթերը, Ամստերդամի կոնֆերանսի նիստերի տղազրությունները, Վաշինգտոնի, Վերսալի, Սերի եւ այլ ու այլ պայմանագրերն ու արձանագրությունները:

Քամահրանքով կկոցվելով՝ բարոն Մյունխհաուզենը ներքեւի երկու անկյուններից բռնած բարձրացրեց պորտֆելն ու պարունակությունը

թափեց հատակին: Եվ մինչ քարտուղարն ու ծառան հավաքում էին թղթի տրցակները, բարոնը մոտեցավ բազկաթոռի արմակակալի վրա համբերատար սպասող սեկե հատորիկին, որը սահեց ազատված պորտֆելի մեջ, ու կողպեքը զնգուն շխկոցով փակվեց նրա ետեւից:

Գլուխ II **Ծուխը աղմուկ է անում**

Ունդինգի ոտքերի տակով նախ վազեցին սանդուղքի աստիճանները, հետո խոնավ թափանցելով մաշված կոշկատակերով՝ մայթի ասֆալտը: Թիկունքում զվվաց բարոնի ավտոնն ու ցեխ շարտելով անցորդների վրա՝ զույգ դեղին աչքերով սուրաց զարնանային մշուշոտ աղջամուղջի միջով:

Ունդինգը, վերարկուի օձիքը բարձրացնելով, անցավ զվվացող կամարի տակով, օդում կախված չորս զուգահեռ ռելսերի տակով ու քայլեց նախկին Թագավորի փողոցի լայն ուղղագծով: Աջից ուրվազծվում էին պալատի խորանարդները, աղեղներն ու ծածկերը: Անիվների տակ ասֆալտի տրորված ապակենման լորձունքի վրայով մանուշակագույն ու լունքաշարով ձգվում էին փողոցային լապտերների արտացոլումները: Ելուստավոր պալատը պատած մթնշաղի սեւաքողի մեջ կախվել էին անձրեւից թրջված հեղափոխության դրոշները: Հետո, աջ ու ձախից, հայացքի կողքով՝ Ունտեր-դեն-Լինդենի թուջե նստարանները, եւ ընդառաջ՝ բրոնզե սմբակներով օղը տրորող Բրանդենբուրգյան դարպասների սեւ քառածի մարտակառքը:

Երկար էր գնալու: Ձգվող Տիրհարտենով, հետո՝ Բիսմարկշտրասսեով, տասնյակ խաչմերուկներով՝ դեպի Շառլոտենբուրգի արվարձանային գիծը: Խոնավ ու ծխացող օդը օդի էժանագին ու անարվեստ նմանակում էր թվում. ասես փողոցային լապտերների չոված ապակիներն ուր որ է փրփուրի թեթեւ պղպջակների պես բարձրանալու էին վեր, իսկ խավարը անձայն փլուզումով ընկնելու էր տակիքներին ու մայթերին: Քայլերին զուգահեռ առկայծող Տիրհարտենի մերկացած ծառերը անցորդին հիշեցնում էին արկերից քրքրված անտառակները, հետո զուգորդումներն աչքերին մոտեցրին եւ էլի՝ զանգատուփի ներսը մղեցին ֆանտաստիկ խրամատային փողոցների խաչածնումը: Անցորդը կանգ առավ եւ, ականջ դնելով, մտածեց, որ քաղաքի արձագանքը,- այնտեղ՝ Տիրհարտենից այն կողմ,- նման է հրետանային մարտի նահանջող դրոբոցին: Աջ

ծեռքի բուժ մատի ու ցուցամատի տակ, որ դեռ հիշում էին Մյունխաուզենի մատների վերջին հպումը, հանկարծ հստակ, համարյա մաշկը այրելով զգացվեց հրացանի փակադակի՝ կրակոցներից շիկացած պողպատը:

- Ֆանտասմագորիա,- ասողերին, լապտերներին, ծառերին ու ծառուղիների փովածքին նայելով՝ քրթմնջաց Ունդինգը:

Ինչ-որ մեկի մրսող սովերը, ասես անվանական կանչել էին, անհամարձակ մոտեցավ պոետին: Գլխարկի թրջված կմախքի տակ՝ սովից ու դիմաներկից ընդգծված այտուկներ. պոռնիկ: Ունդինգը փախցրեց հայացքն ու քայլեց առաջ: Սկզբում փորձեց նրա անվան փաղաքշականով Ֆանտասմագորիա հորինել: Բայց ոչ «հեյլը», ոչ «լեյլը» չէին կպչում: Եվ այդ ժամանակ, ականջ ղնելով իր ոտնաձայների ռիթմին, սովոր հոգեբանական ջանքով սկսեց ասոնանսներ ու ռիթմեր պոտել, արտաքին աշխարհը փոքրացավ նրա գլխարկի եզրերից, եւ բառերի համր ստեղնաշարը շարժեց իր ստեղները:

Ուտով ինչ-որ մեկի ուսին խփվելուց բանաստեղծության տունը փլվեց: Պոետը բարձրացրեց աչքերն ու շուրջը նայեց: Պարզվեց՝ իր շքամուտքն անցել է: Հանկարծ ծնկների մեջ,- կշռաքարերի պես,- ծանրություն զգաց՝ հոգնածություն: Ունդինգը մտքում դառնացած հաշվեց՝ երկու անգամ երկու հարյուր, արդյունքում՝ չորս հարյուր քայլի մաքուր վնաս. ահա եւ ամբողջ հոնորարը:

Էռեստ Ունդինգը ամեն երեկո չէր թերթ կարդում: Ճիշտ է, Մյունխաուզենի հետ հրաժեշտի գրույցից հետո երեք տողանոց մի գրառում հանդիպեց դիվանագիտական կորպուսի ներկայացուցիչ բարոն Ֆոն Ա.-ի մասին, որն ինչ-ինչ գործերով,- որ ենթակա չէին հրապարակման,- ճեպընթացով մեկնել էր Լոնդոն: Եվս մի շաբաթից թերթը շտապ հաղորդագրության խոշոր տառատեսակով հայտնեց, որ Ֆոն Ա.-ն բարեհաջող ներկայացել է Լոնդոնի ազդեցիկ շրջանակներին: Անվան մնացած տառերն ասես անհետացել էին Լոնդոնի մառախուղներում: Ունդինգը ժպտալով մի կողմ դրեց թերթը: Հաջորդող տեղեկությունները նրա կողքով անցան. Ունդինգը մրսել էր եւ անկողին ընկավ՝ հինգ, թե վեց շաբաթ դուրս մնալով բոլոր իրադարձություններից: Երբ հիվանդն այնքան կազդուրվեց, որ կարող էր մոտենալ պատուհանին ու բացել փեղկերը, դրսից խփեց արեւոտ զարնանային օդը: Ներքեւից, պատից հետ թռչելով՝ թերթավաճառների՝ իրար ընդհատող ձայները: Լուսամուտագոգի վրայով կախվելով՝ Ունդինգը լսեց նախ՝ բղավոցի վերջը, հետո՝ սկիզբը, հետո՝ ամբողջը.

- Սենսացիա: Բարոն Մյունխաուզենը Կառլ Մարքսի մասին:

Միգիզմունդ ԿՐԺԻԺՄՆՈՎՄԿԻ

- Մյունխհաուզենը...

Քամի էր բարձրանում: Ապաքինվողը փակեց պատուհանը ու դժվար շնչելով ընկավ աթոռին: Անծայն շարժվող շրթունքները արտաբերեցին.

- Սկսվո՞ւմ է:

Այդ ընթացքում բարոն Մյունխհաուզենը, բարեհաջող ժամանելով Լոնդոն, իր խոսքով, արտակարգ սիրալիի ընդունելություն գտավ տեղիս մառախուղների կողմից: Մառախուղները հնազանդ ու հավատարիմ ծառայում էին նրան: Նա կարողանում էր գլուխները ծայրեծայր լցնել մառախուղով, առավել ճարպկությամբ, քան իրենց ապրանքը բիդոնները լցնող կաթնավաճառ կանայք:

- Ձիերն ու ընտրողները,- ընկերական նեղ շրջապատում ասում էր բարոնը,- եթե ակնապանակներ չհագցնես, ձեզ անպայման կգործեն առուն, իսկ ես միշտ Տենիսի տեխնիկայի կողմնակիցն եմ եղել, որը սեփն թույլ է տալիս սպիտակ դառնալ, իսկ սպիտակին՝ գորշի միջոցով մերձենալ սեփն: Չեզոք երանգներ գեղանկարչության մեջ, չեզոքություն քաղաքականության մեջ, եւ թող Տոները, Սիխեյիներն ու ժաները որքան ուզում են աչքերը չռած նայեն մառախուղին. ինչ է այնտեղ՝ լուսին, թե՞ լապտերայուն:

Ասենք, այդ պարադոքսները հազվադեպ էին հատում Բեյսվորթեր-ոռոյի եռահարկ քոթեջի շենքը, որտեղ բնակություն էր հաստատել բարոնը: Տունը դիտմամբ էր դրդաջող ու մարդկանց մարդկանցով փոխանակող Չերինգ-Քրոսից հեռու ընտրվել: Քոթեջի ետեւում՝ Փադդինգթոնի լայնահուն ու ոչ այնքան աղմկոտ փողոցները, իսկ վերնահարկի պատուհաններից,- ցանկապատի երկար գալարագծից այն կողմ,- Քեսինգթոնի զբոսայգու լռակյաց ծառուղիները. ձմռանը նրա ծառերի վրա բամբակի փերթերի պես ձյուն էր նստում, ամռանը՝ սովերների թանաքաբծերով պատած ծառերի տակ՝ ուղյակների քրքումե ավազը:

Այդտեղ բնակություն հաստատելով՝ բարոն Մյունխհաուզենը նախեւառաջ կարգադրեց ամբողջովին փորել փոքրիկ պարտեզը, որն իր ծաղկագորգի ու խուզած խոտի զարդանկարով սեղմվել էր տան կարմիր աղյուսների, եւ անծամբ թուրքական բակլայի սերմեր ցանեց, որ հնամենի տուփով հատուկ բերել էր իր ուղեպայուսակում: Երկու-երեք անգամ ջրելուց հետո բակլան զարմանալի արագությամբ պարուրածեւ տարածվեց պատն ի վեր: Դեռ կեսօրին առաջին հարկի մակարդակին էր, իսկ երեկոյան, երբ պղտոր լուսինը դուրս եկավ թխադարչնագույն մառախուղից, կանաչ ոլորքների բարակ բեղիկները հասան երրորդ հարկում գտնվող

առանձնասենյակի պատուհանին. տանտերն այդ պահին աշխատում էր այնտեղ՝ մարգարտաշար տառերով ինչ-որ նոթատետրեր դրած լամպի կանաչ թասակի տակ: Բակլայի պարույրները շարժում էին բեղիկների բարակ թելերը՝ ակնհայտորեն նշան բռնելով լուսնի մանգաղին: Բայց Մյունխհաուզենը խիստ նայեց նրանց ու սպառնաց մատով.

- Էլի՞:

Եվ զարմացած անցորդներն առավոտյան զլուխներն օրորելով նայում էին փարթամացած ընծյուղներին, որ պտույտ տալով հասել էին ընդհուպ տանիքին, ու կանաչ պարույրներով հանկարծ վերադարձել հետ ու իջել գետին: Այդ օրվանից Բեսվոթեր-ռոդի տունը սկսեցին կոչել «Խելազար բակլայի քոթեջ»:

Բարոն Մյունհաուզենի օրակարգը հաստատում էր նորածեւ ամերիկացի գրողի խոսքը. «Մարդկության հոգեւոր առաջնորդներն աշխատում են օրական երկու ժամից ոչ ավելի, ընդ որում, ամեն օր չէ, որ աշխատում են»: Սովորաբար, անկողնուց վեր կենալուց հետո բարոնը, մի գավաթ մեր-վայե սուրճ խմելով ու ծխամորճ ծխելով՝ նայում էր թերթերը, զիջերային ոտնամանները փոխում սուրճի լիսակոշիկներով: Հետո սկսվում էր զբոսանքը: Բարոնն առաջին մասը կատարում էր ոտքով. կտրում էր կանաչախիտ Քեսինգթոնը՝ հյուսիսային դարպասներից մինչեւ արեւմտյան դարպասները: Նրան դուր էր գալիս տեսնել ուղյակների վրա թռչկոտող բազմաբղետ ճառագայթները, փոքրիկ շերեփուկները, որոնց համար տարեց, միսիս չդարձած միսսերը հեքիաթներ էին կարդում խոշորատառ, պատկերազարդ գրքերից: Չախից իր գորշ թեփուկներն էր ճկում Օձ գետը: Աջից,- քայլերին ընդառաջ,- ճյուղերի ոստայնի միջով՝ չգո Պիտեր Փէնի հուշարձանը: Վարորդ Տոնին բացում է դուռը, եւ բարոնը, շխկոցի հետ՝ անփոփոխ.

- Դեպի ամենաչգոն:

Տոնին՝ «Լում եմ»: Եվ լիմուզինը, շրջանցելով Քեսինգթոնի ու Հայդպարկի ցանկապատերը, դեկի աջ դարձով եւս չորս անիվ է գումարում ապակի ու քար հազած Պիկադիլիի երկարությամբ անցնող հազարավոր անիվների: Իսկ հետո՝ ափով,- եւ աջից՝ մառախուղին հյուսված տանիքների կողերից վեր,- Թամփի աշտարակներն ու Սք. Պողոսի կլոր գմբեթը: Տաճարի սանդուղքի տակ Տոնին կրկին բացում է դուռը. Հասա՛նք:

Բարոնը ողորմություն է տալիս մուրացկաններին ու մտնում տաճար: Առավել հաճախ նա այցելում է Ըշուկի սրահը, որը կարող է հարյուրավոր ոտնաքայլեր տեղափոխել ամենաթույլ շրշյունը կամ հազիվ լսվող բառե-

Միգիզմունդ ԿՐԺԻԺՄՆՈՎՄԿԻ

րը. բայց երբեմն էլ ուղղվում է դեպի Վելլինգթոնի դամբարանի վեհատեսիլ մարմարները: Այստեղ միշտ զբոսաշրջիկներ են խմբված, որոնց աչքերը վազում են խոյակների տերեւազարդ ոլորագծերի, ամպիովանու ծոպերի ու քարին փորագրված տառերի վրայով: Բայց Մյունխհաուզենին ուրիշ բան է հետաքրքրում: Ծառայողին կանչելով՝ նա մատը տնկում է տապանաքարի տարրերի մեջ կորած այլաբանական կերպարների վրա.

- Ի՞նչ է սա:

- Ճշմարտության եւ Ստի իրական պատկերը, սը՛ր:

- Իսկ դրանցից ո՞րն է Ճշմարտությունը,- աչքերն է կկոցում Մյունխհաուզենը:

- Ձեր թույլտվությամբ, այ սա:

- Անցած անգամ, հիշում եմ, սրան Սուտ կոչեցիք,- աչքով է անում բարոնը, եւ աչ հոնքը կեռվում է: Այստեղ ծառայողը, որն արդեն վարժել է այցելուների տարօրինակություններին, գիտի, որ վրա է հասել պահը, երբ ոչ Ճշմարտությանը պիտի նայի, ոչ էլ Ստին, այլ հարուստ այցելուի մատների արանքում շողացող արծաթե շիլլիկին, ապա երախտապարտ խոնարհի ու չքվի: Մյունխհաուզենը տաճարից դուրս է գալիս խաղաղ, համարյա պայծառացած դեմքով ու ոտքը ավտոռի ոտնակին դնելով՝ անփոփոխ ասում.

- Երբ էլ գաս Աստծու մոտ, տանը չի: Մյուսներին փորձենք:

Նչւում է հասցեն, եւ Տոնին կամ դեկը աջ է դարձնում՝ դեպի Պատեր-նոստեր-սթրիթ, կամ ձախ՝ դեպի երկրագնդով մեկ տառեր ցփևող Ֆլիթ-սթրիթի իրարանցումը, որտեղից արդեն Լոնդոնի տասներկուվերստանոց շառավղագծերն են ձգվում լիմուզինի անիվների շրշյունի տակ:

Երկու-երեք այց կատարելով՝ բարոնը գլխով է անում վարորդին՝ տո՛ւն: Վերադառնում են ավելի հաճախ Իսթ-Էնդի աղքատ թաղամասերով: Կեղտոտ պատերով տները նման են մամլած մառախուղի, բայց լիմուզինի կաշվե բարձերին թիկնած մարդը մտածում է, որ միայն մի բան աշխարհում հնարավոր չէ ցրել ու քշել քամիներով՝ աղքատությունը:

«Խելագար բակլայի քոթեջում» արդեն սպասում են լրագրողները: Նրանց մատիտները սկսում են շարժվել: Մյունխհաուզենը համբերատար ու սիրալիր պատասխանում է բոլոր հարցերին:

- Իմ կարծիքը պառլամենտարիզմի մասին: Խնդրեմ. հենց երեկ ավարտեցի բոլոր հոռետորների լեզուները բարձրացնելու եւ իջեցնելու վրա ծախսվող մկանային ջանքերի հաշվարկը: Անգլիայում. մի զեկուցողին երեք ընդդիմախոսի հաշվարկով, եթե վերցնենք ստորին ու վերին

պալատները, տարեկան նիստերը բազմապատկելով տարիների թվով, հազար երկու հարյուր վաթսուհինգ թվից մինչև հազար ինը հարյուր քսան թիվը հաշված, գումարելով խմբակցությունները, հանձնաժողովներն ու ենթահանձնաժողովները, եւ այդ ամենը վերածելով փութ-ֆուտերի ու ծիաուժերի՝ կստանանք,- պատկերացրե՛ք միայն,- մի ուժային լիցք, որը կհերիքի երկու Քեոփսի բուրգ կառուցելուն: Ինչպիսի՜ փառահեղ նվաճում: Իսկ սոցիալիստներն այդ ամենից հետո պնդում են, թե մենք չգիտենք ինչ է ֆիզիկական աշխատանքը:

- Պայքարի իմ մարտավարությունը: Սոցիալական՝ առումով: Չափազանց պարզ է: Պարզունակության աստիճանի: Նույնիսկ աֆրիկյան վայրենիներն են այն կարողացել ձեռակերպել: Այո՛, այո՛. նրանք Վիկտորիա լճում մի ջրվեժ ունեն. մոտենալիս,- արդեն բազում կիլոմետրերի վրա,- լսվում է աղմուկը, մոտենալով՝ տեսնում ես ջրափոշու հսկա ամպը՝ երկնքից գետին: Վայրենիներն այն անվանել են Սոզի-սա-Տուևյա, որ նշանակում է՝ ծուխն աղմուկ է անում: Ահա այսպես:

- Դուք այնտեղ եղե՞լ եք, սը՛ր,- հետաքրքրվում է լրագրողը:

- Ես եղել եմ չեղածի մեջ. դա շատ ավելի հեռվում է: Եվ ընդհանրապես, ես գտնում եմ,- գրո՞ւմ եք,- որ իրական են միայն երկու ուժ՝ աղմուկն ու խելքը: Եթե նրանք երբեւէ միանային... Ասենք, եկեք սրանով ավարտենք:

Բարոնը վեր է կենում, լրագրողները պահում են նոթատետրերն ու հրաժեշտ տալիս:

Դրանից հետո ծառան զեկուցում է՝ ճաշը մատուցված է: Մյուսխիաուզենն իջնում է ճաշասենյակ: Մշտապես կերակրացանկում են նաեւ նրա սիրած տապակած բադերը: Կշտանալով՝ բարոնն անցնում է աշխատասենյակ ու տեղավորվում փափուկ բազկաթոռի մեջ. մինչ ծառան նրա մեկնած ոտքերից հանում է կոշիկներն ու փոխարինում աղվափետրե ոտնամաններով, բարոնը, աչքերը բարեհոգի կկոցելով, կուշտ հայեցողականությամբ հետետում է, թե լոնդոնյան անձրեւն ինչպես է պատուհանից այն կողմ ստվերագծում զբոսայգու կանաչ բնապատկերը: Վրա է հասնում այն ժամը, որը «Խելագար բակլայի քոթեջում» ընդունված է կոչել հետճաշյա աֆորիզմի ժամ: Շեմին անշշուկ քայլերով հայտնվում է բարեվայելուչ միսսը եւ, անկյունում առաջ քաշելով գրամքենայով սեղանիկը, մատները դնում ստեղնաշարին: Մյուսխիաուզենը միանգամից չի անցնում թելադրությանը. նախ երկար ծծում է իր ծխամորճը՝ բերանի մի անկյունից մյուսը մղելով, ասես ընտրելով, թե որ անկյունով ծխի: Չար-

Միգիզմունդ ԿՐԺԻԺԱՆՈՎԱԿԻ

մանալի է ծխում բարոնը. սկզբում՝ գորշաճերմակ պտտվող գնդակերպեր, հետո դրանց շուրջը, թափանցիկ սատուռնական օղակներով,- մեկը աջ պտտվող, մյուսը՝ ձախ,- դանդաղասահ ծխի ոլորքներ:

- Գրե՛ք: Հին լիմբուրգյան պանիրը ոչ մեկին չի խղճում, բայց համե-
նայնդեպս լալիս է:

- Մինչ ոստրեն կհասցնի կարծիք կազմել լիմոնի հոտի մասին, արդեն կերված կլինի:

Միսսի ականջները թաքսված են շեկ խոպոպների տակ, նա աֆո-
րիզմներին կիսադարձ է նստել, աչքերը՝ անձրեւի շեղ տողերին, բայց
մատները կտկտում են ստեղների, անձրեւը կտկտում է ապակուն,- ու
թելադրությունը շարունակվում է, մինչեւ բարոնը, ծխամորճի մոխիրը
թափ տալով, չասի.

- Շնորհակալ եմ: Վաղը՝ սովորականի պես:

Նա փորձում է վեր կենալ, բայց նիրհը ծանրացրել է մարմինը, մշուշել
մտքերը, եւ իրականությունը, շիկահեր միսսի հետ, անշշուկ քայլերով
դուրս է գալիս սենյակից:

Իսկ ծանրացած կոպերի տակ՝ տեսիլքների հերթագայություն. երազի
ավտոմոբիլը Մյունխհաուզենին տանում է երազի փողոցներով. դրանք
տարօրինակ կերպով ամայի ու համր են, եւ ոչ մի անգամ չչակի փողակը
չսեղմելով՝ Տոնին անիվների շրշյունը կանգնեցնում է Սբ. Պողոսի սյու-
նաշարի տակ: Մյունխհաուզենն արդեն իջեցրել է ոտքը աստիճանին ըն-
դառաջ, երբ տաճարը սկսում է շարժվել, գլուխը, հսկայական-կլոր գլ-
խարկի տակ, խոնարհվում է՝ խաչով օղը պոզահարելով, երկթեք մեջքը
կորացել է, ու հրեշը, իր բոլոր գանգալեզուները շարժելով՝ բղավում է.
«Սը՛ր, ինչպե՛ս հասնել Սավուդի փողոց, ուղի՞ղ, թե՞ թեքվենք»: Ճարպիկ
Տոնին արագ գործի է գցում շարժիչն ու դեկի կտրուկ պտույտով՝ հետ.
բայց հրեշը, իր տասներկու հսկա սյուների քայլերով ու քարշ տալով քա-
րե իրանը՝ նրանց ետեւից: Արագությունների փոխանցման տուփը կրճ-
տոցով սլաքը նետում է առավելագույնի վրա: Բայց հրեշը սյունավոր թա-
թերը ճարպիկ շարժելով՝ ավելի ու ավելի մոտ: Մեքենան ողջ թափով շր-
ջադարձ անում ու մտնում է Իսթ-Էնդի նեղ փողոցներից մեկը: Տաճարը
փորձում է հասնել ետեւից՝ քարե ուսի ուղղանկյունը խցկելով փողոցի
ճեղքը: Եվ այստեղ Մյունխհաուզենը նստիքի վրա վեր թռչելով՝ գոռում է
աջից ու ձախից ձգվող հարյուրավոր քառակուսի աչքերին. «Հե՛յ, ի՞նչ եք
չովել, կանգնեցրեք սրան»: Եվ տներն առաջին իսկ կանչին փակում են
տաճարի ճամփան: Բարոնը թեթեւացած շունչ քաշելով ընկնում է բարձե-

րին, բայց այդ պահին տեսնում է իրեն դարձած Տոնիի մահացու գունատ դեմքը. «Այս ի՛նչ արեցիք: Կործանվում ենք»: Եվ իսկապես, բարոնը միայն հիմա է տեսնում, որ չքավոր Իսթ-Էնդի տները միջևատարածքներ չունեն, զողված են իրար, աղյուսը աղյուսին՝ կազմելով մեկ, միայն համարակիշերով մասնատված զանգված. եւ հենց թիկունքում մոտենում են իրար, առջեւի աղյուսե տուփերն էլ ստիպված են նույնը անել, ու փողոցը դանդաղ առաջ է մղում պատերը՝ սպառնալով ճզմել եւ՛ պացող ավտոմոբիլը, եւ՛ նրա մեջ գտնվողներին: Մեքենայի տոնիները,- ո՛հ, ո՛հ,- շխկում են պատերին, արագ՝ առջեւում հրապարակի բացվածքն է, բայց ուշ է, հսկա գլանիչը անգոր բզզացող ավտոն արդեն սեղմել է բազմահարկ տուփերի մամլակում, պողպատե անվաթեւերն ու թափքը խշրտում են, հողի ու ներբանի արանքն ընկած միջատի թեւիկների պես: Սյունխաուզենը ոտքի հարվածով տեղահան է անում աջից վրան եկող պատուհանի շրջանակն ու նետվում ներս: Բայց խեղճ Տոնիի բախտը չի բերում,- երկու պատուհանների արանքում է,- փողոցը սեղմել է աղյուսն աղյուսին,- կարճ ճիչ, որ կորչում է վիթխարիների բախման մեջ,- ամեն ինչ խաղաղվեց: Ու հանկարծ՝ ետեւից. «Ապակեգործին դուք եք վճարելու, սը՛ր»: Սյունխաուզենը շոջվում է. աղքատիկ, բայց կոկիկ կահավորված ինչ-որ սենյակում է, մեջտեղը՝ խոհանոցի սեղան, սեղանի շուրջը՝ գոլորշի արծակող թասերի գլխին՝ մի տարեց մարդ, առանց պիջակի, մի չորչորուկ կին՝ այտերի հիվանդոտ վարդագույնով, ու երկու տղա երեխա. ոտքերը նստարանից կախ, գդալները բերաններում սառած՝ երեխաները հիացած գնում են եկվորին: «Պետք է ձեզ գգուշացնեմ, որ ապակին թանկացել է,- թասի պարունակությունը խառնելով՝ շարունակում է տղամարդը:- Թո՛ւմ, աթոռ տուր պարոնին, թող նստի»:

Բայց Սյունխաուզենի մտքով իսկ չի անցնում նստել. «Ինչպե՞ս կարող եք նստել այստեղ, երբ Սավուղը Պողոսում է, փողոցներ չկան, եւ ընդհանրապես ոչինչ չկա»: Տղամարդը, ի գարմանս բարոնի, գարմացած չէ. «Եթե ոչնչին ոչինչ գումարենք, մեկ է ոչինչ ենք ստանալու: Եվ գնալու տեղ չունեցողի ինչի՞ն է պետք փողոցը, մի՛սթր: Կերեք, երեխանե՛ր, սառչում է»:

Բարոնը, ասես մի նոր պատ է շարժվել վրան, սիրալիք առաջարկված աթոռը շուռ տալով, հետ-հետ է գնում դեպի դուռը եւ աստիճաններով՝ ներքեւ. տան խորանարդը՝ չորս պատերի արանքում: «Իսկ եթե սրա՞նք էլ»: Արագ՝ դեպի ցածր դարպասատակը. նորից խորանարդը՝ չորս կախված պատերի արանքում, դարպասներն՝ ավելի ու ավելի ներքեւ, ու նորից խորանարդը՝ ավելի սեղմված պատերի արանքում: «Անիծյալ շախ-

Միգիզմունդ ԿՐԺԻԺԱՆՈՎԱԿԻ

մատիստուիի»,- մրմնջում է վախեցած Մյունխհաուզենը ու անմիջապես էլ տեսնում. խորասանարդի կենտրոնում՝ հսկա կլոր ոտքի վրա, սեւ լաքած բաշը խռիվ՝ շախմատային ձին: Ոչ մի վայրկյան չհապաղելով՝ Մյունխհաուզենը թռչում է ծիու ուժեղ վզին. ձին թափ է տալիս փայտե ականջները, եւ ծնկներով սայթաքուն լաքը սեղմած՝ Մյունխհաուզենը զգում է՝ շախմատային միոտանին, կռակալով, ցատկում է առաջ, էլի առաջ ու՝ կողք, կողքից առաջ, առաջ ու կողք. գետինը մեկ տապալվում է ցած, մեկ, գագաթնածողերն ու տանիքները թափահարելով, խփվում ձիու կլոր սմբակին. բայց սմբակին,- Մյունխհաուզենը դա լավ է հիշում,- փափուկ մահող է սոսնձված,- կատաղի վարզը շարունակվում է, առկայծում են կախ հրապարակները, հետո դաշտերի քառակյուններն ու քաղաքների վանդակները,- էլի եւ էլի,- առաջ, առաջ ու՝ կողք եւ առաջ. կլոր սմբակը խփվում է մեկ խոտի, մեկ քարի, մեկ սեւ հողին: Հետո ականջներում սուլող քամին հանդարտվում է, ձիու ցատկերը՝ ավելի կարճ ու դանդաղ - նրանց տակ հարթ ձյունածածկ դաշտ է, ձևակույտերից ցուրտ է փչում, ձին, սեւ երախը բացած, մի ցատկ էլ է անում ու կանգնում սարսեցնող դաշտի կենտրոնում. մահողապատ ոտքը սառել-կպել է ձյանը: Ի՞նչ անել: Մյունխհաուզենը փորձում է առաջ մղել ձիուն. «Դեպի g8-f6; f6-d5, գրո՛ղը տանի, d5-b6», - գոռում է կա՛ հիշելով «Ալեխինի պաշտպանության» զիզգազը: Ապարդյուն: Ձին իրենը վարզել է. փայտե յաբուն հոգի է տալիս: Մյունխհաուզենը զայրույթից ու սրտնեղությունից լաց է լինում, բայց արցունքները սառչում են թարթիչներին, ցրտից անհնար է թեկուզ մի վայրկյան տեղում մնալ եւ ականջները տրորելով՝ կա քայլում է,- առաջ, առաջ ու՝ կողք, փևտրելով գոնե մի բիծ ձյունածերմակ սփռոցի վրա, որ կոկիկ, առանց մի ծալքի ծածկել է հսկայական կլոր, միայն հորիզոնով եզրագծված սեղանը: Ու հանկարծ տեսնում է՝ այնտեղ, առջեւում, թեթեւ ստվերի պես սահելով, ինչ-որ երկար, սրանկյուն գոթական տառերից կազմված փշոտ ու ճկուն բազմոտանի: Մյունխհաուզենը աչքերով որսում է տառերի սեւ շարանն ու կարդում. իր անունն է: Չարմանքն անշարժացնում է Մյունխհաուզենին: Այդ ընթացքում տասնութառանի ԲԱՐՈՆ ֆոն ՄՅՈՒՆԻՍԿԱՆՈՒՉԵՆԸ ժամանակ չի կորցնում՝ վանկերը կորացնելով սողում է դեպի գետնից անսպասելի դուրս պրծած սահմանասյունը. սյան վրա տախտակ է, տախտակին՝ նշաններ: Մյունխհաուզենը, սառած ներբանները դժվարությամբ գետնից կտրելով՝ փախչող անվան ետեւից: Բայց անունն արդեն հասել է սյանը եւ կարմիր ու սպիտակ շերտերը հարթավայրի վրա կախած արզելափակոցին ու շրջվում է, որ կայի՝ հետապն-

դողը հեռո՞ւ է: Այդ ժամանակ,- Մյունխհաուզենը պարզ տեսնում է,- արգելափակոցն արագ իջնում է. կարմիր-սպիտակ շերտերը խփում են ութերորդ տառին, եւ անունը, դանակով հատված օծի պես, տառապագին ճկում է բաժան-բաժան վանկերը. ՄՅՈՒՆԻՏԻՆԿԱՆՈՒԶԵՆԸ՝ այսն մի կողմը, ԲԱՐՈՆՏՖՈՆԸ՝ այս: Թանաքահոսող Ն-ի վրա հենված՝ խեղճ ԲԱՐՈՆՏՖՈՆԸ՝ դեսուդեն է նետվում՝ չիմանալով ինչ անի: Մյունխհաուզենի աչքերը՝ տառից տառ՝ ձյան վրայով՝ դեպի սահմանասյան նշանները. ԽՍՀՄ: Սի վայրկյան կանգնում է բերանը բաց, հետո հայտնվում է միտքը՝ թողնել անունն ու փախչել: Բայց կոշկատակերն արդեն սառել-կպել են ձյանը: Նա բարձրացնում է աջ ոտքը, հետո՝ ձախը, ու հանկարծ սահմանային քառատառությունը սկսում է շարժվել: Սարսափած Մյունխհաուզենը դուրս է թռչում կոշիկներից ու միայն զուլպաներով՝ սառցակեղեւի երեսով. ցուրտը կառչում է ներբաններից, նա հուսահատ այս ու այն կողմ է նետվում եւ... արթնանում է:

Աջ կոշիկն ընկել է ոտքից, ու ներբանի տակ մանրահատակի սառը մոմած քառակուսին է: Անձրեւը մանրահատիկ ծեծում է պատուհանը, բայց գիշերը պատել է նրա շիթերի բարակ ստվերազծերը: Կկուն բուխարու վրա կանչում է յոթ անգամ: Բարոն ֆոն Մյունխհաուզենը ձեռքը պարզում է գանգակին:

«Խելագար բակլայի քոթեջը» վառում է լույսերը ու պատրաստվում ընդունելու երեկոյան հյուրերին: Ներքեւում,- նորից ու նորից,- կաղնեփայտե դռանն է խփվում մուրճիկը. սկզբում հայտնվում է բորսայի արքան, մի րոպեից՝ դիվանագիտական տուզը: «Ետո՛՛ իրեն ոգեհարցության նվիրած ծեր լեդին, ու երբ վերջապես շեմին երեւում են բանվորական կուսակցության առաջնորդի վիատ կախված բեղերը, Մյունխհաուզենը սիրայիր վեր է կենում ու գնում ընդառաջ՝ հաջողակ խաղացողի տեսքով գոչելով.

- Խնդրեմ մեզ մոտ՝ խաղի: Միայն ձեզ էինք սպասում:

Բայց սպասվածներից բացի ժամանում է նաեւ նախկին անպորտֆել մինիստրը, որին հարմարավետ քոթեջը, ի դեպ ասած, նույնքան ջերմ ու հյուրընկալ է դիմավորում:

Նորություններ են փոխանակում՝ չորջանցելով ոչ անկողինները, ոչ խորհրդարանը, փորձում են գուշակել առաջիկա նշանակումները, Չի-նաստանի իրադարձությունները. անպորտֆել մինիստրի հետ բարոնը զրուցում է մի անմինիստր պորտֆելի մասին, իսկ հոգեհարցուկ տիկինը պատմում է.

Միգիզմունդ ԿՐԺԻԺԱՆՈՎԱԿԻ

- Երեկ Պիտշլեյների մոտ էինք, կանչեցինք Լի-Հունգ-Չանգի ոգին. «Եթե այստեղ ես մի անգամ թխկացրի, եթե ոչ՝ երկու անգամ», ու պատկերացրեք՝ Չանգը երկու անգամ թխկացրեց:

Այդ պահին ներքեւից՝ կրկնակի հարված դառնը:

- Մի՞թե Լին է,- վեր է թռչում տանտերը՝ պատրաստ սիրալիք ընդունելու ուրվականին: Բայց շեմին ծառան է.

- Նորին սրբազնություն եպիսկոպոս Նորթումբերլենդերցին:

Եվ մի րոպե անց մատանեկիր ձեռքը օրհնում է ներկաներին:

Չրոպցը շարունակվում է: Ծառան յուղահաց է բերում, թեյ՝ ճեւապակե գավաթներով ու կյումելով՝ բարակոտն ըմպանակներ: Որոշ ժամանակ բառերը բերանից բերան են անցնում, հետո սրբազնությունը, թեյի գավաթը հետ մղելով՝ տանտիրոջը խնդրում է որեւէ բան պատմել: Տիկնոջ թույլտվությամբ բարոն Սյունխաուզենը ձեռքն է առնում ծխամորճն ու, ժամանակ առ ժամանակ ծխափողը խոխոացնելով, սկսում է պատմել: Եվ անմիջապես էլ լսողների ուշադիր սրված ականջները սկսում են թառամել, սկզբում՝ եզրերից, հետո՝ ականջախեցու կոճիկով ներս ու ներս, եւ աշխան տերեւների պես ոլորվելով, ականջ ականջի ետեւից, առանց շշուկ ու շրշուկի, թափվում են հատակին: Բայց կարգապահ ծառան ավելով ու գոգաթիով հայտնվելով հյուրերի թիկունքում՝ անծայն հավաքում է ականջներն ու դուրս տանում դռնից:

- Այս դեպքը պատահել է, երբ վերջին անգամ այցելել էի Հոմ,- ծխի քուլաներն է շարժում պատմողի ձայնը:- Աշխանային թարմ առավոտ էր, երբ սուրբ Պետրոսի մայր տաճարի աստիճաններով իջնելով՝ կտրեցի Բեռնինիի սյունաշարով շրջանակված հրապարակը ու շրջվեցի ձախ՝ Բորգո Սան Անջելո նեղ փողոցը: Եթե ձեզ վիճակվել է լինել այնտեղ, երեւի հիշում եք antichita-ի [Անտիկ, հնություն - իտ.] փոշոտ պատուհաններն ու յուրատեսակ կրպակները առետրական միջնորդների, որոնք ձեզնից իրն ու մի քանի սուղի ստանալով՝ պարտավորվում են մի շաբաթից այն վերադարձնել առանց սուղիի, բայց պապական օրհնությամբ: Քանի որ օրհնությունն այդ իրի մեջ անտեսանելի է ներկա, պատվերներն արագ ու միշտ ժամանակին են կատարվում: Այդտեղ միշտ կարելի է բերել որեւէ Էժանագին հմայիլ, ջերմատենող բուժող օձի ատամ, չար աչքը խափանող մարջանե եղջյուրիկներ, մատուցների ամբողջական հավաքածու՝ սուրբ Ֆրանցիսկոսից մինչեւ սուրբ Յանուարիուսը ներառյալ, կուկիկ տեղավորած դեղատնային տոպրակներում: Մտա այդպիսի մի կրպակ ու խնդրեցի սուրբ Ոչոքի մատուցը: Կրպակատերը մատը սահեց-

րեց թղթե տոպրակների վրայով. «Գուցե սիևյորը բավարարվի սուրբ Ուր-տուլայո՞վ»: Ես բացասաբար գլխով արեցի: «Կարող եմ սիևյորին օգտա-կար լինել սուրբ Պաչեկոյով. արտակարգ հազվագյուտ մասունք է»: Ես կրկնեցի իմը՝ "Der heilige Niemand" [*Սուրբ Ոչոք - գերս.*]: Կրպակատերն ըստ երեւոյթին ազնիվ մարդ էր, տարածեց ձեռքերն ու տխրությամբ խոստովանեց, որ պահանջվածն իր կրպակում չկա: Արդեն պատրաստ-վում էի շրջվել դեպի դուռը, երբ հանկարծ ուշադրությունս գրավեց անկ-յունում, դարակին դրված մի առարկա. պստիկ սեւ տուփ էր, որ կիսաբաց կափարիչի տակից դուրս էին ցցվել խճուճի խառնշտած գզուզները: «Սա ի՞նչ է», - շրջվեցի վաճառատեղանի կողմը, եւ աճյունավաճառի հաճկա-տար մատները անմիջապէս մոտեցրին ապրանքը: Պարզվեց՝ կիսա-խանձ խճուճի կտոր է, որ մասնակցել էր Պիոս Տասներորդի առաքելաց-ման ծեսին: Ինչպէս բոլորին հայտնի է, պապ օծելիս ընտրյալի տնկու-րայի վրա խճուճ են վառում՝ արտասանելով "sic transit gloria mundi" [*Այս-պէս է անցնում երկրային փառքը - լատ.*] ծիսական բառերը: Եվ ահա, ինչպէս երդվում էր կրպակատերը, որին չհավատալու հիմք չունեի, Պիո-սի վրա արվող այդ ծեսի ժամանակ, հենց նվիրական բառերն արտասա-նելու պահին անսպասելի քամին քշում է խճուճի կտորը, որն էլ նրան՝ հազվագյուտ իրեր հավաքողին հաջողվել էր ձեռք բերել որոշ գումարով. «Սիևյորը կարող է անձամբ համոզվել,- աճյունավաճառը բացեց տուփը,- որ խճուճը վառված է եզրերից ու այրվածահոտ է գալիս»: Իրոք այդպէս էր: Ես հարցրի զինը: Նա մի կտորիկ գումար ուզեց: Ես կես զցեցի: Նա իջեցրեց, ես ավելացրի. արդյունքում՝ պապական խճուճով տուփը հայտնվեց իմ գրպանում, իսկ ես,- երկու ժամ անց,- Հոմ-Ճենովա գնաց-քում: Չէի ուզում բաց թողնել քրիստոնյա-սոցիալիստների հերթական կոնֆերանսը, որի նիստերը նշանակված էին հենց այդ ժամանակ, Ճենո-վայի Palazzo Rosso-ում [*Կարմիր պալատ - իտ.*]: Անհնարիությունների սիրահարի համար, որոնց թվին ինձ թույլ եմ տալիս դասել, այցելությունն այդ կարգի հավաքոյթներին երբեմն ուսանելի է լինում: Վագոնի պատու-հանները բաց էին. Ծովի խոնավ օդը, հետո, Ճենովային մոտիկ՝ թունել-ների շարքը, հեղձուկի փոխարինվելը միջանցաքամով՝ ցուրտ առա, եւ արդեն քրիստոնյա-սոցիալիստների առաջին նիստի կեսին տկարություն զգացի: Պետք էր բուժական միջոցներ ձեռնարկել: Ձեռքս գրպանս տա-նելով՝ շոշափեցի տուփն ու հիշեցի, որ ականջները խցկած բամբակը, իսկ դրա բացակայության դեպքում՝ խճուճը, արմատական միջոց է մր-սաձուռյան դեմ: Բացեցի սեւ կափարիչը եւ աջ ու ձախ ականջներս խց-

Միգիզմունդ ԿՐԺԻԺԱՆՈՎԱԿԻ

կեցի պապական բամբակի փերթերը: Եվ անմիջապես... Օ՛, եթե իմանալիք ինչ կատարվեց: Հոետորները խոսում էին, ինչպես որ խժուժից առաջ, բերանները շարժվում էին՝ արտաբերելով ճառերը, բայց ոչ մի հնչյուն, բացի իմ ժամացույցի թիկ-թակից, թմբկաթաղանթներիս չէր հասնում: Ոչինչ չէի հասկանում. եթե խլացել եմ, ապա ինչպես եմ բառերը չլսելով՝ լսում ճոճանակի տկտկոցը. եթե ականջներս խցանած խժուժը խլացնում է ձայները, թուլացնում լսողությունը, ապա ինչպես եմ բարձր ձայները ժամացույցի համարյա ակսելի ընթացքից ցածր լսվում: Անտրամադիր՝ լքեցի ժողովը, անցա անձայն խոսող բերանների մոտով եւ հաճելիորեն զարմացած էի, երբ, հայտնվելով փողոցում, դեռ սանդուղքի վերջին աստիճանից չիջած, հանկարծ խժուժի միջով լսեցի. «Mancia» [*Այստեղ՝ ողորմություն - իտ.*]: Մի ծեր մուրացկան կին էր ասողը: Պարզ էր՝ խժուժը դադարեցրել էր իր արգելակող ազդեցությունը: Կեղտոտ քրջերի միջից՝ պառավի ափն ինձ ընդառաջ, բայց շտապելով ստուգել եզրակացությունս՝ ես նետվեցի հետ՝ նիստերի դահլիճ: Ճեպացի ներս, բայց եզրակացությունս ավելի հապճեպ էր. նորից այցիս առաջ՝ շարժվող բերաններ, սակայն բերաններից՝ ոչինչ, բացի արտաբերվող լուրջությունից: Սա ի՞նչ սատանայություն է,- ներեցեք, ձե՛րդ սրբազնություն, սատանային հետ եմ վերցնում,- սա ի՞նչ կարող է նշանակել: Հիպոթեզ հիպոթեզի ետեւից եմ կառուցում ու հանկարծ հիշեցի, որ ականջներիցս դուրս ցցված խժուժն առանձնահատուկ է, նվիրական, ծխի հետ նաեւ ամբողջ gloria mundi-ն վանող, եւ դրա միջով երկրային փառքի ծարավի, անցավոր ոչինչ չի կարող անցնել: Անկասկած այդպես էր: Չնածիս համար Բորգո Սան Անջելոյի աճյունավաճառին շատ թանկ չէի վճարել. բայց քրիստոնեական սոցիալիզմի աղեպտների ճառերն ինչո՞ւ են թաղվում իմ բամբակի մեջ ու չեն հասնում լսողությանս:

Ծանր մտորումների մեջ՝ վերադարձա հյուրանոցի համարս: Որոշել էի միևնույն հաջորդ նիստը կատարելագործել իմ գտիչը, որը քրիստոնյաներին գատում է մերձքրիստոնյաներից եւ իր ծակոտիներով ներս չի թողնում ոչ մի ունայնություն: Այսպես էի մտածում. եթե ոչ մի մեղսական բառ ի գորու չէ խցկվել օձյալ խժուժի միջով ու թաղվում է նրա թելերի խիտ հյուսվածքում, ապա ինչ կկատարվի, եթե խժուժի չոր ու կոշտ թելիկներին որոշակի ողորկություն տրվի: Պետք է կատարվի, եւ դա միանգամայն բնական է, հետեւյալը. բառերը դանդաղաշարժության ու կոպտության պատճառով (համեմատելով, օղեղեն ես) առաջվա պես կշարունակեն թաղվել նաեւ ողորկ խժուժի մեջ, սակայն բառերում պահված մտքերին,

եթերայնության ու նրբության շնորհիվ, հավանաբար կհաջողվի համե-
նայնդեպս սահել ողորկ թելիկների արանքով ու թռչել լսողության մեջ:
Խծուծն ականջներիցս հանելով՝ ուշադիր զննեցի այդ երկու փերթերը.
երեսին կեղտոտ և սովածք կար: Ըստ երեւոյթին՝ զեկուցումների հետքը:
Մաքրելով այդ, այսպես ասած, սղագրությունը, աջ ու ձախ ականջներս
դնելուց առաջ խծուծը իջեցրի մոմի վրա տաքացրած սովորական սագի
յուղով գդալի մեջ: Ժամացույցս հիշեցրեց, որ մի քանի րոպեից կոնգրեսը
կվերսկսվի: Կողասրահներով անցնելիս ինչ-որ աղոտ ձայներ էի լսում
դահլիճից. ուրեմն արդեն սկսվել է: Դուռը կիսաբաց անելով՝ խծուծած
ականջներս խցկեցի դահլիճ. կոնգրեսն առկա էր. ամբիոնին կանգնած
էր մի վայելչատես մարդ՝ զուսպ, մինչեւ վերջ կոճկած սերթուկով, ու
քաղցր-մեղր ժպտալով՝ փողոցային հայիոյանքներ էր տեղում: Տարա-
կուսած նայեցի շարքերին, որոնց ուղղված էին հայիոյանքները. դահլիճն
ակնաճանքով ունկնդրում էր, եւ հարյուրավոր գլուխներ հավանություն
տալով օրորվում էին այդ նույն գլուխներին թափվող վիրավորանքներին
համընթաց: Միայն երբեմն ճառն ընդհատվում էր ծափահարություննե-
րով ու հռետորին բղավում էին. «ապուշ», «շողոքորթ», «հողմացույց»,
«սրիկա»,- հռետորն ի պատասխան ձեռքը տանում էր սրտին ու երախ-
տապարտ խոնարհվում: Այլեւ ուժ չունենալով դիմանալու, փակեցի
ականջներս... այսինքն հենց հակառակը՝ բացեցի. հռետորը խոսում էր
դասակարգային պայքարի դեմ պայքարում համագումարի վաստակի
մասին, բոլոր կողմերից լսվում էր՝ «բռավո», «ձեր շրթունքներով ճշմար-
տությունն է», «որքան դիպուկ ու ևուրբ»: Միայն հիմա սկսեցի հասկանալ,
որ իմ տուփի մեջ մամլված մի քանի գրամ խծուծը մի ամբողջ փիլիսոփա-
յական մեթոդ արժէր: Ու որոշեցի իմ փառագերծող խծուծով զտել ամ-
բողջ աշխարհը: Սեւագրելով փորձերի պլանը՝ հենց նույն գիշեր ճեպըն-
թացով մեկնեցի՝ ուղղվելով դեպի...

Եվ պատմությունը շարունակվում է: Կկուն կանչում է տասնմեկ եւ
տասներկու: Եվ միայն կեսգիշերից շատ անց Մյունխհաուզենի ծխամոր-
ճը թափ է տալիս մոխիրը, իսկ տանտերը, պատմությունն ավարտելով,
հյուրերին ուղեկցում է և խխարահ: Աշխատանքային օրն ավարտվեց: Եվ
«Խելագար բակլայի քոթեջի» շուրջը, ամեն երեկո իրենց գծերի տա-
րածքն ընդլայնելով, ոլորվում են նորանոր պարույրներ. նրանց բարակ
բեղիկներն արդեն Լա Մանշից այն կողմ են՝ սպառնալով երկարել մինչեւ
երկրագնդի ամենահեռավոր միջօրեականները: Բարոնի աֆորիզմնե-
րը,- ևա գիտի դա,- երկու պալատների գրակալներին են՝ սղագրության եւ

Միգիզմունդ ԿՐԺԻԺՃՆՈՎՄԿԻ

օրակարգի հարեանությամբ. ծխամորճի կապտասահ ծխի հետ սկսված պատմություններն ու հնավանդ գրույցները ծխամշուշներով պատում են «Խելագար բակլայի քոթեջը» եւ լեզվից լեզու ու չսող ականջներ անցնելով՝ կուտակվում բոլոր առաստաղների տակ: Եվ ոտնամանները դեպի տաք անկողին քստքստացնելով՝ բարոնն անորոշ ժպտում ու քրթմնջում է.

- Մյունխհաուզենը քնած է, բայց նրա գործը աջ չի կացնում:

Գլուխ III **Կանտի տարեկիցը**

Չնայած բարոն Մյունխհաուզենը տևային ոտնամանները գերադասում էր կիսակոշիկներից եւ ժամանցը՝ աշխատանքից, բայց շուտով ստիպված էր հրաժեշտ տալ հետճաշա քնին ու տևակյացությանը: Հեշտ էր ձեռքի շարժումով ցրել հին ծխամորճի ծուխը, բայց ծխի «սարքած» աղմուկը շարունակում էր աճել օվկիանոսային ալեբախության տարերայնությամբ: Հեռախոսի ականջը, որ առաջ բարոնի առանձնասենյակում անվրդով կախված էր պողպատե կեռիկներից, հիմա անընդհատ ցատկոտում էր տակդիրի վրա: Դռան մուրճիկն անհոգելի ծեծում էր կաղնեփայտե փեղկը, հեռագրերն ու նամակները թափվում էին բոլոր կողմերից՝ իրենց կլոր դրոշմակնիքները չռելով Մյունխհաուզենի վրա: Բարոնի սահող աչքերը դրանց մեջ մի անգամ մի վայելչագիր տպագրությամբ ծառուցագիր նկատեցին՝ հինավուրց տառատեսակով՝ խավաթղթի վրա. մեծարգո բարոնի երկրպագուների խումբը բարոն Հիերոնիմուս ֆոն Մյունխհաուզենին խնդրում է այցելել հարգարժան բարոնի գործունեության երկուհարյուրամյակին նվիրված հավաքույթին: Հորեյանական կուփտե: Սփլենդիդ-հոթեյ: Օր եւ ժամ:

Սփլենդիդ-հոթեյի հանդիսասրահը ոսկուն էր տալիս բազում էլեկտրական լույսերից: Շքամուտքի հայելադուռը, անաղմուկ պտտվելով, ներս էր թողնում նորանոր հյուրերի: Կենտրոնական կլոր սրահում՝ Մյունխհաուզենի զարդանախշ զինանշանը. վահանի անկյունագծով՝ հինգ հերալդիկ բաղերը,- կտուց, պոչ, կտուց, պոչ, կտուց,- թռչում էին թեյին շարված. վերջինի պոչի տակից՝ լատիսատառ՝ mendace veritas [*Այստեղ՝ ստիճանարտությունը - լատ.*]:

Երկար, հին սլավոնական «Մ»-ի ձեռով դասավորված սեղանների եր-

կայնքով՝ ֆրակներ ու դեկորտներ: Դիվանագիտական կորպուսի ներկայացուցիչներ, նշանավոր հրապարակախոսներ, ֆիլանտրոպներ ու բորսային գործարարներ: Արդեն բազում անգամներ իրար զարկվելով զնգացել էին գավաթներն ու ցնծագին «հիփ»-ը խցանների տուեից թռել էր առաստաղին, երբ վեր կացավ հոբեյարը: Խոսքը նրանն էր.

- Տիկնայ՛ք եւ պարոնայ՛ք,- լռած սեղանները հայելով՝ սկսեց Սյունիս-հաուզենը,- Ավետարանում ասված է. «Ի սկզբանե էր Բանը»: Դա նշանակում է՝ ամեն գործ պետք է սկսել բառերով: Ես դա ասել եմ խաղաղության վերջին միջազգային կոնֆերանսին եւ ինձ թույլ կտամ կրկնել նաեւ այս հավաքում: Մենք՝ Սյունիսհաուզեններս, միշտ հավատարիմ ծառայել ենք պատրանքին. իմ նախապապ Գեյնոն Ֆրիդրիխ Երկրորդի հետ մասնակցել է խաչակրաց արշավանքին, իսկ իմ ժառանգներից մեկը լիբերալ կուսակցության անդամ էր: Ի՛նչ առարկություն կարող է լինել սրան: Նույն պատմական տարեթիվն է աշխարհ բերել մեզ՝ ինձ ու Կանտին: Ինչպես, հավանաբար, հայտնի է արզո հավաքույթին, ես ու Կանտը համարյա հասակակից ենք, եւ անարդար կլիներ ինձ համար տոնական այս օրը չհիշել նաեւ նրա մասին: Իհարկե, մենք ինչ-ինչ հարցերում տարակարծություններ ունենք «Բանականության քննադատության» հեղինակի հետ. այսպես, Կանտի «Ճանաչում եմ այն, ինչ իմ փորձի մեջ եմ առնում» դրույթը ես՝ Սյունիսհաուզենս, մեկնաբանում եմ այսպես. առնում եմ, իսկ մյուսները թող փորձեն ճանաչել իմ կողմից առնվածը, եթե նրանց փորձը դրան կբավականացնի: Բայց հիմնականում մեր մտքերը մեկ անգամ չէ, որ հանդիպել են. այսպես, տեսնելով, թե վերսալցիների դասակն ինչպես է հրացանները բարձրացնելով նշան բռնում անզեն կոմունարներին (Պեր Լաշեզի պատերի տակ էր), չէի կարող չհիշել Քյունիգսբերգյան իմաստունի աֆորիզմներից մեկը. «Մարդը մարդու համար նպատակ է, եւ նպատակից բացի ուրիշ ոչինչ չպիտի լինի»: Միսթր Շոուն,- ծաղիկներով ու գավաթներով ծանրացած սեղանի ծայրին դարձավ հռետորը,- իր տաղանդավոր պիեսներից մեկում պնդում է, որ մենք հարատեւ չենք միայն այն պատճառով, որ չենք կարողանում ցանկանալ մեր անմահությունը: Բայց ես, թող ների ինձ միսթր Բեռնարդը, շատ ավելի հեռուն եմ գնում անմահության որոնումների մեջ. պետք չէ անձամբ խնդրել սեփական կյանքի երկարածություն մինչեւ անսահմանություն, բավական է միայն, որ ուրիշները ինձ՝ Սյունիսհաուզենիս, երկար կյանք ցանկանան, եւ ահա ես (հռետորի ձայնը դողաց) ձեր ցանկությունների կամոք ուղք եմ դնում Մաթուսաղայի ճանապարհին: Այո՛, այո՛, մի առարկեք, տիկնայ՛ք եւ պարո-

Միգիզմունդ ԿՐԺԻԺԱՆՈՎՄԿԻ

ևա՛յք, ինձ ընդառաջ պարզած ձեր ձեռքերում միայն գավաթներ չեն. դուք ինձ համար գոյության ընթացիկ հաշիվ բացեցիք: Այսօր ես հաշվից դուրս եմ գրում երկու հարյուր: Հետո՝ ինչպես կուզեք. հաստատեք հաշիվը կամ փակեք: Ըստ էության, բավական է ինձ թափ տաք ձեր բիբերից, եւ ես աղքատ եմ, ինչպես ինքը՝ ոչինչը:

Սակայն վերջին բառերը խլացան ծափահարությունների աղմուկով, բյուրեղապակին զնգաց բյուրեղապակուն, տասնյակ ձեռքեր փնտրում էին հոբեյարի ձեռքը, ևա հազիվ էր հասցնում փոխել ժպիտները, խոնարհվել ու շնորհակալություն հայտնել: Հետո սեղանները՝ պատերի տակ, ջութակներն ու չիկչիկանները ֆոքստրոտ նվագեցին, իսկ հոբեյարը, մի քանի գլուխը արձակող ճաղատների ուղեկցությամբ, պարող զույգերի մոտով անցավ ծխարան: Այդ սենյակում բազկաթոռները սեղմ շրջան էին կազմել, եւ ինչ-որ դիվանագիտական դեմք, հոբեյարի ականջին կռակալով, գաղտնի առաջարկ արեց: Դա, ինչպես հետագայում կտեսնեք, նշանակալի պահ էր: Ի պատասխան առաջարկի՝ Մյունխհաուզենի հոնքերը սողացին վեր, իսկ լուսնաքարով ցուցամատը սահեց ականջի եզրով, ասես փորձելով շոշափել բառերը: Այդ ժամանակ դեմքը, ավելի մոտենալով, մի թիվ ասաց: Մյունխհաուզենը տատանվում էր: Դեմքը մի գրո ավելացրեց թվին: Մյունխհաուզենը դեռ տատանվում էր: Վերջապես, մտորումներից դուրս գալով, ևա կկոցած աչքերով նայեց լուսնաքարի անկայծող ձվածիրին եւ ասաց.- Ես մեկուկես հարյուրամյակ առաջ արդեն եղել եմ այդ լայնություններում եւ, ճիշտն ասած, չգիտեմ... դուք հրեցիք ճոճանակը. այն կարծես այո-ի ու ոչ-ի արանքում է: Իհարկե, ես այնպիսի մարդ չեմ, որին կարելի է վախեցնել եւ, այսպես ասած, զգել թամբից, եւ նույնիսկ իմ առաջին ճամփորդության փորձը բարբարոսների երկիր, որի անունը հենց նոր այստեղ հնչեց, սը՛ր, բավականաչափ նյութ է տալիս եւ՛ նրանց, եւ՛ իմ մասին դատելու համար: Ի դեպ, եթե չհաշվենք որոշ մանր հրապարակումներ, այդ նյութը մինչ օրս չհրապարակված է մնում: Իմ ծանոթությունը Ռուսաստանի հետ տեղի է ունեցել դեռեւս իմ հանգուցյալ բարեկամ Եկատերինա Երկրորդի օրոք: Ասենք, շեղվում եմ ուղղակի դրված հարցից:

Բայց դիվանագիտական դեմքը, ճիշտ հաշվարկելով հնարավորությունները, նշան արեց հարեւանների, եւ նրանք դեմքերին հանդիսավոր ուշադրություն արտահայտեցին.

- Խնդրում ենք:
- Խիստ հետաքրքիր կլիներ իմանալ...

- Ես համակ ուշադրություն եմ:

- Լսում եմք:

Անվաստակներից մեկը, ֆրակի ճեղված պոչը թափ տալով, վազեց դռան մոտ ու ձեռքով արեց պարողներին. ֆոքստրոտը քաշվեց ավելի հեռու սրահ: Բարոնը սկսեց.

- Երբ մեր դիլիժանսը հասավ այդ զարմանալի երկրի սահմանին, բնապատկերը կտրուկ փոխվեց: Սահմանաայան այս կողմը հուռթի ծաղկել էին ծառերը, հակառակ կողմում տարածվում էին ձյունածածկ դաշտեր: Մինչ փոխում էին ձիերը, մենք թեթեւ ճամփորդական թիկնոցները փոխարինեցինք մորթե մուշտակներով: Ուղեփակոցը բարձրացավ եւ... բայց ես չեմ պատմի մեր կառապանի եղջերափողի մեջ սառած երգի մասին, զանգակատնից կախված ձիու դեպքը եւ բազմաթիվ այ դեպքեր, - ցանկացած կիրթ մարդ դրանք ավելի վատ չգիտի, քան իր դրամապանակի պարունակությունը կամ, ասենք, Հայր մերը, - կանգնեցնենք դիլիժանսի անիվները հյուսիսային բարբարոսների մայրաքաղաքի, այն ժամանակվա Պետերբուրգի մուտքի մոտ:

Չեզ պետք է ասեմ, որ կարծես թե նախորդ դիլիժանսով սուրբ Պետրոսի քաղաք էր ժամանել իր ժամանակին ոչ անհայտ փիլիսոփա ոմն Դեւի Դիդրո. նա, իմ կարծիքով, անտանելիագույն ֆիլոսոֆեմաներ թխող էր, դուսպրծուկ՝ քաղքենիներից, ու դրա հետ միասին՝ ակնհայտ մատերիալիստական թեքումով: Ես, ինչպես ձեզ հայտնի է, տանել չէի կարող ու չեմ կարողանում մատերիալիստներին, մարդկանց, որ սիրում են հիշեցնել, - տեղին ու անտեղի, - որ անուշաբույր համպարն իրականում կաշալուտի կղանք է, իսկ ծաղկեփուսնը, որի մեջ դեմքն է թաքցնում սքանչելի աղջիկը, իրականում ընդամենը բույսերի պոկոտած սեռական օրգանների խուրձ է: Իսկապես, ո՞ւմ է պետք այս իրականում-ը: Չեմ հասկանում: Բայց՝ ի գործ: Երկուսս էլ՝ Դիդրոն ու ես, ընդունելության արժանացանք պալատում: Չթաքցնեմ. կայսրուհին սկզբում կարծես բարեհաճ էր, պատկերացրեք միայն, այդ անդաստիարակ դուրսպրծուկի հանդեպ. Դիդրոն կարող էր, ուզածը պահի վարվելակարգը խախտելով, հետուառաջ անել ուղիղ թագակիր գրուցակցի քթի տակ, ընդհատել նրան եւ նույնիսկ վեճով տարված՝ թփթփացնել ձևկին: Եկատերինան բարեգութ ժպիտով լսում էր նրա անհեթեթագույն ծրագրերը՝ Ռուսաստանում հարբեցողությունը վերացնելու, կաշառակերության դեմ պայքարի, մանուֆակտուրաների եւ առեւտրի բարեփոխման ու Սպիտակ ծովի ձկնարդյունահանումը կատարելագործելու մասին: Ես, հետ քաշված, հանգիստ

Միգիզմունդ ԿՐԺԻԺՄՆՈՎԱԿԻ

սպասում էի իմ հնարավորությանն ու ժամին: Ու հենց ամբողջովին թա-
նաքաբծերով պատված այդ մրոտողը թագուհու թույլտվությամբ անցավ
ծկնորսության ընդլայնմանը, ես էլ մտադրություններից անցա գործի.
թակարդն ընկած մի քանի աղվես առա տեղի որսորդներից եւ իմ կալվա-
ծատան հետևաբակի խուլ ու բարձր պատերի ներսում սկսեցի,- հիշո՞ւմ
եք, դրանք արդեն հպանցիկ նկարագրել եմ իմ հուշերում,- աղվեսներին
իրենց մորթիներից հարկադիր վտարելու փորձերը: Ամեն ինչ ավելի քան
լավ էր գնում, ընդ որում՝ գաղտնիքը լիովին պահպանելով: Ու մինչ Դիդ-
րոն փորձում էր ձուկ որսալ, ես, ներկայանալով թագուհուն, որն արդեն
հասցրել էր մի քանի անգամ հիասթափվել իր սիրեցյալից, ամենայն հար-
գանոք խնդրեցի ներկա լինել ցուցադրական փորձերից մեկին, որը կա-
րող էր հեղաշրջում անել մուշտակամորթու արդյունահանման մեջ: Նշա-
նակված օրը եւ ժամին թագուհին ու նրա արքունիքը ժամանեցին ինձ
մոտ՝ հետևաբակ. չորս ջլապիկը հայդուկներ ու պոչը սյանը կապած աղ-
վեսը արդեն պատրաստ էին նրանց այցին: Իմ նշանով մտրակները վե-
րուվար արեցին, ու կենդանին, մի երկու անգամ ծիգ տալով, դուրս թռավ
իր կաշվից եւ անմիջապես ընկավ հինգերորդ հայդուկի ձեռքը, որը հենց
դրան էլ սպասում էր: Ով կարողացել է Դարվինին, ջենթլմեններ՝, գիտի մի-
ջավայրին կենդանիների զարմանալի հարմարվողականության մասին:
Սառնամանիքի մեջ հայտնվելով՝ մերկ աղվեսը անմիջապես սկսեց
պատվել մորթու բարակ շերտերով, շերտերը մեր աջքի առաջ վերածվե-
ցին ամբողջական մորթու, եւ շուտով, նոր մուշտակով պատված, խեղճը
դադարեց դողալ, բայց ավաղ, զուտ որպեսզի քիչ անց կրկին հայտնվի
մտրակների տակ: Եվ այդպես,- պատկերացնո՞ւմ եք,- յոթ մորթի, մինչեւ
կենդանին, այսպես ասած, կյանքից էլ դուրս թռավ: Հրամայելով հեռաց-
նել լեշը՝ ես յոթ մորթիները շարեցի ձյան վրա ու խոնարհվելով՝ ասացի.
«Յոթ հարյուր տոկոս մաքուր եկամուտ»: Կայսրուհին երկար ծիծաղում
էր, եւ ինձ թույլատրվեց համբուրել ձեռքը: Հետո ինձ առաջարկվեց գրա-
վոր գեկույց պատրաստել մորթու արդյունահանման եղանակների ու հե-
ռանկարների մասին, ինչը եւ անհապաղ արվեց: Չեկույցի վրա մա-
կագրելով «հնարամիտ է»՝ նորին մեծությունն իր ձեռամբ բոլոր տեղե-
րում ջնջելով «աղվեսներ, աղվեսների, աղվեսներին» բառերը, կարգադ-
րեց փոխարենը գրել «Մարդ, մարդիկ, մարդկանց» եւ «ուղղմանը հավա-
տալ: Եկատերինա»: Ինքնատիպ մտածողություն է, այնպես չէ՞:

Պատմողի հայացքը սահեց ժպիտների շրջանակով, եւ նա շարունա-
կեց.

- Դրանից հետո պարոն Դիդրոյի քիթը երկարեց, ասես հաճելիագույն պտղունցից մի վայրկյան առաջ մնացած լիներ քթախոտի տուփի կափարիչի տակ: Փարիզցի իմաստունին, որ վարժվել էր մտերմավարության եւ՝ ճշմարտության, եւ՝ թագուհու հետ, մնաց միայն ճշմարտությունը: Այդ կարգի նորելուկին միանգամայն հարմար հասարակություն, հա՛-հա՛: Խեղճը նույնիսկ տուն կորչելու հնար չունեւ՝ ստիպված էր ինչ-որ հարյուր լիվրով վաճառել գրադարանը, որը գեւեց կայսրուհին: Հաջորդ իսկ օրը, ներկայանալով ընդունելության, ես նորին մեծությանը մատուցեցի իմ ճամփորդությունների եւ արկածների նկարագրությունն ամփոփող տետրը: Կարդալով՝ նա ասաց. «Սա գրադարաններ արժի»: Ինձ կալվածքներ ու հարյուր հազար հոգի շնորհվեց: Ցանկանալով կտրվել պալատական քծնանքից եւ ավելի նրբանկատ որոշ հանգամանքներից, որոնց մասին կլռեմ, նկատելով միայն, որ ինձ այնքան էլ դուր չեն գալիս գեր կանայք, մեկնեցի տեսնելու իմ նոր տիրույթները: Տարօրինակ է, ասեմ ձեզ, ռուսական բնապատկերը. դաշտի մեջտեղը, ինչպես սնկերը՝ գլխիկների տակ, կիսատ-պռատ ծածկերով ինչ-որ հավաքների կուտակ, խրճիթ ներսուղորս են անում ծխնելույզով, ծխի հետ. ջրհորների գլխին, անհասկանալի է՝ ինչի համար, երկար ուղեփակոցներ, ընդ որում, հաճախ ճանապարհներից հեռու. բաղնիքներն, ի տարբերություն փոքրիկ հյուղակների, յոթնահարկ են, ու հարկերը նրանց մոտ կոչվում են դարակներ: Օտար հեռուներում հաճախ էի հիշում իմ հարազատ Բադենվերդերը. նրա կղմինդրե տանիքների սրածայր ակսան-սիրկոնֆլեքսները, կրածածկ պատերին սեւին տվող նշանաբանների հիւսվուրց, կիսամաշ տառերը: Կարոտախոտն ինձ ստիպում էր, միայն թե ժամանակ սպանեի, հրացանն ուսիս անհանգիստ դեգերել ճահիճների ճիմաթմբերով ու եղեգնուտներով, որսի տոպրակս երբեք դատարկ չէր լինում, եւ շուտով որսորդի իմ փառքը,- որոշ բաներ հայտնվել են իմ հուշերում, բայց չարժի կրկնել այն, ինչն անգիր գիտի ցանկացած աշակերտ,- Սպիտակ ջրերից հասավ Սեւ ջրեր: Բայց շուտով կոցարներին ու կաքավներին փոխարինելու եկան թուրքերը: Այո՛, այո՛, թուրքերի հետ պատերազմ հայտարարվեց, ու ես ստիպված էի, որսորդական շտուգերս պատից կախելով՝ ահա այս ձեռքն առնել, պատկերավոր ասած, երկու հարյուր հազար հրացան, չհաշված ֆելդմարշալի մականը, որից, նկատի ունենալով մեր նախկին հարաբերությունները թագուհու հետ, հնարավոր չհամարեցի հրաժարվել: Առաջին իսկ ճակատամարտից հետո մենք ուրիշ ոչինչ չէինք տեսնում թշնամու թիկունքից բացի: Դունայի ճակատամարտում ես հազար,

ո՛հ, երկու հազար թնդանոթ գրավեցի, այնքան թնդանոթ, որ չգիտեինք ինչ անենք. մարտադադարներին դրանցից կրակում էինք ճնճողուկների վրա: Այդպիսի դադարներից մեկի ժամանակ ինձ կանչեցին մայրաքաղաք՝ գլխավոր ռազմակայան, որտեղ պետք է պարզեատրեին Վասիլի Երանելու շքանշանով՝ տասնչորս ադամանդակուռ ոսկե խաչ: Ուղեայուներն առկայծում էին աչքիս առաջ, ավելի արագ, քան երկանվիս անվաճաղերը, որոնց երբեմն կռանում ու նայում էի: Ծխացող տնիկներով մտնելով մայրաքաղաք՝ կարգադրեցի դանդաղեցնել ձիերի վազքն ու եռանկյունի գլխարկս բարձրացնելով՝ ինձ ընդառաջ ելած բազմությունների միջով շարժվեցի դեպի պալատ: Աջ ու ձախ ողջունելիս նկատեցի, որ բոլոր ժուսներն առանց գլխարկի են. սկզբում դա ինձ հաղթողի հանդեպ զգացումների բնական արտահայտություն թվաց, բայց հետո էլ, երբ ընդունելության ու մեծարանքի արարողությունն ավարտվեց, այդ մարդիկ, չնայած ծովից փչող սառը քամուն, շարունակում էին գլխաբաց մնալ: Դա ինձ մի փոքր տարօրինակ թվաց, բայց հարցում փորձի ժամանակ չկար, նորից սկսեցին առկայծել վերստերը, եւ շուտով տեսա իմ բանակների կանոնավոր շարայուները, որ զգաստ կանգնել էին առաջնորդին դիմավորելու համար: Ավելի մոտենալով՝ նկատեցի, որ նրանք էլ են անգլխարկ: «Գլխարկ դնել», - հրամայեցի ես, եւ, հազա՛ր սատանա, հրամանը չկատարվեց: «Սա ի՛նչ է նշանակում», - կատաղած նայեցի համհարզիս: «Սա նշանակում է,- դողացող մատները բաց գլխին տարավ նա,- գլխարկահար ենք արել թշնամուն, ձե՛րդ գերագան...»:

Հենց նույն գիշեր անսպասելի միտքն արթնացրեց ինձ ֆելդմարշալական վրանի փեշի տակ: Ես վեր կացա, հազնվեցի եւ համհարզներիս չարթնացնելով՝ դուրս եկա առաջնագծի պահակետերը. երկու կարճ բառ՝ նշանաբան ու պատասխան, ինձ համար ճանապարհ բացեցին դեպի թուրքական ճամբար: Թուրքերը դեռ չէին հասցրել դուրս գալ իրենց ծածկած գլխարկների տակից, եւ ես անարգել հասա Կոստանդնուպոլսի դարպասներին, բայց այդտեղ էլ, քանի որ գլխարկներից շատերը նշանակետից հեռուն էին թռել, ողջ քաղաքը միևչեւ ամուռութեթը թաղված էր գլխարկների կարկտի տակ: Հասնելով սուլթանի պալատ՝ անուես տվի եւ անմիջպես էլ ունկնդրություն ստացա: Պլանս շատ պարզ էր. գնել զորքերը, բնակիչներին, փողոցներն ու ճանապարհները ծածկած բոլոր գլխարկները: Սուլթան Մահմուդն ինքն էլ չգիտեր ինչպես ազատվի ձյան պես գլխին թափված գլխարկներից, եւ ինձ հաջողվեց ջրի գնով առնել դրանք: Այդ ժամանակ աշունն արդեն ձմեռ էր դարձել, եւ Ռուսաստանի

ընակչությունը, անգլխարկ մնալով, սառչում էր, մրսում, տրտնջում սպառնալով խռովություններով ու նոր խառնակ ժամանակներով: Կառավարությունը չէր կարող հենվել նաեւ ազնվականության վրա. սենատորների ճաղատ գլուխները սառչում էին առաջին հերթին, եւ գահի հանդեպ ջերմ սերը ակհայտորեն օրեցօր պաղում էր: Այդ ժամանակ ես իմ գլխարկները բարձեցի նավերն ու քարավանները եւ չեզոք երկրներով ուղարկեցի բյուրագլուխ Ռուսաստան. ապրանքը շատ արագ էր վաճառվում, եւ որքան իջնում էր ջերմաչափերի սնդիկը, այնքան բարձրանում գինը: Շուտով միլիոնավոր գլխարկներ վերադարձան իրենց գլուխներին, եւ ես ամենահարուստ մարդը դարձա պատերազմից ու ռազմատուգանքներից սնանկացած Ռուբրիայում: Այդ ընթացքում հասցրել էի մտերմալաւ սուլթան Մահմուդի հետ ու որոշեցի կապիտալներս ներդնել երկրի վերականգնման գործում: Սակայն պալատական խարդավանքները սուլթանին ստիպեցին ինձ ու հարեմի հետ փոխել նստավայրը. մենք տեղափոխվեցինք Բաղդադ՝ հարստացած եթե ոչ ոսկով ու արծաթով, ապա հեքիաթներով ու ավանդություններով: Ու ես նորից կարոտեցի իմ հեռավոր, թող որ խեղճ, բայց սրտիս հարազատ Բաղենվերդերը: Երբ թագակիր բարեկամիս խնդրեցի ինձ հայրենիք թողնել, սուլթանը, արցունք թափելով մորուքի մեջ, ասաց, որ չի դիմանա բաժանմանը: Այդ ժամանակ, ցանկանալով հնարավորինս կրճատել առաջիկա բաժանման ժամանակը, որովհետեւ այլեւս չէի կարող ապրել առանց գոնե երբեմն այցելելու պապերիս ու նախապապերիս տոհմական բույնը, որոշեցի Բաղենվերդերն ու Բաղդադը իրար կպել ռելսերի պողպատե ձուգահեռներով: Այդպես ծնվեց Բաղդադի երկաթուղու նախագիծը, որը, ավաղ, երկար էր սպասելու իր իրագործմանը: Համարյա սկսել էինք աշխատանքը, բայց...

Բարոնը հանկարծ ընդհատեց պատմությունն ու լռեց՝ հայացքն աջ ցուցամատի լուսնաքարի թրթռացող աչքին:

- Բայց ինչո՞ւ կանգնեցիք կեսճանապարհին, - պոկվեց ինչ-որ մեկի շրթունքներից:

- Որովհետեւ, - ձայնի կողմը դարձավ Սյունխաուզենը, - այդ ժամանակ երկաթուղին դեռ չէր հայտնագործվել: Ընդամենը:

Թեթեւ ծիծաղ անցավ ներկաների շրջանով: Սակայն բարոնը պահպանեց լռությունը: Կռանալով դիվանագիտական դեմքի կողմը՝ ծնկով հրեց դեմքին եւ ասաց.

- Տրվեցինք հուշերին: Համաձայն եմ: Գնում եմ: Ինչպես է ասում նրանց առա՞ծը. «Երբ ոռււր մահամերձ է, գերմանացին իրեն միանգա-

Միգիզմունդ ԿՐԺԻԺԱՆՈՎԱԿԻ

մայն լավ է զգում»: Հա՛-հա՛...,- եւ դառնալով բոլոր կողմերից ընդառաջ ձգված ականջներին՝ ավելացրեց:- Օ՛, մեր հերալդիկ բաղը երբեք չի ծալել թելերը:

Հետո հաջորդեցին ձեռքսեղմումները, ոտքերի քստքստոցը, իսկ հաջորդ պահին բարապանը Սփլենդիդ-հոթելի պտտվող հայելիների մոտ զոչում էր.

- Ավտո բարոն ֆոն Մյունխհուզենին:

Շիկացին դռները, շշակը պատռեց օդը, եւ կաշվե բարձերը, մեղմ ճոճվելով, լողացին հանդիսավոր, աստղերով ու փողոցային լապտերներով լուսավորված գիշերվա հեռուն:

Գլուխ IV In partes infidelium

Օֆերտան ու ակցեպտան գործնական ձեւակերպում ստացան: Բարոնը մեկնում էր Խորհուրդների երկիր որպէս թղթակից երկու-երեք առավել հայտնի թերթերի, որոնք յոթանիշ օրինակներով քաղաքական հավատամք էին մատակարարում Միացյալ Կայսրության ամենահեռավոր միջօրեականները: Ակցեպտան հնարավորինս խիստ ինկոզնիտո էր պահանջում, ինչի հետեւանքով բարոն ֆոն Մյունխհուզենին տրամադրված վագոնի պատուհանների տակ սեւին տվող ցիլինդրների քանակը առավելագույնս սահմանափակ էր, իսկ կողակներն ու լրագրողները ընդհանրապէս չեղարկվել էին: Մեկնելու ազդանշանից մեկ րոպէ առաջ բարոնը հայտնվեց վագոնի հարթակին. գլխին կլոր, մաշված, մոխրագույն կեպին, լայնափեշ վերարկուի տակից պսպղում էր կաշվե բաճկոնը, ոտքերին՝ ծալքավոր սապոզներ: Ջգեստը ցիլինդրների հավանության ճոճք հարուցեց, եւ միայն Նորթումբերլենդի եպիսկոպոսը, որ եկել էր գուցե վերջին անգամ բարոնին տեսնելու, հառաչեց եւ ասաց. «In partes infidelium cum Deo. Amen» *[Աստուծով՝ դէպի օտար ափեր: Ամեն - յատ.]:*

Դիվանագիտական դեմքը, բարձրանալով վագոնի աստիճանին, նշան արեց մեկնողին. ևս կռացավ:

- Թանկագին բարո՛ն, մի կատակեք նամակների գրաքննության հետ, plague don't *[Մի ձանձրացրեք - անգլ.]*: Ուրիշի անունով ստորագրեք, ասենք...

Բարոնը գլխով արեց.

- Հասկանում եմ: Ձիևովե կամ...

Բայց գնացքը, թափարգելները կրճատացնելով, շարժվեց: Դիվանագիտական դեմքին գրկեցին թեւատակերից, գլխարկները գլուխներից վեր բարձրացան, փակվեց վարագույրը հեռուն լողացող պատուհանի հետ, եւ չսսված բառերը չասողի հետ էլ մեկնեցին:

Դուվր: Լա-Մանշ: Եվ կրկին գոց վարագույրը՝ գվկացող կառամատույցների մոտով՝ հաշվելով կիլոմետրը կիլոմետրի ետեւից:

Ողջ մայրցամաքում միայն մի մարդ գիտեր օրն ու ժամը, երբ Մյունխհաուզենը անցնելու էր Բեռլինով: Դա Էռնստ Ունդինգն էր: Բայց Լոնդոնից նրան ուղարկված նամակը միանգամից չգտավ հասցեատիրոջը: Սուստների պսակը, որ այդ ժամանակ գրում էր պոետը, փշեպսակի նման խրվել էր ուղեղն ու վճարում էր ոչ թե փֆենինգներով, այլ անքնությամբ: Եվ Ունդինգը, քաղցի հետ երկար վիճելուց հետո ստիպված էր ընդունել «Վերիտաս» կոսմետիկական ֆիրմայի առաջարկը՝ որպես ֆիրմայի գործակալ շրջել Գերմանիայի քաղաքներով ու ավաններով: Նամակը մի քանի օր հետապնդում էր նրան՝ ծանրանալով դրոշմակնիքներով, մինչեւ որ հասցեատիրոջը հասավ Ինստերբուրգ քաղաքում՝ Զյոնիգսբերգ - Էյտկունեն գծի վրա, սահմանից երեսուն կիլոմետրից մի քիչ ավելի: Նամակը ճիշտ ժամանակին էր հասել: Ուղեցույցի թվերը համադրելով նամակի տվյալներին՝ Ունդինգը հեշտությամբ հաշվարկեց, որ Բեռլինի գնացքը, որով պետք է ժամաներ Մյունխհաուզենը, այդ օրը երեկոյան 9:30-ին անցնելու է Ինստերբուրգով: Գրպանի ժամացույցը ցույց էր տալիս 8:50: Վախենալով, որ կուշանա հանդիպումից, Ունդինգը արագ հագնվեց: Նշանակված ժամին բեռլինյան ճեպընթացը մոտեցավ կառամատույցին: Ունդինգն արագ քայլեց գնացքի երկայնքով՝ լոկոմոտիվից դեպի պոչը ու հետ՝ բոլոր պատուհաններից նայելով ներս. Մյունխհաուզենը չկար: Մի րոպեից գնացքը ազատեց գծերը: Տարակուսած Ունդինգը գնաց կայարանի բյուրո. իր սպասա՞ծ գնացքն էր ու ե՞րբ է հաջորդը: Բյուրոն պատասխանեց. մյուսը, հաջորդ հեռընթաց գնացքը դեպի սահման՝ երկու ժամ ու մի քանի րոպեից է: Ունդինգը տատանվում էր. գործերը ստիպում էին ժամը տասի գնացքով մեկնել Զյոնիգսբերգ, տոմսն արդեն գրպանում էր: Սատների արանքում պտտելով խավաթոթ քառակուսին՝ դակել տվեց տոմսարկղում ու կայարանի շենքում նստելով նստարանին, սկսեց աչքերով հետեւել պատի ժամացույցի ժամի սլաքի պտույտին: Հստակ պատկերացնում էր մոտեցող հանդիպումը: Վագոնի պատուհանը

Միգիզմունդ ԿՐԺԻԺԱՆՈՎԱԿԻ

կիջնի, վրայից՝ Մյունխհաուզենի պարզած ձեռքը՝ երկար ոսկրոտ մատները՝ ցուցամատի լուսնաքարի ցոլքով, ափերը կհանդիպեն, եւ նա՝ Ունդիկը կասի, որ եթե աշխարհում չլիներ էլ մի ուրիշ իրականություն, ահա այս ձեռքստեղծումից բացի, ապա... Պատից այն կողմ դողդոց լսվեց. ճեպընթացը: Ունդիկը, մտքերը թափ տալով, նետվեց դեպի կառամատույցի մուտքը. գնացքի մոտեցող լույսեր, արգելակների Ֆշշոց, ու կրկին՝ վագոնների երկայնքով, մինչեւ վերջին վագոնի վերջին պատից կարմիր նռնաքարի պես ցցված լապտերը. պատուհաններից ոչ մեկը չիջավ, ոչ մեկի ձայնը չկանչեց, ոչ մեկի ձեռքը չպարզվեց նրա ձեռքին ընդառաջ: Պղինձը խփվեց պղնձին, ու նորից՝ մերկ գծեր: Պոետ Ունդիկը երկար կանգնել էր գիշերային կառամատույցին ու մտարկում էր իրավիճակը. միանգամայն պարզ էր՝ Մյունխհաուզենը փոխել է երթուղին:

Առավոտյան, Զյոնիգսբերգի հյուրանոցներից մեկի էժանագին համարում նստած Ունդիկը բանաստեղծություններ էր սեւագրում, ուր խոսվում էր կյանքով բեռնված երկար, քառասուն-հիսուն կյանք-վագոնով գնացքի մասին. տարիները, կրճտոցով իրար քսվելով, հաղթահարում են կտրուկ վերելքներն ու շրջադարձերը. անտարբեր ուղեւալքները փոխում են ուղիները, հորոսկոպների արյունոտ ու զվրուխտյա աստղերը կործանում ու հաջողություն են գուշակում, մինչեւ որ աղետը, տարիների բոլոր կցվածքները պայթեցնելով, դեսուդեն չնետի նրանց իրարից, բզկտելով ու իմաստագրկելով՝ հողաթմբով ներքե:

Դրանից հետո, եթե օգտվելու լինենք Ունդիկի պատկերներից, պտտվեցին տարվա օրերը՝ թափարգելները կրճտացնելով, սկսեց մոտենալ հաջորդը, կնքված դռան վրա օրացուցային նշումով՝ «1923», երբ աշխարհի բոլոր թերթերի սյունակներից անհետացած Մյունխհաուզենի անունը կրկին հայտնվեց Անգլիայի եւ Ամերիկայի պաշտոնաթերթերի առաջին էջերից: Դրանից նրանց հսկայական տպաքանակներն ահռելի-ացան: Ասենք, ոչ միայն տպաքանակները. բարոն Մյունխհաուզենի թղթակցությունները գնող մարդկանց աչքերն էլ մշտապես լայնանում էին, ասես այդ լուրերում ատրոպին լիներ: Եվ միայն մի գույզ աչքեր, թարթիչների փշերը ցցած, կոպերի կարմիր եզրագծերի արանքում, հանդիպելով Մյունխհաուզենի ստորագրությանը՝ կծկում էին բիբերն ու ցնցում հոնքը: Ավելորդ է ասել, թե ումն էին այդ երկու կասկածող աչքերը:

Գլուխ V Սատանան՝ կառքով

Այդ ընթացքում մյունխհաուզենապատման տողերը, ինչպես բորակի թելերը կրակն են տանում, բոցկլտացող անունը նորից ու նորից մի մովից նետում էին մյունսին, և շուտով համաշխարհային մամուլը փայլվիլուն դրասանգների խառնիխուռն արծաթաթելով փաթաթված ձննդյան տոնածառի պես դեղին լեզվակներ հագավ: Էլի մի շաբաթ, եւս մեկը, ամիս՝ եւ թերթերի էջերը սկսեցին նեղ գալ բարոնի անվան համար. թղթե շրջանակներից դուրս թռչելով՝ այն տարածվեց ազդագրերի սյունների վրա եւ ճոճվում էր լուսային գովազդի տառերով՝ ասֆալտին, աղյուսե պատերին եւ ամպերի հարթ հատակներին: Ազդագրերն ազդարարում էին. հենց նոր Խորհուրդների երկրից վերադարձած բարոն ֆոն Մյունխհաուզենը իր ուղեւորության մասին հաշվետվություն կներկայացնի Լոնդոնի Թագավորական ընկերության մեծ դահլիճում: Բազմություններ էին պաշարում տոմսարկղերը, բայց Պիկադիլիի հինավուրց շենքի ներսում հայտնվեցին միայն ընտրյալները:

Ազդագրերի խոստացած ժամին Մյունխհաուզենը հայտնվեց ամբիոնի վրա. բերանը դեռ անվրդով սեղմված էր, բայց սուր աղամախնձորը, օսլայած օձիքի երկու անկյունակների արանքում, թեթեակի շարժվում էր՝ շամպայնի ճնշումը դժվարությամբ զսպող խցանի պես: Լեփ-լեցուն դահլիճի ծափերի տեսական որոտը բանախոսին ստիպեց կախել գլուխն ու սպասել: Վերջապես ծափերը լռեցին: Բանախոսը հայեց շրջանակը. աչից՝ բաժակ ու ջրով գրաֆին, ձախից՝ Էկրան կախարդական լապտերի համար, Էկրանին հենած լաքապատ ցուցափայտ, որը չափից դուրս երկարած մարշալական մական էր հիշեցնում: Եվ բոլոր կողմերից՝ աչից, ձախից ու դիմացից բառերին ընդառաջ՝ հարյուր հարյուրավոր ականջախեցիներ մղվեցին. նույնիսկ մարմարե Եյուտոնն ու Կուկը, իրենց խորշերից դուրս նայելով, կարծես նույնպես պատրաստվում էին լսել զեկուցումը: Հենց նրանց էլ բարոն Հիերոնիմուս ֆոն Մյունխհաուզենն ուղղեց իր առաջին բառերը:

1

- Եթե ժամանակին նավապետ Կուկը, որը ուղեւորվել էր հայտնագործելու վայրենիներին, կեր դարձավ նրանց, ապա, ակնհայտորեն, իմ առագաստներն ավելի ողորմած քամիների տակ ընկան. ինչպես տեսնում եք,

Միգիզմունդ ԿՐԺԻԺՄՆՈՎՄԿԻ

տիկնա՛յք եւ պարոնա՛յք, ես ողջ եւ առողջ եմ (թեթեւ շարժում դահլիճում): Մեծ բրիտանացի մաթեմատիկոսը,- ձեռքը պարզեց Նյուտոնով խորշին,- հետեւելով ճյուղից պոկված խնձորի անկմանը՝ հաշվարկեց «երկիր» կոչվող գնդակերպի շարժումը, այդ ահռելի խնձորի, որը Լույսպետ ժամանակին պոկվել էր արեւից: Մոսկվայի գիշերային խաչմերուկներում լսելով բոլորի ու յուրաքանչյուրի երգած հեղափոխական երգը «խնձորիկի» մասին՝ ես ամեն անգամ փորձում էի հասկանալ, թե, ի վերջո, այն ուր է գլորվելու. Ճշտեմ. ի վերջո գլորվեց:

Բայց դառնանք փաստերին: Ուղեւորվելով մի երկիր, որտեղ բոլորը՝ ժողկոմից մինչեւ խոհարարուհի, երկիր են կառավարում, եւ որոշեցի ոչ մի կերպ չհանդիպել ռուսական մաքսատան հետ. ոչ միայն գլխիս մեջ, այլեւ բաճկոնիս գրպանում տանում էի բառեր, որոնք Լախատեսված չէին զննության համար: Մինչեւ Էյտկունեն ոչինչ չձեռնարկեցի: Բայց երբ իմ վագոնն անցնելով սահմանակից փոքրիկ պետությունիկը՝ պատրաստվում էր թափարգելվել ՌԽՖՍՀ-ի սահմանին, որոշեցի ուղեգծերից տեղափոխվել հետագծեր: Ինչպես ձեզ հավանաբար հայտնի է, տիկնա՛յք եւ պարոնա՛յք, երիտասարդ տարիքում ես կարողանում էի ոչ միայն վայրի ծիերին, այլեւ՝ հրետազնդեր սանծել: Գրպաններիս պարունակությունը չհաշված՝ ոչ մի ուղեբեռ չունեի, եւ արագ հասա իր փողաբերանները Հանրապետությունների միությանն ուղղած սահմանային ամրոցներից մեկը. «պշտշ»-ով սկսվող ազգանունով սիրալիր պարետը թղթերից տեղեկանալով, թե ես ով եմ, համաձայնեց լիովին իմ տրամադրության տակ դնել տասնութ դյույմանոց պողպատե ճամպուրկը: Մենք ուղղվեցինք դեպի բետոնապատ հարթակը, որտեղ իր երկար, ուղղածիզ կնճիթն էր վեր հառել պողպատե հրեշը: Պարետի հրամանով հրետանային համարները սկսեցին ինձ պատրաստել ճանապարհվելու. հրետանային փակադակը բացվեց, մոտ գլորվեց կոնածեւ ճամպուրկով սայլակը, պողպատը զնգաց պողպատին, եւ պարետը պատվի առավ. «Ուղեբեռը բարձրված է, ուղեւորին խնդրում ենք զբաղեցնել իր տեղը»: Հրանոթն իջեցրեց կնճիթը, փղի պես, որին երեխաները վանդակի ճաղերի արանքից թխվածք են տալիս, ես թռա ծայրին՝ ուշադիր նայելով փողի մեջ. հանկարծ բաց չթողնեմ անհրաժեշտ պահը: Հետո երկաթով լցված անցքը Լորից սողաց վեր, ու Պշտշն հրամայեց. «Փողակը՝ գրո-գրո-գրո, ՌԽՖՍՀ-ի վրա՝ պարոն բարոնով... կրա՛կ»: Եվ... աչքերս փակելով՝ թռա: Մի՞թե արդեն: Սակայն, բացելով աչքերս, տեսա, որ Լստած եմ երկաթե փղի տակ, իսկ շուրջս Պշտշների Լույն ժպտացող մոռութներն են: Այո՛, միանգամից պետք է խոստո-

վանեմ, որ տեխնիկային չես գերազանցի. ևույնիսկ ֆանտազմները չեն անցնի նրան. ժամանակակից հրետագունող սանձելն այնքան էլ հեշտ չէ, որքան առաջվա ծանրաշարժ թուջե ռումբը: Եվ միայն երկու, խոստովանում եմ, անհաջող փորձից հետո ինձ վերջապես հաջողվեց սանձել գվացող պողպատը: Տասը վայրկյանի չափ օդը սուլում էր ականջներիս մեջ՝ փորձելով ինձ ցած նետել արկից. բայց ես փորձված հեծելակ եմ ու բաց չէի թողնում ձևկներիս արանքում սեղմված նրա շիկացած կլոր կողերը, մինչև որ գետնին խփվելը չդադարեցրեց թռիչքը: Շուրջս կայելով՝ տեսա, որ թռիչքը հետագծի ծայրով բարեբախտաբար խփվել է ճահճում կանգնած խոտի դեզին. ճիշտ է, խոտը վերածվել էր մամլած փերթերի, բայց փերթերը զսպակների պես մեղմել էին հարվածը՝ ինձ պահպանելով ոչ միայն կործանումից, այլև վնասվածքներից:

Եվ այսպես, սահմանը ետևում է: Վեր թռչելով՝ հայացքս պտտեցի հորիզոնով: Հարթ, խոպան դաշտ: Ամպերի ցածր առաստաղ՝ միայն հեռվում հենված տասնյակ ծխաքուլաների վրա: «Գյուղ է», - մտածեցի ես եւ ուղղվեցի ծխի կողմը: Շուտով գետնից դուրս պրծան նաեւ տները: Մարդու ձայնի տարածության մոտենալով՝ գյուղի ծայրին տնից տուն անցնող մարդկային կերպարանքներ տեսա, բայց չփորձեցի կանչել: Արեւն ինձ նման իր հետագիծն անելով՝ ընկավ գետնին. խուլ գյուղակում լույսեր վառվեցին, խանձված մսի հոտ եկավ, ինձ ընդառաջ սողացին սեւ երկար ստվերներ, ու ես, ակամա դանդաղեցնելով քայլս, հարցրի ինձ՝ պե՞տք է, որ կերակուրը շտապի ընթրիքի: Դժվար վիճակ էր. չկա մեկը, որ հարց տաս, մեկը, որի հետ խորհրդակցես: Սեկ ուրիշն իմ տեղում կշփոթվեր. բայց ես խորհրդի ետեւից չէի եկել Խորհուրդների երկիր եւ մի րոպե մտորելուց հետո արդեն գիտեի՝ ինչ անեմ:

Բանն այն է, որ սապոզներս կարել էին հին որսորդական սապոզներից, որոնք որոշ առանձնահատկություններ ունեին: Շատ տարիներ առաջ, երբ կորցրի իմ սիրելի շանը, ինչի մասին մի անգամ պատմել եմ իմ հուշերում, որոշեցի սիրտս չծանրացնել նոր կապվածություններով, որոնք կորստի նոր ցավ են բերում, ու սկսեցի առանց շան որս անել: Չէ՞ որ շանը հաջողությամբ կարող են փոխարինել լավ վարժեցված սապոզները, այո՛, այո՛, - ու քանի որ վախճանված շան մասին հուշերի ունայնությանը գումարվել էր նաեւ հին հողացավը, որը խանգարում էր քայլել ճահիճներով, ապա ես, համբերատար համառությամբ, որ հատուկ է Մյունխհաուզենների տոհմի բոլոր ներկայացուցիչներին, ձեռնամուխ եղա որսորդական սապոզներիս վարժեցմանը: Ի վերջո, ինձ հաջողվեց հասնել

Միգիզմունդ ԿՐԺԻԺՄՆՈՎՄԿԻ

բարեհաջող արդյունքների, եւ իմ միայնակ զբոսանքները՝ հրացանն ուսիս, սովորաբար այսպէս էին կատարվում. հասնելով ճահճուտին, որտեղ որս կար, հանում էի սապոզներս ու քթերն անհրաժեշտ ուղղությամբ դնելով՝ հրամայում. «Շե՛րշ: Շե՛րշ»: Ու սապոզներս, ճիմաթմբից ճիմաթումբ, քայլում էին՝ կաշին շրշյունով եղեգներին քսելով, ու վախեցնում թռչուններին: Ինձ մնում էր միայն մի չոր տեղ կտրած՝ քաշել հրահանները: Որսն ընկնում էր ճտքի մեջ: Դրանից հետո՝ կարճ «սպորտ», ու վարժեցված սապոզները վերադառնում էին, որպէսզի կաշվէ փողքերը հնազանդ դնեն տիրոջ ոտքերի տակ:

Այդպէս էլ հիմա. սապոզները ոտքիցս քաշելով՝ քթերով դրեցի դեպի գյուղը, ու՝ շե՛րշ: Սապոզները, որ վագոնում գտնվելու մի քանի օրվա ընթացքում մի քիչ հետ էին սովորել, արագ քայլեցին լույսերին ընդառաջ: Քայլում էին՝ հանգուցավոր ականջները բարձրացրած՝ փորձառու ու զգույշ լուտեսների պէս մեկ ձգվելով, մեկ տապելով իրենց ծայքերի վրա: Ես նրանց հայացքով ուղեկցեցի մինչեւ գյուղ: Բայց այստեղ կատարվեց անկանխատեսելիս. մի խումբ մարդիկ, իրենց վրա եկող սապոզները տեսնելով, սարսափած ճչալով ցիրուցան եղան: Անսպասելի միտք անցավ զլխովս. չէ՞ որ սնապաշտների ու անգետների երկրում եմ, իսկ եթէ սապոզներին հաջողվի սարսափ տարածել այս գյուղում եւ մյուսում, եւ մյուսում, որ դրանից հետո էլ,- ու մենք անցնենք,- մի զույգ սապոզն ու ես,- մեր առջեւից քշելով մութ գեղջուկների՝ սարսափով բռնված ամբոխները, որոնք, ճանապարհին սրբելով քաղաքները, հին քիմերական սարսափով վարակելով զանգվածներն ու բազում բազմություններ, մաքրելով խրճիթներն ու պալատները՝ հորդեն Ուրալից այն կողմ: Այդ ժամանակ, ներբանների հանգուցավոր ականջները կրունկներինս քաշելով, որեւէ Կրասնոկոկշայսկից՝ ռադիոգիր կիղեմ. «Վերցրի Ռուսաստանը մերկ ոտքերով: Օժանդակ ուժեր պետք չեն»: Եվ, հաջողությունը զարգացնելով, վեր կացա տեղից՝ պատրաստ ռազմական հնարքը տանել մինչեւ վերջ, թեկուզեւ կրունկներինս կոշտուկների գնով: Բայց իրավիճակը հանկարծ կտրուկ փոխվեց. նահանջող գյուղը անսպասելիորեն փշաքաղվելով եղաններով ու ցցափայտերով, վայրի, հռնդացող հորդայով հակահարձակման անցավ սապոզներիս դէմ: Նրանք այն է ուզում էին քթերը հետ շրջել, բայց արդէն ուշ էր: Մռնչացող հորդան, հարյուրավոր ձեռքերը խաչած ու եղանները թափահարելով, փակեց շրջանը: Հետո ամեն ինչ լռեց, եւ ես չկարողացա տեսնել, թէ ինչ է կատարվում մարդկային շրջանի ներսում: Հնարավորինս մոտենալով գերի ընկած սապոզներիս՝ մի քանի վի-

ճող ձայներ լսեցի, որոնք, սակայն, շուտով տեղի զիջեցին ինչ-որ ծորուն, ծերունական խոսքի: Ականջ դնելով՝ բոլորը ցրվեցին՝ դեպքի վայրում թողնելով միայն ծերունուն, որը, տրեխները հանելով, անշտապ ոտքերին քաշեց իմ սապոկները: Սպասելով ծերունին հագնի, բարձր խոտերի մեջ պահ մտած՝ նախ կամացուկ սուլեցի (սապոկներս, ձայնս լսելով, դարձան իմ կողմը), հետո գոչեցի «ապորտ»: Ծերունին ուզում էր քթերը դարձնել դեպի խրճիթը, բայց ի՛նչ դարձնել, նրա գառամ ոտքերը բռնելով՝ սապոկներս քայլեցին հակառակ ուղղությամբ: Ծերունին, թուփ ու խոտերից կառչելով, ապարդյուն փորձում էր կանգնեցնել նրանց. բայց իմ հավատարիմ սապոկները շարունակում էին իրենց հագած ծերունու հետ քայլել իրենց տիրոջ մոտ: Խեղճը տեսնելով, որ անկարող է հաղթել շատ ուժեղ թշնամուն, փորձեց մեջքով ընկնել գետին, բայց սապոկները, նրա ծնկները ծալելով, շարունակում էին մարմինը քաշել գետնի վրայով, մինչև որ հափշտակիչը հայտնվեց իմ առաջ: Եվ ես հավատում եմ, տիկնա՛յք եւ պարոնա՛յք, որ վաղ թե ուշ ողջ ազգայնացվածը կվերադառնա իր տերերին, ինչպես իմ սապոկները վերադարձան: Սա անմիջապես ասացի նաեւ պարտված ծերուկին՝ ավելացնելով, որ ամոթ է ճերմակած մարդուն՝ Աստծուն փոխանակել սոցիալիզմով: Սրբազան սարսափով բռնված ծերունին դուրս պրծավ սապոկներից ու փաթաթանները կորցնելով՝ վազեց գյուղ: Շուտով գյուղի ողջ բնակչությունը, մինչև գետին խոնարհվելով, եկեղեցու զանգահարության ներքո, խաչերթով, աղ ու հացով դուրս եկավ ինձ ընդառաջ: Ես ընդունեցի բարի գեղջուկների հրավերն ու գիշերակացի մնացի նրանց գյուղում: Քանի դեռ քնած էի, լուրն իմ մասին, առանց այք կպցնելու, շրջում էր հարակից գյուղերով: Առավոտյան պատուհանիս տակ բողոքավորների ու խնդրարկուների մի հսկա ամբոխ էր հավաքվել: Ես լսեցի բոլորի խնդրանքներն ու ոչ մեկին չմերժեցի: Օրինակ, մի գյուղակի բնակիչները դիմել էին ինձ՝ լուծելու իրենց հին վեճը, որ գյուղը բաժանել էր երկու թշնամի կողմի: Բանն այն է, որ գյուղի մի կեսը սայլապանություն էր անում, մյուսը՝ զբաղվում երկրագործությամբ: Բայց քաղաքացիական պատերազմը կրճատել էր ձիերի թիվը: Չիերը սայլերին լծես՝ դու ես գութան քաշելու, կապես գութաններին՝ սայլերը դու ես ձգելու: Հիշողություններն օգնեցին ինձ լուծելու այդ դժվար հանգույցը. հրամայեցի սղոց բերել, ու ձիերն իրար ետեւից սղոցվեցին երկու մասի, ինչի շնորհիվ նրանց թիվը կրկնապատկվեց: Առջեւի ոտքերը լծեցին սայլերին, ետեւի ոտքերը՝ գութաններին, ու գործը տեղից շարժվեց: Այդպես էի պայքարում անծիության դեմ, եւ եթե Խորհուրդների կառա-

Միգիզմունդ ԿՐԺԻԺՄՆՈՎԱԿԻ

վարությունը ժողովրդական տնտեսության ինչպես այս, այնպես էլ այլ ոլորտներում ընդունել իմ տեսակետը, կխուսափեմ երկար տարիների քայքայումից ու աղքատացումից:

(Դահլիճով՝ ծափահարությունների շրջուն):

Գյուղացիները չգիտեին ինչպես շնորհակալ լինեն: Նրանք ինձ նվիրեցին երկուտանի ձիերից մեկը, ես թամբեցի ու շարունակեցի ճամփան՝ ուղղվելով դեպի մոտակա երկաթուղային կայարան:

2

Գյուղացիներն ինձ զգուշացրել էին, որ երկաթգծի շուրջը անհանգիստ է, ու մթին գիշերներին կարելի է հեշտությամբ ընկնել ավազակների ձեռքը: Եթե չմոլորվեի ռուսական ուղեխափանքում, մինչև մթնշաղը կհասնեի կայարան: Բայց խճճված սայլուղիներն ինձ պտտեցին մինչև գիշեր: Հոգևատանջ կիսածին մի կերպ էր շարժում զույգ սմբակները, երբ բազմաթիվ ձիերի մոտեցող դոփյուն լսեցի: Ավազակախումբ էր: Արդեն ուզում էի ուժ տալ խթաններին, բայց երկոտանիով չորքոտանիներից չես փախչի: Շուտով հեծյալները շուրջս փակեցին օղակը. ձեռքս պարզեցի երախակալին, բայց հիշեցի, որ սուսերս մնացել է Բեռլինում, Ալեքսանդեր-պլացի պահարանում: Ավազակները սեղմեցին օղակը. ես ձեռքս տարա գլխիս՝ որոշելով հյուսքս բռնած՝ ինձ դուրս քաշել անհարմար ընկերախմբից (ինչպես ժամանակին այդպես դուրս էի քաշել ճահճից), բայց, հազա՛ր անեճք, մատներս դիպան խուզած ծոծրակիս. ավաղ, ստիպված էի հանձնվել: Եվ ես հանձնվեցի: Ասենք, ավազակներն ինձ ոչ մի վնաս չպատճառեցին եւ ընդհանրապես բարեկամաբար էին վերաբերվում, համարյա որպես յուրայինի, եւ նույն գիշեր ատաման ընտրեցին: Ու քանի որ այդ ամենը կատարվում էր գիշերով, անթափանց խավարում, ապա չգիտեմ՝ ինչն էր առաջնորդում այդ մարդկանց. գուցե բնա՞զդը:

Ինձ սիրտ տալով՝ ստիպված էի ելթարկվել. մարդիկ բարի են, քանի դեռ չես հակառակվում: Օրինակ, իմ ու ձեր հարաբերությունները, տիկնա՛յք եւ պարոնա՛յք, կառուցված են նրա վրա, որ ես չեմ հակառակվում ձեզ. դուք ասում եք, որ ես կամ, լա՛վ, չենք վիճում, բայց եթե ասեք... չնայած, վերադառնանք դեպքերին: Ես փառասեր չեմ, եւ ատամանի տիտղոսը ինձ քիչ էր հուզում. համարյա ամեն օր նրանց առաջարկում էի տապալել ինձ, անցնել կառավարման հանրապետական կարգի եւ աքսորել ինձ, թեկուզ, Մոսկվա: Ավազակախումբն, ի վերջո, համաձայնեց բաց թողնել, բայց պայմանով, որ փրկագին վճարեմ՝ փողով կամ բարի

խորհրդով, ինչով կուզեմ: Դե ինչ: Մի րոպե մտածելով՝ ես ավազակային գործի արդյունավետության բարձրացման պլան կազմեցի: Բոլորի համար պարզ է, որ քայքայված երկրում «կաղնե ասեղի» աշխատավորի վիճակը (նրանց երկրում ընդունված եզրույթով) խիստ աննախանձեղի ու հոգսաշատ է: Յերեկները ստիպված է թաքնվել անտառներում՝ վախենալով կարմիրբանակային հրացանների հետ հանդիպումից, եւ միայն անլուսին գիշերներն են նրան թույլ տալիս զբաղվել, այսպես ասած, արժեքների տեղափոխությամբ, իր գրպանով որսալ փախչող մետաղադրամները, ինչպես միջատաբանն է իր ցանցով որսում փախչող թիթեռներին: Այսպիսով, դրամին դուրս պրծնելու հնարավորություն տվող լուսնյակ գիշերներն անշահավետ էին դառնում: Ահա մի այդպիսի լուսնարծաթով ողողված գիշեր ես ավազակախումբը հանեցի անտառի եզրը, հրամայեցի շարք կազմել ու երեք տասնյակ բերաններով փչել երկնային լուսատուի վրա: Այդ մարդիկ նախանձեղի թոքեր ունեին (ոռու ժողովուրդը թոքերը զարգացնում է իրենց ինքնատեղները փչելով): համերաշխ արտաշնչման քամու տակ լուսինը թարթեց, ձգեց իր կանաչ լեզուներն ու հանգավ: Լուսնագրկումից հանկարծակիի եկած գումակներն ու ճամփորդները ընկան մեր ձեռքը:

Եվս մի քանի կրկնողական վարժություն՝ եւ ավազակախումբն այլեւս հրահանգի կարիք չուներ: Դա հանգեցրեց վերջին տարիների մի շարք խավարումներին եւ ընդհանրապես երկնակամարի ոչ այնքան ճշգրիտ բացատրված, առեղծվածային երեւույթների. պատճառը, համարձակվում եմ հայտարարել այստեղ՝ գիտության կաճառում, Ռուսաստանի սահմանամերձ անտառներից մեկում է: Իմ բարեկամ Ալբերտ Էյնշտեյնը, որին մոռացել էի նախօրոք զգուշացնել, մի փոքր շտապեց՝ այդ երկնային անոմալիաներից անելով իր վերջին եզրակացությունները. այն, ինչ կարելի է բացատրել տնտեսական օրենքներով, եւ դրանում Մարքսն իրավացի է, աստղագիտական հաշվարկների կարիք չունի. պատճառներ գտնելու համար կարիք չկա փորփրել աստղերը, երբ դրանք կարող են հայտնաբերվել այ այստեղ, մեր ոտքի տակ, երկրի վրա: Եվ եթե հետո գտնվի մի մարդ, որը, ասվածին հակառակ, կցանկանա գրել «չմարած լուսնի» մասին, թող զգուշանա ինձ՝ Մյունխհաուզենիս հետ հանդիպումից. ես կմերկացնեմ նրան ստի մեջ:

Հոետորը, մի վայրկյան խոսքն ընդհատելով, գրաֆինի բյուրեղապակին խոնարհեց բաժակի վրա. դահլիճում այնպիսի լուռություն էր, որ նույնիսկ վերջին շարքերից լսելի էր ջրի կլկոցը գրաֆինի կոկորդում:

3

Երեսուն հրացան հրաժեշտի համազարկով ողջունեցին ինձ բաժանման ժամին: Անտառն իմ թիկունքում թողնելով՝ ուղղություն վերցրի դեպի շոգեքարշերի շչակները, որոնք ժամանակ առ ժամանակ ինձ ճանապարհ էին ցույց տալիս սայլուղիների խճճված կծիկում: Վերջապես հասա հարթավայրում կորած մի կիսակայարան ու սպասեցի Մոսկվայի գնացքին: Կառամատույցը թաղված էր պարկերի ու կապոցների տակ, որոնց կողքին ու վրա նստած ու պառկած էին ինձ նման գնացքին սպասող մարդիկ: Սպասումը երկար ու հոգևեցուցիչ էր: Կողքիս, դատարկ (ինչպես ինձ թվաց առաջին հայացքից), բայց երեք հանգույցով բերանը կապած պարկի վրա նստած հարեանիս անմորուք դեմքը արդեն հասցրել էր պատվել շեկ ստեղծել, երբ հորիզոնին վերջապես երեսաց երկար սպասված ծխաքուլան: Պնացքը սողում էր անձրևաբերի արագությամբ, ու սկսեցի վախենալ, որ կարող է որդի պես թաղվել հողում, դատարկ գծերի վրա թողնելով միայն ծխի գորշ ոլորքը:

Դահլիճում գտնվողներից շատերին գուցե տարօրինակ թվա իմ այս զգացողությունը, բայց ինձ՝ սակավինիկիս, դանդաղընթաց, չափավոր ու ծորուն ամեն ինչ միշտ կարծեցյալ ու անիրական է թվացել, եւ գուցե այդ պատճառով փոքր արագություններին ու վայրկյանաչափի սլաքներից ժամի սլաքներին դարձած Ռուսաստանը ինձ ցնորական ու պատրանքածին զգացողությունների մի ամբողջ համալիր պարզեցեց: Մեկնելու ազդանշանին սպասող վագոնում հարեանս նույն շեկ ստեղծել ու դատարկ պարկը ուսին մարդն էր: Ճիշտ է, այդ դատարկությունն անսպասելի գնաց՝ վագոնի դարակին խփվելով:

- Ի՞նչ եք տանում,- չէի կարող չհետաքրքրվել ես:
- Բիզ է՝ պարկի մեջ,- պատասխանեց ստեղծ:
- Կարծում եք կվաճառե՞ք:
- Իհարկե: Մոսկվայում սա պահանջարկ ունի:

Ես ուրախացա: Չէ՞ որ իմ ապրանքն էլ մոտավորապես նույն տեսականուց էր: Այդ ընթացքում գնացքը շարժվեց, ինչը ավելի բարձրացրեց տրամադրությունս: Բայց ոչ երկար: Անիժված որդը կանգառ էր անում ամեն փայտակոճի վրա, ասես փայտակոճը կայարան լիներ: Բայց ուղեորները որեւէ զարմանք չէին արտահայտում, կարծես ամեն ինչ հենց այդպես էլ պիտի լիներ: Երեկոյան կողմ սողալով հասանք հաջորդ կիսակայարան: Ուղքերիս թմրությունը հանելու համար գնացքի երկարությամբ քայլեցի դեպի շոգեքարշի ծխնելույզը, որ բուռ-բուռ կարմիր սերմեր էր

Նետում հողի պես սեւ գիշերվա մեջ. դրանց լույսի տակ տեսա, որ տենդերում ոչ քարածուխ է, ոչ էլ փայտ, այլ գրքերի կույտեր: Գրադարանային գործի այդպիսի զարմանալի դրվածքից ապշած ու սպասելով, մինչեւ շարժվող գնացքի ցնցումը կարթնացնի հարեանիս՝ նոր հարցերով դիմեցի նրան: Մեր խոսակցությանը խառնվեցին նաեւ այլ ուղեւորներ, ու շուտով շատ բան պարզ դարձավ ինձ համար, այդ թվում եւ մեր՝ բաբախումներով, փայտակոճից փայտակոճ շարժման պատճառը:

- Գիտե՞ք ինչ,- բացատրեցին ինձ բոլոր կողմերից,- մեր մեքենավարը պրոֆեսորներից է, շատ գիտուն մարդ, ոչ մի գիրք բաց չի թողնի, մինչեւ ծայրից ծայր չկարդա, հնոցը չի նետում, ո՛չ, ահա եւ գնում ենք ծղանծղան, այսինքն գիրք գրքի ետեւից, մինչեւ...

- Բայց թույլ տվե՞ք,- բորբոքվեցի ես,- մենք կբողոքենք, թող նրան հաւեն եւ ուրիշ մեքենավար բերեն:

- Ուրի՞շ,- բոլոր քնադարակներից ձգվեցին անհանգստացած վզերը:- Բայց դեռ հայտնի չի ձեր ուրիշն ով կլինի. այ հարեան ճյուղում մի մեքենավար կա, բացի «Անտի-Դյուրինգից» ոչինչ ու ոչ մեկին չի ընդունում, բոլոր գրքերը՝ հնոցը, խրճերով, մինչեւ շիկանալը, ու՝ ողջ ընթացքով, բայց եթե, Աստված չանի, «Անտի-Դյուրինգ» հանդիպեց, էլ աչքը չի կտրում... դե, էստեղ աղետն էլ հեռու չի: Չէ՛, մեզ ոչ մի ուրիշ էլ պետք չի. սա, էլյեմիտ-վելյե, թեկուզ օրը մի թիզ, բայց ձգում է, իսկ «ուրիշը» կարող է էնքան ուրիշ լինել, որ բոլորիս անտիդյուրինգ անի հողաթմբից՝ անիվները վեր, ու Մոսկվայի փոխարեն՝ երկնային արքայություն:

Չվիճեցի, բայց նոթատետրում պահված նոտաբեններին մեկն էլ ավելացավ: Մոսկվա հասնելով՝ կփորձեմ պարզել՝ դեռ երկա՞ր կբավականացնեն ռուս գրականության պաշարները:

4

Երբ մոտենում էինք մոսկովյան կայարանին, եւ արդեն ձեռքս տարել էի դռան բռնակին, սլաքավարը բացեց խորհրդային կարմիր դրոշը, ինչը նրանց մոտ նշանակում է «ճանապարհը փակ է»: Եվ ի տես հազարավոր զանգակատներ երկինք նետած Մոսկվայի՝ ստիպված էի ուղիղ մի ժամ սպասել, մինչեւ ուղեւալքը թույլ տվեց գնացքը մոտենա կառամատույցին:

Առաջինը, որ աչքիս ընկավ, կայարանի պատին փակցրած հայտարարությունն էր, որով առողջժողովոմ Սեմաշկոն, չգիտես ինչու, խնդրում էր իրեն չչրթել: Հոնքերս թրան ճակատս եւ այդպես էլ չիջան Մոսկվայում

Միգիզմունդ ԿՐԺԻԺԱՆՈՎԱԿԻ

գտնվելուս ողջ ընթացքում: Արտասովորությունների պատրաստ, դողա-
ցող սրտով մտա արյան ու գաղտնիքների վրա կառուցված այդ քաղաքը:

Մեր եվրոպական ասեկոսները Հանրապետությունների Միության
մայրաքաղաքի մասին, որոնք այն շրջոնքված քաղաք են ներկայացնում,
որտեղ տները կառուցում են տանիքից դեպի հիմքը, քայլում են՝ կոշկա-
տակերն ամպերում, խաչակնքում ձախ ձեռքով, որտեղ առաջինները
միշտ վերջին են (օրինակ, հերթերում), որտեղ պաշտոնական ճիշտը
«Պրավդան» է, քանզի հակառակն է, եւ այլն, եւ այլն,- ամեն ինչ չես հիշի,-
այդ ամենը ճիշտ չէ. Մոսկվայում տները տանիքից հիմքը չեն կառուցում
(եւ հիմքից տանիք չույնպես չեն կառուցում), ոչ ձախով են խաչակնքում,
ոչ աջով, իսկ ինչ վերաբերում է նրան՝ գետի՞նը, թե՞ երկինքն է կոշկատա-
կերին՝ չգիտեմ. մոսկվացիներն, ըստ էության, առանց կոշկատակերի են
շրջում: Ընդհանրապես, սովն ու աղքատությունը բոլոր կողմերից պար-
զում են իրենց հազարավոր ափերը: Ամեն ինչ կերված է, մինչեւ եկեղեցի-
ների սոխածեւ գմբեթները ներառյալ. որոշ ժամանակ փորձել էին սնվել
ոսպնյակային ոսպով, որից, ասում են, անորսալի-թափանցիկ ապուր էր
ստացվում: Սևնդի կրպակների դռներն իմ այցելության ժամանակ արդեն
մեխած էին, եւ միայն ապխտած ազդրերի, Լրբերշիկների դրասանգերի
ու ամսաբողկի պոչերի զարդանախշերի կամ էլ ոլորաբլիթների ու խոզի
գլուխների ոսկեքանդակ պատկերներով ցուցափեղկերի առաջ իրար զլ-
խի էին հավաքվել մարդկային բազմություններ ու նայովի սնվում էին:
Ավելի բարեկեցիկ տներում, որտեղ կարող էին վճարել նկարչի աշխա-
տանքի դիմաց, ճաշում էին առաջվա պես պահպանելով խոհարարական
ավանդույթները: Սեղանին առաջինը մատուցում էին հովանդական դպրո-
ցի Լատյուրմորտ՝ տարատեսակ ուտելիքների պատկերով, երրորդին՝ տո-
նածառի մրգեր՝ պապյե-մաշեից: Սրան զումարվել էր նաեւ ապրանքային
սովը. խանութների դարակներին փոշուց բացի ոչինչ չկար: Ծիծաղելի է
ասել, երբ ձեռնափայտի կարիք եղավ, սովորական մահակի (մայթերն
այնտեղ ամբողջովին խոչ ու խութ էին), խանութներում երկու ծայրով մա-
հակ չճարվեց. ստիպված էի բավարարվել մեկծայրանի մահակով: Կամ էլ
մի այսպիսի օրինակ. երբ ապրանքագրկությունից հուսահատության հա-
սած մի մոսկվացի փորձել էր կախվել, պարզվել էր՝ պարանը հյուսված է
ավազից. մահվան փոխարեն ստիպված էր բավարարվել վնասվածքնե-
րով: Այլանդակություն:

Ներքին տարածայնությունները մայրաքաղաքում գտնվելուս ընթաց-
քում ավելի էին խորացնում քայքայումն ու աղքատությունը: Այսպես, մի

անգամ գորշ, սարդոստայնի գույնի տների մոտով անցնելիս հաճույքով կանգ առա մի առանձնատան մոտ, որն աչքի էր ընկնում ներկի թարմ փայլով ու ապակեպատ պատուհանների շարքով: Բայց հաջորդ իսկ օրը, երբ դիպվածին հաճո էր եղել, որ կրկին հայտնվեմ այդ տան մոտ, տեսա, որ պատերը խունացել ու ծովել են, իսկ փողոցը՝ ճակտոնի մասում պատված է թափված ձեփով ու փշրված ապակիներով:

- Ի՞նչ է պատահել այս տանը,- դիմեցի մի անցորդի, որ զգույշ խուսա-
նավում էր՝ ջանալով բոբիկ կրունկները պաշտպանել ծակծկվելուց:

- Բանավե՛ն:

- Իսկ հետո՞:

- Իսկ հետո ընդդիմության առաջնորդը հեռանալիս շխկացրել է դուռը:
Այսքանը:

- Անհեթեթություն,- մեր ձայների վրա շրջվեց դիմացից եկողը,- հեռա-
նալիս մատը դռան տակ է մնացել: Իսկ բանն այն է, որ...

- Ինձ համար,- անսպասելիորեն կաղին տալով՝ մոայլ կտրեց առաջի-
նը,- բանն այն է, որ ձեր հարցուփորձի պատճառով վնասեցի ոտքս:

Երկու թիկունքներ բաժանվեցին՝ ձախ եւ աջ, ինձ թողնելով կատար-
յալ տարակուսանքի մեջ...

Հռետորը սեղմեց կոճակը: Լույսը փոխարինվեց մթությամբ, եւ Էկրա-
նի փայլատ քառակուսու վրա թրթռացին, անշարժացան ու հստակվեցին
մինչ ու հետո նկարված տան կրկնապատկեր ուրվագծերը:

Որոշ գլուխներով արդեն անցնում էր զուգորդումը մարտինիկյան երկ-
րաշարժի հին, կիսամոռացված լուսանկարների հետ, բայց մինչ հիշողու-
թյունը կգիտակցեր, կոճակը փակեց շղթան, եւ հռետորը շարունակեց՝
թույլ չտալով, որ ուշադրությունները շեղվեն:

5

- Եթե Մոսկվային նայեք թռչնաթռիչքի բարձրությունից, կտեսնե՛ք՝
կենտրոնում քարե սարդ՝ Կրեմլը, որ չորս լայն բացված դարպասներով
նայում է իր հյուսած փողոցների ոստայնին. նրանց գորշ թելերը, ինչպես
որ ցանկացած սարդոստայնինը, ճառագայթածեւ հեռանում էին իրա-
րից՝ ամրակցվելով հեռավոր քաղաքամուտքերին. շառավիղներին զու-
գահեռ, բազմաթիվ կարճ կապերով՝ նրբանցքները. դրանք այսուայնտեղ
երկար աղեղներ են կապում՝ կազմելով այգիների ու հողապատնեշների
օղակը, որոշ տեղերում սարդոստայնի թելերը կտրվել են քամուց. դրանք
փակուղիներն են. իսկ սարդոստայնի միջով, կորացնելով կտորված

Միգիզմունդ ԿՐԺԻԺՄՆՈՎՄԿԻ

մարմինը, կամուրջների երկթաթերի արանքում սեղմված կապույտ թրթուր՝ գետը: Բայց թռչունին թույլ տվեք իջնել մոսկովյան տանիքներից որեւէ մեկի վրա, իսկ ինձ՝ կառք նստել:

- Ո՛ր,- հարցնում է իմ հպումից արթնացած կառապանը:
- Տաբաչիսիսյան նրբանցք:
- Միլիարդ՝ ձերո՞ղ ողորմածությունից:

Կառապանը մտրակում է կիսամեռ ձիուկին, թեթեւ կառքը՝ սալաքարից սալաքար, եւ կամրջի կուզն անցնելով՝ մտնում ենք անդրմոսկովյան նրբանցքների սարդոստայնը. դրանցից մեկում՝ շեղաջք պատուհաններով, ճոճացող առմուտքով տնակ.

- Պրոֆեսոր Կորոբկինը տա՛նն է:
- Համեցե՛ք...

Մտնում եմ: Մեծավաստակ գիտնականն ինձ ընդառաջ է շլում ակնոցի ապակիները: Բացատրում եմ այցիս նպատակը. օտարերկրացի եմ, ցանկանում եմ ծանոթանալ նյութական պայմաններին, որոնց մեջ դրվել է ռուսական գիտությունը: Պրոֆեսորը ներողություն է խնդրում, որ չի կարող սեղմել ձեռքս: Իսկապես. մատները փաթաթված են թանզիֆով ու ձգված վիրակապով: Ստահոգ հետաքրքրվում եմ: Պարզվում է՝ զրկված լինելով ամենաանհրաժեշտ գիտական պիտույքներից, օրինակ, գրատախտակից, գիտնականները ստիպված են կավիճը ձեռքին դեգերել՝ իրենց հաշվարկների, գծագրերի ու բանաձեւերի համար գրատախտակ հիշեցնող որեւէ բան փնտրելով: Եվ այսպես, պրոֆեսոր Կորոբկինին տառացիորեն նախորդ օրը հաջողվել էր կառեթի մի ոչ վատ սեւ թիկնակ գտնել իր տնից ոչ հեռու, շքամուտքերից մեկի մոտ: Պրոֆեսորը կավիճը ձեռքին մոտեցել էր, եւ հանրահաշվական նշաններն արդեն ճոճում էին ինքնաշեն գրատախտակին, երբ հանկարծ այն, ակիվները պտտելով սկսեց հեռանալ՝ իր հետ տանելով կիսաբացահայտած հայտնագործությունը: Բնականաբար, խեղճ գիտնականը վազել էր փախչող բանաձեւի ետեւից, սակայն բանաձեւը, անվաճաղերը շողացնելով՝ կտրուկ շրջվել էր նրբանցքը, առեղն՝ ընդառաջ, հարված՝ եւ հիա թանզիֆով փաթաթած վերջույթների անբարբառ ապացույցը: Շուտով, մանզաղով ու մուրճով կիշված շքամուտքերից մեկի մոտով անցնելիս արագ աստիճաններին մոտեցող մի ավտոմոբիլ տեսա. հետևապատիւն, սեւ բրեզելտի վրա սպիտակով արված կիսատ գծագիր կար: Նայելով այն ուղղությամբ, որտեղից եկել էր գծագիրը, շուտով աչքերով գտա նաեւ գծագրողին. փողոցի երկար հեռապատկերից, ասթմատիկ շնչելով ու ճաղատով օդը պոզա-

հարելով, մի մարդ էր վազում. պարզաձ ափի մեջ ճերմակին էր տալիս կավիճի կտորը: Չուտ մարզական սովորությունն ինձ ստիպեց հանել ժամանակաչափն ու զսպանակը սեղմելով՝ սլաքն ուղարկել վայրկյաններով ու ութերորդականներով պտտվելու: Բայց այդ ժամանակ ավտոմոբիլի դուռը շխկաց. մի մարդ, աչքերը գլխարկի շքոցի տակ թաքցրած, պորտֆելը արմունկի ուղիղ անկյան տակ, դուրս գալով մեքենայից՝ ընդհատեց իմ դիտարկումները.

- Օտարերկրացի՞ եք:

- Այո՛:

- Հետաքրքրվո՞ւմ եք:

- Այո՛:

- Այսպես ուրեմն,- մտը պարզվեց վազքով մոտեցող ճաղատի կողմը,- ձերոնց ասե՞ք՝ կարմիր գիտությունը առաջ է գնում:

Ու շրջվելով դեպի շքամուտքի դուռը՝ ձեռքով հրավիրելու նշան արեց: Մենք աստիճաններով բարձրացանք նրա աշխատասենյակը, որտեղ տասներեք հեռախոս էր դրված: Ինչպես հմուտ սրնգահարն է շրթունքներով հպվում եղեգնափողի անցքերին, մարդը շրթունքներն արագ սահեցրեց մեմբրանների վրայով, պապ ցույց տվեց բազկաթոռն ու նստեց իմ դիմաց: Անհարմար էի զգում հարցնել, բայց միանգամից երեւաց, որ խոսակցություն է սպասվում հայտնի ու նշանակալի մարդու հետ: Չրուցակիցս հատու էր խոսում, հարցական նշանը գերադասում էր մնացած բոլորին, առանց ներածականների ու ստորադասականների. հարցերը դնում էր, ինչպես դույլերն ու լազաններն են մոտեցող անձրեւից առաջ դնում առաստաղի անցքի տակ, ու սպասում էր: Ճար չկար. սկսեցի խոսել աղքատության, անսննդության, հացազրկության, ապրանքազրկության տպավորությունների մասին, որոնցից Արեւմուտքից եկած մարդը բացարձակապես աչքերը թաքցնելու տեղ չուկ: Սկզբում զսպում էի ինձ, պահում բառերի հաշիվը, բայց հետո վերջին տպավորությունները տիրեցին ինձ, եւ ազատություն տվեցի փաստերին, ու դրանք հեղեղի պես թափվեցին նրա լազանը: Ոչինչ չմոռացա՝ ընդհուպ միծայրանի մահակը:

Մինչեւ վերջ լսելով՝ մարդը հանեց հովարով գլխարկը, եւ ես տեսա աչքերն ու ճակատը, որոնք քաջ ծանոթ են բոլոր նրանց, ովքեր թեկուզ երբեմն նայում են պատկերազարդ Յիբբուքը. անհնար էր չճանաչել.

- Այո՛, մենք աղքատ ենք,- բիբերով բիբերս որսաց նա,- մեզ մոտ՝ ինչպես ցուցահանդեսում՝ ամեն ինչից մեկական օրինակ է, ոչ ավելի: (Դրանից չէ՞, որ այդքան սիրում ենք ցուցահանդեսները): Ես կռահեցի ձեր

Միգիզմունդ ԿՐԺԻՃԱՆՈՎԱԿԻ

միտքը, այնպես չէ՞: Ճիշտ է. մեր մահակները մի ծայր ունեն, մեր երկիրը՝ մի կուսակցություն, մեր սոցիալիզմը՝ մի երկիր, բայց պետք չէ մոռանալ նաև մեկծայրանի մահակի առավելությունների մասին՝ գոնե գիտես որ ծայրով խփել: Խփել՝ ընտրություն չանելով մեկի ու մյուսի միջև: Մենք աղքատ ենք եւ ավելի ենք աղքատանալու: Բայց եւ այնպես, վաղ, թե ուշ, խրճիթների երկիրը կդառնա պալատների երկիր:

Մի րոպեի չափ լսում էի, թե նրա մատներն ինչպես են թմբկահարում սեղանի երեսին: Հետո.

- Ինչո՞ւ չեք հարցնում գրականության մասին:

Խոստովանեմ՝ ցնցվեցի. կկոցված աչքերն ակնհայտորեն թափանցել էին բաճկոնիս դարձածալի տակ ու տիրություն էին անում նոթատետրիս մեջ:

- Դուք կռահեցիք միտքս:

- Անունը նույնպես,- ծիծաղը բացեց բերանի բացվածքը, ինչպես դի-աֆրագման լուսանկարման կարճ պահին,- չէ՞ որ գրական կերպարի համար բնական է հետաքրքրվել գրականությամբ: «Ի՞նչ հոտ ունի կյանքը»: Տպագրական ներկի՝ գրքերում ապրող կամ այնտեղ վտարանդված մարդկանց համար: Այսպես ուրեմն. բոլոր գրիչներին մեզ մոտ տրված է ընտրել՝ պահակետ կամ պահք: Մեկին՝ անփոփոխ իր պահակետը, մյուսին՝ գրական պահեցողություն:

- Բայց այդ դեպքում,- շփոթմունքից մի քիչ ուշքի գալով՝ առարկեցի ես,- շոգեքարշի հնոցով սկսածը դուք ուզում եք ավարտել...

Նա վեր կացավ: Ես՝ նույնպես:

- Հստակության համար՝ այս հասցեով,- թանաքե տողը նոթատետրից կտրելով՝ մոտեցավ ինձ:- Գիտական ճաղատը կարծես ավարտել է գծագիրը: Իմ ժամանակը սպառվեց: Կարող էի ձեզ հետ ուղարկել, եւ ոչ ծխ-նելույզով, ինչպես ընդունված էր միջին դարերում. բավական է ահա այդ հեռախոսափողն ու գումարած երեք տառ՝ Էկզորցիզմի փոխարեն, ու փոշեհատիկի պես կքշվեիք քամուց: Բայց իմանալով *nomen-ը [անուն - լատ.],* գուշակում եմ նաև ձեր *omen-ը [Նշան, սիմվոլիկա - լատ.].* Թող այդպես լինի: Օտարերկրացիություն արեք:

Մենք ժպիտներ փոխանակեցինք: Բայց ոչ ձեռքսեղմում: Ես դուրս եկա: Աստիճանները ստեղների պես դուրս էին պրծնում ոտքերիս տակից: Միայն փողոցի պաղ օդը վերադարձրեց հանգստությունս:

6

Նոթատետրի թերթիկին գրած հասցեն ինձ հասցրեց ազնվականական առանձնատան սյունաշարին՝ մոսկովյան խաղաղ փողոցներից մեկում՝ հեռու բեռնասայլերի դրոշմից ու տրամվայների գանգահարությունից: Նոթատետրի նույն թերթիկը բացեց աշխատանքային սենյակի դուռը, որտեղ, ինչպես ասաց սպասավորը, այդ պահին գտնվում էր տանտերը: Շեմը հատելով՝ տեսա մի հսկա, անկյունները լայն տարածած սրահ, զուրկ կահավորման որելե նշանից: Սրահի հատակը, պատից պատ, ծածկված էր կոճգամերով ամրացված սպիտակ թղթի հսկա թերթով: Հայացքով սահելով բազմասաժեն էջի վրայով՝ հեռավոր ծայրին տեսա մի չորեքթաթ մարդու, որը ձախից աջ էր գնում՝ տեղափոխվելով անտեսանելի տողագծերով: Ավելի ուշադիր նայելով՝ նկատեցի, որ ոտքերի ու ձեռքերի մատների արանքից դուրս են պրծել հավատարիմ գրիչների ծայրերը, որոնք արագ սահում էին թղթե հարթավայրով: Աշխատելով հմուտ հատակ փայլեցնողի արագությամբ՝ նա, չորս գրիչները ճոռացնելով, պատից պատ թանաքի չորս ակոս բացեց՝ ավելի ու ավելի մոտենալով ինձ: Հիմա արդեն, այժերս լարելով կարողացա տեսնել, որ վերին տողով ձգվում էր ողբերգություն, մի ֆուտ ներքե՝ տրակտատ գեներալ-բասի ու ձայնակարգության խիստ ձեւերի մասին. ձախ ոտքի տակից տողաշարվում էին ակնարկներ երկրի տնտեսական դրության վերաբերյալ, իսկ աջից՝ քառյակներով վողեվիլ էր ճռճում:

- Այդ ի՞նչ եք անում,- այլեւս չկարողանալով հարցս զսպել՝ քայլ արեցի փայլեցնողի կողմը:

- Գրականություն:

Ես դուրս եկա ոտքերիս ծայրերին՝ վախենալով, որ կխանգարեմ ծննդաբերությանը:

Դրանով իմ ծանոթությունը Մոսկվայի գիտական ու գեղարվեստական աշխարհի հետ չավարտվեց. այցելեցի «Լոելու լիակատար բառարանի» հեղինակին, եղա հայտնի աշխարհագետի մոտ, որը գտել էր Թեթեամիտ ծովախորշը, այցելեցի խոռոչների մի համեստ հավաքորդի, ներկա եղա Հերվա Չյան Ուսումնասիրության ասոցիացիայի հանդիսավոր նիստին: Այլ խոսքով, մտա այն հուզող հարցերի շրջանակը, որոնց իր աշխատություններն էր նվիրել կարմիր գիտությունը: Ժամանակի սակավությունը թույլ չի տալիս ինձ, որքան էլ գայթակղիչ լինի թեման, ավելի երկար կանգ առնել դրա վրա:

7

Դեգերելով մտածողությունից մտածողություն, խփվելով բոլոր գիտուն վիթխարիներին՝ չէի նկատել մի արշին ներքեում կատարվողը. ռուսական ասացվածքն այն մասին, որ սովը մտավ կատվի փորը, շտկման կարիք ունի. բոլոր կատուները վաղուց արդեն կերված էին, իսկ երբ փորձեցին սովի մասին հարցը ջնջել, արդեն զայրացած զմռում էր բոլոր փորերից՝ սպառնալով, որ եթե հաց չտան, կխժռի հեղափոխությունը: Ես բնույթով ֆիլանտրոպ եմ, Հովարդի ու Հաագի անուններից աչքերս արցունքով են լցվում, ու որոշեցի կարելվույն չափ օգնել հրդեհներից ու արեւից խարկված երկրին. գաղտնագրված հեռագիր ուղարկեցի, եւ շուտով Եվրոպայից ատամնաքիչներով բարձված մի քանի գնացք եկավ: Պատկերացնո՞ւմ եք, տիկնա՛յք եւ պարոնա՛յք, թե սովահար զավառների բնակչությունն ինչպիսի զգացումներով դիմավորեց այդ գնացքները: Առաջին հաջողությունը կրկնապատկեց իմ ուժերը. Խորհուրդների կառավարության կազմակերպած սննդի կետերը չէին կարող պայքարել սովի տարերքի դեմ. ուտելին հատիկ-հատիկ էին բաժանում մարդկանց, որպեսզի ոչ ոք չկարողանար ասել, որ բերանը հատիկ չի դրել. դա կանխում էր բողոքը, բայց դատարկ էր թողնում ստամոքսները: Ես առաջարկեցի դիմել առնետահմանների օգնությանը: Հավաքեցին բոլոր հմայախոսներին: Ամեն սննդի կետ մեկական շվիավոր ստացավ, որը տնից տուն շրջելով՝ գետնահարկերից ու նկուղներից նվազով դուրս էր կանչում թաքնված առնետներին, ու երկար շարանով,- քիթը պոչին, պոչը քթին,- ուտելիքն ինքն էր գնում դեպի խոհանոցային տաքարներն ու կաթսաները:

Գործի դրվեցին նաեւ հիպոստոդ-բժիշկները. սովյալին նստեցնում էին բազկաթոռի մեջ եւ հիպոսագնող շարժումներ անելով՝ ասում. «Սա ոչ թե ծխուկներով մոխրաման է, այլ խմորագնդիկներով ապուր: Կերե՛ք: Այ այդպես: Հիմա դուք կուշտ եք: Սրբվեք անձեռոցիկով: Հաջո՛րդը»:

Բայց առանձնակի տարածում էին ստացել հատկապես, այսպես կոչված, մյունխսնունդները, որ բացվել էին իմ առաջարկով (ստիպված էի հղվել գրական աղբյուրին՝ հասկանալի է, չբացահայտելով իմ ինկոգնիտոն). մյունխսնունդի ոչ բարդ սարքավորումը բաղկացած էր երկար թոկից, իսկ մթերային պաշարը՝ ճարպի մի պստիկ կտոր, որը բավականացնում էր անորոշ մեծ թվով... կուվերտների, ասեմ ձեզ, քանզի ճաշը մատուցվում էր փոքր-ինչ a couvert [*Այստեղ. հեզնական. բաժնեչափերով - Ֆր.*]. Ճաշի ժամին մարդիկ հերթ էին կանգնում՝ դեմքով դեպի բաժանողը. բաժանողը, ճարպի կտորը կապելով թոկից, գցում էր առաջին բերանը՝ կուլ

տալու, իսկ հետո, հիշո՞ւմ եք իմ բաղերին, ահա, եթե հերթը աճում էր, լրացուցիչ թոկ էին կապում եղածի ծայրին, եթե պետք էր լինում՝ էլի մի թոկ, եւ այլն: Հետաքրքրվողներին հղում եմ մյուսխսնկոյ կառուցվածքի գործնական ուղեցույցին, որ լույս է տեսել հարյուր հազարավոր օրինակներով՝ «Չմորքուր» վերնագրով: Ի դեպ, այդ կերպով ճաշող մարդիկ միանգամից չէին կարող բաժանվել իրարից. առաջինին հետեւում էր երկրորդը, երկրորդին.- *volens nolens [կամա, թե ակամա - լատ.]*,- երրորդը: Այդպես ավանդույթ դարձան հանդիսավոր երթերը, որոնք ներկայումս, նաեւ սովից հետո, այնքան լայն տարածում ունեն այնտեղ. Լույսիսկ առօրեական արտահայտությունները, ինչպես «ամրապնդել կապը», «միասնական թել», «առանցք» եւ այլն, իմ կարծիքով, մյուսխսնկոյ շրջանի արձագանքն են:

Մինչ դիտում էի, ճամփորդում իմաստներով՝ դրանք բեռնելով իմ Լոթատերերը, առաջ էի մղում հանրությանն ու պայքարում սովի կատակլիզմի դեմ, ժամանակը ձգում էր իր թոկը՝ օրերը կապելով օրերին եւ ամիսները ամիսներին: Նմանակելով իր թերթիկների քառանկյունները թափող օրացույցին՝ ծառերն էլ մոսկովյան զբոսայգիներում սկսեցին թափել իրենց տերեւները: «Մարմնական քաղցը հագեցնելը,- մտածում էի ես,- գործի կեսն է: Հոգեւոր քաղց արթնացնել. ահա երկրորդ կեսը»: Ես ծեր անուղղելի իդեալիստ եմ, իմ երկարարտեւ զրույցները Հեգելի հետ անհետեւանք չեն անցել ոչ ինձ համար, ոչ էլ, կարծում եմ, նրա. ազատություն - անմահություն - աստված. ահա իմ բազկաթոռի երեք ոտքերը, որոնց վրա ես հանգիստ նստ... կներեք, ուզում եմ ասել, որ մատերիալիստներն էլ հաղթում են այնքանով, որքանով իրենց մատերիալիզմի... իդեալիստներն են: Հեղափոխության տիրահռչակ ցախավելը, որն ավելի շատ փոշի է հանում, քան ավում, փորձեց իդեալիստներին էլ, ինչպես աղբը՝ տնից, բայց, իհարկե, մտածում էի ես, նրանցից շատ ու շատերը կառչել էին շեմից - եւ որքան գրվան, Լույսքան էլ՝ ոգու ճրագ: Արժեք նայել գրվանի տակ: Դիպվածն օգնեց ինձ. մի անգամ շուկայով անցնելիս, որտեղ մուրացկաններն ու վաճառականները փոխնիփոխ պարզում են ափերն ու ապրանքը, տեսա պատկառելի մի տիկնոջ, որը բուխարու ունելի էր առաջարկում. եւ՛ ունելիս, եւ՛ տիկինը կանգնել էին պատին հենված, ըստ երեւույթին երկար ու հոգնած սպասել էին գնորդի: Ես մոտեցա ու բարձրացրի գլխարկս.

- Իմ բուխարու ածուխներին հասնելու համար, տիկին՛, հազար կիլոմետր երկարությամբ ունելի է պետք: Վախենամ ձերը հարմար չլինի:

Միգիզմունդ ԿՐԺԻԺԱՆՈՎԱԿԻ

- Բայց դրանով կարելի է մուկ սպանել,- իրար անցավ կինը:

Չվիճելով՝ վճարեցի պահաջված գումարն ու ունեյին խցկեցի թեխ տակ. թեւատակիցս ցցված փայտե բռնակին կոմսական զինանշան էր դաջված: Շրջվեցի, որ հեռանամ, բայց կոմսուհին կանգնեցրեց ինձ.

- Ինձ տանջում է միտքը, որ իմ ունեյին ամեն դեպքում որոշ չափով կարճ է ձեր փևտրածից:

- Այո՛, 999,999 կիլոմետրով:

- Շատ ափսոս: Բայց գուցե կարողանայի պակասը փոխհատուցել՝ ձեզ ծանոթացնելով մի մարդու հետ, որը հազար վերստ ու հազար տարի առաջ է տեսնում:

Ես պատրաստակամություն հայտնեցի, եւ շուտով գրվաններից մեկը բացվեց: Այսինքն, կիսաբաց եղավ տնակի ճոռացող դուռը, որտեղ պատահի զարդանախշի փոխարեն խոնավության ու փայտոջիլի բծեր էին, իսկ վառարանի բաց բերանից՝ տոհմածառի ածխացած ցցունքներ: Մռայլ մարդը, որին սիրալիր տանտիրուհին ներկայացրեց ինձ՝ տալով Ռուսաստանի ապագայի մասին գրքերից բավական հայտնի անունը, երկար ու լուռ նստել էր՝ բիբերը հառած իր սապոզների քթերին: Տանտիրուհին, տեսնելով իմ անհամբերությունը, փորձեց պայծառատեսի հայացքը սապոզների ծայրից դարձնել տիեզերքի ծայրին: Մարդը ծամածռեց շրթունքները, բայց ոչ մի բառ չասաց: Հայացքներ փոխանակելով ինձ հետ՝ տանտիրուհին փոխեց թեման.

- Նկատե՞լ եք, որ Տվերսկոյի ագռավները «կռա»-ի փոխարեն սկսել են «ուռա» կռալ: Տեսնես՝ ինչի՞:

- Ոչնչի,- մոթմոթաց մարզարեն, ու բիբերը ոտնաձայրերից դարձան վառարանի ցցունքների: Կոմսուհին նշան արեց ինձ. հիմա կսկսվի: Եվ իսկապես.

- Տարեգրություններում ասված է՝ «Ծխացող քաղաք»: Ու նաեւ. «Մոսկվայի վրա արեւն արյունոտ ծխից անդին ելաներ»: Իսկ Դոմոստրոյում. «Ինչպես մեղուներ, ծխից, հրեշտակներ թռչեն»: Եվ երբ մենք անհրեշտակ դարձանք, ծխերը տարածություններից բարձրացան ժամանակներ, ու վրա հասավ անհստակը, ասես ծխի միջով, «խառնակ ժամանակը»: Եվ ժամանակն ինքը խառնակ դարձավ, խառնվեցին դարերը, տասներեքերորդը՝ քսանի տեղը. *inde [դրա հետեւանքով - լատ.]* - հեղափոխություն: Մեր մեծերից մեկը վաղուց արդեն այն խորագրել է «Ծուխ»: Մեկ ուրիշը, շատ ավելի վաղ, գրել է «Հայրենյաց ծխի» մասին, որ «անուշ ու հաճելի է» մեզ: Եվ ծխակերները, ծուխ ճաշակելու սիրահարները,

խանձահոտ ու նեխում համտեսողները բազմանում ու բազմանում էին, մինչեւ որ հայրենիքը, նվազելով ու նվազելով, ծխի հետ հեռանալով, վերածվեց ծխի՝ այնքան անուշ ու հաճելի նրանց համար: Նայեք փողոցային ժամացույցների սկավառակներին. մի՞թե դրանց սլաքները չեն ցնցվում սողկումից՝ իրենց վրայից թափ տալով վայրկյանների այրուքն ու մուրը. մի՞թե ձեր աչքերը չեն արցունքոտվում ժամանակների ծխից, մի՞թե... ի դեպ, կոմսուհի՛, ձեր վառարանը մի քիչ ծխում է: Տվեք, խնդրում եմ, ունեյին:

Ես ու տանտիրուհին նայեցինք իրար. հանկարծ ու մարգարեն կռահի, որ ծխի մասին իր գուշակություններն ունելու հետ միասին վաճառվել են ինձ: Ցանկանալով կոծկել անհարմարությունը՝ իմ հերթին գրուցակիցներին ուշադրությունը հրավիրեցի Արեւմուտքից բերած կորությունների մի ամբողջ հավաքածուի վրա: Մարգարեն նստել էր՝ գլուխը ափերին հակած, եւ կախ-կախ մազափնջերն ինձնից թաքցնում էին դեմքի արտահայտությունը: Բայց կոմսուհին ակնհայտորեն շողշողում էր հաճույքից եւ խնդրում էլի ու էլի: Ես խոսում էի եվրոպական կենտրոնների ջրվեժային դղրոցների, էլեկտրական ցերեկվա վերածված գիշերների, ավտոմոբիլների գետի, դիվանագիտական ընդունելությունների, հոգեհարցման սեանսների, կորածու կանացի հանդերձների, Ամստերդամի Իստերնացիոնալի նիստերի եւ անգլիական թագավորի այցելությունների, բոստոնյան մոդայիկ կրոնի եւ մյուզիք-հոլլերի ծագող աստղերի, Չերչիլի ու Չապլինի մասին... Իմ հայացքին ընդառաջ կապույտ մշուշի միջով (վառարանն իսկապես չարություն էր անում) առկայծեց կոմսուհուն՝ հիացմունքից հավլող դեմքը, բայց ես, հետեւանքները կանխատեսելով, շարունակեցի. հասնելով իմ ընդունելությանը ռուսաց կայսեր մոտ, բարձրացրի աչքերս... ու չտեսա կոմսուհուն. նրա բազկաթոռը դատարկ էր: Տարակուսած դարձա այժմատեսին: Նա վեր կացավ ու հառաչելով ասաց.

- Այո՛, ո՛չ ունեյի, ո՛չ կոմսուհի. հալվեց: Եվ մարդասպանը դուք եք:

Եվ փողքերը քշտելով՝ անցավ փոքրիկ լճակի վրայով, որ բոլորովին վերջերս կոմսուհին էր: Ինձ մնում էր նույնպես անցնել: Գաղտնիքով իրար կապված՝ մենք դուրս եկանք՝ տեսից ամուր փակելով դուռը:

Ծուռումուռ փողոց, աղոտ լապտերներ, որ ապարդյուն փորձում էին ճառագայթներով հասնել իրար: Մենք լուռ գնում էինք մերկ պատերի արանքով. հանկարծ դրանցից մեկի վրա՝ թարմ ներկով՝ չորս նշան՝ ԽՍՀՄ: Ուղեկիցս ձեռքը պարզեց տառերին.

- Կարդացե՛ք:

Միգիզմունդ ԿՐԺԻԺՄՆՈՎԱԿԻ

Ես կարդացի՝ վերծանելով նշանները: Նա զայրույթով ցնցեց մազերը.

- Սո՛ւտ: Լսե՛ք. ես ձեզ կբացեմ գաղտնագիրը, որ կռահել են ընտրյալները. ԽՍՀՄ - ՏՏՏՐ - Sancta, Sancta, Sancta Russia - երիցս սրբազան Ռուսաստան: Լսելով տառերը, լսելով ինչպես են նրանք շնչում՝ դուք նկատում եք միայն նրանց արտաշնչումները, իսկ ինձ լսելի են նաեւ շնչառումները. ճշմարիտ, ճշմարիտ ասում են նրանք երիցս սուրբ ու միասնականի մասին. Աստվածակերպի:

Եվ ծուռումուռ փողոցը մեզ տարավ առաջ: Հասնելով խաչմերուկին՝ ուղեկիցս հանկարծ կտրուկ կանգ առավ.

- Այլեւս գալ չեմ կարող:

- Ինչո՞ւ:

- Այստեղից սկսվում է զլաքարե սալահատակը,- խուլ նետեց մարգարեն,- իմ մասնագիտության մարդիկ ավելի լավ է հեռու մնան քարերից:

Ուղեկիցիս անշարժ կերպարանքը թողնելով ասֆալտե ժապավենի եզրին՝ ես քայլեցի գլաքարերի վրայով. Մյունխհաուզենների ցեղում, փառք Աստծո, մարգարեներ չկան:

Ինձ հետ քայլում էր մի միտք. երկու միլիոն մեջք, գրվաններ, կյանք՝ մասնատված մատնագրերի եւ արտակարգությունների վախով, աչքերդ զգեստ աչքերին, դիմացից՝ հրափողը, համատարած dos a dos: Եվ փորձը հաստատեց իմ միտքն իր ողջ մոայլությամբ. տեսնելով շենքից արագ հեռացող մի մարդու, ես հարցով կանգնեցրի նրան.

- Ո՞ւր:

Ի պատասխան լսեցի.

- Ինձ քամուն տամ:

Դառը քնարականությամբ լի այդ բառերը ցմահ դաջվեցին իմ հիշողության մեջ. «Խեղճ, միայնակ մարդ,- մտածեցի ես մեկուսացողի ետեկից,- ոչ ընկեր ունի, ոչ սիրեցյալ, որի առաջ կկարողանար սիրտը բացել, մնացել է միայն՝ ազատ քամուն»: Երկու միլիոն մեջք. գրվաններ-գրվաններ-գրվաններ:

8

Բանախոսը դադար տվեց. ադամախնձորը սուզվեց օձիքի ճեղքն ու հանգստանում էր: Փոխարենը զանգի կոճակը շարժվեց, մեկ, երկու անգամ սեղմվեց, ու բռնկվեց Էկրանը: Դահլիճով, ասես քամուց վախեցած «ախ» անցավ, ու տասնյակ մարդիկ, մթության մեջ իրար բախվելով, նետվեցին դեպի դուռը:

- Լո՛յս,- գոչեց բանախոսը, ու երբ կրկին վառվեցին լամպիոնները:-
Չբաղեցրեք ձեր տեղերը, ես շարունակում եմ:

Դիպպոզիտիվը, որ այդպես վախեցրեց ձեզ, տիկնա՛յք եւ... պարո-
նա՛յք, ինձ թվում է, արժանի է այլ հույզերի. մեր առջեւ բռնկվեց ու մարեց
ակնթարթային կյանքը մի արարածի, որը մարմնավորում է սոցիալական
արդարության իդեալը, որի մարմնի յուրաքանչյուր մաս խստորեն համա-
պատասխանում է իր արժեքի մեծությանը: Այլ խոսքով, դուք տեսաք,
այսպես կոչված, «վիճակագրական մարդուն», որի պատկերն արդեն
հայտնի է նրանց, ովքեր գործ են ունեցել բանվորների ապահովագրման
հետ: Վիճակագրական մարդու մարմնակազմությունն այսպիսին է. յու-
րաքանչյուր օրգան արժեքով ուղիղ համեմատական է այն գումարի չա-
փին, որն այդ օրգանը կորցնելու դեպքում վճարվում է ապահովագրվա-
ծին. այսպիսով, վիճակագրական մարդու աչքերը, ինչպես հավանաբար
հասցրիք նկատել (օրգան, որը մեզ մոտ զգալիորեն փոքր է, ասենք, հե-
տույքից, ինչն անարդար է, որովհետեւ նրա աշխատանքային արժեքը
շատ ավելի մեծ է), նրա աչքերը հսկա գնդակների պես դուրս են արձնում
ձգված կոպերի տակից, ձախ ձեռքը հագիվ է հասնում ազդրերին, իսկ
աջի մատները քարշ են գալիս գետնին, եւ այլն, եւ այլն: Խոստովանում
եմ, որ երբ առաջին անգամ բիբերս հանդիպեցին արդարամարմնա-
կազմյալի ակնախնձորներին, մոտ էի նրան, որ զարմանամ: Սակայն, Հո-
րացիոսի «Ոչնչից մի զարմացիր» մաքսիմից բացի, ես սեփական ար-
տադրության մի կանոն էլ ունեմ՝ «Ձարմացրու ոչնչով»: Եվ այսպես, ար-
դարամարմնակազմյալի հետ հանդիպեցինք մոսկովյան զբոսայգու Լս-
տարաններից մեկին: Մեր կողքով վազվզում էին լպստած կոնֆետներով
երեխաները: Սապոզ մաքրողները հետապնդում էին կեղտոտ ճտքերին:
Լստարանի պատահական հարեանիս դեմքը թաքնվել էր թերթի տակ:
Հայացքս սահեցնելով թղթե վարագույրի վրայով՝ ասացի.

- Իսկ ռեֆորմիստները նորից աջ գնացին:

- Չրոնեքը, եթե ուզում են որեւէ բան նշանակել, ճանապարհը մեկն է՝
դեպի աջ:

Թերթը ծալեց իր էջերը, եւ այստեղ իմ հարցնող հայացքին ուղեծրե-
րից ընդառաջ ելան հսկայացած աչքերը: Ակամա հետ քաշվեցի, բայց
սաժենանոց ձեռքը ձգվեց իմ ետեւից. մնացած երեքի հաշվին սերտա-
ճած բուլթն ու ցուցամատն այն նմանեցնում էին չանչի: Լստարանի ամե-
նածայրին բռնելով ինձ՝ չանչը սեղմեց մատներս.

- Ծանոթանանք. Դիտողական պիտույք: Իսկ դո՛ւք: Ձեզնից էլ, կար-

Միգիզմունդ ԿՐԺԻԺՃՆՈՎՄԿԻ

ձեւ,- հոտոտեց ևս փքված քթանցքներով,- գրքի հոտ է գալիս:

- Այո՛, իսկապես անհնար է չընդունել ձեր դիտողականությունը,- հարցը չընդունեցի ես:

- Այնքան,- տարատրամաչափ ատամները բացեց չանչավորը,- որ ոչ ոք այն «դիտարժան» չի անվանի:

- Ինչ իմանաս,- համարձակվեցի երկչոտ հաճոյախոսություն անել ես,- գեղեցկությունն աշխարհում քիչ է, վատ ճաշակը՝ շատ:

- Այո՛, որքան վատ, այնքան լավ. առաջ դա կոչում էին «նախասահմանված ներդաշնակություն», harmonia predestinata: Բայց եթե ուզում եք ձեռնարկ լինեմ ձեզ համար, հարցրեք: Բոլոր թվերը՝ գրոյից մինչև անվերջություն, ձեր տնօրինության տակ են:

Ես հանեցի նոթատետրս.

- Քանի ինքնասպանություն է եղել քաղաքացիական պատերազմի ընթացքում:

- Չրո դեպք:

- Ինչպե՞ս:

- Հենց այդպես. մինչ դու կհասցես՝ քեզ, ուրիշներն արդեն՝ քեզ:

9

Այդ ընթացքում հոկտեմբերի քամին պոկեց փողոցային ծառերի վերջին տերեւները, եւ՛ սնդիկը ջերմաչափի մեջ, եւ՛ օրերը կարճացան, հող ու տանիք ծածկվեցին ձյունով: Ես սովորաբար տաքանում էի արագ քայլքով: Մի անգամ, շրջանցելով սառած գծերին կրճտալով սողացող տրամվայների շարանը, նկատեցի, որ բոլորի առջեւի հարթակին, վագոնավարի կողքին ծալովի աթոռակին նստած է մեկական ծերունի՝ տարիների տարիքից կքած, ձյունի փերթերը գդակի տակից դուրս պրծած: Ես կանգնեցի ու բաց թողեցի տրամվայների երկար շարքը. ամենուր վագոնավարների լծակների կողքին՝ զառամյալ ծերունիների դեմքեր: Տարակուսանքով դիմեցի մի անցորդի.

- Ովքե՞ր են:

- Բուքսեր,- մոթմոթաց ևս եւ անցավ առաջ:

Անմիջապես գևացի Պատմության թանգարանի գրադարան: Տասնյակ ազնվականորեն կեռվախ քթեր ու նույնքան էլ ցցված ստորին շրթունքներ եւս մի անգամ անցան իմ երեւակայության միջով: Ես խնդրեցի «Թավշյա գիրքը» ու սկսեցի թերթել տոհմաբանությունները. Բերսեր կան, Բոյուններ կան, Բուքսեր չկան:

Սա ի՞նչ կարող է նշանակել: Մտորելով գրքերում անհետացած հիևավորաց Բուքսերի տոհմի մասին՝ նորից դուրս եկա փողոց, եւ այդտեղ շուտով ամեն ինչ պարզվեց. իջնելով յոթ բլուրներից մեկի լանջով, որոնց վրա տարածվել է Մոսկվան, մի վագոն էլ տեսա, որը երկաթը երկաթին կրճտացնելով՝ ապարդյուն փորձում էր հաղթահարել վերելքը: Այդ ժամանակ վագոնավարի նշանով գառամյալ բուքսն իջավ հարթակից ու վագոնի առջեւից կաղին տվեց գծերի երկայնքով. ծերունու ամեն քայլի հետ նրանից ավագ էր թափվում, եւ տրամվայը, նույնպես ծերունավարի տնքալով ու ծլնգալով, ավագապատ գծեր ով սկսեց սողալ վերեւ:

Այսպիսի համակարգով տեղիս տրամվայները հարմար են միայն դրա շնորհիվ աշխատանքից ուշացող աստիճանավորներին: Ես միայն մի անգամ վստահեցի այդ երկաթե կրիաներին, բայց պետք է խոստովանեմ, որ քիչ էր մնում ինձ... չափազանց հեռուն տանեին: Բանն այն է, որ, խառնելով կանգառները, տասնմեկ կոպեկանոց տոմսի փոխարեն ութկոպեկանոց էի վերցրել: Հսկիչը մերկացրեց ինձ: Չանցանքս արձանագրվեց, գործն ուղարկվեց հետաքննության, ապա եւ՛ գործը, եւ՛ ես՝ դատարան: Երեք կոպեկ թերավճարելու գործը լավում էր Գերագույն դատարանում. ինձ, երկու մերկ սրերի ներքո, հասցրին մեղադրյալի աթոռին: Դահլիճը լեփ-լեցուն էր հետաքրքրասերների հսկա բազմությամբ: «Դատժի առավելագույն չափ» եւ «մահապատիժ» բառերը բերանից բերան էին անցնում:

Ես պաշտպանությունն այսպես կառուցեցի. քանի որ զանցանքս, որ հանցանք է դիտվում, պայմանական ռեֆլեքսների համալիրի հետեւանք է, ուրեմն թող պատիժն էլ պայմանական լինի: Դատարանը, խորհրդակցելով, որոշեց. մեղավոր ճանաչելով՝ ինձ գնդակահարել... թրխկաններով:

Մահապատժի համար նշանակված առավոտյան ինձ կանգնեցրին պատի տակ՝ մի դյուժին հրափողերի դիմաց, եւ աչքս էլ չհասցրի թարթել, երբ թնդաց համագարկն ու ինձ գնդակահարեցին: Գլխարկս հանելով՝ ներողություն խնդրեցի անհանգստության համար ու դուրս եկա. հիմա պայմանական դիակի վիճակում էի:

Քանի որ սովորաբար լուսաբացին են գնդակահարում, փողոցները դեռ դատարկ էին՝ գերեզմանատան կաճանների պես. բացի այդ, օրը կիրակի էր, երբ կյանքը մի քիչ ուշ է արթնանում: Փոքր-ինչ գրգռված էի՝ դեռեւս վրաս զգալով սեւեռուն հրափողերը: Քաղաքը կամաց-կամաց արթնանում էր: Բացվում էին պանդուկներն ու զարեջրատները: Կոկորդս չորացել էր: Հրեցի դռներից մեկը՝ դեղնականաչ ցուցանակի տակ. ընդա-

Միգիզմունդ ԿՐԺԻԺՄՆՈՎՄԿԻ

ուաջ՝ զարեջրի հոտն ու ձայների ժխորը: Նստելով սեղանի մոտ՝ նայեցի զավաթներին ու դեմքերին, եւ ինձ տարօրինակ թվաց, որ քթերը զավաթների մեջ խցկած այցելուներից ոչ մեկը ոչ մեկի հետ չէր խոսում, բայց բոլորն անընդհատ խոսում էին: Ականջ դնելով՝ սկսեցի տարբերել բառերը, դրանք խոսողներից քիչ էին. բոլոր այցելուները, միայն փոքր-ինչ ձեռփոխելով, կրկնում էին նույն ազգային հայհոյանքը: Գավաթներում զարեջրի պակասելուն զուգահեռ արևակոխ այքերով կարմիր դեմքերն ավելի ու ավելի կատաղի էին դառնում, ու թվում էր օդի բոլոր ծակոտիները լցված են ընտրովի հայհոյանքով: Բոլոր դեմքերը, բոլոր այքերը՝ իրարից վրիպած, ոչ ոք ոչ մեկից նեղացած չի, եւ միայն արհեստական արմավենին է չդադարող հայհոյանքի կարկուտի տակ դողացնում սուր տերեւները: Ոչինչ չհասկանալով՝ մատի շարժումով մոտ կանչեցի մատուցողին ու խնդրեցի պարզաբանել տեղի ունեցողի իմաստը: Նա ծույլ ժպտալով պարզաբանեց.

- Առետրականներ են:

- Եվ ի՞նչ:

- Հայտնի է, որ. գնորդը վեց օր շարունակ ինչ լափ ասես թափում է գլխիդ, հանգիստ չունեն ո՛չ ապրանքը, ո՛չ մարդիկ. տնտղում են, շոշափում, հարցնում ու նորից հարցնում, բայց էլի էնպես չի ու էն չի, ցույց տուր, տեղը դիր, չափիր, մի հատ էլ չափիր ու լռիր. եւ ահա վեց օր լռում են, իսկ յոթերորդին...

Եվ սրբիչով սիսեռի թեփը թափելով սեղանից՝ մատուցողը վերադարձավ վաճառատեղանի մոտ:

Ես ժպտացի. ուրեմն այս մարդիկ, աշխատանքի տոնական դադարից օգտվելով, վերադարձնում էին այն ամենը, որ այքերով ու ականջներով ներս էին քաշել երկար աշխատանքային շաբաթվա ընթացքում:

Այո՛, ես ժպտում էի, բայց, իհարկե, ոչ կոպիտ հայհոյանքներին, որ լսվում էին շուրջս, այլ դրանց արթնացրած աղոտ հիշողությանը. ես հիշեցի,- երեւի դուք էլ չեք մոռացել,- փոստատարի զարմանալի եղջերափողը, որի մեջ, ինչպես խեցում, թաքնվել էր սառած երգը, որպեսզի իր պահին դայալայի ջերմությանն ու զարնանն ընդառայ: Բայց հայհոյանքի բախտն ընդհանրապես ավելի է բերում, քան երգինը. ավաղ, պոետի օրացույցում կիրակիներ չկան, եւ եթե նրան երբեմն հաջողվում է չսառչել ճանապարհին, ապա, համենայնդեպս, սառնամանիքը վառում է սիրտը: Այսպես էի ես՝ պայմանական դիակս, զարեջրատանը նստած խորհում պայմանական ռեֆլեքսների մասին:

10

Դահլիճի հետին շարքերից դեպի առջեփնները, սուզվելով ու դուրս թռչելով ուսերի ետեփց, մոտենում էր թղթի մի քառաձաղ պատահիկ. հասնելով ամբիոնի մոտ՝ այն մի պահ ընդհատեց բանախոսին:

- Ես գրություն եմ ստացել,- թերթիկը թափահարելով՝ ժպտաց ելույթ ունեցողը,- ինչ-որ մեկի կանացի ձեռագիրը հարցնում է Խորհրդային Միությունում կնոջ հասարակական դրության եւ սիրո ու ամուսնության իրավունքների մասին: Չէի մտածում անդրադառնալ այդ հարցերին, բայց եթե լսարանը պահանջում է, խնդրեմ՝ երկու բառով. կնոջ հանդեպ հին Ռուսաստանում եղած վերաբերմունքը արմատապես բարելավվել է. «մազը երկար, խելքը՝ կարճ» աններդաշնակ արարածը վերջապես հասել է նրան, որ մազն էլ կարճ լինի:

Ինչ վերաբերում է սիրո եւ ընտանիքի հարցի գործնական ուսումնասիրությանը, ապա իմ երկու հարյուր տարիները ինձ մասամբ ազատում են այդ կետով հաշվետու լինելու պատասխանատվությունից: Ճիշտ է, ցանկանալով բարեխիղճ լինել մինչեւ վերջ ու հիշելով, որ հետաքրքրասիրությունը կարող եմ կրթի տեղ դնել, փորձեցի թեթեւ սիրախաղ անել մի զույգ սքանչելի աչքերի հետ: Ծանոթացանք այսպես. քայլում եմ փողոցով, առջեփց՝ մի բարեկազմ աղջիկ՝ պստիկ տղայի ձեռքը բռնած: «Հավանաբար դաստիարակչուհի է», - մտածում եմ ես ու հասնելով ետեփց՝ նայում գլխարկի տակ: Անձանոթուհին ամաչկոտ շրջվում է, եւ այդ պահին փուչիկը, մանկական կարմիր փուչիկը, թելը նրա մատների արանքից քաշելով՝ պատուհանների մոտով բարձրանում ու լողում է տանիքների թեքության վրայով: Անմիջապես ոտքերով ու ձեռքերով փաթաթվում եմ ջրհորդանին ու՝ գունավոր պղպաջակի ետեփց: Վազում եմ դղրդացող թիթեղի վրայով, բայց քամու անսպասելի պոռթկումը փուչիկը նետում է հարեան տանիքին: Ծալում եմ ձևկներս ու շենքից շենք ցատկում. թելը ձեռքիս է: Հրվում եմ տանիքի ցցունքից ու մանկական փուչիկին նստած՝ սահուն իջնում ապշած անձանոթուհու ու բերանը բացած տղեկի առաջ: Հետո ամեն ինչ, բնականաբար, իր բնական ընթացքով. աչուկներն ինձ ժամադրություն նշանակեցին, եւ արդեն ներքուստ ցնծում էի, բայց հիմար պատահականությունն ամեն ինչ փչացրեց: Ցանկանալով ավելի հաջողացնել հաջողությունը՝ աչքերի ճանապարհին մտա խառնութ: Մոսկվայում նույն ցուցափեղկի տակ վաճառում են՝ կենդանի ծաղիկներ ու ձիու միս, արնածուձ տզրուկներ ու մսի պահածոներ եւ այլն, եւ այլն: Թիթեղյա ուղղանկյան վրա սետով կապույտին գրված էր. «Հրուշակե-

Միգիզմունդ ԿՐԺԻԺԱՆՈՎԱԿԻ

ղեն եւ Դագաղներ»: Խնդրեցի հնարավորինս մեծ մի տուփ կոնֆետ տալ, բայց, ըստ երեւոյթին, մատս սխալ կողմ էի ուղղել: Ինձ մի մեծ, երկարավուն, թղթով շքեղ փաթեթավորված ու վարդագույն ժապավենով կապած տուփ հանձնեցին: Թարտացող սրտով թակեցի գեղուհու դուռը: Նվերը տեսնելով՝ աչուկները փայլեցին,- ամեն ինչ հրաշալի էր դասավորվում,- ինձ հայացքներից համբույրների ճանապարհի կեսին զգալով՝ արձակեցի տուփի ժապավենը, աղջիկը քաղցրասերի ժպիտով բացեց թուղթը, ու երկուսս էլ հետ ընկանք բազմոցի թիկնակին. թղթի կույտից հառնել էր մի փոքրիկ, կապույտ, սպիտակ եզերագծով մանկական դագաղ: Երջանկութեան գնացքը սուլեց ու անցավ իմ կողքով: Օ՛, ինչ կտրուկ ու նեղ են այդ անիծյալ մոսկովյան սանդուղքները:

Այո՛, չեմ վախենում անկեղծ լինելուց եւ կասեմ, որ երեւակայություն ունեցող մարդիկ ընդհանրապէս անելիք չունեն սիրո մեջ. չէ՞ որ իսկական շախմատիստը կարող է առանց տախտակին նայելու խաղալ, եւ եթէ սիրել, ապա ավելի լավ է, առանց կնոջը նայելու: Մտածե՛ք հապա: Ռ՞վ է հաջողություն վայելում կանանց շրջանում: Մինչ օրս չեմ կարողանում մոռանալ Հանսոլտերից մի արխիվարիուսի պզուկոտ դեմքը, որը ողջ կյանքում գործ ունենալով միայն արխիվային թղթապանակների երիզների հետ, սովորել էր այնքան արագ կապել դրանք, որ կիրառելով մատնային տեխնիկան, իր հավաստմամբ, անդիմադրելի էր դարձել: «Մինչեւ ինձ կհասցնեն ասել «այո» կամ «ոչ», բոլոր երիզներն արդէն արձակված են լինում», - պարծենում էր արխիվարիուսը, եւ ես հակված եմ մտածելու, որ նրա ասածի մեջ ամեն ինչ չէր պարծենկոտություն:

Այսպէս, թե այնպէս, հետագայում հրաժարվելով գործնական քայլերից, ես որոշեցի սահմանափակվել պրոբլեմի հետ տեսական ծանոթութեամբ: Խորհրդային վիպագրության տրցակներն ինձ բերեցին չափազանց ուրախալի եզրակացությունների ու կանխատեսման. մինչ թերթերը պնդում են դասակարգերի անհաշտ ատելության մասին, նրանց վիպագրությունը չի ընդունում այլ սեր, բացի սքանչելի սպիտակգվարդիականուհու հանդեպ չեկիստի սիրուց, կարմիր պարտիզանուհու՝ սպիտակ սպայի, բանվորի՝ ազնվականուհու եւ տիտղոսագերծ իշխանի կամ կոմսի՝ հասարակ սեւահողային գեղջկուհու հանդեպ սիրուց: Այսպիսով, վստահելով ռուսական վեպի հին ռեալիստական ավանդույթներին՝ կարող ենք համարձակ սպասել, որ մուրճով խփված ամեն ինչ կհատվի լուսնի... մանգաղով. վաղ թե ուշ սոխակը կհաղթի գործարանային շչակին: Այդպէս եղել է եւ այդպէս կլինի. հակաթեզերը միշտ թեզերի ետեւից են ընկ-

նելու, բայց հերիք է ամուսնանալ, եւ անմիջապես կհայտնվի ընտանիքի բարեկամ սինթեզը:

Ներկայումս այդ հարցին վերաբերող կարծիքները մի տեսակ առկախված վիճակում են եւ դեռ չեն հասցրել նստվածք տալ ու ամրանալ. ոմանք պահանջում են սիրո համար էլ կիրառել «բոլորը դեպի փողոց» կարգախոսը, մյուսները մարտնչում են հանուն ընտանեկան օջախի անհանգչելիության: Տիցիանի *Amor profana* եւ *Amor celeste-ն* [*Մեր երկրային եւ Մեր երկնային - իտ.*], որոնք պատկերված են ջրիորի երկու կողմում հաշտուխաղող նստած, կառչել են իրար մազերից ու մեկը մյուսին փորձում է զգել ջրիորը:

Եւթադրությունների դաշտ չմտնելով՝ ամեն դեպքում պետք է փաստենք մեծ սկիզբը սիրո վերակառուցման գործում, «մուտքը թանկ է փողից»՝ ինչպես ասել է հինգ թուփ առաջ կույս մի աղջիկ, երբ պայմանավորված փողը չէին տվել: Ես չեմ հավատում, որ իրավաբանների հորինած օրենքները կարողանան պայքարել բնության օրենքների դեմ: Դեռես մեծն մեթոդաբան Ֆրենսիս Բեկոնն է գիտափորձը սահմանել այսպես. «Մենք միայն մեծացնում կամ փոքրացնում ենք մարմինների միջև տարածությունը. մնացածը անում է բնությունը»: Եթե ուշադրության առնենք, որ բնակարանային պայմաններն այն երկրում, որտեղից ես վերադարձել եմ, թույլ չի տալիս տարածության հետագա նվազեցում, ապա... թույլ տվեք վերադառնալ զեկույցիս:

11

ԽՍՀՄ տնտեսության վերականգումը դանդաղ սկսվեց, աննշան բաներից, ասես նմանակելով իրենց հյուսիսային գարնանը, որը բողբոջները դժվարությամբ դուրս է մղում ճյուղերի սառցակալած կեղեւի միջով: Եթե հիշողությունս չի դավաճանում, ամեն ինչ սկսվեց գերաններից, որ մարդիկ հանում էին միմյանց աչքերից: Առաջ նրանք նույնիսկ աչքի շյուղը չէին ուզում նկատել, բայց կարիքը մեզ սրատես է դարձնում. շուտով բիբերից դուրս քաշած գերաններն արդեն բավական էին շինարարություն սկսելու համար. քաղաքի արվարձաններում, այսուայնտեղ ոչ մեծ գերանակապ տնակներ հայտնվեցին, հիմնվեցին բնակարանային կոոպերատիվներ, մի խոսքով, կյանքը սկսեց կարգի ընկնել:

Չեռնարկեցին զբոսայգիներում ծառեր տնկելուն (նախկիններից միայն բներն էին ցցվել). ընդ որում, կիրառվում էր արագ աճեցման պարզ, բայց սրամիտ եղանակ. հողի մեջ թաղված տնկուն թոկ էին կապում, նե-

Միգիզմունդ ԿՐԺԻԺՄՆՈՎԱԿԻ

տում ճախարակի վրայով ու ծառը ձգում վեր, մինչեւ հասներ թույլատրված բարձրության: Այդպիսով, երկու-երեք շաբաթում տկլոր այգիները ծածկվեցին սովետախիտ ծառերով, որոնք փողոցներին վերադարձրին նախկին բարեկարգ տեսքը:

Բոլոր պատերիս ու ցանկապատերիս փակցված բազմաթիվ պատառները գործնական խորհուրդներ էին տալիս անցորդներին, օրինակ. «Քանի որ ձուկը գլխից է հոտում, ուրեմն պոչից կեր» կամ «Եթե ուզում ես խնայել կոշկատակերդ, ձեռքերի վրա քայլիր»: Բոլորը չես հիշի: Պատառների հետ մրցում էին թատերական ազդագրերը, որոնք ազդարարում էին վիթխարի ներկայացումներ ու ժողովրդական հանդեսներ: Այդ ալիքով տարված՝ ես չէի կարող անտարբեր հանդիսատես մնալ եւ որոշ նախագծեր ու սխեմաներ առաջարկեցի. այսպես, խորհրդակցելով մի մոսկովյան ռեժիսորի հետ, առաջարկեցի բեմադրել Գոգոլի «Ռեվիզորը», այսպես ասած, իմ մասշտաբներով, մյուսխիաուզենաբար, ամեն ինչ գլխիվայր ծառս արած՝ սկսած վերնագրից: Պիեսը, ինչպես մենք ծրագրել էինք, պետք է կոչվեր «Երեսուն հազար թղթատարներ»: գործողության կենտրոնը տեղաշարժվում էր անհատից դեպի զանգվածները. պիեսի հերոս էին դառնում 30000 աղքատ աշխատավորներ, որոնք թղթատար են ծառայում պերտերբուրգի բարձրաստիճան պաշտոնյա Խլեստակովի՝ դաժան շահագործողի մոտ, որն ուժասպառ էր անում նրանց. ծրարներն անձրեւի պես թափվում են թղթատարների վրա, մինչեւ որ նրանք, ինքնակազմակերպվելով, չեն որոշում գործադուլ անել ու այլեւս չտանել ծրարները: Այդ ընթացքում սկսվում է Խլեստակովի սիրավեպը մի գեղեցիկ... չեմ հիշում ինչպես էր նրանց մոտ, քաղաքապետուհու, թե բանջարապետուհու հետ. մի խոսքով, Խլեստակովը նրան նամակ է ուղարկում առաջին թղթատարի հետ՝ երեկոյան ժամադրություն նշանակելով բանջարանոցում (ռուսների մոտ դա ընդունված է), բայց գործադուլավոր թղթատարը նամակը հասցեով չի տանում. Խլեստակովը, ամբողջ գիշեր բանջարանոցում սպասելով, վերադառնում է դեպարտամենտ եւ Լույս բովանդակությամբ երկրորդ նամակը Լույս հասցեով ուղարկում երկրորդ թղթատարի հետ. արդյունքը Լույսն է. եւ՛ երկրորդը, եւ՛ երրորդը, եւ՛ հազարերորդը, եւ՛ հազարմեկերորդը չեն կատարում հանձնարարությունը: Խլեստակովը երեք տարի շարունակ գիշերներն սպարդյուն գնում է բանջարանոց՝ դեռեւս չկորցնելով անմատչելի գեղեցկուհու սիրտը նվաճելու հույսը. արդեն ձերացել է, Լիհարել, բայց դեռ Լորանոր թղթատարներ է ուղարկում. 1450-րդը, 1451-րդը, 2000-րդը: Դրվագը հաջորդում է դրվա-

գին: Փորձառու տարփածուն քաջքունկ չի հանդուրժում սիրո մեջ: Նա թողել է բոլոր գործերն ու օրական արդեն ոչ թե մեկ, այլ տասը, քսան, հարյուր նամակ է գրում, չիմանալով, որ բոլորը տանում են գործադուլային կոմիտե: Այդ ընթացքում բանջարապետուհին, որը բնավ անմատչելի չէ, տարիներ շարունակ գոնե մի տող է սպասում ընտրյալից. նրա բանջարանոցը թռչելու ու ծածկվելու է մոլախտով: Եվ ահա գործադուլավորների մեջ գտնվում է մի շտրեյկբրեյտեր,- դա հենց վերջինն է, 30000-րդը,- որը, չդիմանալով գործադուլի լարվածությանը, նամակը տանում է հասցեատիրոջը:

Դրանից հետո իրադարձությունները զարգանում են աղետի մեջ նետված քարի արագությամբ: Խլխտակովը շտապում է բանջարապետուհու մոտ. վերջապես: Բայց գործադուլային կոմիտեն էլ քնած չէ. շտրեյկբրեյտերին գտնում են, բայց 30000-րդ նամակն արդեն դուրս է պրծել գործադուլավորների ձեռքից: Այդ ժամանակ նրանք բացում են 29999 տեղ չհասածները: Պատկերացնում եք այդ տեսարանը, երբ 30000 պատռված ծրարներ թռչում են օդում՝ սպիտակ քառակյունիներով տեղալով հանդիսատեսների գլխին: Չայրայից ձայների երգչախումբը,- այստեղ դիմել էինք կոլեկտիվ արտասանության,- կարդում է 30000 համարյա նույնական տեքստ, դահլիճով մեկ, պատերն ու առաստաղը ճոճելով՝ դողդուլ է. «Արի՛ բանջարանոց»: Իսկ երեսուն հազար ապստամբները կառուցիկ շարքերով դիմում են բանջարանոց, որ հաշվեհարդար տեսնեն բարձրաստիճան գայթակղիչի հետ: Ցանկապատի մոտ քչփչացող զույգը փորձում է փախչել, բայց բոլոր կողմերից թղթատարներն են, թղթատարներն, թղթատարներն: Գիշերը ցերեկվա պես ճերմակել է պաշտոնյայի աչքերին պարզած 30000 ճերմակ թերթիկներից: Նրա կյանքը մազից է կախված: Անձնագրի բանջարապետուհին գոչում է, որ պատրաստ է տրվել բոլոր 30000-ին, միայն թե փրկի միակին: Թղթատարները շփոթված են, պատրաստ են թաքնվել իրենց ծրարներում: Այդ ժամանակ զոջացող Խլխտակովը հրապարակավ խոստովանում է, որ բոլորովին էլ բարձրաստիճան պաշտոնյա չէ, այլ ընդամենը խորհրդական, նույնպիսի աշխատավոր մարդ, ինչպես բոլորը: Հաշտություն: 30000-ի ձեռքերին՝ բահեր: «Ամեն բանջարին՝ իր ժամանակը» ժողովրդական երգի հնչյունների տակ բահերը զրկում են գետնին՝ փխրեցնելով մոլախտով պատած բանջարանոցը: Արշալույսի ալ ճաճանչներ: Աշխատավորական քրտինքը ճակատից սրբելով՝ Խլխտակովը ձեռքը պարզում է գալիք օրվան ընդառաջ. «Քողն ընկավ իմ աչքերից»: Քողի ետեւից ընկնում է նաեւ վարագույրը: Ինչպե՞ս է: Հը՞:

Միգիզմունդ ԿՐԺԻԺԱՆՈՎԱԿԻ

Արդեն փորձերը սկսվել էին, բայց այստեղ բախվեցինք մի անսպասելի խոչընդոտի. 30000-ի դերի համար հրավիրվել էր երկու դիվիզիա՝ Մոսկվայի մոտակա օկրուգներից, բայց իշխանությունները, ըստ երեւույթին վախենալով ռազմական հեղաշրջումից, ընդդիմացան մայրաքաղաք այդ քանակի զորք մտցնելուն: Շուտով ես մեկնեցի՝ ռեժիսորին խնդրելով, որ եթե բեմադրությունը երբեւէ հաջողվի, ազդագրի վրա չբացվի իմ ինկոգնիտոն: Կարծում եմ, որ նա չի խախտի խոստումը:

Մոսկվայում գտնվելու օրերին ջանում էի ոչ մի գիտական դասախոսություն բաց չթողնել: Ընդհանուր տնտեսական աշխուժացումը խիստ բարենպաստ էր ազդել նաեւ գիտական աշխատանքի ու հետազոտությունների տեմպի վրա: Ձեր թույլտվությամբ, տիկնայ՞ք եւ պարոնայ՞ք, ինձ թույլ կտամ ամփոփել երկու վերջին դասախոսությունների բովանդակությունը, որոնց ինձ հաջողվել էր ներկա լինել:

Առաջինը նվիրված էր նախահանգի հարցին. բանախոսը՝ մի հարգարժան ակադեմիկոս, որն իրեն նվիրել էր սլավոնական արժատական բառերի ուսումնասիրությանը, հարցադրում էր անում հին ռուսերենով հնչած առաջին հանգի վերաբերյալ: Բազմամյա աշխատանքը նրան հասցրել էր մեր թվարկության իններորդ դար. պարզվում է, որ հանգը հայտնագործել է Սուրբ Վլադիմիրը, որը հանգավորել է «ապրել» ու «խմել» բառերը: Այդ նախահանգից էլ, ապացուցում էր պերճախոս գեկուցողը, սկսվել է, աստիճանաբար բարդանալով, ռուսական ողջ տաղաչափությունը, բայց հանք նրանից «խմել»-ը, այլեւս ոչինչ չի մնա «ապրել»-ը հանգավորելու համար, թուլացած հիմքը երերուն կդարձնի եւ՛ բոլոր վերնակառույցները, եւ՛ գրքերից շինած տնակը, որ ավելի հաստատուն չէ, քան խավաթղթից կառուցածը: Եզրափակելով՝ բանախոսն առաջարկում էր թարմացնել եզրաբանությունը՝ պոեզիան դասակարգելով ոչ թե քնարականի եւ էպիկականի, ինչպես առաջ էին անում, այլ ինքնաթորի եւ կրկնաթորի:

Երկրորդ դասախոսությունը, որ Հոգեկերտվածքների համահարթման Ինստիտուտի կազմակերպած ընթերցումների շարքից էր, ինձ գրավեց արդեն իր անվանումով. «Մազաբաժանի երկու կողմում»: Վաստակաշատ բանախոսը ներկայացնում էր մտածողության էլեկտրիֆիկացման բնագավառում համահարթման վերաբերյալ Ինստիտուտի աշխատանքները: Պարզվում է՝ Ինստիտուտի մի խումբ գիտական գործիչների հաջողվել էր ապացուցել, որ ուղեղում ծագող նյարդային հոսանքները, էլեկտրական հոսանքի նմանությամբ, տարածվում են միայն ուղեղի կիսագնդերի մակե-

րեւոյթով, որոնք էլեկտրամտածողության բեւեռներն են: Հետո արդեն զուտ տեխնիկական ջանքերի խնդիր էր՝ եւս երկու-երեք սանտիմետր բարձրացնել մտածողությունը՝ տեղայնացնելով գաւառապատի մակերեւոյթին. ճակատից ծոծրակ բացված մազաբաժանը մտածական գործընթացները սանրում է ձախ եւ աջ՝ հաջողությամբ նմանակելով գեղածեւ մակերեւոյթին արտապատկերված ուղեղի կիսագնդերը: Իհարկէ, հարկ չկա մանրամասն բացատրել, որ այդ համարձակ գիտափորձում մազերը փոխարինում էին լարերին, որոնցով միտքը հաղորդվում է տարածության մեջ:

Սեղմ տեսական մասից հետո գիտնականն անցավ ցուցադրությանը. հարթակ բարձրացրին մի մարդու, որ միևնույն ականջները արույրե թասակ էր կրում զլխին: Թասակը հանեցին, եւ բոլորս տեսանք կոկիկ ուղիղ մազաբաժանն ու հարթ, ասես գանգի մեջ արդուկած,- աջից ձախ ու ձախից աջ,- մազերը: Փորձարարը ձեռքն առավ ապակե ցուցածոդն ու ուղղեց փորձարկվողի ձախ կիսագնդին.

- Տվյալ սուբյեկտի համար «Պետություն» գաղափարը տեղայնացված է ահա այստեղ, մազաբաժանից ձախ մազի ծայրին: Կետը նշված է կարմիր բծով. կարճատեսներին խնդրում եմ մոտենալ ու համոզվել: Հիմա՝ ուշադրություն. սեղմում եմ «պետությունը»:

Ապակյա ծայրակալը դիպավ բծին, մազաբաժանի վրայով, աջից ձախ, կայծ անցավ, եւ օբյեկտի ծնոտները, բացվելով, արտաբերեցին. «Պետությունը կազմակերպված բռնություն է...»: Ապակյա ծողիկով ձեռքը հետ քաշվեց. ծնոտները, ատամն ատամին կրճտացնելով, փակվեցին: Գիտնականը նշան արեց օգնականին.

- Մազաբաժանը ձախ սանրեք: Այ այդպես. հիմա տեսնում եք, որ կարմիր կետը տեղափոխվել է մազաբաժանի աջ կողմը: Միացո՛ւմ:

Եվ նորից ապակե ցուցածոդով՝ կետին, կայծը՝ ձախից աջ, ծնոտները բացվում են, եւ՝ «Պետությունն անհրաժեշտ փուլ է դեպի...»:

- Մնացածը թողնենք ատամների ետեւում,- ծողիկը թափահարեց փորձարարը: Ծնոտները փակվեցին, եւ փորձարկվողի փոխարեն բերեցին մեկ ուրիշին: Սա զգգզված ու անհնազանդ տեսք ուներ. ինստիտուտի չորս պահակներ նրան դժվարությամբ բարձրացրին հարթակ, բիզբիզ մազերից չոր ճթթոցով թափվում էին կայծերը, բայց ջղածգորեն պրկված բերանը փակված էր զելոցով:

- Միացրե՛ք բառերը,- կարգադրեց փորձարարը: Գելոցը հանեցին, եւ հորդեցին բառերն ու կամացուկ արձագանքվեցին բազմազուլի լսարա-

Միգիզմունդ ԿՐԺԻԺՄՆՈՎԱԿԻ

ևից. «հակահեղափոխություն», «սպիտակ գաղափարախոսություն», «հարյուրտոկոսանոց բուրժույ», «հեղափոխությունը վտանգված է», իսկ ինչ-որ մեկը տեղից վեր թռչելով՝ բղավում էր. «Սրա համար՝ գնդակահարել»:

Բայց գիտնականը, իրարանցումը զսպելով, պարզեց ձեռքերը:

- Քաղաքացիներ, կարգի եմ հրավիրում: Խնդրում եմ չընդհատել փորձը: Համար զրո մեքենան:

Օգնականը նետվեց գործիքների կողմը, եւ սովորական վարսավիրական մեքենան (միայն մի քիչ երկարացված ապակեպատյան բռնակներով) սահեց մազերի վրայով՝ արագ խուզելով փորձարկվողի մտածողությունը: Եվ որքան ավելի էին երկաթե առամները մերկացնում գանգը՝ նորից ու նորից անցնելով գազաթի վրայով, հակահեղափոխականի խոսքն այնքան կորցնում էր բառերը, խունանում ու խճճվում էր: Մեքենան ավարտեց իր գործը, ու պահակն ավելեց խուզած աշխարհայեցողությունը: Փորձարկվողի ձեռքերը կախվեցին մտրակների պես, բայց լեզուն հուլորեն, կովի վզից կախ փայտե թակիչի նման շարունակում էր թխկթխկալ՝ նորից ու նորից կրկնելով ընդամենը երկու բառ. «խոսքի ազատություն - խոսք ազատություն - ազատության խոսք - ազա...»:

Փորձարարը մտահոգ տեսքով մոտեցավ օբյեկտին ու սկսեց ուշադիր զննել մերկացած գանգը: Գիտնականի դեմքը հանկարծ պայծառացավ, եւ նա լայն թաթը պարզեց փորձարկվողի գազաթին.

- Այստեղ էի երկու մազ կա,- լայնաբերան ժպտաց լսարանին, եւ երկու քառակուսի եղունգները սեղմելով անտեսանելի ինչ-որ բանի, քաշեց:- Հիմա մաքուր է: Ոչ մի ծպտուն:

Գիտնականը փչեց մատներին ու վերադարձավ ամբիոնի մոտ: Պահակը ավելեց-վերջացրեց ու պատրաստվում էր դուրս տանել հոգեբանական աղբը: Այդ պահին ինչ-որ խուլ ձայն լսվեց վերջին շարքերից. հորանջ, թե խուլ ջղակծկում: Գիտնականը, երկար դադար տալով, ակնոցը խստորեն պտտեց սակված շարքերի վրայով եւ ասաց.

- Հանգստություն: Հիշենք ռուսական ասացվածքը. «Գլուխը կորցրածը, մազերի համար լաց չի լինի»:

12

Ով Մոսկվայում ներկա չի եղել մայիսմեկյան շքերթին, չգիտի ինչ է ժողովրդական տոնախմբությունը: Մայիսին ընդառաջ բաց են բոլոր պա-

տուհանների փեղկերը, գարնանային ջրափոսերում, ճերմակ ամպերի արտացոլմանը խառնված, թրթռում են դրոշների կարմիր ցուլքերը. փողոցից փողոց զարկում են թմբուկները, լսվում է շարասյուների հաստատուն երթը, միլիոնատը հեղեղները հորդում են Կարմիր հրապարակ, որպեսզի իբրև մարդկային ջրվեժ թափվեն ներքե՝ դեպի սառույցից ազատագրված, նույնքան գարնանայնորեն սրընթաց, ափերից դուրս եկած Մոսկվա գետը: Շեփորների փողերն օդ են նետում «Ինտերնացիոնալը», կարմիր դրոշները աքաղաղի հսկա կատարների պես փողփողում են քամուց, իսկ վեր ցցված սպիտակ եռանկյուն կտուցները ծփում են տրիբունաների տակ: Խցկված ամբոխի մեջ՝ երկար հետետում էի իր մարտակոչերը բղավող, դրոշների ու ժապավենների ալ փետրափնջերը ծածանող, երկկնքի բոլոր աստղերը մանրածավարի պես կտցելու, ապա այնտեղ բուռ-բուռ ալ հնգաթեններ շարտելու պատրաստ եռանկյուն հսկա կտուցներով, մեծագույն զայրույթով առլեցուն, բեւեռից բեւեռ բացած թեւերով թռիչքի ուղարկող այդ Տոնին, որն անսպասելիորեն մի լեգենդ էր արթնացրել իմ մեջ, որ մի քանի օր առաջ գտել էի մոսկովյան գրապահոցներից մեկում, բայց անմիջապես էլ մոռացել օրերի ու գործերի արագ հերթափոխման մեջ: Լեգենդը, սկսեցի հիշել, մի ֆրանսիացու մասին էր, որը դեռևս 1761 թվականին ժամանելով Մոսկվա, այնուհետև, որպեսզի... բայց այդ ժամանակ պղնձե փողերը հազարերորդ անգամ ճչացին «Ինտերնացիոնալը», ամբոխը ճոճվեց, ինչ-որ մեկը տրորեց կոշտուկս, ու ես կորցրի թելը:

Միայն երեկոյան կողմ տոնախմբությունը սկսեց թռչել, ինչպես գարնանային ծաղիկը՝ քամու տակ: Պատերին դեռ վառվում էին լույսերի զիգ-զազները, բայց ամբոխները նոսրացել էին. հետո պատուհանները փակեցին ապակե կոպերը, լույսերը մարեցին, ու միայն ես էի քայլում ամայի փողոցով՝ փորձելով հիշել կիսով մոռացված լեգենդի մանրամասները. հիշողությունս աստիճանաբար վերականգնեց ամեն ինչ, ընդհուպ մինչև տիտղոսաթերթը՝ հստակ վերտառությամբ. «Սատանան՝ կառքով»:

1761 թվականին, պատմում էր լեգենդը, ոմն ֆրանսիացի հեռուներից Մոսկվա է գալիս գտնելու իրեն խիստ անհրաժեշտ մի մարդու, որին կորցրել էր ճանապարհին եւ միայն աղոտ հիշում էր, որ փնտրվող անձը ապրում է Նիկոլա Փոքրի մոտ, Աքլորի ոտերի փողոցում: Ժամանելով Մոսկվա՝ ֆրանսիացին կառք վարձեց ու պատվիրեց գնալ Նիկոլայի մոտ, Աքլորի ոտեր: Կառապանը գլուխն օրորելով պատասխանեց, որ այդպիսի տեղ չգիտի. կա Նիկոլա Թրջված, Միկոլա Կարմիր գանգ, Նիկոլա Երեք

սարի վրա, բայց Աքլորի ոտերի Նիկոլա... Այդ ժամանակ եկվորը նրան կարգադրեց կառքը խաչմերուկից խաչմերուկ քշել՝ որոշելով հարցուփորձ անել անցորդներին: Կառապանը թափ տվեց մտրակն, ու շարժվեցին: Հանդիպած անցորդները հիշում էին. մեկը՝ Նիկոլա Ծոմապահին, մյուսը՝ Պրժիի Նիկոլային, ոմանք Նիկոլային՝ Հավի ոտերի փողոցից կամ Նիկոլային՝ Ատաղծագործների փողոցում: Բայց Աքլորի ոտերի Նիկոլային ոչ ոք չգիտեր: Եվ անիվները գլորվում էին՝ փևտրելով կորած տաճարը: Վրա հասավ գիշերը, հոգնել էին եւ՛ ձին, եւ՛ կառապանը, եւ՛ մտրակը, բայց համառ ֆրանսիացին ասաց, որ չի իջնի նստիքից, միևնչեւ Աքլորի ոտերը չգտնեն: Կառապանը թափ տվեց սանձը, եւ ծանր ուղեկառքի անվագոտիները նորից թխկթխկացին Մոսկվայի գիշերային փողոցներում: Այդ ժամանակ քաղաքը շուտ էր քնում, ու միայն երկու-երեք քաղաքացիներ, որոնց կանգնեցնում էր խավարից ելած ձայնը, շտապում էին պատասխանել՝ «չգիտեմ» ու արագ թաքնվում էին տներում: Վառվեց արեւը, մարեց, նորից բռնկվեց ու կրկին թաղվեց խավարի մեջ, իսկ որոնումները շարունակվում էին: Հոգնած յարուն, սայթաքելով, մի կերպ քաշում էր ծանր կառքը, կառապանը քնկոտ օրորվում էր նստիքին, բայց համառ եկվորը, իրեն օտար բառերը աղավաղելով, պահանջում էր՝ առա՛ջ, առա՛ջ: Հիմա արդեն կանգ էին առնում ամեն եկեղեցու մոտ, եւ եթե գիշեր էր, կառապանը գնում ու ծեծում էր հարեան տների պատուհանները: Արթնացած մարդիկ դուրս էին նայում Աքլորի ոտերի Նիկոլայի մասին հարցին ընդառաջ. բայց պատուհաններն անմիջապես էլ փակվում էին՝ կարճ «ոչ» նետելով: Մի անգամ Միկոլա Փոքրի եկեղեցու պահակը,- իսկ եկեղեցին որ Հավի ոտերի փողոցում էր՝ խաչերը բարձրացրած երկու Մուչանովկաներով հատվող նրբանցքների խառնաշփոթում,- ոսկրոտ մատների թակոց լսեց պահատնակի լուսամուտին: Մահճակից վեր կենալով՝ նա տեսավ (լուսնյակ գիշեր էր) դրսից ապակուն ծեփված, մագախով մի դեմք: «Ո՞վ է,- ձայն տվեց պահակը,- ի՞նչ եք ուզում», եւ ինչ որ ձայն դռան ետեւից աղճատված, բայց պարզորոշ պատասխանեց. «Պոտի Նիկոլա Աքլորի ոտ»: Պահակը խաչակնքվեց՝ վախեցած աղոթք մրմնջալով, իսկ համբերատար ֆրանսիացին, վերադառնալով իր կառքը, շարունակեց որոնումները: Շուտով սկսեց լեզենդ հյուսվել տարօրինակ եկվորի շուրջը. մարդիկ, որոնց հանդիպել էր խորհրդավոր ուղեւորը, պատմում էին սատանայի մասին, որ կառքով պտտվում է Մոսկվայի գիշերային փողոցներում՝ փևտրելով սատանայի ստորերկրյա տաճարը, իսկ նրա ձախ կրունկը, ինչպես հայտնի է, աքլորի է:

Հիմա արդեն անցորդները, խորհրդավոր կառքի թխկոցը լսելով, նետվում էին կողային սրբանցքները՝ չսպասելով հանդիպման ու հարցի: Եվ կառքով սատանան ապարդյուն անցնում էր խաչմերուկից խաչմերուկ՝ ոչ մի տեղ կենդանի շունչ չգտնելով:

Հին լեզենդի պատկերներին տրված՝ անցնում էի լռած փողոցներով, ոտք դնելով ստվերների ու լուսնաբծերի վրա, մինչեւ որ դիպվածը մտցրեց մի նեղ ու երկար փակուղի: Շրջվեցի, որ դուրս գամ քարե պարկից, բայց այդ ժամանակ անկյունադարձից հանկարծ անիվների ցածր, բայց հստակ թխկոց լվեց: Փորձելով առաջ անցնել՝ արագացրի քայլս: Ո՛չ, արդեն ուշ էր. գառամյալ ուղեկառքը փակել էր ելքը: Այո՛, նրանք էին. հալից ընկած յարուն, որի վերուվար անող կողոսկրների միջով լուսնի շողերը ստվերների կմախքային հյուսվածք էին նետում սալարկին. ոսկրոտ ձեռքերով սանձը բռնած կառապանն ու փողոցների հեռուն ուշադիր զննող ուղեւորի աղոտ ուրվապատկերը: Ես սեղմվեցի պատին՝ փորձելով թաքնվել տան ելուստի ետևը: Բայց ինձ արդեն նկատել էին. ցածրակող ճամփորդական ցիլինդրը, որպիսիք վաղուց արդեն չեն կրում, բարձրացավ ուղեւորի գլխից, ու մեռյալ շրթունքները շարժվեցին: Բայց ես, հարցը կանխելով, աղոտ պատկերին նետեցի թվատ պատասխանը.

- Լսե՛ք, դո՛ւք, տեսի՛ք, ո՛ր է ձեր տեսիլը: Լեզե՛նդ ենք խաղալու: Դուք փնտրում եք Աքլորի ոտերի տաճարը: Բայց դրանք այստեղ հազարներով են. թակեք ցանկացած դուռ, եւ այն ներս կթողնի ձեզ: Մի՞թե չեն փողփողում նրանց կարմիր աքաղաղի կատարները նրանց տների տանիքներին, մի՞թե չչողացին երկինք հառած նրանց պողպատյա կտուցները: Ամեն տուն (եթե հավատանք նրանց հեքիաթներին), ամեն գաղափար (եթե հավատանք նրանց գրքերին) աքլորի ոտերի վրա է: Փորձեք. ձեռք տվեք, եւ այդ ամենը, փետուրները ցցած, կնետվի մեզ վրա ու կկտցի, մեր բոլոր Կրուպներով հանդերձ: Իսկ ձեր կառապանին խորհուրդ կտայի անհապաղ դիմել արհմիություն. թող այս ամենի համար հարյուր հիսուներկու տարվա հարկ գանձեն ձեզնից: Շահագործող, հետև էլ՝ սատանա:

Եվ գայրացած, առանց ձեռականությունների քայլ արեցի ու անցա ուղիղ ուրվականի միջով: Օրվա իրադարձություններն անսահման հոգնեցրել էին: Զուրը վաղուց արդեն սպասում էր իմ վերադարձին: Առավոտյան դժվարությամբ քանդեցի իրականության, քնի ու լեզենդների կծիկը:

13

Սակայն այստեղ հարգարժան հավաքույթին հայտնաձև դատարկ բան է, ընդամենը մի քանի մանր փենսի՝ թափված ինչպես լիքը լցված գանձատուփի բերանից: Ողջ Ռուսաստանն ահա այստեղ է, այս գագաթի տակ: Եվ ինձ առնվազն մի դյուժին հատոր պետք կլինի, որպեսզի տեղավորեմ Խորհուրդների երկիր կատարած ուղեւորության ողջ փորձը:

Այսպես, թե այնպես, զգալով, որ գանձատուփը լիքն է, որոշեցի, որ պետք է մտածել վերադառնալու մասին: Զջերին է հաջողվում արտասահմանյան անձնագիր ստանալ ԽՍՀՄ-ում: Առաջին իսկ պաշտոնյան, որին դիմեցի, պատասխանեց Դանտեի Դժոխքի մուտքին գրածի տոնով.

- Ոչ մի կենդանի չունչ:

Բայց ես ինձ չկորցրի.

- Կներեք, ի՞նչ կենդանի չունչ, երբ ինձ պայմանական գնդակահարել են:

Եվ հայթայթելով անհրաժեշտ վկայագրերը՝ գործը շարժեցի մեռյալ կետից: Մի քանի շաբաթվա չարչարանքից հետո տոմսն ու անցաթուղթը գրպանումս էին:

Եկավ վերջին օրը: Պեսացու մեկնում էր վեցից մի քանի թուփ անց: Երկնքում շողում էր հուլիսյան կեսօրվա արեւը. իմ տրամադրության տակ մի քանի ժամ կար, ու որոշեցի դրանք տալ Մոսկվայի հետ հրաժեշտին: Անշտապ քայլելով հասա գետի վրայով ձգված կամուրջներից մեկին, ու ոտքերս ճաղաշարից կախ՝ վերջին անգամ նայում էի ալիքներին ու փրփուրին, որ քշում էր ժամանակի պես արագ հոսանքը: Տղմոտ ափերից հասնում էր գորտերի երկարուձիգ կոկոռոցը՝ վերջին անգամ հիշեցնելով ավանդությունն այն մասին, թե ինչպես է կառուցվել այդ զարմանալի քաղաքը (ավանդույթի սկիզբը կարող էք կարդալ նշանավոր ռուս պատմաբան Չաբելիսի մոտ) հեռու անցյալում, երբ տների փոխարեն այստեղ ճիմաթմբեր էին, հրապարակների փոխարեն՝ տղմածածկ ճահիճներ, մարդկանց փոխարեն՝ գորտեր, չգիտես որտեղից եկավ արքայազն Մոսն ու չգիտես ինչու կնության ուզեց Կվա արքայադստերը: Ճահիճների ու խրուտների արանքում ամուսնական ապարանք կառուցեցին ու տոնեցին հարսանիքը: Բայց հենց Մոսն ու Կվան մնացին մենակ, Կվան լսեց, որ ինչ-որ մեկը իր անունն է տալիս: «Պեսա՛, - ասում է ամուսնուն, որը, կարծես, կնոջ մոտ պիտի գար, ոչ թե գևար,- տես ով է կանչում ինձ»: Սրտեղեց Մոսը, բայց դուրս եկավ, նայեց՝ ճիմաթմբին նստած են դողոշն ու ձկնկուլը: Մոսը քշեց դողոշին, բայց հենց վերադարձավ կնոջ մոտ, նորից

մեկը նրա անունն է կանչում: Ու կինը՝ նորից. «Պա տես»: Բարկացավ Մոսն ու հրամայեց ուրիշ տեղ կառուցել ամուսնական ապարանքը: Բայց այնտեղ էլ, հենց մենակ մնաց ջահել կնոջ հետ, բոլոր կողմերից ու բոլոր ճիմաթմբերից Կվա թագուհու անունն են կանչում, կտրում ամուսնուց: Լաց եղավ Կվա թագուհին ու խնդրեց մի երրորդ տեղ տուն շինել: Իսկ հետո չորրորդ, հինգերորդ ու երեսուներեքերորդ տեղը: Թխկում են կացիները, բարձրանում՝ տունը տան ետեփց, տունը տանը կից. եւ որտեղ ճիմաթմբեր էին, այնտեղ արդեն տանիք է, որտեղ լճեր՝ հրապարակներ են, որտեղ կռկռացող գորտերով խրուտներ ու ճահիճներ՝ մեծ քաղաք է՝ մաքրագույն ռուսաց լեզվի մաքուր այասող բարբառով խոսող մարդկանցով: Եվ հիմա արդեն ոչ ոք չէր կարող խանգարել նրան, որ Մոսն ու Կվան վերջապես միանային նույնիսկ անուններով՝ «Մոսկվա»:

Ճաղաշարից կտրվելով՝ եւ նույն անշտապ ընթացքով ուղղվեցի ծանոթ փողոցների կողմը: Ահա քամին շուռ տվեց մարմելյաղ ծախող տղեկի վաճառատախտակը. տղան սողեսող է անում գետնին, հավաքում թափված մարմելյաղներն ու թաթախելով մոտակա ջրափոսում՝ կոկիկ շարում տախտակին: Քայլում եմ առաջ: Կողքովս՝ ծանոթ ցանկապատի տախտակները. վերելում, շիկավուն տառերը արեւին տված, ձգվել են բառերը. «Թքով է կպցրած»: Մի վայրկյան կանգնում եմ փորձելով պատկերացնել գրածի իմաստը: Ու նորից, ճակատագրին հլու, կողքով ու՝ հեռուն:

Ահա՛ մեջքը ազդագրերի սյանը տված, հարմոնիկը՝ թռչկոտող արմուկների արանքում, հարբած. «Ա՛խ, խնձորի՛կ իմ,- երգում է,- կողքից՝ տերեւներ, կսիրեի քեզ, բայց փոսը կընկնեմ», սակայն ազդագրերի սյունը հանկարծ շրջվում է՝ տապալելով եւ՛ երգը, եւ՛ երգչին: Առա՛ջ:

Ընդառաջ է լողում հսկա հրապարակը. հրապարակի կենտրոնում՝ իր հինգ խաչերը երկինք նետած տաճարը. ահռելի տաճարի կողքին՝ ակնհայտորեն հեղափոխության տապալած հուշարձանի բարձր մարմարե պատվանդանը: Պետք է խոստովանեմ, որ երբեք չեմ կարողացել անտարբեր անցնել դատարկ պատվանդանների կողքով: Անկատարությունը, անավարտությունը միշտ զայրացրել է ինձ: Այդպես էլ հիմա. արագ մագլցեցի պատվանդանի մարմարին եւ անխռով, արժանապատվությամբ ու վիթխարակերտությամբ առլեցուն կեցվածք ընդունեցի: Ներքեով անցնում էր փողոցային լուսանկարիչը: Բավական էր մի արծաթադրամ, եւ նրա գլուխն անմիջապես սուզվեց սեւ մահուդի տակ: Կանգնել էի՝ ձեռքս ընկնող արեւին պարզած, եւ կարող էի տեսնել ինչպես է աստիճանաբար հավաքվում ամբոխը՝ հավանության աղաղակներով հե-

Միգրացիոնալ ԿՐԺԻԺԱՆՈՎԱԿԻ

տեսելով տպավորիչ լուսանկարահանմանը: Ասենք, Էկրանն ավելի կարճ ու համոզիչ կպատմի: Ահա...

Ծափահարությունների որոտը ողջունեց կախարդական լապտերից Էկրանին թռած պատկերը: Ձեկուցողը, խոնարհվելով, ձեռքի շարժումով լուսություն խնդրեց:

- Տիկնա՛յք եւ պարոնա՛յք, չէի ցանկանա, որ սա ակնարկ դիտվեր: Սակայն, վերադառնալով պատմությանս, պետք է հայտնեմ, որ հուշարձանի շուրջը հրապարակը հեղեղած մոսկվացիներն ինձ վերաբերվում էին, ինչպես այս դահլիճը հեղեղածները. ծափերը, «վերադարձե՛ք», «ցտեսություն» եւ «ու՛մ եք թողնում մեզ» գոչյունները երկար ժամանակ չէին թողնում իջնել պատվանդանից. եթե դրան գումարեքը նաեւ այն հանգամանքը, որ լուսանկարիչը շատ երկար էր դադար պահում, ապա ձեզ զարամանալի չի թվա, որ ուշացա գնացքից. մեկնեց հենց քթիս տակից՝ ինձ տոմսը ձեռքիս թողնելով դատարկ կառամատույցին:

Վիճակը շատ լուրջ էր: Բանն այն է, որ գնացքները Մոսկվայից արտասահման մեկնում են (ավելի ճիշտ, մեկնում էին այն ժամանակ, որի մասին պատմում եմ) ոչ ավելի հաճախ, քան ամիսը մեկ անգամ: Դա խախտում էր իմ բոլոր պլանները, ավելին, ինձ զրկում էր Արեւմուտքում կոնտրազենտներին տված խոստումս պահելու հնարավորությունից, ինձ՝ բարոն Մյունխհաուզենիս (տարօրինակ է Լունիսկ մտածելն ու արտաբերելը) դարձնելով ստախոս ու խաբեբա, որը դավաճանում է իր խոսքին:

Բայց ուրիշ ելք չկար: Վերադարձա քաղաք եւ ամբողջ գիշեր Ստրաստոյ բուլվարի նստարաններից մեկին նստած՝ մտածում էի ինչ անեմ: Իսկ այդ ընթացքում ժամանակը վայրկյանները դարձնում էր թուպներ, թուպները՝ ժամեր. իմ տոմսի վրա նշված օրը երեկ դարձավ, ու հանկարծ՝ միտք. իսկ չփորձե՛մ, արդյոք, փնտրել երեկվա օրը:

Ամիջապես գնացի թերթի խմբագրություն եւ հայտարարություններն ընդունողի պատուհանից ներս խցկեցի այս տեքստը. «ԿՈՐԵԼ Է երեկվա օրը: Գտնողին խնդրվում է՝ լուրջ պարզեւավճարով...»: Եվ այլն, եւ այլն:

- Լա՛վ, երկու օրից կտպենք:

- Սպասե՛ք,- տաքացա ես,- բայց երկու օրից դա արդեն երեկվա չի լինի, այլ... ինչպես եք ասո՛ւմ:

- Երեքվա,- պատասխանեցին պատուհանիկի հակառակ կողմից, իսկ ինձնից հետո հերթում կանգնածը խորհուրդ տվեց.

- Չորեքվա՛, թող գրեն չորեքվա, ավելի ճիշտ կլինի՝ մի քանի օրվա հաշվարկով, դրանից շուտ չեն տալի:

- Բայց ինչպե՛ս,- պատեպատ խփվեցի երկու խորհուրդների արանքում:- Ինձ ոչ երեքվա է պետք, ոչ չորեքվա, այլ երեկվա օրը, մաքուր ու սերենով ասում եմ ձեզ...

- Իսկ եթե ձեզ անպայման երեկվանն է պետք,- առարկեց պատուհանիկը,- երրորդ օրը պիտի հայտարարություն տայիք, կարգը չգիտեք:

- Բայց ինչպե՛ս,- ուզում էի վրա պրծնել ես, բայց հասկանալով, որ ընդամենը ժամանակ եմ վատնում, որոշեցի այլ կերպ գործել: Մտքումս վերողիքի անելով այն հաստատություններն ու անձանց, որոնց կարող էի դիմել, հիշեցի Հերվա ձյան հետազոտության ասոցիացիան: Հեռախոսագանգ, կարճ խոսակցություն, եւ կառապանն ինձ տանում է Ասոցիացիայի արխիվ: Կառքն անկյունագծով կտրում է քաղաքը, մենք անցնում ենք քաղաքադուռը, քաղաքից դուրս, ամառային փոշոտ խճուղուց անդին Արխիվի կարմիր տանիքն է՝ կիսով թաքնված խուլ քարե պարսպի բարձր շրջագծի ետեւում: Ստոնում ենք դարպասին: Քաշում եմ զանգի ժանգոտած օղակը: Ի պատասխան՝ երկար մեռյալ լռություն: Մի անգամ էլ՝ օղակը: Խուլ պատից այն կողմ՝ դանդաղ մոտեցող քայլեր, եւ տարօրինակ է՝ հողը ոտքերի տակ խշխշում ու ճոռում է (սա ի՛նչ բան է): Վերջապե՛ս՝ բանալու ժանգոտ ձայն, եւ պղնձակոփ դռնակը բացվում է: Ես ապշած եմ. հուլիսյան ձյուն: Այո՛, այո՛, պարսպից այն կողմ, բարձր պատի շրջագծի ներսում՝ մի քանի ամսով ուշացած ձմեռ. մերկ ճյուղերին՝ սառցալույսներ, եւ ամենուր՝ Արխիվի խարխուլ շենքը շրջապատող ձերացած այգու ածուների վրա՝ ձնաթմբեր ու փխրուն ճերմակ ձյուն: Ծառան, մի կորաքամակ կնճռապատ ձերուկ, ոտքերը դանդաղ շարժելով՝ ինձ ծառուղով առաջնորդում է դեպի առմուտքը, իսկ օդում փափուկ սպիտակ փաթիլներ են, որ անձայն թափվում են հողին: Ես չեմ հարցնում, ես գիտեմ. դա հերվա ձյունն է տեղում:

Երեկվա օրերի բաժնի վարիչը, մի ճաղատ, կապույտ ապակիներով կարկատած աչքերով պարոն, զգուշացված էր այցիս մասին ու շատ սիրալիր դիմավորեց:

- Պատահո՛ւմ է, պատահո՛ւմ է,- ժպտաց ևս ինձ,- մեկը մի ակնթարթ է ձեռքից բաց թողնում, մյուսը՝ ամբողջ կյանքը: Իսկ եթե ևսևե diem perdidit [Ես կորցրի օրը - լատ.]: Այստեղ՝ կորսված օր], ապա մենք՝ մանգաղի թափած հասկերը հավաքող աստվածաշնչյան Հռութի պես հավաքում ենք հնձածն ու ապրածը: Ու ոչինչ չի կորչի. ոչ մի անցած ակնթարթ: Հռութը հավաքում է Ռուսիան, հը՛մ: Ահա. ստացեք ձեր երեկվա օրը:

Եվ ինձ պարզվեց սարդոստայնի գույնի մի կոկիկ, համարակալած

Միգիզմունդ ԿՐԺԻԺԱՆՈՎԱԿԻ

տուի: Բացեցի կափարիչը. նրա տակ, բամբակով փաթաթած, վայրկյանաչափի թրթռացող սլաքների փշերը ցցած, քնկոտ շուռումուռ էր գալիս իմ երեկվա օրը: Չգիտեի ինչպես շնորհակալ լինեմ:

Կապույտ ակնոցն ինձ առաջարկեց նայել Հռուբ-Ռուսիայի արխիվը, բայց ես, վախենալով, որ նորից կկորցնեմ կորցրածը, ներողություն խնդրեցի ու քայլեցի դեպի ելքը: Հերվա ձյան փաթիլներն ինձ ուղեկցեցին մինչեւ դռնակը: Ամբողջովին ճերմակած դուրս եկա պարսպի շրջագծից, եւ ամառային արեւը ակնթարթորեն հալեցրեց ձյան սստվածքն ու չորացրեց հագուստս: Ես ցատկեցի կառքի մեջ:

- Կայարան:

Կառապանը թափ տվեց սանձն ու մենք շարժվեցինք: Բայց մի տեսակ չէի հավատում այդ ամենի իրական լինելուն, ու չնայած ժամանակն անտեսանելի է, աչքերս ապացույցներ էին փնտրում: Ու հանկարծ, նայելով փողոցի ժամացույցին, տեսա, որ սլաքը հակառակ է պտտվում. վեցից՝ հինգ, հինգից՝ չորս եւ այլն: Ընդառաջ վազեց թերթավաճառը:

- Արտակարգ թողարկում: Վերջին լուրեր:

Թփթփացնելով կառապանի մեջքին՝ կանգնեցրի կառքը, որ հինգ կուպեկանոցը փոխանակեմ թերթով: Տրոփող սրտով բացեցի քառածալ թուղթը. փա՛րջ Աստծո, գլխագրի տակ հստակ դրոշմված էր երեկվա ամսաթիվը: Ու մենք շարժվեցինք առաջ:

Հիմա արդեն հանգիստ գնում էի անիվների տակից հետ փախչող փողոցը: Ահա երեւաց երեկվա տղեկը. երեկվա քամին շուռ տվեց նրա մարմելադներով վաճառատախտակը, ու խեղճը նորից, մարմելադները ջրափոսում լվանալով, շարում է տախտակին: Ահա եւ մեջքը ազդագրերի սյանը տված հարբեցողը՝ արմունկների արանքում թռչկոտող հարմոնիկով. «Ա՛խ, խնձորի՛կ իմ, կողքից՝ տերեւներ...», ու գիտեմ, որ ազդագրերի սյունը հիմա շուռ կգա եւ երգն ու երգչին կզցի ցեխի մեջ: Ու ես շրջվում եմ. ըստ էության, «հավերժ վերադարձը», որի մասին տեսաբանում էր Նիցշեն, եթե նույնիսկ արժանի չէ քննադատության, բայց եւ չի արժանացել ձանձրույթի:

Վերջապես հասանք կայարան: Ես դարձյալ կառամատույցին եմ: Մատուցում են գնացքը, որ հետեւանց դանդաղ սողում է կայարան: Ինձ, որպես պայմանական դիակի՝ հատուկ վագոն. ապրանքատար է, կարմիր տախտակներով կազմած վանդակ՝ չորս անիվի վրա, դռան վրա՝ կավիճով. «ար. փչ. քաղ. համ.», դռան գլխին՝ փշատերեւ կանաչ ճյուղ: Մի քիչ մռայլ է, բայց ինչ արած. թույլ եմ տալիս ինձ բարձեն: Դուռը ծխնիների

վրայով գլորվելով՝ փակվում է: Կատարյալ խավարում նստած՝ լսում եմ, թե ինչպես են դրսից կնիքում վագոնը:

Հետո... հետո երկու օր ճանապարհին, մութ վանդակում. բավականաչափ ժամանակ է, ամբողջ տեսածն ու լսածը մտարկելու, մղեղը ցորենից զատելու եւ վերջին եզրահանգումներն անելու համար: Բայց ձեր թույլտվությամբ, տիկնա՛յք եւ պարոնա՛յք, այդ ամենի կնիքն առայժմ չենք հանի: Ես ավարտեցի:

Բարոն Մյունխհաուզենը խոնարհիվեց հասարակությանն ու քայլ արեց ամբիոնից ներքեւ տանող աստիճաններով: Բայց այստեղ նրա ետեւից հասավ օվազիան: Լոնդոնի Թագավորական ընկերության պատերը դեռ երբեք այդպիսի դրոշմ ու մոնչյուն չէին լսել. հազարավոր ափեր խփվում էին իրար ու բոլոր բերանները մի անուն էին բղավում. Մյունխհաուզեն:

Գլուխ VI

Անհավանականությունների տեսություն

Բարոնը բավականաչափ վարժ էր փառքին. քանի որ փառքը կազմված է բառերից, նա կարողանում էր կիսալսել դրանք՝ իրեն հնազանդորեն ղեկով օբյեկտիվների ապակե աչքերի տակ, կիսաժպտալով կիսապատասխանում, պարզում մեկ երեք, մեկ չորս, մեկ երկու մատը՝ թույլ չտալով, որ ձեռքն ուռչի ձեռքսեղմումներից: «Խելագար բակլայի քոթեջի» ծառան գիտեր, որ ամեն երկու ժամը մեկ պետք է փոխի պատռած թղթերով զամբյուղը, քանզի կամակները, հեռա եւ ռադիոգրերը տեղում էին լոնդոնյան անձրեւի համառությամբ:

Բայց նույնիսկ փառքի հետ վարվելու՝ տեսական փորձով մշակված ունակությունը այս անգամ բարոն Մյունխհաուզենին չօգնեց ազատվել հոգնածության ու հագեցման որոշակի զգացումից: Նա ամեն օր թղթակից անդամի, փիլիսոփայության դոկտորի եւ այլ դիպլոմներ էր ստանում բոլոր հնարավոր ակադեմիաներից ու համալսարաններից. ժուռնալիստների ամերիկյան կազմակերպությունը նրան շեֆ ընտրեց. բարոնի, ի դեպ, բավական երկար, մարմնին արդեն տեղ չկար շքանշանների համար, եւ դրանք ստիպված էր կախել կարգի որոշակի շեղումով: Իսպանիայի թագավորը նրան ոսկուց գեղարվեստորեն պատրաստված լեզու ուղարկեց՝ վրան աղամանդե պզուկներ, իսկ ռուսական ինքնակալներից

Միգիզմունդ ԿՐԺԻԺՄՆՈՎՄԿԻ

մեկը՝ բրոնզե մեղալ՝ «Կործանվողներին փրկելու համար» մակագրությամբ:

Ընտրվեց Հիերոնիմ Մյունխհաուզենի հուշարձանի կառուցման նվիրատվությունների կոմիտե. դրամները բոլոր կողմերից գյուրվում էին Կոմիտեի հիմնադրամ, և շուտով Լոնդոնի հրապարակներից մեկում կատարվեց հանդիսավոր հիմնարկեքը:

Բարոնին հազվադեպ էր հաջողվում մենակ մնալ իր հին ծխամորճի հետ, գրամեքենան իզուր էր ստեղներն առաջարկում հետճաշյա աֆորիզմներին. Մյունխհաուզենը զբաղված էր ավելի կարելու ու պատասխանատու գործով. նրա դասախոսությունը, որ խլիխլ էին աշխարհի բոլոր թերթերը, օր օրի դառնում էր գիրք, որը գրում էր՝ հաճախ հրաժարվելով քնից ու ճաշից: Ճիշտ է, համարյա թե բանալու անցքից ներս սողոսկած որեւէ լրագրողի երբեմն հաջողվում էր կանգնեցնել Մյունխհաուզենի գրիչը: Եվ քաղաքավարությամբ ներկայացած մարդուն միշտ ընդանաջ էր գնում նրա զայրացած դեմքը.

- Տասը վայրկյան: Ժամանակը գնաց: Սպասում եմ. մեկ... երկու...

Ապշահար լրագրողը նետում էր առաջին պատահած նախադասությունը, ասենք.

- Ի՞նչ բաժիններ պիտի ունենա ծանրակշիռ թերթը:

Եվ վայրկյանի վեցերորդ տասնորդականին հնչում էր պատասխանը.

- Երկու. պաշտոնական և ոչ պաշտոնական: Ութ... ինը... տասը: Պատիվ ունեմ:

Լրագրողը շեմին նորից ու նորից կարդում էր մատիտագիր տողը՝ չիմանալով ինչպես վարվել դրա հետ:

Ընդհանրապես, ինչպես նկատել էին «Խելագար բակլայի քոթեջի» մշտայցելուները, բարոնի բնավորությունը սկսում էր փչանալ: Ավելին. նրա պահվածքում ի հայտ էին եկել տարօրինակություններ, որոնք առաջ ոչ ոք չէր նկատել:

Առաջին տարօրինակությունն իրեն զգալ տվեց Լոնդոնի համար հիշարժան այն օրը, երբ մայրաքաղաքի գլխավոր փողոցներով, նվազախմբերի դրոշմի ու կղերի երգեցողության տակ, հանդիսավոր դիպակե բարձիկների վրա անցկացրին հաղթահերոսի հին եռանկյունի գլխարկը, մաշված կամզոլը, սուներն ու հյուսքը: Քաղաքապետարանի շենքից սկսված երթը պետք է անցներ Մյունխհաուզենի տան մոտով, ապա շրջվեր դեպի Վեսթմինստերյան աբբայություն, որի կամարների ներքո, հին Անգլիայի սրբազան մատուցների կողքին անմահություն ու պատվավոր

հանգիստ էր սպասում Մյունխհաուզենի սուսերին, կամզոյին ու եռանկյունուն:

Բարեկամների ջանքերով հաջողվեց Մյունխհաուզենից թաքցնել տոնախմբության բոլոր նախապատրաստությունները: Բարեկամները (այդ թվում եպիսկոպոս Նորթուբերլենդցին) կանխավայելում էին այն տպավորությունը, որ այդ վիթխարի անակնկալը թողնելու էր խիստ պատրաստակամ ու բարեկիրթ բարոնի վրա: Բայց նրանց դաժան հիասթափություն էր սպասում. մոտեցող թափորի աղմուկն ու կղերի երգեցողությունը լսելով՝ բարոն Մյունխհաուզենը ոտնամանները շփշփացնելով՝ մոտեցավ պատուհանին ու նայեց դուրս՝ փորձելով հասկանալ ինչ է կատարվում: Ներքեում, ծփացող ամբոխի մեջ դանդաղ լողում էին դիպակե բարձիկները, իսկ բարձիկների վրա,- սա ի՛նչ սատանայություն է,- Մյունխհաուզենի կամզոյը, հյուսքը, սուսերն ու եռանկյունի գլխարկը: Ամբոխի ցնձագին ոռնոցը ընդառաջ եկավ բարոնին, բայց նա, մի քայլ հետ քաշվելով, շրջվեց ու տեսավ անձայն սենյակ մտած Նորթուբերլենդի եպիսկոպոսին:

- Ո՞ր,- խռպոտ հարցրեց բարոնը:

- Վեսթփինսթերի մատուցների մոտ: Հիրավի, ոչ ամեն թագավոր...

Բայց այստեղ անսպասելի, անպատշաճ ու ծիսակարգով չնախատեսված բան կատարվեց: Կտրուկ շառագունելով՝ Մյունխհաուզենը հանեց աջ ոտնամանն ու շարտեց ցնձացող ամբոխի մեջ. ոտնամանը շրջան գծելով շմփաց խաչվառների ու պսպղան դիպակի արանքում պայթած արկի պես մի լայն փոս բացելով հետ քաշվող ամբոխի մեջ:

- Գուցե ձեզ իմ գիշերանոթն է՞լ է պետք,- պատուհանագոգի վրայով կռանալով՝ սսկված ամբոխի վրա գոռաց բարոնը:

Հազարավոր վախեցած դեմքեր դարձան դեպի բաց պատուհանը, զուտ որպեսզի տեսնեն, թե ինչպես է շիկոցով փակվում: Շփոթահար եպիսկոպոսը նահանջեց դռան ետեւը: Կարգադրիչներն ուժասպառ եղան՝ վերականգնելով խանգարված կարգը, ու քանզի թափորի պոչը, որ դեռ անկյունադարձից այն կողմ էր, սեղմում էր գլխին, երթը ինքնաբերաբար շարունակում էր շարժվել, բայց երգչախումբը աններդաշնակ ու կեղծ էր երգում, խաչվառներն անկանոն դեսուդեն էին ճոճվում, տոնախմբությունը խամրել ու թթվել էր:

Երեկոյան թերթերն իրադարձությունները շարադրեցին խուսանավող լեզվով՝ զգուշորեն շրջանցելով կամ լռելով չնախատեսված անկանխատեսելին: Սակայն բարոն Մյունխհաուզենը նոր էր սկսում տարօրինակու-

Միգիզմունդ ԿՐԺԻԺՄՆՈՎԱԿԻ

թյունների շարքը, որը լոնդոնցիների հոգիներին ստիպեց անցնել զգացումների ողջ գամմայով. տոնիկա - ցնծություն, մեղիանտա - տարակուսանք, օկտավա - գայրույթ:

Թափորն անցավ, ու Բեյսվորթեր-ռոդը դատարկվեց, իսկ հազարավոր գլուխներից ցնծությունը վռնդած մարդը դեռ անկյունից անկյուն էր քայլում՝ զայրացած ինչ-որ բան քրթմնջալով քթի տակ, ապա նստեց սեղանի մոտ և սկսեց ամբողջական պարբերություններ ու էջեր ջնջել իր սեւագրերից: Միայն փոքր-ինչ հանդարտվելուց հետո նա անցավ երկրորդ տարօրինակությանը. մասունքները Վեսթմինստեր տեղափոխելուց երկու ժամ անց արբայության գլխավոր պահապանը արագ փոստով նամակ ստացավ: Մյունխհաուզենների զինանշանով նամակը կտրուկ ու հակիրճ բառերով պահանջում էր արբայության յուրացրած կամզոլն անհապաղ վերադարձնել տիրոջը: «Նույս ունեմ,- ավարտվում էր ուղերձը,- որ Մեծ Բրիտանիայի և Երկու Նդկաստանների Միացյալ Թագավորությունը չի ցանկանա հարստանալ՝ խեղճ մարդուց խլելով իր ամենօրյա հագուստը»:

Խիստ մտահոգված պահապանը խորհրդի գնաց առաջնորդական տեղապահի մոտ, տեղապահը պատմեց հայր գանձապետին, գանձապետը... մի խոսքով, Լոնդոնը դեռ չէր հասցրել վառել իր լույսերը, երբ անախորժ բառերը, արբայության ատամնավոր պարսպի վրայով ցատկելով, սահեցին հեռախոսալարերով ու շրշացին մեմբրաններում՝ պատրաստվելով սուզվել անդրատլանտյան մալուխի փաթույթի մեջ: Մթնոլորտը լարվում էր: Կեսգիշերից մի քիչ առաջ հրապարակվեց գերագույն հրամանը. «Համաձայն օտարերկրյա հպատակ Մյունխհաուզենի հայտարարության, մասունքը (հետեւում էր թիվը), զրկելով սրբություններին շնորհված բոլոր իրավունքներից ու արտոնություններից, վերադարձնել հիշյալ օտարերկրացուն»:

Առավոտյան ոչ մի լրագրող չհամարձակվեց մոտենալ Բեյսվորթեր-ռոդի քրթջի շեմին, եթե չհաշվենք Ջիմ Չիլչերին՝ երրորդական մի թերթուկի աշխատակցին, որի համար ընդհանրապես բոլոր շեմերը անանցանելիության աստիճանի բարձր էին: Չիլչերն ավտոբուսի փող չունեւ, դրա համար էլ իր առավոտյան երթուղին Օքսֆորդ-սթրիթից մինչև Մոսքոու-ռոդ մյուսներից վաղ էր սկսում և անցնում էր ոտքով. այդ օրը, ինչպես միշտ, նա քայլում էր Բեյսվորթեր-ռոդի երկար աղեղի երկայնքով՝ աչքերը սահեցնելով Քենսինգթոնյան այգու ցանկապատի վրայով: Առավոտվա ցրտից զուլին ուսերի մեջ քաշած գլուխը մաթեմատիկական խնդիր էր

լուծում. եթե ամեն օր ավտորուսի վրա խնայած փեւսերից հանես քրք-ված կոշիկների նորոգումը, ապա օրերի ինչ թվով է պետք բազմապատկել այդ տարբերությունը, որպեսզի ստացվի տասներկու շիլլինգ ու հիսուն փեւս արժողությամբ ստեղծագործություն, որն անհրաժեշտ է մի գույգ նոր կոշիկ գնելու համար: Ստացվում էր Նյուտոնի՝ մարգագետնում արածող կովերի հայտնի խնդրի պես մի բան,- կովերն անընդհատ խժռում են խոտը, բայց խոտն այդ ընթացքում աճում է,- եւ Չիլչերն այնպես խորացավ բարդ գլուխկոտրուկի լուծման մեջ, որ անմիջապես չսթափվեց, երբ ինչ-որ մեկը բռնեց նրա վերարկուի աջ թեւը՝ կանգնեցնելով քայլերն ու թվերը: Ասենք՝ ինչ-որ մեկը չէր. ուսի վրայից հետ նայելով՝ Չիլչերը ոչ մեկին չտեսավ, բայց եւ այնպես ինչ-որ մեկի կառչում մատնե-րը բաց չէին թողնում դաստակից քիչ վեր կարված կոճակները: Չիլչերը քաշեց ձեռքը, ու ձեռքի ետեւից ձգվեց երկար կանաչ զսպանակը, որն այդպես էլ իր ճկուն օղակներից բաց չէր թողնում ասես թակարդն ընկած ձեռքը: Լրագրողը նայեց վեր, տեսավ ամբողջովին կանաչ օղակներով ծածկված պատը ու հասկացավ, որ կանգնած է «Խելագար բակլայի քոթեջի» մոտ: Այդ նույն պահին քոթեջի դուռը բացվեց, ու ծեր սպասավորը, դուրս նայելով, սիրալիր հարցրեց.

- Դուք լրագրող՞ էք:

- Այո՛, այո՛... Ձեր բակլան...

- Բարոնը ներս է հրավիրում,- դուռն ավելի բացելով՝ խոնարհվեց ծառան:

Տիմ Չիլչերն այնպես ցնցված էր հրավերից, որ չնկատեց էլ, թե խելագար բակլային ինչը ստիպեց բացել իր օղակները: Ծալվող ոտքերը նրան աստիճաններով բարձրացրին նախասրահ, բայց ծառան արդեն բացել էր բարոնի աշխատասենյակի դուռը, ու տանտերը բարեհամբույր վեր էր կացել շփոթված լրագրողին ընդառաջ: Թիկունքից հաճկատար առաջ մղված բազկաթոռը ծալեց Չիլչերի ոտքերը՝ ստիպելով, որ նստի, իսկ դիմահար հարցը լրագրողի մատներին ստիպեց գրպանից գրպան թռչել՝ թուղթ ու մատիտ փնտրելով:

- Նոթատե՞տրն էք մոռացել,- ժպտաց բարոնը:- Մի անհանգստացե՛ք. ահա այս նոթատետրը կփոխարինի նրան: Շնորհակալության կարիք չկա: Մատի՞տ: Այն արդեն արել է իր գործը. հարցեր է տվել ու պատասխանել հարցերին: Չէ՞ որ ձեզ հետաքրքրում է... կներեք, ձեր անունը... շատ հաճելի է... ձեզ հետաքրքրում է, մի՛սթր Չիլչեր, թե Մյունխհաուզենի ինչին էր պետք կամօրը: Ճի՞շտ է: Ձեր ձեռքին է ինքնագիր ապացույցը

Միգիզմունդ ԿՐԺԻԺԱՆՈՎԱԿԻ

նրա, որ կամզոլն ինձ չի պետք: Դուք հավանաբար շտապում եք: Ես
ևս նույնպես:

Տիմ Չիլչերը շվարած դուրս թռչելով փողոց՝ չնկատեց, թե առավուով
քամու տակ ինչպես չարածճի շարժվեցին բարալիկ օձերի պես քրթեջի
փաթաթված բակլայի երկար բեղիկները:

Չիլչերի ստորակարգ թերթուկի արտակարգ թողարկումը առավուով
ժամը տասին արժեր հինգ փենս, կեսօրին նրա համար շիլինգ էին վճա-
րում, ժամը երկուսին համարն անհնար էր գտնել ևսյնիսկ կես ֆունտով:
Թերթուկն իրագեկում էր սրբության մասին, եւ դա բավական էր, որպես-
զի միլիոնավոր աչքեր ձգվեին դեպի սենսացիոն հարցագրույցը, որը
կամզոլի հարցը շրջոնքել էր, այսպես ասած, աստառը դուրս: Պարզվեց,
որ Մյունխհաուզենի գրիչը վարել էր ոչ թե բրիտանական առյուծին խայ-
թելու, այլ հնգաթել փշոտ աստղին մեծահոգության դաս տալու ցանկու-
թյունը. պայմանական դիակը երախտագիտության բավական աշխույժ
զգացում էր դրսեւորում՝ իր երկուհարյուրամյա կամզոլը զոհաբերելով
հոգուտ ԽՍՀՍ գիտնականների կեցության բարելավման հանձնաժողո-
ւյի: «Կարծում եմ ԱՐԱ-ն,- հարցագրույցն ավարտում էր բարոնը,- չի հրա-
ժարվի իմ textile-ն ուղարկել՝ հանձնելու ռուս երիտասարդ գիտնականնե-
րից ամենաչքավորին»:

Բայլն այնքան վեհանձն ու քրիստոնական էր, այդ բառի լավագույն
իմաստով, որ որոշ թերթեր հրաժարվում էին հավատալ հաղորդագրու-
թյանը: Բայց Չիլչերի թերթուկի տրամադրության տակ էր ինքնագիրը,
որի լուսանկարը՝ բարոնի շեղակի ձեռագրով, ցրեց վերջին կասկածնե-
րը: Փառքի կապիտալը, որ բարոնը կարծես ցանկանում էր վատնել, անս-
պասելիորեն աճեց՝ հավաքելով բազմաթիվ կլորիկ արցունքակաթիլներ,
որոնք կաչում էին թարթիչներին, ինչպես փոքրիկ զրոները՝ տոկոսների
շեղ գծին: «Դեյլի մեյլը» հիացած էր չծերացող սրտով, որն իր բոլոր՝ ռո-
պեում յոթանասուներկու զարկերը տալիս է մարդկությանը: «Թայմը»
գրում էր, որ ամենագութ բարոն Մյունխհաուզենը վերածնում է դիքքենս-
յան խենթի կերպարը, որը կարողանում էր բարի գործերում էլ արտառոց
լինել, Սենթ-Ջեմսի պալատական քարոզիչը խոսք ասաց այրի կնոջ լու-
մայի մասին, իսկ հանդիսավոր «Փել մեյլը», որն, ինչպես հայտնի է, տա-
նում է դեպի Բուքինհեմյան պալատ, ասֆալտե ուղյակ դարձավ Մյունխ-
հաուզենի ոտքերի տակ. կարճ ասած, նրան ընդունելություն նշանակվեց
թագավորի մոտ: Բայց այստեղ եկավ երրորդ տարօրինակության հերթը,
որը... բայց՝ ամեն ինչ հերթով:

Բարոն Սյունիսահաուզենն ու միսթր Ուիլքի Դոուլին, իրար մոտեցնելով բազկաթոռները, գրուցում էին Բեյսվորթեր-ռոդի աշխատասենյակում: Պատուհաններից այն կողմ շողշողում էր մշուշների քաղաքի համար հազվագյուտ արեւոտ օրը, եւ Լույնիսկ ծերունազարդ գիտնականի՝ պրոֆեսոր Դոուլիի ականջից ցցված լսողական սարքը ուրախ ցուրեր էր արձակում:

- Մի ժամից պետք է ընդունելություն գտնեք...,- եւ Դոուլին փորձեց իրարից հեռացնել բազկաթոռները: Բայց բարոնի մատները բաց չթողեցին արմնկակալները.

- Ժամը երեք հազար վեց հարյուր անգամ ճոճված ճոճանակ է: Թույլ կտամ՞ք, միսթր Ուիլքի, ձեզ, որպես մաթեմատիկական բնագավառի անառարկելի հեղինակության հետ կիսել իմ մի կասկածը, միտք, որ ճոճվում է երկու թվերի արանքում:

Լսողական սարքը լսելու պատրաստակամություն հայտնելով՝ մոտեցավ բարոնին: Բոպեական դադարից հետո Սյունիսահաուզենը շարունակեց.

- Ես, իհարկե, դիլետանտ եմ մաթեմատիկայում: Բայց ինձ միշտ խիստ հետաքրքրել են այսպես կոչված հավանականությունների տեսության մշակումն ու գործնական եզրակացությունները, ինչին և՛վիրված են ձեր խոր ու հանգամանալի տրակտատներից շատերը, հարգարժան միսթր Ուիլքի: Առաջին հարցս. հավանականությունների տեսությունը հանգեցնո՞ւմ է մեզ, արդյոք, այսպես կոչված սխալների տեսությանը:

Լսափողը գլխով արեց. այո՛:

- Հարցս. իսկ եթե հավանականությունների վերաբերմամբ կիրառված սխալների տեսությունն այն սխալ՞ է համարի: Ուզում եմ ասել, չէ՞ որ խորհրդանշական օձը, որ կծում է իր պոչը, կարող է այդ պոչով էլ խեղդվել, ճիշտ չէ՞, եւ այդ ժամանակ հիմքը կսպանվի հետեւանքից, իսկ հավանականությունների տեսությունը, կպարզվի, անհավանական է, եթե մի-այն սխալների տեսությունը սխալ դուրս չգա:

Միսթր Դոուլիի ճակատով, ինչպես ջրի երեսով, ուր քար են նետել, կնճիռներ վազեցին:

- Բայց թույլ տվեք: Բեռնուլիի թեորեմը...

- Այ հենց դրա մասին էլ ուզում եմ խոսել: Չէ՞ որ Բեռնուլիի միտքը կարելի է ձեւակերպել նաեւ այսպես. փորձերի թվի աճի հետ աճում է նաեւ հավանականությունների հաշվարկման ճշգրտությունը, m/n-ը տարբերությունը անորոշ փոքր է դառնում, այսինքն, որքան հաշվարկվող իրա-

Միգիզմունդ ԿՐԺԻԺՄՆՈՎՄԿԻ

դարձությունների թիվն ավելի ու ավելի է գերազանցում մեկը, թվերի ճոճանակի տատանումը կրճատվում է, ենթադրյալը փոխարկվում է հավաստիի, եւ հավանականությունների տեսությունը մաթեմատիկական հաստատուն ուրվագիծ ու գործնական կյանք է ստանում. այլապես՝ թվերն ու փաստերը համընկնում են: Ճիշտ շարադրեցի մեծ թվերի օրենքը:

Միսթեր Դոուլին ծամծմում էր շրթունքները.

- Եթե մի կողմ թողնենք ձեր եզրաբանության որոշակի տարօրինակությունը, ապա չէի առարկի:

- Հրաշալի է: Եվ այսպես, բավական է իրադարձությունների կամ փորձերի թիվը անցնի մեկից, հայտնվում է Բեռնուլլին, գործողության մեջ են դրվում մեծ թվերի աճի եւ հավանականության տեսությունների թեորեմները: Սակայն բավական է նույն իրադարձությունների թիվը մի փոքր իջնի, դառնա մեկից փոքր, նույնպիսի անհրաժեշտությամբ հայտնվում են Մյունխհաուզենը, հակաթեորեմը, չիրականացած իրադարձությունների եւ չկայացած սպասումների օրենքը, անիվները պտտվում են հակառակ ուղղությամբ - անհավանականությունների տեսությունը՝ ողջ ընթացքով: Գցեցիք ձեր ծխամորճը, սը՛ր, խնդրեմ:

Բայց ձեր մաթեմատիկոսն արդեն իր երկար ու սեւ ականջահավելվածով խփում էր բազկաթոռի արմնկակալին, ինչպես բառերով՝ անհեթեթությանը.

- Բայց հաշվի առե՛լ եք, հարգարժան միսթեր Մյունխհաուզեն, որ հավանականությունների տեսությունը ամբողջական թվեր է օգտագործում՝ յուրաքանչյուր իրադարձություն ընդունելով որպես միավոր: Դուք, ինչպես բոլոր դիլետանտները, պայքարելով մաթեմատիկական սիմվոլների համար, վերավերացարկում եք դրանք, ցանկանում եք մաթեմատիկոսներից մաթեմատիկոս լինել. իրական իրականությունը բաղկացած է գործողություններից,- իմ, ձեր, ում կուզեք,- եւ, բնականաբար, մեկից փոքր իրադարձություններ չի ընդունում: Մենք իրական մարդիկ ենք՝ իրական աշխարհում, կամ գործում ենք, կամ չենք գործում, իրադարձությունները կամ կատարվում են, կամ չեն կատարվում: Ընդգծում եմ. հավանականությունների հաշվարկումն օգտագործում է միայն ամբողջական թվեր՝ բազմապատկած միավորով:

- Այդ դեպքում,- կտրեց Մյունխհաուզենը՝ հասցնելով մոտենալ գրուցակցի ականջին,- այդ դեպքում փաստերի ու թվերի ճանապարհները տարբեր են, նրանց մնում է հրաժեշտ տալ իրար ու բաժանվել: Դուք ասում եք. «Իրադարձությունները կամ կատարվում են, կամ չեն կատար-

վում»: Ես պնդում եմ. իրադարձությունները միշտ կիսակատարվում են: Դուք ինձ առաջարկում եք ձեր ամբողջական թվերը: Բայց եթե ամբողջական թվեր են, ապա «մարդ» կոչվող ոչ ամբողջական արարածի ինչի՞ն են պետք: Սարդիկ կոտորակներ են, որ միավոր են ներկայանում՝ իրենց աճեցնելով բառերով: Բայց ոտքերի ծայրերին ձգված կոտորակն ամեն դեպքում ամբողջական թիվ չէ, միավոր չէ, եւ կոտորակի բոլոր արարքները կոտորակային են, ոչ ամբողջականների բոլոր իրադարձությունները ոչ ամբողջական են: Ամբողջական են միայն կիսատների նպատակները, որոնք միշտ, նկատեք, կիսատ են մնում, որովհետեւ ձեր հավանականությունների տեսությունը, ինչ-որ բան քրթմնաչալով կատարվածի հետ կատարվելիքի համընկնման մասին, անպիտան է անհավանականությունների ձեր աշխարհի համար, որտեղ սպասվողը երբեք չի կատարվում, որտեղ երդումները մի բանի, իսկ փաստերը մեկ այլ բանի մասին են, որտեղ կյանքը խոստանում է սկսվել հավերժական վաղը: Մաթեմատիկոսները, որոնք իրականացումը նշում են p-ով, իսկ չիրականացածը q-ով, իրենց իսկ նշաններից ավելի վատ են գլուխ հանում, քան հիմար կկուն, որ միշտ ու բոլորին գուշակում է միայն մեկ բան. $q = q$:

Ծերունագարդ մաթեմատիկոսը, լսասարքը բառերից չկտրելով, վաղուց արդեն ֆսֆսացնում էր քիթն ու բարկացած շիկացնում դնովի ձևոտները:

- Բայց թույլ տվեք, մի՛սթր, մեր թվերի հետ դուք դուրս կշարտեք նաեւ աշխարհը: Ոչ ավել, ոչ պակաս: Ձեր... ը՛-ը՛... մետաֆիզիկական, եթե տարածում ստանա, կվերածվի ինտելեկտուալ աղետի: Դուք ջնջում եք բոլոր թվերը, բացի գրոյից: Իսկ ես ասում եմ. առավել լոյալություն գոյի հանդեպ: Ցանկացած ջենթլմեն պարտավոր է իրական ընդունել իրականությունը, հակառակ դեպքում այն... չգիտեմ, ինչպես ասել... չէ՞ որ այս պատերը, Լոնդոնը, հողը, աշխարհը՝ մոխիր չէ, որն ահա այսպես թափում էմ մատի մեկ շարժումով. սա շատ ավելի լուրջ է, ու ես զարմանում եմ, սը՛ր...

- Ես էլ եմ զարմանում, թե ինչպես կարող եք մեղադրել ինձ ձեր տների ու պատերի հանդեպ անհարգալից վերաբերմունքի մեջ. չէ՞ որ միայն բնածին քաղաքավարությունն է ինձ ստիպում անցնել ոչ թե նրանց միջով, այլ կողքով, չնայած ձեր բոլոր փողոցներն ինձ համար դաշտի ճանապարհ են, իսկ պալատներն ու տաճարները՝ խոտ, որի վրայով կարող էի քայլել, եթե չհարգեի աշխարհը լոնդոնացրած օրենքը. «Ավանդույթներ չթափել, գաղափարներ չբերել, սրբություններ չտորոթել»: Եվ ասացեք ինձ, հարգարժան միսթր Դո՛ուլի, ի՞նչ իմաստ ունի ոտքեր չունեցողի հա-

Միգիզմունդ ԿՐԺԻԺՄՆՈՎՄԿԻ

մար ինձնից իմ յոթմղոսանց սապոզները գնելու փորձը: Ավելի պարզ ու էժան չէ՞ր լինի տեղից ոչ մի քայլ չանելով՝ խորհել քայլերի մասին:

Մի պահ լռություն տարածվեց գրույցի վրա, հետո ձեր պրոֆեսորն ասաց.

- Այդ ամենը զուրկ չէ հետաքրքրությունից: Բայց ընդամենը այդքան: Պատերը կանգնած են, որտեղ կանգնած էին, փաստերը՝ նույնպես: Եվ նույնիսկ իմ սիգարի մոխիրը չի անհետացել, ահա այստեղ է՝ մոխրամա-նում: Եվ դուք էլ, հարգարժան միսթր Մյունխհա՛ուզեն, դիտմամբ ընդար-ձակ սխեմաներ եք օգտագործում, որպեսզի խուսափեք նեղ ու նեղվածք, այսպես ասած, փաստերից, որոնց մեջ ձեր անհավանականությունների տեսությունը ոչ մի կերպ չի տեղավորվում. Սանդրիյունի կոշիկները իխ-տիոզավրի ոտքերին, հա՛-հա՛, համաձայնեք, շատ նեղ են: Ձեր անհավա-նականությունների տեսությունը, ներեցեք ինձ, մետաֆորներն է կառու-ցում, իսկ մեր հավանականությունների տեսությունը խիստ կոնկրետ կյուրթի մշակման արդյունք է: Գոնե մի կենդանի օրինակ բերեք, եւ ես պատրաստ եմ...

- Խնդրեմ, հենց ձեր աշխատությունից, միսթր Դո՛ուլի: Դուք գրում եք. «Եթե արկղից, որտեղ սեւ ու սպիտակ գնդեր են պահվում, հանենք դրան-ցից մեկը, ապա որոշ հավանականությամբ կարելի է կանխատեսել, որ այն, ասենք, սպիտակ կլինի, եւ կատարյալ հավաստիությամբ՝ որ կարմիր չի լինի»: Բայց, մի՛սթր Դոուլի, մի՞թե մեր կյանքերով չի հաստատված այն կազուսը, երբ արկղում միայն սեւ ու սպիտակ գնդեր են եղել, իսկ պատ-մության ձեռքը,- ի զարմանս բոլորի,- հանել է... կարմիրը:

- Դարձյալ մետաֆորներ,- առարկեց պրոֆեսորը,- բայց խոսքով ըն-կանք, իսկ ընդունելության ժամը մոտենում է: Վախենամ, որ չեք հասցնի ինձ որեւէ անհավանականության կոնկրետ օրինակ տալ՝ բավարարվե-լով զուտ դրանց տեսությամբ:

- Ինչ իմանաս,- ձգված ձևկներն ուղղող հյուրի ետեւից վեր կացավ Մյունխհաուզենը:

Ներքեւից, պատի հաստության միջով լսվեց ամուսնոջին մոտեցած մեքենայի աղմուկը: Իսկ աստիճաններով մոտենում էին ծառայի քայլերը, որը գալիս էր գեկուցելու, որ մեկնելու ժամանակն է:

- Ինչ իմանաս,- ուրախ աչքերը գրուցակցի վրա կկոցելով՝ կրկնեց Մյունխհաուզենը,- ասացեք, ինչպիսի՞ արարքը մարդու, որին քսան րո-պեից ընդունելություն է սպասում թագավորի մոտ, կհամաձայնեի՞ կոչել առավել անհավանական:

- Եթե այդ մարդը...,- սկսեց Ուիլքի Դոուլին, բայց ծառան հայտնվեց շեմին:

- Լա՛վ, Տնկիին ասե՛ք՝ հիմա գալիս եմ: Գնացե՛ք: Համակ ուշադրություն եմ, միսթր Դո՛ուլի: Դուք ասացի՞ք՝ եթե այդ մարդը...

- Այո՛, այո՛... եթե այդ մարդը,- դուք, իհարկե, ծեր մասին եք խոսում, մի՛սթր,- թագավորի հետ նշանակված հանդիպման ժամին, կամ ավելի ստույգ՝ ըոպեին, թագավորին դառնա... մեջքով...

- Մի՛սթր Դոուլի,- ուղիղ լսափողի վրա կռացավ Մյունխհաուզենը,- ջենթլմենի խոսք տալի՞ս եք ոչ մեկին չասել նրա մասին, ինչ հիմա կհատեմ ժիլետիս գրպանից:

- Կարող եք հանգիստ լինել: Ոչ մի շունչ չի իմանա:

Բարոնի մատի լուսնաքարը սուզվեց ժիլետի գրպանը եւ անմիջապես էլ հետ շողաց. ցուցամատի ու բուօ մատի արանքում, մոտենալով Դոուլիի վախեցած աչքերին, դեղնին էր տալիս երկաթուղային տոմսի դեղին խավաթուղթը:

- Խնդրում եմ ստուգել նշումները. գնացքը՝ չորս տասնինսին, ընդունելությունը՝ չորս քսանին: Ի դեպ, դուք ավելի լավ գիտեք Լոնդոնը, ասացե՛ք՝ կարելի՞ է Չերինգ-Քրոսի կառավարող բարձրանալ՝ մեջքով չդառնալով Բուքինհեմյան պալատին:

- Բայց չե՞ որ սա ան...

- Անհավանական է, ուզում եք ասել: Օ՛, պատվարժան միսթր Դո՛ուլի, ես մեկ պլանի իրականացման համար անհրաժեշտ է ես մեկ անհավանականություն, որը հաստատ հավանական եմ համարում: Մոտ բերեք լսափողը... այ այսպես: Եվ այդ անհավանականությունն այն է, որ խոսք տված մարդը պահի խոսքը: Այդպես չե՞, սը՛ր:

Այդպիսին էր բարոն Մյունխհաուզենի երրորդ տարօրինակությունը. հաջողվեց խոյս տալ բրիտանական առյուծի ծանր թաթի հարվածից: Լոնդոնից Դուլր ընդամենը երկու ժամվա ճանապարհ է: Ընդ որում, հինգ ճառագայթների արանքով սպրդող մարդու համար դժվա՛ր էր խոյս տալ հինգ ճակից:

Գլուխ VII Բաղենվերդերյան մենակյացը

4.22-ին թագավորը կիտեց հոնքերը: 4.23-ին արքունական արարողապետը նետվեց դեպի հեռախոսը ու սկսեց զանգել Բեյսվոթեր-ռոդ. «Խելազար բակլայի քոթեջից» պատասխանում էին, որ բարոնը դուրս է եկել: Արարողապետը կարգադրեց հինգ թուփե հետ տալ ժամացույցի սլաքներն ու բացել ներքին հարկաբաժիններից ընդունելությունների սրահ տանող դռները: 4.30-ին թագավորը զայրացած վեր քաշեց ուսն ու պտտվեց կրունկների վրա, իսկ արարողապետը, ինքնակալի հայացքը որսալով, պալատական աստիճանավորներին հայտարարեց, որ ընդունելությունը չեղարկվում է:

Բայց արդեն ուշ էր. թագավորին ստիպել էին սպասել: Եթե ճշտապահությունը թագավորների քաղաքավարությունն է, ապա թագավորների հանդեպ ճշտապահությունը սրբազան պարտք է: Պատմության տասը դարեր գահավիժեցին տասը թուփեում. թագավորը սպասում էր: Նույնիսկ անգլիական թագավորներին գլխատած դահիճները չէին համարձակվում վայրկյան իսկ ուշանալ, եւ սուրն իջնում էր Թաուերի հին ժամացույցի զանգի զարկի հետ, ու հանկարծ... ինչ-որ դրսեկ դատարկախոս: Գերմանական լրտես, որ քարշ էր եկել մոսկովյան բոլշեւիկների շրջապատում: Տասը դարեր ծանր բարձրացնում էին գերեզմանաքարերը հարվածի համար, բայց տասը թուփեները, ոտքերը ժամի սլաքից կախ, ուրախ թիկթակում էին. սպասեց-սպասեց-սպասեց-սպասեց...

Քոթեջից պալատ ճանապարհին կոմունիստների ավազակախմբի կողմից Մյունխհաուզենի առեանգվելու վարկածը դիմացավ ընդամենը մի քանի ժամ: Վարորդ Տոնին ցուցմունք տվեց, որ անձամբ է բարոնին կայարան հասցրել 4.19-ի գնացքին: Բարոնի տանը խուզարկություն կատարվեց, բայց ոչինչ, իր զույգից բաժանված ձախ կոշիկից բացի, չհայտնաբերվեց: Հարգարժան Ուիլքի Դոուլին, որը զրույց էր ունեցել բարոնի հետ՝ նորին մեծությանը վիրավորանք հասցնելուց կես ժամ առաջ (ծառայի ցուցմունքը), նույնպես հարցաքննության ենթարկվեց, ընդ որում, իրեն հանցակցի պես էր պահում. հարցերին՝ գիտի, թե ոչ, անփոփոխ պատասխանում էր. «Ես խոսք եմ տվել, այլևս ոչ մի խոսք», - եւ անհավանականությունների տեսությունը, ասես հաղթանակ տոնելով, բանտ դրեց անմեղ գիտնականին, որտեղ էլ նա շուտով մահացավ՝ ծերությունից, թե վշտից:

Բարոն Հիերոնիմուս ֆոն Մյունխհաուզենի հուշարձանի աշխատանք-

ները, բնականաբար, անմիջապես դադարեցվեցին, եւ Լոնդոնի ընդարձակ հրապարակներից մեկի կենտրոնում, շրջապատված անիվների պտույտով ու ավտոմոբիլների շակների ծորտոցով, դեռ երկար հառնել էր դատարկ պատվանդանը՝ ոմանց հիշեցնելով Սյունիսիաուզենի պատմությունը իր վերջին մոսկովյան օրվա մասին:

Բրիտանական մամուլը եռանդուն արծազանքեց, բայց առանց շատախոսության, իր բոլոր գրական լազաններից կեղտաջուր թափելով թիակները ցույց տված թագավորական թիկունքին, ինչից հետո լազաններն իրենց տրամադրեցին ևոր օրերի ևոր հրատապություններին: Տիմ Չիլչե-րը հասցրեց ևոր կոշիկներ գնել, բայց միայն այդքանը, կարիերան անհուսալիորեն տանուլ էր տրված, եւ Նյուտոնի կովերը հանրահաշվական խոտի հետ խժռել էին ևրա հույսերի բոլոր ծաղիկները:

Այդ ընթացքում բարոն Սյունիսիաուզենը, հասնելով մայրցամաք, պտտվում էր երկաթուղային թելերի հյուսակներով, ինչպես սարդը, որի ոստայնը պատռել է: Ֆրիդրիխշտրասսեի եւ Ուստեր-դեն-Լինդենի անկյունում զիշերային հերթափոխի կանգնած շուցմանը տեսավ Ալեքսանդեր-պլացի ուղղությամբ սլացող բարոնի մեքենան: Բայց կեսօրին, երբ բարոնի անսպասելի ժամանման լուրը տարածվեց քաղաքում, Ալեքսանդեր-պլացի տան բարապանը բոլոր հեռախոսազանգերին պատասխանում էր.

- Եղել ու ելել է:

Մինիստրությունում հերթապահող պաշտոնյան ևույն առավոտ մի ծրար ստացավ, որի հասցեն գրված էր ծանոթ մյունիսիաուզենյան ձեռագրով: Պաշտոնյան ծրարը հանձնեց իր շեֆին: Պաշտոնյան բացբերաններից չէր, բայց եւ այնպես չդիմացավ ու մի երկու-երեք հոգու պատմեց ծրարի աջ անկյունում արված տարօրինակ գրառման մասին. ք. Ամենուր, Ութսարիետեի փողոց, յոթ սարից այն կողմի տուն:

Մեկ օր անց բարոնի բեռլինյան ծանոթներից մեկը, Հանսովերից վերադառնալով մայրաքաղաք, միջանկյալ կայարաններից մեկում, հանդիպակաց, մեկնելու սպասող գնացքի պատուհանում տեսավ, ինչպես ևրան թվաց, Սյունիսիաուզենի դեմքը: Բեռլինցին բարձրացրեց գլխարկը, բայց վագոնի պատուհանները լողացին վագոնի պատուհանների կողքով, իսկ գլխարկը, պատասխան չստանալով, տարակուսած զիզգագով վերադարձավ ու սեղմեց քունքերը:

Անցավ մի քանի ամիս: Պաշտերը կարճ խուզված էին: Անձրեւներն ամառային փոշին ձեփել էին գետնին: Վաղո՞ւց էր, որ կռունկի երամները

Միգիզմունդ ԿՐԺԻԺՄՆՈՎՄԿԻ

անկյունաձեւ բումբանգներով հատում էին երկինքը հարավից հյուսիս, որպեսզի հիմա,- շրջանը փակելով,- վերադառնան հարավ: Անհետ չբացած Մյունխհաուզենի անունը սկզբում աղմկում էր, հետո՝ չափավոր, իսկ հետո լռեց: Փառքը՝ լեռները նետված հնչյուն. շարքով արձագանք, գատվող դադարներ, վերջին հեռավոր ու աղոտ հնչում,- եւ կրկին քարե լռություն՝ կիրճերի հսկա ականջները պարզած նոր հնչյուններին: Մյունխհաուզենի երկրպագուներն ու մեծարողները շարունակում էին երկրպագել ու մեծարել ուրիշին: Բարեկամները... բայց մի՞թե մեծն Ստագիրիտոսը [Ստագիրիտոս - Մակեդոնիայի Ստագիր քաղաքի ծնունդ. այստեղ՝ Արիստոտելը] մի առիթով չի ասել. «Բարեկամներս, բայց չէ՞ որ աշխարհում բարեկամություն չկա»: Ուշագրավ է, որ այդ հանգամանքից ստիպված էին բողոքել համենայնդեպս... բարեկամները: Այդ հոգեբանական անտիևմիան այստեղ առաջադրվում է զուտ, որպեսզի ընթերցողը չզարմանա, երբ նրան ասեն, որ մի աշխանային առավոտ պոետ Էռնստ Ունդինգը նամակ ստացավ «Մյունխհաուզեն» ստորագրությամբ:

Ունդինգի մատները թեթեւակի դողում էին նեղ ու փակ ծրարի բերած ժլատ տողերը կարդալիս: Բարոնը խնդրում էր չմերժել «վերջին հանդիպումը վերջին մարդու հետ»: Հետեւում էր հասցեն, որը առաջարկվում էր մտապահել ու գրությունը ոչնչացնել:

Ունդինգը կարող էր անվստահությամբ վերաբերվել նեղ ծրարի բերած բառերին. դեռ լավ էր հիշում ամայի կառամատույցն ու կողքով անցնող գնացքները: Բայց այնպես պատահեց, որ «Վերիտաս» ֆիրմայում վաստակած մարկերը հաշվելով՝ նույն երեկոյան մեկնեց Բեռլին-Հաննովեր գծով:

Կատարելով նամակի կամքը՝ Ունդինգը, որ ամբողջ գիշեր անհանգիստ շուռումուռ էր եկել վագոնի չոր նստարանին, մի երկու-երեք կայարան Հաննովեր չհասած՝ իջավ գնացքից: Երկաթուղային ավանին կից գյուղակը դեռ քնած էր, եւ միայն աքաղաղներն էին իրար հերթ չտալով կանչում լուսաբացը: Հասնելով վերջին տան մոտ,- այդպես էր պահանջում նամակը,- պետք էր թակել դուռն ու հարցնել Միխել Հենյոնին: Դռան թակոցի վրա դուրս ցցվեց ինչ-որ մեկի գլուխը եւ նույնը լսելով, առանց հարցուփորձի, ասաց.

- Լա՛վ: Հիմա՛:

Հետո բակում՝ սմբակների եւ անիվների աղմուկ, քիչ անց՝ բացվող դարպասի ճռնչոց, ու գյուղական սայլը, դուրս գալով փողոց՝ իր երկաթե ոտնակը դեմ արեց եկվորին:

Այդ ժամանակ հորիզոնին կարմրեց այգաբացի գիծը: Միխելը առաջ մղեց ձիերին. անիվները ջրափոսերի միջով պտտվեցին դեպի արշալույսը: Ունդինգը ձեռքը տարավ գրպանը ու ծրարի ծակող անկյունների հետ շոշափեց երկտակ ծաված տետրը: Ժպտաց՝ ամաչկոտ, բայց հպարտ, ինպես ժպտում են պոետները, երբ խնդրում են կարդալ իրենց բանաստեղծությունները: Ճանապարհը ձգվում էր մերկացած դաշտերով: Հետո՝ բլրի վրայով. բարձրացող արեւը խփում էր աչքերին. ձախ շրջվելով՝ Ունդինգը տեսավ քառաթեւ հողմաղացների շարքը, որ հյուրընկալ ձեռքով էին անում սայլին ընդառաջ, բայց Միխելը սանձը ձգեց ձախ, ու սայլը ետեւի անիվներով դառնալով հողմաղացներին, կողային ճանապարհով գլորվեց դեպի լճակի կապտագորշ բռնկումը: Անիվներից փախչելով՝ դղրդաց կամուրջը, ճանապարհի երկայնքով շարված բաղերը կռկռացին, եւ Միխելը, երկար մտրակը պարզելով դեպի երկու-երեք կղմինդրածածկ տանիքները, որ դեղնին էին տալիս ծառերի կրկնաշարքի ու քարե պարսպի ետեւից, ասաց.

- Բաղենվերդեր:

Լայն բացված դարպասները սպասում էին հյուրին: Զբոսայգու ծառուղով, ձեռնափայտը բարձրացրած ու ոտքը քարշ տալով, ընդառաջ էր գալիս կորամեջք ծառայապետը: Ցածր խոնարհում անելով՝ ևս հյուրին հրավիրեց տուն:

- Բարոն անառողջ է: Ձեզ սպասում է գրադարանում:

Ունդինգն անհամբերությունը հաղթահարելով՝ մի կերպ զսպում է իրեն, որ համաքայլ լինի ձերուևու դանդաղ քստքստոցին: Նրանք անցան ճյուղերի ֆանտաստիկ հյուսվածքի տակով: Ծառերը խիտ էին կանգնած, եւ առավոտվա երկար սովերները սեւ գորգի պես փովել էին ծառուղու վրա: Հասան տուն բարձրացնող քարե աստիճաններին: Միև ծառայապետը բանալիներն էր փնտրում, Ունդինգը հասցրեց հայացքը սահեցնել մաշված, տեղ-տեղ ճաքած ու նստած պատի վրայով. դռան աջից ու ձախից, անձրեւներից կիսով թափված ձեփի վրա երեսում էին նշանաբանների գոթական տառերը: Աջից՝ «Կարմիր ու սպիտակ մի գնեք, ո՛չ «այո» ասեք, ոչ էլ «ոչ»»: Ձախից՝ «Նա, ով ինձ կառուցել է, ողջ չէ. նրան, ով ապրում է իմ մեջ, սպասում են մեռածները»:

Հատակը, ոտքերի տակ ճռռալով, նրան տարավ եղջերուների եղջյուրների գարմանահրաշ անտառի մոտով, որ ճյուղավորվող հորիզոնականներով աճել էր պատերից: Գորգերի խճճված արաբեսկների վրայով ծառան ու հյուրը անցան նեղ պատուհաններից ժլատ լուսավորվող սեւացած

Միգիզմունդ ԿՐԺԻԺԱՆՈՎԱԿԻ

Նկարների շարքի մոտով: Վերջապես ոլորուն սանդուղքն արագ պտտեց քայլերը, վերեւից գրքերի խոնավահոտ եկավ, եւ Ունդինգն իրեն գտավ երկարուկ կիսախավար սրահում, որի խորքում երեւում էր սլաքածե պատուհանը: Պատերի երկայնքով սերտ կանգնած պահարաններ ու դարակներ. թվում էր բավական է հանես առաստաղին հենած գրքերի տրցակները, եւ դրանք, հենարանից զրկվելով, կփլվեն՝ ճանապարհին ճգմելով աշխատանքային սեղանը, բազկաթոռներն ու այդ բազկաթոռների մեջ կատաճներին:

Բայց հիմա բազկաթոռները դատարկ էին. Մյունխհաուզենը, պպզած, ինչ-որ սպիտակ քառանկյուններ էր դասավորում հատակին: Իր գործի մեջ խորացած՝ չէր լսել Ունդինգի քայլերը: Պոետը մոտեցավ.

- Ինչո՞վ եք զբաղված, թանկագին բարո՞ն:

Մյունխհաուզենը արագ վեր կացավ՝ ձևներից թափ տալով քառանկյունները, ձեռքերը հանդիպեցին ամուր ու երկար ձեռքսեղմման մեջ:

- Ահա՛, վերջապէ՛ս: Հարցնում եք՝ ինչո՞վ եմ զբաղված: Հրաժեշտ եմ տալիս այբուբենին: Ժամանակն է:

Ունդինգը միայն հիմա նկատեց, որ գորգի զարդանախշին թափված քառանկյունները սովորական հավաքովի այբուբեն են, խավաթոթի կտորներ, յուրաքանչյուրի վրա՝ հունական այբուբենի մեկական տառ: Դրանցից մեկը դեռ բարոնի մատների արանքում էր:

- Չե՞ք կարծում, սիրելի Ունդինգ, որ օմեգան գծագրությամբ տարօրինակ կերպով բաղաթաթերի վրա կանգնած պղպջակ է հիշեցնում: Ահա, նայե՛ք,- քառանկյունը հյուրին մոտեցրեց նա,- այն դեպքում, երբ, որքան էլ տխուր է, սա միակն է, որ ինձ մնացել է ողջ այբուբենից: Ես վիրավորել էի տառերին, ու նրանք հեռացան, ինչպես մկներն են լքում անմարդաբնակ տունը: Այո՛, այո՛: Ցանկացած դպրոցական, ահա այս նշանները շարելով, կարող է համակցել աշխարհներն աշխարհին: Բայց ինձ համար նշանները կորցրել են իրենց արժեքը: Պետք է սեղմել ատամներն ու սպասել, թե ահա այս բաղի թաթերով լարծուն պղպջակը երբ ակսելի կմոտենա թիկունքից ու...

Բարոնը օմեգան նետեց սեղանին ու լռեց: Ունդինգը, որն այդպիսի նախաբանի չէր սպասում, տագնապով նայեց Մյունխհաուզենի դեմքին. չսափրած այտերը ներս էին ընկել, ադամախնձորը սուր եռանկյունով հատում էր պարանոցի գիծը, հոնքերի լարված գծի տակից նայում էին ակնախոռոչների հատակն ընկած հարյուրամյակները, սուր ծունկը բռնած ձեռքը ոսկրերակ ցանց հագած չոր տերեւի պես դուրս էր ընկել տնային

խալաթի թեզանիքից. մատի լուսնաքարը կորցրել էր խաղը ու մարել:

Մի րոպեի չափ ձգվեց լուռությունը: Հետո պատի տակ ինչ-որ զսպանակ խրթխրթաց: Հյուրն ու տանտերը գլուխները դարձրին ձայնի կողմը. բրոնզե կկուն դուրս նայեց թվատախտակից եւ ինն անգամ կանչեց: Մյունխհաուզենի ադամախնձորը շարժվեց:

- Հիմար թռչունը խղճում է ինձ: Հետաքրքիր է, չէ՞: Առաջարկում է իմ օմեգային գումարել իր «կու»-ն. տառ, որով մաթեմատիկոսները կշում են տրված ու տվյալ մեծությունների չիսմընկնելը, անհաջողությունը: Բայց ինձ պետք չէ այդ թռչնային կվերը. ես վաղուց եմ ետետում թողել այն մանր աշխարհը, որտեղ անհաջողությունն է հաջողությունից առաջ, տառապանքի մեջ՝ ուրախությունը եւ հարությունը՝ բուն մահվան մեջ: Զեզ պահիր քո «կուկու»-ն, կկո՛ւ, չէ՞ որ դա քո միակ ամենինչն է, եթե չհաշվենք զսպանակը, որ փոխարինում է հոգուդ: Ո՛չ, բարեկամդ իմ Ունդինգ, իր երկու ճաղերով պտտվող թվատախտակի անիվը վաղ թե ուշ անվակալով կխփվի քարին ու - վերջ:

- Ահա եւ,- տեղից վեր կացավ պոետը,- մեր կերպարները խաչվեցին, ու եթե թույլ կտաք...

Ունդինգի ձեռքը մտավ պիջակի գրպանը: Բայց Մյունխհաուզենի աչքերն անտարբեր նայում էին կողքով, բերանի շուրջը փնթփնթան ծալքեր էին դողում: Եվ տետրի թերթերը, մատների տակ խշրտալով, այդպես էլ չէր քցին իրենց թաքստոցը: Միայն հիմա Ունդինգի համար պարզ դարձավ, որ ոտանավորներ ու իմաստներ կազմելու համար կցվող այդ բոլոր տառերը այբուբենին հրաժեշտ տված մարդու համար ունայն եւ ուշացած էին: Հյուրի ձեռքը վերադարձավ բազկաթոռի արմնկակալին, եւ նա հասկացավ, որ լսելուց բացի իրենից այլ արվեստ չեն պահանջում:

Քամին ճոճում էր դեղին տերեւները՝ ժամանակ առ ժամանակ ճյուղը պատուհանին խփելով, լրած կկվի տակ համաչափ չիսկչխկում էր ճոճանակը: Բարոնը բարձրացրեց գլուխը.

- Գուցե հոգնե՞լ եք ճանապարհից:

- Բոլորովին:

- Իսկ ես ահա հոգնել եմ: Չնայած ոչ մի ճանապարհ էլ չկար, բացի Բեռլին - Լոնդոն - Բեռլին - Բադենվերդեր - Լոնդոն - Բեռլին ճամփան տրորելուց: Այսքանը: Ձեզ գուցե զարմացնո՞ւմ է երթուղուց Մոսկվան դուրս թողնելը:

- Ո՛չ, չի զարմացնում:

- Հրաշալի է, գիտեի, որ ինձ կես խոսքից կհասկանաք: Չէ՞ որ ինչքան

Միգիզմունդ ԿՐԺԻԺՄՆՈՎՄԿԻ

Էլ տարբեր լինեն պոետիկայի վերաբերյալ մեր հայացքները, երկուսս էլ չենք կարող չհասկանալ՝ անհնար է դեմքով դառնալ սեփական «ես»-ին՝ թիկունք չդարձնելով մեր «ոչ-ես»-ին: Եվ, իհարկե, ես Մյունխհաուզենը չէի լինի, եթե որոշեի Մոսկվան փնտրել... Մոսկվայում: Մարդկանց համար իմաստը որոշակի ստացվածք է, ուր կարելի է մտնել ու դուրս գալ՝ բանալին թողնելով բարապանի մոտ: Ես միշտ գիտեի միայն ստեղծվածքի մասին, եւ որ մինչեւ տուն մտնելը, այն պետք է կառուցել: Պարզ է, որ ընդունելով «ԽՍՀՄ» ստեղծվածքը՝ դրանով իսկ բարոյական մուտքի թույլտվություն ստացա աշխարհի բոլոր երկրները, բացի ԽՍՀՄ-ից: Ու ես վերադարձա իմ հին, խաղաղ Բաղենվերդերը, այ այստեղ, դեպի լուսությունն ու գրադարակները, որտեղ կարող էի հանգիստ խորհել ու կառուցել իմ ԽՍՀՄ-ը: Բոլոր աչքերից դուրս սահելով՝ ես ինձ մտքի խուլ ու նեղ կոկոնի մեջ, որպեսզի հետո, երբ գար իմ ժամը, պատռեի այն եւ օդ նետեի գույնզգույն ծաղկափոշին՝ երկրի գորշ փոշու վրա: Բայց եթե ճշտեք մետաֆորը՝ չղջիկի թեւերը երեւակայությանն ավելի լավ են հարմարվում, քան թիթեռի թեւիկները: Ձեզ, իհարկե, հայտնի է այս փորձը. մութ սենյակում պատից պատ թելեր են ձգում՝ յուրաքանչյուրից գանգակ կախելով, ու չղջիկին թողնում են ներս. եւ որքան էլ նա պտտվում է սենյակում, խավարը թեւերով հատելով, ոչ մի գանգակ չի զնգում. թեւը միշտ անցնում է թելի կողքով, իմաստուն բնագործ թռիչքի պարույրը տանում է խոչընդոտների խառնաշփոթի միջով՝ թեւերը պաշտպանելով չօդի հետ բախումներից:

Եվ ես երեւակայությունս նետեցի մթին ու ինձ համար թափուր քառատառոյթյան՝ ԽՍՀՄ-ի մեջ: Այն պտտվում էր նշանից նշան, եւ ինձ թվաց՝ թեւերը ոչ մի անգամ չկառչեցին իրականությունից, ֆանտազմները սահում էին փաստերի կողքով, մինչեւ որ սկսեց ուրվագծվել մի չտեսնված երկիր, աշխարհ՝ հանված իմ Մյունխհաուզենիս աչքերից, որը, իմ կարծիքով, բնավ վատ ու դժգույն չէր այն աշխարհից, որ դրսից բռնությամբ խուժում է մեր աչքերի մեջ:

Ես ոգեւորությամբ էի աշխատում՝ կանխավայելելով այն պահը, երբ իրար վրա դիզված մտահղացումների կառույցը կփլվի ունկնդիրներին եւ ընթերցողներին գլխին: Օ՛, ինչպես էին կախվելու իմ բակլայի կանաչ պարույրների վրա աչքերը չռած լոնդոնյան անբանների ծնոտները, երբ նրանց մտքերը հյուսեի ֆանտազմների բազմաբղետ պարույրներին:

Միայն մի հանգամանք էր խառնում պատկերներն ու աղքատացնում կոմպոզիցիան. հիմա, ինչպես միշտ, պատրաստվելով օտար ուղեղներում դրոշմել իմ ֆանտասմագորիզմները, պետք է գտնեի թեքությունն ու

թերվածքը՝ բարձր ստից դեպի գոեհիկ ստախտություն, միակը, որ հասու է ակնակալներով աչքերին, տասնվեց մոմանոց պղտոր մտածողությանն ու երեակայության կարճ շառավղին: Ստիպված էի, ինչպես միշտ, խունացնել գույները, բթացնել սրությունը, հյուսվածքի հիմք ընդունել մարդկանց համար սովորական թերթերի ամենօրյա գառանցանքը՝ ինձ թողնելով միայն բաղերը: Այսպես, թե այնպես, երբ Ռուսաստանն արդեն վերակազմված էր, ահա այս պարուրածու սանդուղքն ինձ վերադարձրեց մարդկանց: Իմ ելույթների արդյունքը ձեզ հայտնի է:

Կրկին հայտնվեցի ինձ վրա չոված աչքերի, ամեն բառիս սրված ականջների, ձեռքսեղմման, ողորմության կամ ինքնագրի պարզված ափերի շրջանակում: Արվեստագետի վաղեմի գայրույթը, որը երկու հարյուր տարի շարունակ ստիպված այլ կերպարում էր եղել, այս անգամ առանձնապես ուժեղ խոսեց իմ մեջ: Ե՞րբ են վերջապես հասկանալու շուրջս պտտվող այս անձնավորությունները, մտածում էի ես, որ իմ կյանքն ընդամենը սովորական քաղաքավարություն է: Ե՞րբ կտեսնեն եւ կտեսնե՞ն երբեւէ, որ իմ գտարյուն հորինվածքներն աշխարհ են գալիս զարմանքի ու ժպիտների, ոչ թե կեղտի եւ արյան համար: Եվ միշտ էլ այդպես է ձեր երկրի վրա, իմ Ունդի՛նգ. մանր միստիֆիկատորները, այդ բոլոր Մաքֆերսոնները, Մերիմեներն ու Չատտերթոնները, որ գինուն ջուր են խառնում, անհրականությունն՝ իրականություն, հանճար են կարգվել, իսկ ես՝ մաքուր, անխառն ֆանտազմի վարպետս, լքված եմ որպես փուչ ստախոս ու դատարկաբան: Այո՛, այո՛, մի առարկեք, ես գիտեմ՝ միայն մանկական սենյակներում են դեռ հավատում ձեր հիմար Մյունխհաուզենին: Բայց չէ՞ որ Զրիստոսին էլ միայն երեխաներն էին հավատում: Ինչո՞ւ եք լռում, թե՞ վայել չեք համարում վիճել իր խճճման մեջ խճճված խճճողի հետ: Ահա, սա է երկրի դառը վարձքը բյուր բյուրավոր բառերի համար՝ լռություն:

Ունդինգը աչքերով գտավ ու կամացուկ շոյեց Մյունխհաուզենի չորջորով ձեռքերը. կեռված մատի լուսնաքարի մեջ հանկարծ նորից աղոտ ու թույլ առկայծում հայտնվեց: Մյունխհաուզենը շունչը տեղը բերեց ու շարունակեց.

- Ներեցեք ձերուկիս: Մաղձն է: Ասենք, հիմա ձեզ համար ավելի հեշտ կլինի հասկանալ իմ այն ժամանակվա գայրույթն ու նյարդերի լարվածությունը: Բավական էր մի փոքրիկ խթան, ու խթանը չստիպեց երկար սպասել: Հիշո՞ւմ եք մեր բեռլինյան գրույցը, երբ իմ պահարանի կախիչները ցույց տալով...

Միգիզմունդ ԿՐԺԻԺՄՆՈՎԱԿԻ

- Կանխատեսեցիք,- շարունակեց Ունդինզը,- որ վաղ թե ուշ ձեր կամ-
զուրը, հյուսքն ու սուսերը դիպակե բարձիկների վրա կզնան Վեսթմիս-
թերյան արբայություն:

- Ճիշտ այդպես: Եվ կարո՞ղ եք պատկերացնել իմ զարմանքը, երբ մի
անիծյալ առավոտ, բացելով պատուհանը՝ տեսա, որ այդ ամբողջ հնոտին
կախիչներից պոկվելով ու հայտնվելով դիպակի վրա՝ ամբոխի գլխավե-
րելում լողում է ուղիղ Վեսթմիսթեր: Երկու հարյուր տարվա ընթացքում
առաջին անգամ ճշմարտությունն էի ասել: Ամոթի կարմիրը խփեց այտե-
րիս, եւ ականջներս էլ զնգում էին, այնպես, ասես չղջիկի թելը դիպած լի-
ներ զանգակի թելին: Հը՛մ: Ֆանտազմը խփվել էր փաստին: Տնցումն այն-
քան անսպասելի եւ ուժեղ էր, որ միանգամից չկարողացա տիրապետել
ինձ: Պատուհանի տակ աղմկող այդ հիմարները, բնականաբար, ոչինչ
չհասկացան: Չարմանում եմ, թե նրանց տերտերներն ինչպես չսրբադա-
սեցին իմ կոշիկները՝ ընդգրկելով իրենց մասունքների մեջ:

Օրվա ողջ մնացած մասն անցկացրի ԽՍՀՄ-ին նվիրված գրքի ձե-
ռագրերը նայելով: Հիմա արդեն ինձ թվում էր, որ այս կամ այն պարբերու-
թյունը մեղանչում է ճշմարտության դեմ. բազմաթիվ տողեր ընկան գրչի
տակ ու ջնջվեցին. բայց մեկ անգամ կասկածելով իմ ճշմարտացիությա-
նը,- հասկանո՞ւմ եք,- ես այլեւս չէի կարող կանգ առնել, եւ ամեն բառիս
մեջ սողոսկած ճշմարտություն էի տեսնում: Երեկոյան կողմ մի կողմ դրե-
ցի բզկտված ձեռագիրն, ու ծանր մտքերը պաշարեցին ինձ. մի՞թե հի-
վանդացել եմ ճշմարտությամբ, մի՞թե այս սարսափելի եւ ամոթալի veri-
tatis-ը *[ճշմարտության հիվանդություն - լատ.],* որ բարդանում է՝ դառնա-
լով նահատակություն կամ խելագարություն, թափանցել է ուղեղս: Թող որ
նպան կարճատե էր եւ ոչ ուժեղ, բայց չէ՞ որ այդ բոլոր Պասկալները,
Բրունոները, Նյուտոնները նույնպես սկսել են չնչին բաներից, իսկ հետո,-
բը՛ր՛ն՛,- ... սուր ու տեսական, hipotesas non fingo *[Հիպոթեզներ չեմ կա-
ռուցում - լատ.]:*

Երկու-երեք օր տատանվելուց հետո հասկացա ու որոշեցի մի կողմ
դնելով ենթադրություններն ու կասկածները՝ դիմանկարը համեմատել
բնօրինակի, իմ գրչի ճեղվածքից ելած երկիրը՝ իսկական, իր սահմաննե-
րում սեղմված երկրի հետ: Լքելով Լոնդոնը՝ ես վերադարձա այստեղ՝ իմ
մենությանը: Ճանապարհին միայն մի քանի ժամով կանգ առա Բեռլի-
նում. պետք էր լուծարել իմ դիվանագիտությունը եւ անդորր ու չեզոքու-
թյունն ապահովել ինձ համար: Ես վերադարձրի նրանց բոլոր լիազորու-
թյունները՝ նամակ կցելով, որով հայտարարում էի, որ կեցավայրիս

գաղտնիքը բացելու առաջին իսկ փորձին կպատասխանեմ իրենց գաղտնիքները բացահայտելով: Հիմա կարող էի հանգիստ լինել. հետախուզությունը թույլ չի տա ինձ հետախուզել, ասենք, հետաքրքրասերների թիվն էլ օրեցօր նվազում է. փառքը, Սյունիսհաուզենի բաղի պես, ծալել է թերևս ու այլևս երբեք չի բացի:

Պետք էր լսել ձեռագիրն ու ձեռնամուխ լինել նրա բուժմանը: Երկուերեք դրաձո անձանց միջոցով նամակագրություն սկսեցի Մոսկվայի հետ, հաջողվեց ձեռք բերել նրանց գրքերն ու թերթերը, համեմատական մեթոդից օգտվելով՝ համադրել ներսահմանային Ռուսաստանի ուսումնասիրությունն արտասահմանյանի հետ, որի մամուլն ու գրականությունը արդեն բոլորիս ձեռքի տակ են: Ձեռնարկելով ձեռագրի սրբագրումը՝ հաստատ որոշել էի՝ որտեղ պատումն ու իրականությունը զուգահեռվում են, վարվել նոտաները կարդալուն զուգահեռ դադարներ գտած երաժշտի նման:

Նյութն աստիճանաբար սկսեց հոսել ու կուտակվել. հեռուն հարյուրավոր ծրարներ էր նետում այ այստեղ,- Սյունիսհաուզենը ցույց տվեց գրադարանի սովերված անկյունը, որտեղ թիկնակով գրքի կազմերին հենված, ասես ծանր բեռն տակ ոտքերը ճկած, կանգնած էր հնամենի բյուզարը,- այո՛, հարյուրավոր ծրարներով, եւ դրանցից յուրաքանչյուրը, հենց պատռում էր բերանը, սկսում էր այնպիսի բաներ ասել, որ... բայց գուցե կարծում եք չափազանցո՞ւմ եմ. Ավա՛ղ, հիվանդությունն ինձնից նույնիսկ այդ ուրախությունն է խլել: Ինքներդ նայեք: Ահա՛:

Ունդինգին առաջնորդելով՝ Սյունիսհաուզենը մոտեցավ բյուզարին ու հետ զցեց կափարիչը, որի տակ ճերմակին էր տալիս բացված ծրարների կույտը. դրանց վրա փակցված դրոշմանիշների գույնզգույն պատուհաններից նայում էին կարմիրբանակայինի սաղավարտներով ու բանվորական բլուզներով փոքրիկ մարդուկներ: Սյունիսհաուզենի մատները, կույտը քրքրելով, բախտաբերի դուրս քաշեցին թերթիկներից մեկը: Հետո էլի մեկը ու երրորդը: Էլի ու էլի: Ունդինգի աչքի առաջ առկայծեցին թանաքագիր տողերը: Սյունիսհաուզենի երկար եղունգը, թերթիկից թերթիկ ցատկելով, իր ետևից տանում էր կարդացողի ուշադրությունը.

- Ղե, ահա, թեկուզ այս մեկը. «Գենոսսե Սյունիսհա՛ուզեն, շտապեմ հանգստացնել ձեզ հետաքրքրող Պովոլժիեի սովի հարցով. ձեր դասախոսության ժամանակ ներկայացված տեղեկությունները ոչ այնքան անստույգ են, որքան՝ թերի: Իրականությունը, թույլ տամ ինձ այսպես ասել, փոքր-ինչ գերազ...»: Ինչպե՞ս է: Կամ, ահա, այս մեկը. «Հարգելի գործըն-

Միգիզմունդ ԿՐԺԻԺԱՆՈՎԱԿԻ

Կե՛ր, ես չգիտեի, որ չմարած լուսնի մասին մարված պատմվածքը արծազանքն է այն փաստի, որ ձեզ հետ կատարվել է սահմանից Մոսկվա ճանապարհին: Հիմա ինձ համար պարզ է, որ մարած լուսնի մասին պատմվածքի հեղինակը ժամանակին միստիֆիկացրել է ընթերցողին աղբյուրի հարցում, իսկ ողջ ճշմարտությունը,- առաջին բառից մինչև վերջինը,- պատկանում է ձեզ եւ միայն ձեզ.. Թույլ տվեք ինձ, ինչպես գրողը գրողին...»: Ինչպիսի՜ ֆանտաստիկ հիմարություն. ես երբեք այդպիսին չեի կարող հորինել: Կամ այս մեկը. «...իսկ ինչ վերաբերում է դատարկ պատվանդանին, ապա այդպիսին կա: Միայն թե ոչ մի Մյունխհաուզեն, թույլ տվեք զեկուցել, դրա վրա չի կանգնել, այլ նստել է,- երեք թե չորս օր,- պապյե-մաշեից պատրաստած Ալեքսանդր ցարը, որին էլ, ասենք, պարաններով քաշեցին ցած, եւ որտեղ դատարկ էր, այնտեղ հիմա էլ դատարկ է, իսկ որեւէ այլ բան կլինի՞, մենք չգիտենք: Եվ թքով կպցնելու մասին մակագրությունն էլ է եղել, ինքս եմ տեսել, միայն թե հիմա, քանի որ մեզ մոտ շինարարություն է գնում, պատել են ներկով: Իսկ եթե ձեզ կասկածելի է թվում...»: Եվ այլն, եւ այլն: Ավելի լավ է այս մեկը,- եղունգը վազեց տողերով,- կարդացի՞ք: Եվ ահա այստեղ: Կարո՞ղ էիք այսպիսի բան պատկերացնել: Ո՛չ, ասե՛ք՝ սա ի՞նչ է, ե՞ս եմ խելագարվել, թե՞...

Ունդինգը հազիվ հասցրեց հետ քաշել մատները,- բյուվարի կափարիչը շխկոցով փակվեց, ու տնային ոտնամանների կրունկները բյուվարից գայրացած շփշփացին դեպի բազկաթոռը: Ունդինգը շրջվելով տեսավ, որ Մյունխհաուզենը նստել է՝ գլուխն ափերի մեջ առած: Ու երկար դադար եղավ, մինչև կրկին կվերադառնային բառերին:

- Ինձ վերջնականապես սպանեցին նրանց վտարանդիների գրքերը: Մոսկովյան գրվանների ու մարգարեի մասին պատմությունը հորինելիս չգիտեի, որ կգտնվեն մարդիկ, որոնք այդքան հեշտ կգերազանցեն իմ երեւակայությունն ու կծիծաղեն չափն անցած հորինողի վրա: Ես չեմ նախանձում, բայց տխուր է, ինչպես կարող է տխուր լինել ձեր, տերեւագուրկ ծառի համար, որ մեռնում է՝ բոլոր կողմերից խեղդող փարթած մատղաշ շիվերի արանքում:

Բայց՝ եկեք առանց լիրիկայի: Գուցե կարելի լիներ շարունակել վերաքննությունը, բայց ինձ համար այդքանն էլ բավական էր: Ես տեսնում էի, որ փաստերը հիմնական ուրվագծերով դարձել են ֆանտազմներ, իսկ ֆանտազմները՝ փաստեր, եւ խավարը չղջիկի շուրջը զնգում էր հազարավոր զանգակներով. թեի յուրաքանչյուր հարված թելին, յուրաքանչյուր բառ, յուրաքանչյուր փետուրի շարժում պարուրված էր ծիծաղող օդի

զանգահարությամբ: Ես հիմա էլ դա լսում եմ: Ե՛վ արթմնի, ե՛լ՝ քնի մեջ: Ո՛հ, ո՛հ: Բավական է: Թող բացեն խավարն ու դուրս թողնեն թռչունին. ինչո՞ւ տանջել նրան, եթե փորձը տապալված է:

Դուք երեւի նեղանում եք ինձնից, բարեկա՛մս, մտածում եք՝ ինչո՞ւ է կանչել, հարյուրավոր կիլոմետրերի հեռվից այս փնթփնթանը, որը ոչ ինձ է պետք, ոչ իրեն, ինչո՞ւ...

- Եթե իմանայիք, թե որքան միակն եք ինձ համար, այդպես չէիք խոսի, ուսուցի՛չ:

Մյուսխառուզները շուկեց չորչորուկ մատից սահած մատանին եւ ասես ժպտում էր ինչ-որ հուշերի.

- Ճիշտն ասած, ոչ թե ես, այլ հիվանդությունն է կանչել ձեզ: Կարո՞ղ էի մտածել, որ երբեւէ ինքս ինձ կխոստովանեմ, կպատմեմ որջ ճշմարտությունը, ինչպես ծերացած պոռնիկը՝ խոստովանախցի ճաղավանդակին: Չե՞ր գիտեք, դեռ մանուկ օրերիս իմ ամենասիրած գիրքը հրաշքերի ու լեգենդների ձեր գերմանական ժողովածուն է եղել, որը միջնադարը վերագրում էր ոմն սուրբ Ոչոքի: Իմաստուն ու բարեգութ der heilige Niemand-ը առաջին սուրբն էր, որին ուղղել եմ իմ մանկական աղոթքները: Գոյություն չունեցողի մասին նրա խայտաբղետ պատմություններում ամեն ինչ ուրիշ էր, այլ կերպ, եւ երբ ես, այն ժամանակ դեռ տասնամյա տղեկ, այլակերպում էի նրա Այլկերպը, փորձում էի չգոյությունների խորհրդավոր աշխարհը տանել խաղընկերներիս ու դպրոցական ընկերներիս, նրանք ինձ սուտիլ էին կոչում, եւ մի անգամ չէ, որ մարտնչելով հանուն սուրբ Ոչոքի, բախվել եմ ոչ միայն քմծիծաղի, այլեւ բռունցքների: Բայց der heilige Niemand-ը հարյուրապատիկը հատուցեց. մի աշխարհը խլելով՝ ինձ տվեց հարյուր հարյուրները: Չե՞ր մարդիկ այնպես աշխարհագուրկ են, որը այն նրանց տրվում է ընդամենը մեկ օրինակով՝ բուլորի համար, ու խեղճերը՝ բուլորը եւ միշտ, ծվարում են իրենց մեն-միակի մեջ, իսկ ինձ արդեն պատանության տարիներին ընծայվել են բազում տիեզերքներ, ընդ որում՝ միայն ինձ համար: Իմ աշխարհներում ժամանակն ավելի արագ էր շարժվում ու տարածությունն ավելի տարածուն էր: Դեռեւս Լուկրեցիոս Կարոսն էր հարցնում. եթե աշխարհի ծայրին կանգնած պարսատիկավորը նետի իր քարը, ո՞ր կընկնի՝ սահմանագծի՞ն, թե՞ գծից այն կողմ: Ես հազար անգամ պատասխանել եմ, որովհետեւ իմ պարսատիկը միայն գոյություն ունեցողի սահմանից անդին է: Ես ապրում էի ֆանտազիաների անսահման թագավորությունում, եւ ճշմարտությունն իրարից խլխլող փիլիսոփաների վեճերն ինձ մուրացկանների

Միգիզմունդ ԿՐԺԻԺՄՆՈՎՄԿԻ

կռիվ էին թվում՝ նետած պղնձադրամի համար: Խեղճերն այլ կերպ չէին էլ կարող. եթե ամեն առարկա հավասար է ինքն իրեն, եթե անցյալը չի կարող այլ կերպ լինել, եթե յուրաքանչյուր օբյեկտ մեկ օբյեկտիվ իմաստ ունի եւ մտածողությունը լծված է ճանաչողությանը, ապա չկա ուրիշ ելք. միայն դեպի ճշմարտություն: Օ՛, ինձ որքան ծիծաղելի էին թվում այդ բոլոր գիտուն գլուխները, միասնացնողներն ու ըմբռնողները. նրանք փնտրում էին (հունարեն) «միասնական շատի մեջ» ու չէին գտնում, իսկ ես կարողացա գտնել շատը մեկի մեջ. նրանք փակում էին դռները՝ նրանց գիտակցությունը սեղմելով շեմերին, ես բացում էի դրանց փեղկերը դեպի ոչինչը, որն էլ հենց ամեն ինչն է: Ես դուրս եկա գոյության պայքարից, որը իմաստ ունի միայն նեղ ու աղքատիկ աշխարհում, որտեղ գոյը չի բավականացնում բոլորին, որպեսզի պայքարի մեջ մտնեն գոյություն չունեցողի համար. ես արարում էի կիսարարված աշխարհներ, վառում ու մարում արեւներ, պայթեցնում հին ուղեծիրները եւ տիեզերքում գծում նոր ուղիներ. ես նոր աշխարհներ չէի բացահայտում, Օ՛, ոչ, ես հնարում էի դրանք. փաստերի դեմ ֆանտազմների բարդ խաղում, որ տարվում է միջօրեականների ու երկայնությունների գծերով քառակված շախմատի տախտակի վրա, ես սիրում էի հատկապես շախմատիստների կողմից միջակետով նշանակվող այն ակնթարթը, երբ քո քայլին սպասելով՝ ֆանտազմով խփում ես փաստին՝ չգո դառնալով գոյություն ունեցողի տեղում: Եվ ֆանտազմները միշտ եւ անփոփոխ հաղթում էին,- միշտ եւ անփոփոխ, մինչեւ չհանդիպեցի այն երկրին, որի մասին չի կարելի ստել:

Այո՛, այո՛, այո՛ հարթավայրային քառակուսուն՝ սեւ ու սպիտակ ջրերի միջեւ, բնակեցված իմաստների այնպիսի անհամարությամբ, իր մեջ ներդաշնակած այնքան անդաշնություններ, բացված դեպի այնպիսի հեռաստաններ, որ անհնար է այլեւ ոչնչով հեռահղել, առաջադրած այնպիսի փաստեր, որ ֆանտազմներին մնում է միայն նահանջել: Այո՛, Երկիր, որի մասին չի կարելի ստել: Կարո՞ղ էի մտածել, որ այդ ահռելի կարմիր թագուհին, իմ զինվորների գիծը պատռելով, կշռջի ողջ խաղը. հիշում եմ՝ ինչպես էր կանգնել համարյա բոլոր խաղաքարերիս հարվածների տակ. հաղթական սրտիփոցով՝ ես թագուհուն՝ շեղակի՝ զինվորով ու՝ վերջ. բայց ժպիտը դեռ չէր հասել շրթունքներիս, երբ տեսա, որ զինվորս, անհասկանալի կերպով, փքվելով ու սաստիկ կարմրելով, վերածվեց հենց նոր տապալված կարմիր թագուհուն: Այդպիսի բան միայն երագներում է լինում. քաշվելով մոծավանջի մեջ՝ ես բռնեցի ձիուս փշաքաղված բաշը եւ, ոլորք անելով, նորից տախտակից դուրս շարտեցի կարմիր թագու-

հուն. լսում էի՝ ինչպես էր դրոշմավորվում վիթխարի ատամները գետնին խփելով, եւ դատարկ տեղից կրկին միջօրեականների ցանցին բարձրացնում արյունոտ ատամնաշարը: Ես փոխատեղում արեցի Նավակի հորիզոնականով. դարձյալ տապավոր դրոշմ ու կրկին փոխակերպում: Ես լեուֆերի շեղ քայլով կատաղած խփեցի անիծյալ վանդակին. Նորի՛ց: Եվ տեսա. իմ վանդակները դատարկ են, թագավորս՝ շախի տակ, իսկ անպարտեյի թագուհին կանգնած է այնտեղ, որտեղ կանգնած էր՝ զծերի համաստեղության կենտրոնում: Հասել էր պահը, երբ ես ոչ մի խաղաքար չունեի. բոլոր ֆանտազմներս տանուլ էին տրված: Բայց չէի մտածում հանձնվել. այդ խաղում եւ այդ մասշտաբներով, որ մենք տեսնում ենք, եթե ոչինչ չի մնացել, ապա՝ քեզնով: Ես ժամանակին արդեն փորձել էի գլխիցս բռնած՝ ինձ դուրս քաշել ճահճից: Դե ինչ, քայլ ինձնով. պարտված խաղացողին ուրիշ ոչինչ չի մնում, եւ ես այնքան էլ ներբաններով կառչած չեմ գետնից: Բայց իմ ցայտնոտն արդեն սպառվում է: Ժամանակն է: Մենակ թողեք ինձ, բարեկամս: Եթե ճշմարիտ բարեկամ եք:

Ունդինգը Նախ բարձրացրեց ծանրացող կոպերը, հետո իրեն բարձրացրեց. Նա հրաժեշտի բառեր էր փնտրում ու չէր գտնում: Բայց մի՞թե կարելի է այդպես լսել ու հեռանալ, իբր ոչինչ էլ չես լսել: Նա զննեց սենյակը, գրքերի կազմերի կիպ սեղմված շարքերը, թվատախտակի սկավառակը՝ բրոնզե շրջանակում, բյուվարի փակ կափարիչը, անկյունում ծխամորճերի տակդիրը, որ առաջ չէր նկատել, տակդիրի վրա հին, ծխագերծ ծխամորճը ու հենց կողքին, բազկաթոռի թիկնակից թելքերը կախ, այն նույն հին, Վեսթմինսթերից փախած կամզոլը: Ունդինգը կամզոլի կնճռոտած թիակներին նայելով՝ ասաց.

- Ինչպե՛ս: Մի՞թե չեք ուղարկել, ինչպես թերթերն էին գրում, Մոսկվա՝ ինչ-որ երիտասարդ գիտնականի:

- Կամզոլը դեռ կարող է ինձ էլ ծառայել,- լսվեց խուսափողական պատասխանը,- իսկ աղքատ գիտնականի համար, Երկրից, որի մասին չի կարելի ստել, մի անհանգստացե՛ք: Նրան, որպես փոխհատուցում, ուղարկվել են իմ սեւագրերը, եթե ձեռքի տակ թեկուզ մկրատ ու սոսինձ ունի, ձեռագիրը կօգնի նրան դուրս գալ գրական ճանապարհ:

Տանտերն ու հյուրը հրաժեշտ տվեցին իրար: Ընեմից մի անգամ էլ հետ նայելով՝ Ունդինգը տեսավ. բարոնի՝ ճակատին քաշած թասակի տակից երևում էր խնամքով հյուսած երկար ու ճերմակափեր հյուսքը:

Ճռուցող պտտասանդուղքը կրկին պտտեց հեռացողի դանդաղ քայլերը:

Գլուխ VIII

Մարդուց խոյս տված ճշմարտությունը

Միխել Հեյնցը ձգեց սանձն, ու անիվները կանգ առան: Կայարանային տնակի շեմը, ապա՝ աստիճանները: Ունդիկն աչքերը բարձրացեց պատի ժամացույցի թվատախտակին ու մտածեց. «Պետք է շտկել թվատախտակի անվի մետաֆորը. որքան էլ ճաղերը պտտես, անվահեցը միշտ անշարժ է»: Եվ անմիջապես էլ մտքով անցավ պատկերների երկար շարքը: Մյունխհաուզենի հետ հանդիպումները (միայն Ունդիկն չէ, որ դա զգում էր) միշտ հաճախացնում ու հստակեցնում էին զաղափարների երակագարկը ու լրիվ,- մինչևե վերջ,- լարում ֆանտազիաների զսպանակը: Եվ վագոնի խաղաղ թխկոցի ու ճոճքի տակ Ունդիկի մատիտը չէր կտրվում մատներից, սլանում էր կապույտ գծով՝ ուրվագծելով նոր պոեմը: Գնացքն արդեն մոտենում էր Բեռլինին, երբ գտնվեց վերնագիրը. «Ուղերձ աթոռների թիկնակներին»: Բառերի նավի վրա էլ լինում են աղետալի պահեր, երբ հոգին բոլորին «սուլում է վեր», եւ բոլոր կողմերից,- ճոճվող մահճակներից, փակ դռների ետեւից եւ նույնիսկ մութ նավամբարից,- բառի ազդանշանը լսելով՝ շտապում են ճերմակ էջերի մերթ ծառս լինող, մերթ մորիկի մեջ թաղվող տախտակամած: Ունդիկն բաց թողեց Ֆրիդրիխշտրասսե-բանգոֆը եւ իջնելով Մոաբիտում՝ կտրեց քաղաքը՝ իր բանաստեղծական տողերի զևզոցի պատճառով չլսելով ո՛չ անիվների թխկոցը, ո՛չ մարդկանց ժխտը:

Միայն հասնելով շքադռան ցուցանակին Էռեստ Ունդիկի անունը կրող սենյակի շեմին՝ պոետը հիշեց՝ ով է ինքը ու որտեղ է:

Հետո խոր քունը ինը ժամով առաջ տվեց ժամացույցի սլաքը: Ուրքերը մահճակալից կախելով՝ Ունդիկն դրանք խցկեց կոշիկների մեջ, բայց թելերը կապել չհասցրեց. հիշողության մեջ հորդած երեկը տիրեց հանգստացած գիտակցությանը: Բեդենվերդերի ուղեւորության հանկարծափոխությունները հառնեցին նրա առաջ իրենց ողջ անուղղելիությամբ: «Եթե գնում էի օգնելու,- տակջում էր միտքը,- ուրեմն ինչո՞ւ էի լռում: Մի՞թե կարելի է օգնել լռությամբ»: Կողքին նախորդ օրվա գրառումն էր. Ունդիկն հայացքը տանելով մատիտով արված խզբզանքի վրայով, դառը քմծիծաղեց. «Ահա, խոսել եմ, չէ՞, աթոռների հետ, բայց ինչո՞ւ՝ ոչ մարդու»: Սակայն ձեռագրի բառերն արդեն կառչել էին բիբերից, եւ պոետը չկատտեց, թե անավարտ բանատողերն ինչպես կրկին մատները սեղմեցին թղթին, եւ պոեմի կամքն իր կամքը դարձավ. նորից երեւաց երեւակայական դահ-

լիճը, դեպի որի հեռուն էին գնում փայտե արարածների անվերջանալի շարքերը, եւ յուրաքանչյուրը,- եւ՛ առջեւից, եւ՛ հետեւից,- միայն մեջք ունեին՝ չորս չծավոդ ոտքերի վրա: Խիտ շարքերին կայելով՝ պոետը բառերով խփում էր մեռած թիկունքներին, անհուտության պաթոսին տրված՝ խոսում էր բոլոր մտքերի անլսելիության մասին, որ ցանկացել էին բառ դառնալ, խուլ Բեթհովենի կլավիկորդ նվագելու մասին, որի մուրճիկների տակից հանել են լարերը, հիանում էր իր չունկնդիրների ազնվաբարո անկեղծությամբ եւ նրանց օրինակ բերում մարդկանց, որոնք երկչուտ թաքցնում են, որ իրենք էլ, որ կողմից էլ մոտենաս, ընդամենը մեջքեր են՝ գետնի մեջ պտուտակած ոտքերի վրա. բանատնից բանատուն դառնությամբ ու զայրույթով լցվելով՝ կա գրում էր... Բայց լավ չէ կայել քնարական պոետի ուսի վրայից, երբ դիմում է ոչ թե քեզ, այլ իր աթոռի մեջքին:

Այսպես, թե այնպես, միայն մթնշաղիկ, երբ օդը գրաֆիտե տողերի գույնին դարձավ, պոետի սեւագիրն ավարտված էր, ու մատիտը լքեց մատները: Ունդիկն գն ամբողջ օրը ոչինչ չէր կերել. վերարկուն ուսերին զցելով՝ կա դուրս եկավ իրիկնային փողոց ու բացեց մոտակա բիրխալլեի դուռը. քաղցած քնարերգուն դանակի, պատառաքաղի ու ծնոտների օգնությամբ արագ հաղթահարեց նրբերշիկները, կաղամբից միայն կաղամբի թեթեւ հոտ մնաց, իսկ շպիգեյայլերը, թողություն խնդրելով, նրան էր հառել դեղին աչքերը: Հետ մղելով քաղցի առաջին գրոհը՝ Ունդիկն զրկեց պարզեց ձեռքը, մոտ քաշեց գարեջրի գավաթը, ու հանկարծ մատները հետ թռան ապակե կանթից. խմիչքի երեսին, կիստավոր եզրերին կպչելով, փքվում ու պայթում էին փրփուրի մանրիկ պղպջակները, ճիշտ նրանց պես, որ մի քանի տարի առաջ նրան ծանոթացրին Մյունխհաուզենի հետ: Հիմա, երբ անցել էր եսասիրության նոպան, որ արվեստի պատմաբանները ներշնչում են կոչում, լքված բարեկամի կերպարը հայտնվեց գիտակցության ամենակենտրոնում եւ այլևս մշտակա էր: Ունդիկն այդ գիշեր երկար շուռումուռ էր գալիս տաքացած բարձերի վրա, մինչեւ որ քնեց: Բայց քնի մեջ երազ եղավ նրան. ցածր առաստաղ՝ հենված գրքերի կապերին, թիկունքում՝ թեթեւ թռչնային քայլեր: Ունդիկն շրջվում է՝ գրասեղանի երեսով, բաղի թաթիկները զգույշ դնելով, գաղտագողի մոտենում է պղպջակը: Ունդիկն ուզում է փախչել, բայց ոտքերը փայտից են ու պտուտակված հատակի մեջ: Չի կարելի թույլ տալ, որ օմեգան թափանցի թիկունքից,- դա հաստատ է հիշում,- բայց չէ՞ որ եւ՛ առջեւից է մեջք, եւ՛ ետեւից է մեջք, բոլոր կողմերից, եւ պղպջակը կայծկւտալով փքվում է,- էլի՛, էլի՛,- արդեն՝ սեղանը, հետո՝ գրքերը, առաստաղը,

Միգիզմունդ ԿՐԺԻԺՄՆՈՎՄԿԻ

ողջ սենյակը եւ նա՝ Ունդինգը, պղպջակի մեջ եւ, բարակած փքվածքը ձգվում է... պայթյուն եւ՝ մահ: Ունդինգը սեղմում է կոպերն ու տեսնում իրեն... բաց աչքերով՝ անկողնու վրա: Պատուհանի ապակեկալի միջով՝ լուսաբացը:

Ողջ օրվա ընթացքում անհանգստությունն աճում էր: Թերթն առներ ձեռքը, թե նոթատետրում գրանցեր «Վերիտասի» գրասենյակի հերթական կարգադրությունները, այդ ամենի միջով Ունդինգը տեսնում էր մագաղաթե ձեռքերի մեջ թաղած դեմքով մարդուն, զագաթից կախված հյուսքը, դանդաղ երկարելով, ասես սպառնում էր անուղղելի մի բանով: Եվ Ունդինգը կրկին Բեռլին-Հասնովեր երեկոյան գնացքի ուղեւորների թվում է:

Միխել Հեյնցը, դռան թակոցից ու կանչող ձայնից արթնացած, նորից, ինչպես մի քանի օր առաջ, բակից դուրս եկավ իր գյուղական սայլով. Ունդինգը ոտքը դրեց ոտնակին, եւ անհիվները պտտվեցին Բադենվերդերի կողմը: Այս անգամ մի քիչ ավելի ցուրտ էր, ու նայելով դանդաղ շառագունող այգաբացին՝ Ունդինգը լսում էր, թե ինչպես է սմբակների տակ ժամանակ առ ժամանակ պայթում ու խշրտում ջրափոսերի սառցաթաղանթը: Երբ առավոտվա մշուշից անհիվների թխկոցին ընդառաջ եկան հողմադացները՝ երկինք նետված ձեռքերը, ուղեղը ծակեց անսպասելի միտքը. «Իսկ եթե բարոնի ողջ պատմածը մեր վերջին հանդիպման ժամանակ միստիֆիկացիա է՝ ամենից արտասովորն ու հաջողվածը բոլոր մյունխհաուզենապատումներից»: Ունդինգը պատկերացրեց բադենվերդերյան մենակյացի ծիծաղող դեմքը՝ գոհ, որ հաջողել է իրեն բռնել չարածիության վրա, ստիպել հավատալ անհավատալիին: Ունդինգն արդեն ցուրտը չէր զգում, սիրտն արագ էր խփում, բայց անհիվներն առաջվա պես դանդաղ էին: Նա համբերահատ կռացավ սայլապանի կողմը.

- Չի՞ կարելի արթնացնել ձիերին, հերր Հեյնց:

Միխելը շարժեց մտրակն ու սայլը թեքվեց դեպի կողային ճանապարհը: Բադերի վախեցած երամը կռոռոցով դուրս պրծավ հաճախացած սմբակների տակից, ինչ-որ բան ճթթաց անհիվների տակ: Ունդինգը հետ նայեց՝ բադերից մեկը չէր հասցրել, թեւերը փռած՝ ճանապարհին շեղակի ձգել էր անվակալի տակ անշարժացած վիզը: Թափ առնելով՝ Հեյնցի սայլը աշխույժ անցավ բլուրն ու արդեն դրոդում էր կամրջի գերանների վրա, երբ Ունդինգը գոչեց.

- Կա՛նգ առեք:

Մառախուղից գատված առավոտի մեջ լճափին մի խումբ մարդիկ

երեւացին, որոնք հետեւում էին լճի երկայնքով դանդաղ լողացող Նավակին. Նավակում Նստած էին կարթածողերով զինված չորս մարդ. մեկ անցնելով ջրի տակ, մեկ դուրս լողալով՝ կարթածողերը տևողում էին հատակը: Ափին հավաքվածների մեջ Ունդինգը տեսավ ծեր ծառայապետի կորամեջք կերպարանքը, անիվների աղմուկի վրա շրջվելով՝ ըստ երեւոյթին Նա էլ ճանաչեց հյուրին եւ, որքան թոյլ էր տալիս ծերութունը, շտապեց դեպի կամուրջը: Այլեւս ուժ չունենալով սպասելու՝ Ունդինգը ցած թռավ սայլից ու շտապեց ծառայապետին ընդառաջ:

- Վատ բան է պատահել: Անե՛ք:

Ծերունին կախեց գլուխը.

- Արդեն երկրորդ օրն է, որ պարոն բարոնն անհետացել է: Ուղիքի հանել բոլոր ծառաներին: Տակնուվրա ենք արել տունը, այգին, անտառը, հիմա էլ լճի հատակն ենք ստուգում: Ոչ մի տեղ չկա:

Էռնատ Ունդինգը մի պահ լուռ էր: Հետո.

- Դադարեցրեք որոնումները: Պետք չէ: Պանք:

Չյուրի ձայնի մեջ վստահություն էր հնչում: Ծերունին ենթարկվեց, մանավանդ, որ երկու օր առանց տիրոջ մնալով՝ գոնե ինչ-որ մեկի կարգադրությունների պահանջ էր զգում: Նավակը մոտեցավ ափին, կարթածողերը թափվեցին գետնին, իսկ սայլը շարժվեց տան կողմը: Ճանապարհին Ունդինգը հասցրեց իմանալ մանրամասները.

- Ձեր մեկնելուց հետո,- գեկուցեց սենեկապանը,- ամեն ինչ սովորականի պես էր: Չնայած՝ ոչ. բարոնը հրաժարվեց ճաշից ու խնդրեց առանց անհրաժեշտության չանհանգստացնել իրեն: Ժամը վեցին, ինչպես միշտ, բարձրացավ աշխատասենյակ: Բարոնը սովորություն ունի այդ ժամին մի բաժակ կյումմել խմել: Ես սկուտեղը դրեցի սեղանին, բարոնը, ինչպես միշտ, զիրքը ձեռքին Նստած էր բազկաթոռի մեջ. ուզում էի հարցնել՝ ճաշը չտաքացնե՞մ, բայց Նա ինձ դուրս գալու Նշան արեց...

- Ընդհատեմ ձեզ. չե՞ք հիշում՝ այդ երեկո ի՞նչ զիրք էր բարոնի ձեռքին:

- Կազմը կարմիր էր, կարծես՝ սեկապատ, ոսկե եզրահատվածքով:

Հիմա էլ սեղանին է, ինչպես թողել է բարոնը: Բանն այն է, որ...

- Շնորհակալ եմ: Շարունակե՛ք:

- Իջնելով ներքե՛լ՝ այնտեղ էլ մնացի, մտածելով, որ բարոնը հիվանդ է եւ ամեն րոպե կարող է կանչել: Տանն այնպիսի լուռություն էր, որ հստակ լսում էի գրադարանից եկող ոտնաձայները: Հետո դրանք դադարեցին: Ես կանչեցի Ֆրիցին (թոռս է) ու պատվիրեցի կանգնել սանդուղքի տակ ու ոչ մի քայլ չանել, ականջ դնել՝ բարոնը չի՞ կանչում: Իսկ ինքս զննացի

Միգիզմունդ ԿՐԺԻԺԱՆՈՎԱԿԻ

տևտեսության գործերով, անելիք շատ կար, երբ վերադարձա, արդեն գիշեր էր: «Քարոնը դուրս չի՞ եկել», - հարցնում եմ Ֆրիցին: «Ո՛հ՞ կանչել»: «Ո՛հ՞»: Սա ի՛նչ բան է: Ֆրիցի այժմը փակվում էին, ես բաց թողեցի նրան եւ արժող մոտեցնելով վերեւ տանող աստիճաններին՝ նստեցի ու սկսեցի ականջ դնել: Ուռնածայն չկար: Հո հիվանդ չի՞: Վերելից՝ ոչ մի շրշում: Այդպես՝ մի ժամ, ու էլի մի ժամ: Հետո, կեսգիշերից մի քիչ առաջ, վերելում ասես զանգակ շարժեցին. լեզվակը խփվեց եզրին, ու՝ լռեց: Գուցե թվաց, մտածում եմ, իսկ գուցե եւ ոչ: Բարձրացա գրադարան: Դուրը ձեռեցի, սպասում եմ: Կիսաբաց արեցի ու հարցնում եմ. «Պարո՛ն բարոն, բարեհաճեցի՞ք կանչել՞»: Չի պատասխանում: Արդեն այստեղ համարձակություն առա ու մտա ներս. տեսնեմ՝ սենյակում մարդ չկա, բազկաթոռները դատարկ են, սեղանի ծայրին՝ փակ գիրք, այն նույնը՝ սեկե կազմով, դատարկ բաժակն ընկել ու գլորվել է սեղանի տակ, ու միայն սփռոցի ծայրն է թեթեւ շարժվում, ասես հենց նոր դիպած լինես ձևկով: Ստեղծում եմ պատուհանին. փակ է: Սո՛ւրբ Կոյս, սա ի՛նչ բան է: Նայեցի դարակները. գրքեր ու գրքեր: Գուցե բարոնը թաքնվել՞ է. բայց որտե՞ղ: Ու նաեւ ձեր ենք արդեն, երեխա չենք երկուսս էլ, որ պահմտոցի խաղանք: Կանչեցի Ֆրիցին. ամեն տեղ նայեցիք: Հետո պահակին՝ դուրս չի՞ եկել: Ո՛հ: Չափերով իջանք այգին ստուգելու: Ու սկսվե՛ց. երկու օր է փնտրում ենք: Ասացեք, պարո՛ն, կարելի՞՞ բան է, որ մարդը սենյակից դուրս չգալով՝ դուրս գա այնտեղից, հը՞:

Բայց այդ ժամանակ սայլը կանգ առավ կալվածատան դարպասի մոտ, ինչը Ունդինգին ազատեց պատասխանելու անհրաժեշտությունից: Ցած թռավ սայլից ու ծառայապետին չսպասելով՝ քայլեց տան կողմը: Գզգզված ու քնատ Ֆրիցը բացեց դուռը, եւ Ունդինգը, շրջանցելով դիմակարների շրջանակների խուճաղած ոսկին, գրադարան տանող սանդուղքի պարույրով՝ վերեւ: Ափի հարված դռանը, եւ պոետը, գլխարկը ձեռքին, հատեց շեմը: Ամեն ինչ այնպես, ինչպես այն ժամանակ: Չնայած՝ ո՛չ. ժամացույցը, որ հավանաբար մոռացել էին լարել, լուռ էր, իսկ բազկաթոռի թիկնակը, որից անցած անգամ դատարկ թեւերն էր կախել բարոնի հին կամզոլը՝ դատարկ: Սեկապատ հատորյա՛կը: Այո՛, ծառան ճիշտ էր նկարագրել. սեղանի ծայրին, բազկաթոռից՝ պարզած ձեռքի հեռավորության վրա: Ունդինգը մոտեցավ ու դիպավ կարմիր սեկապատ կազմի անկյունակապին: Այո՛: Նույն գիրքն է: Մատները մի պահ կարկամեցին հուզմունքից, բայց հապաղել չէր կարելի. ներքեւում շխկաց դուռն ու մոտեցող քայլերի ձայն լսվեց: Ունդինգը քաշեց անկյունակապից ու

հետ զցեց կազմը. էջ երեք, հետո՝ երեսունինը, ապա վաթսուևհինգ, վաթսուևյոթ: Հիմա՛: Մատները փոքր-ինչ դողալով շրջեցին էջը. տպագրական եզրանախշով շրջանակված դատարկ քառանկյունն արդեն դատարկ չէր. բարոն Սյունիսիաուզենը, ուսերը կորացրած, կանգնել էր այնտեղ:

Հագին նույն ավանդական կամզոլն էր ու հյուսքը՝ կախված թիակներով արանքում: Ճիշտ է, ինչպես 1783 թվականի հրատարակությունում է, սուսերը կախված չէր աջ ազդրին, մազերն էլ զգալի ճերմակել էին: Բայց կողմնակի դիտողը, որ տեսել էր այլ հրատարակությունների օրինակներ, կասեր. «Ձնջվում է ներկը ժամանակից ու խուսանում»: Ամեն դեպքում, ողջ աշխարհում չէր գտնվի մեկ այլ այդպիսի խենթ, որը կմտածեր այն, ինչ մտածեց Էռեստ Ունդինգը. «Ահա այն, վերջին ելքը՝ ինքն իրեն»: Եվ կզգար, որ մի կսկծացնող արցունք է խճճվել թարթիչներում: Միայն սա՛ էր պակաս: Պոետը գայրացած կիսեց հոնքերն ու ձեռքը պարզեց մատիտին. բայց դամբանագրի բառերը չէին հայտնվում: Մի րոպեի չափ նստել էր, արմուկները՝ բազկաթոռի արմնկակալներին, աչքը՝ վերջապես իր հին գրքի մեջ վերադարձած բարեկամի աղոտ ու փոքրացած ուրվապատկերին: Թվաց՝ էջերը բուրում են, հավերժությունն է բուրում:

Բայց ծառայապետի քայլերը, որ, թվում էր, մոլորվել էին միջանցքի խառնաշփոթում, հանկարծ շատ մոտ հնչեցին: Պետք էր շտապել: Ունդինգը, ինամքով ու երկյուղածությամբ, մատների ծայրերով կաշվե անկյունակապերին դիպչելով, փակեց կազմի սեկապատ կափարիչը: Հետո, գիրքը ձեռքին, մոտեցավ դարակներից նայող կռակների շարքին՝ նայելով, թե որտեղ դնի սեկապատ դագաղը: Այ այստե՛ղ. եւ ալ կարմիր կաշվին ու մագաղաթին քսվելով՝ գիրքը կանգնեց բարեպատշաճ Ադամ Սմիթի եւ «Հազար ու մի գիշերների» արանքում: Թիկունքում դուռը ճռռաց: Շրջվելով՝ Ունդինգը տեսավ ծառայապետին.

- Բարոնը չի վերադառնա,- կողքով անցնելիս նետեց նա,- որովհետեւ չի հեռացել:

Եվ ձերուևուն, որը պատրաստվում էր կաղին տալ նրա ետեւից՝ ավելի հստակ պատասխան ստանալու, չհաջողվեց հասնել ո՛չ պատասխանի, ո՛չ Ունդինգին: Հինգ րոպե էլ չէր անցել, եւ պոետն արդեն նստած էր սայլի մեջ՝ նայելով Միխել Հեյնցի թիկունքին, որը երկար ու երզեցիկ սուլոցով ժամանակ առ ժամանակ արագացնում էր սմբակների դոփյունը: Անիվները, բարակ սառույցը խշրտացնելով, արդեն գլորվում էին դեպի կամուրջը, երբ պոետն անսպասելի կռանալով՝ դիպավ Հեյնցի մեջքին:

Հեյնցը շրջվելով՝ ուղեւորի ծնկներին տեսավ բացված նոթատետրը:

Միգիզմունդ ԿՐԺԻԺՃՆՈՎԱԿԻ

Չզարմացավ, ծխախոտ վառեց, շտկեց շրջափոկն ու սպասեց: Իսկ թռչկոտող գորշ տառերից կազմվող տեքստն ասում էր.

Այստեղ, սեկե ծածկոցի տակ
ողջերի դատին է սպասում
երկչափության մեջ ճզմված
խախտողը չափերի աշխարհի՝
բարոն Հիերոնիմուս
Ֆոն Սյունիսիաուզենը:
Մարդն այդ, որպես ճշմարիտ մարտիկ,
ճշմարտությունից երբեք չշեղվեց՝
ողջ կյանքը տալով նրա հետ սուսերամարտին,
հետ մղելով փաստերը ֆանտազմներով,
եւ երբ ի պատասխան հարվածների
վճռական հարձակում գործեց,- վկայում եմ,-
Ճշմարտությունն ինքը
խոյս տվեց մարդուց:
Ադրոթեք նրա հոգու համար սուրբ Ոչմեկին:

Էռևստ Ունդինգը ծալեց թերթիկներն ու նշան արեց սայլապանին.
գնացի՛նք: Եվ ջրափոսերի բարակ սառցաշերտերը նորից ծլնգացին ան-
վակալների տակ:

ՏԱՌԱՍՊԱՆՆԵՐԻ ԱԿՈՒՄԲԸ

1

- Պղպջակներ ջրահեղծի գլխավերելում:

- Ինչպե՞ս:

Եռանկյուն եղունգը արագ գլխաստորյով սահեց գրադարակից մեզ վրա չոված գրքերի կռակներով:

- Ասում եմ. պղպջակներ ջրահեղծի գլխավերելում: Չէ՞ որ բավական է գլխով՝ լճափոսը, եւ շունչն անմիջապես՝ պղպջակներով վեր. ուռչում ու պայթում է:

Խոսողը նորից հայեց պատերի երկարությամբ իրար սեղմված լռակյաց գրքերի շարքերը:

- Կասե՞ք, որ պղպջակը կարողանում է իր մեջ պահել արեւը, երկնքի կապույտը, ափամերձ կանաչ ծփանքը: Թող որ այդպես: Բայց դա պե՞տք է նրան, ով արդեն՝ բերանով հատակին:

Եվ հանկարծ, ասես բախվելով ինչ-որ բառի, նա վեր կացավ ու մատներով բռնելով մեջքին ծալած արմունկները, սկսեց հետ ու առաջ անել գրադարակից պատուհանը՝ միայն երբեմն աչքերով տնտղելով իմ աչքերը:

- Այո՛, հիշե՞ք, բարեկա՛մս. եթե գրադարակին մի գիրք է ավելացել, ուրեմն կյանքում մի մարդ պակասել է: Եվ եթե ընտրելու լինենք դարակի եւ աշխարհի միջեւ, ապա ես նախընտրում եմ աշխարհը: Պղպջակները դեպի հատակը, ուրեմն՝ դեմքով դեպի հատակը: Ո՛հ, խոնարհաբար շնորհակալ եմ:

- Բայց չէ՞ որ դուք,- համաձայնելու երկչուտ փորձ արեցի ես,- չէ՞ որ դուք եք մարդկանց այդքան գիրք տվել: Բոլորս վարժվել ենք կարդալ ձեր...

- Տվել եմ: Բայց չեմ տալիս: Ահա արդեն երկու տարի՝ ոչ մի տառ:

- Դուք, ինչպես գրում ու խոսում են, պատրաստում եք մի նոր ու մեծ գործ:

Նա միևնույն վերջ չլսելու սովորություն ուներ:

- Մե՞ծ՝ չգիտեմ: Նոր՝ այո: Միայն թե նրանք, ովքեր դրա մասին գրում ու խոսում են,- դա հաստատ գիտեմ,- այլեւս ոչ մի տպագրական տառ չեն ստանա ինձնից: Հասկացա՞ք:

Միգիզմունդ ԿՐԺԻԺՄՆՈՎՄԿԻ

Իմ տեսքն, ըստ երեւոյթին, ըմբռնում չէր արտահայտում: Մի րոպէ տատանվելով՝ նա հանկարծ մոտեցավ իր դատարկ բազկաթոռին, քաշեց իմ կողմը, նստեց համարյա ծունկ ծնկան ու քննախոյզ նայեց ինձ: Տառապագին ձգվում էին լուրջան վայրկյանները:

Նա աչքերով ինչ-որ բան էր փնտրում իմ մէջ, ինչպէս սենյակում փնտրում են մոռացված իրը: Ես կտրուկ վեր կացա:

- Ձեր շաբաթ երեկոները,- նկատեցի ես,- միշտ զբաղված են: Իրիկանում է: Ես գնամ:

Կոշտ մատները, արմունկս բռնելով, չթողեցին վեր կենամ:

- Ճիշտ է: Իմ շաբաթ օրերը ես... այսինքն մենք թաքցնում ենք մարդկանցից: Բայց այսօր ձեզ ցույց կտամ շաբաթը: Մնացէ՛ք: Բայց այն, ինչ ձեզ կներկայացվի, որոշ նախաբան է պահանջում: Քանի դեռ մենակ ենք՝ կոնսպեկտավորեմ: Դժվար թե ձեզ հայտնի լինի, որ երիտասարդ տարիներիս չքավորության աշակերտ եմ եղել: Առաջին ձեռագրերս, ծանրոցներ կազմելով, ինձնից խլում էին վերջին պղնձադրամները, եւ անփոփոխ վերադառնում սեղանի զգրոցը՝ քրքրված, թքոտած ու ծեծված դրոշմակնիքներով: Բացի սեղանից, որ մտահղացումների գերեզմանաց էր դարձել, իմ սենյակում էին նաեւ մահճակալը, աթոռն ու պատերի երկայնքով ձգված չորս երկար, տառերի բեռան տակ ճկված դարակները: Սովորաբար վառարանը փայտ չունէր, իսկ ես՝ ուտելիք: Բայց գրքերին համարյա կրոնական երկյուղածությամբ էի վերաբերվում, ինչպէս ոմանք՝ սրբապատկերներին. վաճառել գրքե՛րը... Լույսիսկ այդպիսի միտք չէր անցնում գլխովս, մինչեւ, մինչեւ... չխթանեց հեռաագիրը. «Մայրիկը երեկոյան մահացավ: Ներկայությունը պարտադիր է: Եկեք»: Հեռագիրը գրքերիս վրա հարձակվեց առավոտյան, երեկոյան կողմ գրադարակները դատարկ էին, եւ ես կարող էի երկու-երեք թղթադրամի վերածված գրադարանս խցկել գրպանս: Քեզ կյանք տվածի մահը շատ լուրջ է: Միշտ եւ ամէն ինչում. սեւ սեպով՝ կյանքի մէջ: Սգո օրերն անցկացնելով՝ վերադարձա,- հազարավոր վերստերով,- ու կանգնեցի իմ չքավոր կացարանի շեմին: Մեկնելու օրը անջատված էի իրավիճակից, ու միայն հիմա դատարկ գրադարակների տպավորությունն ընկալվեց եւ իմաստ առավ: Հիշում եմ, որ հագուստս փոխելով, նստեցի սեղանի մոտ ու հայացքս դարձրի չորս սեւ տախտակների դատարկությանը: Տախտակները, թեւէ գրքերի բեռը հանված էր, դեռ չէին շտկվել, ասես դատարկությունը սեղմում էր նրանց ուղղահայացներով ներքեւ: Փորձեցի աչքերս ուրիշ բանի դարձնել, բայց ինչպէս արդէն ասել եմ, սենյակում ընդամենը այդքան

Եր՝ դարակներ ու մահճակալ: Հանվեցի ու պառկեցի՝ փորձելով քնով հաղթահարել ընկճվածությունը: Ո՛չ, զգացողությունը, միայն կարճ հանգիստ տալով, արթնացրեց. դեմքով դարակներին էի պառկած ու տեսա լուսնի շողքն ինչպես է դողդոջուն սահում մերկ գրադարակների վրայով: Թվում էր՝ երկչոտ քայլերով ինչ-որ համարյա անզգալի կյանք է ծնունդ առնում այնտեղ՝ անզրքության մեջ:

Իհարկե այդ ամենը լարված նյարդերի խաղ էր, եւ երբ առավուտը դադարեց ծակծկել, արդեն հանգիստ զննեցի դարակների՝ արեւով ողողված դատարկությունը, նստեցի սեղանի մոտ եւ անցա սովորական գործիս: Մի տեղեկության կարիք եղավ. ծախ ծեռքս ինքնաբեր շարժումով ձգվեց գրքերի կռակներին. դրանց փոխարեն օդ էր: Նորից ու նորից: Մրտնեղած նայեցի արեւաբծերի պարսերով լեցուն անզրքությանը՝ փորձելով հիշողության լարումով տեսնել էջն ու տողը: Բայց երեւակայական տառերը երեւակայական կազմերի տակ դեսուդեն էին փախչում, եւ անհրաժեշտ տողի փոխարեն ստացվում էր բառերի խայտաբղետ ցրոնք, տողերի ուղիղը ջարդվում ու բաժանվում էր տասնյակ տարբերակների: Ես վերցրի դրանցից մեկն ու զգույշ ներգրեցի տեքստիս մեջ:

Երեկոյան կողմ, աշխատանքից հանգստանալիս, սիրում էի մահճակալին պառկած, Սերվանտեսի հատորը ծեռքիս, աչքերով դրվագից դրվագ ցատկել: Գիրքը չկար, բայց լավ էի հիշում՝ ներքեի դարակի ծախ անկյունում՝ դեղին անկյունակապերով ու սեւ կաշվով սեղմված կալդերոնյան աուտոներին կարմիր սեկին: Աչքերս փակելով՝ փորձեցի գիրքը պատկերացնել ափիս ու աչքերիս արանքում (այդպես սիրելիներից լքվածներն են շարունակում հանդիպել նրանց հետ՝ սեղմված կոպերի ու կենտրոնացած կամքի օգնությամբ): Հաջողվեց: Ստովի թերթեցի մի քանի էջ, հետո հիշողությունը թափեց տառերը. նրանք խառնվում ու դուրս էին ընկնում տեսադաշտից: Փորձում էի հետ կանչել. որոշ բառեր վերադառնում էին, մյուսները՝ ոչ. այդ ժամանակ սկսեցի լցնել բացուտները՝ բառերի միջեւ դնելով իմ բառերը: Երբ այդ խաղից հոգնած՝ բացեցի աչքերս, սենյակը համարյա լցված էր գիշերով, որ պիրկ սեւով թաթախել էր սենյակի ու դարակների անկյունները:

Այդ օրերին ազատ ժամանակ շատ ունեի եւ սկսեցի ավելի ու ավելի հաճախ կրկնել խաղը իմ գրքագրկված դարակների դատարկության հետ: Օրեցօր դրանք ծանրանում էին տառերից կազմած ֆանտազմներով: Հիմա ոչ փող ունեի, ոչ տառերի ետեւից գրախանութներ ու հնագրավաճառների կրպակներ գնալու ցանկություն: Ես բուռ-բուռ տառեր, բա-

Միգիզմունդ ԿՐԺԻԺՄՆՈՎՄԿԻ

ոեր, դարձվածքներ էի հանում ինձնից, վերցնում էի մտահղացումներս, մտովի տպում ու ձեռագրում, մանրամասն մտածված կազմեր հագցնում եւ կոկիկ կցում հղացումը հղացմանը, ֆանտազմը ֆանտազմին՝ լցնելով հնազանդ դատարկությունը, որ իր սեւ փայտե տախտակներին էր առնում ինչ տալիս էի: Եվ մի անգամ, երբ մի պատահական հյուր, որ եկել էր վերադարձնելու վերցրած գիրքը, փորձեց մոտենալ դարակին, կանգնեցրի կրան.

- Տեղ չկա:

Հյուրս ևույնպիսի աղքատ էր, ինչպես ես. ևս գիտեր, որ խենթության իրավունքը կիսաքաղց պոետների միակ իրավունքն է, եւ անխռով կայելով ինձ՝ գիրքը դրեց սեղանին ու հարցրեց՝ համաձայն եմ լսել իր պոեմը:

Նրա եւ պոեմի ետեւից փակելով դուռը՝ անմիջապես փորձեցի գիրքը աչքից հեռու մի տեղ պահել. ուռուցիկ կազմին դաջված գռեհիկ ոսկե տառերը խաթարում էին ևոր-ևոր կարգի ընկած մտահղացումների խաղը:

Չուզահեռ շարունակում էի զբաղվել նաեւ ձեռագրերով: Դրանց ևոր տրցակը, որ ուղարկվել էր հին հասցեներով, ի անկեղծ զարմանս ինձ, չվերադարձավ. գործերն ընդունվեցին ու տպագրվեցին: Պարզվեց՝ ինչ ինձ չէին կարող սովորեցնել թղթից ու ներկից կազմված գրքերը, հաղթահարվել էր երեք խորանարդ մետր օդի օգնությամբ: Հիմա գիտեի ինչ անել. իրար ետեւից հանում էի իմ երեւակայած գրքերը, հին գրադարակի սեւ տախտակների դատարկությունը լցրած ֆանտազմները, եւ դրանց անտեսանելի տառերը թաթախելով թանաքի մեջ՝ դարձնում ձեռագրեր, ձեռագրերն էլ՝ փող: Ու կամաց-կամաց, տարեցտարի, իմ անունն ուռչում էր, փողն ավելի ու ավելի էր շատանում, բայց ֆանտազմների իմ գրադարանն աստիճանաբար սպառվում էր. շատ արագ ու անխնայ էի ծախսում իմ դարակների դատարկությունը, եւ դատարկությունը, ես կասեի, ավելի էր գրգռվում ու վերածվում սովորական օդի:

Հիմա արդեն իմ աղքատ սենյակն էլ վերածվել էր պատկառելի կահավորանքով բնակարանի: Իր դարն ապրած գրադարակի հարեւանությամբ, որի գործածված դատարկությունը ևորից լցրել էի գրքերով, կանգնել էին ընդարձակ ապակեպատ պահարաններ. սիս դրանք: Իներցիան աշխատում էր իմ օգտին. անունս ևորաևոր հոնորարներ էր բերում: Բայց ես գիտեի՝ վաճառված դատարկությունը վաղ թե ուշ վրեժ է լուծելու: Ըստ էության, գրողները պրոֆեսիոնալ բառավարժներ են, եւ մեկ տո-

դով քայլող բառերը, եթե կենդանի արարածներ լինեին, հաստատ կվախենային ու կատեին գրչածայրի ճեղվածքը, ինչպես գազաններն իրենց վրա բարձրացրած մտրակն են ստում: Կամ ավելի ճշգրիտ: Լսե՛լ եք, այսպես կոչված, կարակուլագործության մասին: Այդ կարգի մատակարարներն իրենց եզրաբաժնույունն ունեն. խորամանկ հնարքներով հետեւելով չճնված գառան մորթու կախշերին ու գանգուրներին, սպասելով գանգուրների անհրաժեշտ համակցության՝ չճնվածին սպանում են մինչեւ ծնվելը. դա նրանց մոտ կոչվում է «ամրապնդել կախշը»: Այդպես էլ մենք ենք վարվում մտահոգումների հետ. արդյունահանողներ ու սպալիչներ:

Ես, իհարկե, այն ժամանակ էլ միամիտ մարդ չէի ու գիտեի, որ վերածվում եմ պրոֆեսիոնալ մտասպանի: Բայց ի՞նչ անեի: Շուրջս ինձ պարզված ափեր էին: Ես դրանց մեջ բուռ-բուռ բառեր էի նետում: Բայց նրանք պահանջում էին նորից ու նորից: Թանաքից հարբած՝ ես պատրաստ էի, ամեն գնով, գրոհել նորանոր թեմաներ: Բայց չարչրկված երեւակայությունն այլևս չէր տալիս. ոչ մի թեմա: Հենց այդ ժամանակ էլ որոշեցի արհեստականորեն արթնացնել՝ դիմելով հին ու փորձված միջոցին: Ես հրամայեցի ազատել իմ բնակարանի սենյակներից մեկը... բայց գևանք, ավելի լավ է ցույց տամ:

Նա վեր կացավ: Ես՝ հետեւից: Մենք անցանք սենյակների շարքով: Շեմ, էլի շեմ, միջանցք. նա ինձ հասցրեց փակ դռան մոտ, որ ծածկված էր պատի գույնի վարագույրով: Ուժեղ չիկաց բանալին, հետո՝ անջատիչը: Ես ինձ գտա մի քառակուսի սենյակում. խորքում, շեմի դիմաց, բուխարի, բուխարու դիմաց կիսաշրջանով շարած յոթ ծանր, դրվագազարդ բազկաթոռ, մուգ մահուդով պաստառած պատերի երկայնքով՝ սեւ, կատարելապես դատարկ գրադարակներ: Բուխարու ճաղավանդակին բռնակով հենված թուջե ունեյի: Ու վերջ: Ձայները կլանող, աննախշ գորգի վրայով մոտեցանք բազկաթոռների կիսաշրջանին: Տանտերը ձեռքով նշան արեց.

- Նստե՛ք: Ձեզ գարմացնո՞ւմ է, թե ինչու է յոթ հատ: Սկզբում ընդամենը մի բազկաթոռ էր: Ես գալիս էի այստեղ, որ գրուցեմ գրադարակների դատարկության հետ: Ես թեմա էի խնդրում այդ սեւ փայտե խոռոչներից: Ես ամեն երեկո համբերատար փակվում էի այստեղ լռության ու դատարկության հետ ու սպասում էի: Մեւ սնդուսը շողացնելով, մեռած եւ օտար՝ նրանք չէին ուզում պատասխանել: Եվ ես՝ ինձ հմտագերծած բառավարժս, վերադառնում էի թանաքամանիս մոտ: Հենց այդ ժամանակ մո-

Միգիզմունդ ԿՐԺԻԺՄՆՈՎԱԿԻ

տեսնում էր երկու-երեք գրական պայմանագրերի վերջնաժամկետը. գրելիք չկար:

Օ, ինչ ատելի էին թվում ինձ այդ բոլոր մարդիկ, որ տասնյակ հազարավոր աչքերով իմ ծեծված ու հալածված անուկը շրջապատած՝ դանակներով կտրատում էին թարմ ամսագիրը: Հենց հիմա հիշեցի մի չնչին դեպք. փողոց, սառած մայթին մի փոքրիկ տղեկ, որ տառեր է ճշում կրկնակոշիկների մասին, եւ անմիջապես միտքը՝ բայց չէ՞ որ եւ՛ իմ, եւ՛ նրա տառերի ուղին նույնն է՝ «ներբանի տակ»:

Այո՛, ես եւ՛ ինձ, եւ՛ իմ գրականությունը ոտնատակ արված ու իմաստագրված էի զգում, եւ եթե օգնության չհասներ հիվանդությունը, առողջ ելք դժվար թե գտնվեր: Անսպասելի ու ծանր՝ այն երկար ժամանակով ինձ կտրեց գրողությունից. իմ անգիտակցականը հասցրեց հանգստանալ, ժամանակ շահել ու իմաստներ կուտակել: Եվ հիշում եմ, երբ դեռ ֆիզիկապես թույլ էի ու կիսով կապված աշխարհին, տեւական ընդմիջումից հետո բացեցի այս սեւ սենյակի դուռը ու հասնելով այ այս բազկաթոռին, մի անգամ էլ հայեցի անգրքության դատարկությունը, որը, թող որ անհասկանալի ու կամացուկ, բայց համենայնդեպս,- համենայնդեպս,- խոսեց, համաձայնեց նորից խոսել ինձ հետ, ինչպես այն, թվում է՝ ընդմիջտ հեռացած օրերին: Հասկանո՞ւմ եք դա ինչ էր ինձ համար...

Խոսողի մատները դիպան ուսիս ու անմիջապես հետ քաշվեցին:

- Ասենք, քնարական զեղումների ժամանակ չունենք: Շուտով մարդիկ են գալու: Եվ այսպես, հետ՝ փաստերին: Հիմա արդեն գիտեի, որ մտահոգումները սեր ու լոռություն են պահանջում: Նախկինում ֆանտազմների վատնի՛չ՝ ես սկսեցի կուտակել դրանք ու թաքցնել հետաքրքրասեր աչքերից: Ես նրանց բոլորին կողպեցի այ այստեղ, եւ իմ անտեսանելի գրադարանը վերածնվեց. ֆանտազմը ֆանտազմի կողքին, օպուսն օպուսի, օրինակն օրինակի,- սկսեցին լցնել այս դարակները: Այստեղ նայեք, ո՛չ, ա՛ջ, միջին դարակին. ոչինչ չեք տեսնում, այնպես չէ՞, իսկ ես...

Ես ականա հետ քաշվեցի. խոսողի ծակող բիբերում թրթռում էր կոշտ, կենտրոնացած ուրախությունը:

- Այո՛, եւ այդ ժամանակ հաստատ որոշեցի փակել թանաքամանի կափարիչը ու վերադառնալ հետ՝ մաքուր, չկյուպականացած, ազատ մտահոգումներին: Երբեմն հին, արմատացած սովորությամբ ինձ ձգում էր թուղթը, որոշ բառերի այնուամենայնիվ հաջողվում էր ընկնել մատիտի տակ, բայց ես անմիջապես սպանում էի այդ այլանդակներին եւ անխնա հաշիվ տեսնում հին գրողական սովորությունների հետ: Լսե՛լ եք, այսպես

կոչված, Giardinetti di S. Francesco-ի՝ սուրբ Ֆրանցիսկոսի այգիների մասին: Իտալիայում ինձ մի անգամ չէ, որ հաջողվել է այցելել այդ այգիները. համարյա բոլոր ֆրանցիսկյան մենաստաններում՝ մեկ-երկու մարզով պատիկ ծաղկանոցներ, մետրը՝ մետրին, բարձր ու խուլ պատերի ետեւում: Հիմա, խախտելով սուրբ Ֆրանցիսկոսի ավանդույթը, թույլ եմ տալիս արձաթե սղոյիներով տեսնել դրանք, թեկուզ եւ հաճախ՝ այգու դռակով, դրսից: Առաջ դա էլ չէր թույլատրվում. Ֆրանցիսկոսի կտակի համաձայն, ծաղիկներն այդտեղ կարող էին աճել ոչ թե ուրիշների, այլ միայն իր համար, դրանք չէր կարելի քաղել ու տնկել ցանկապատից այն կողմ, կուսակրոնություն չընդունածներին արգելվում էր ոտք դնել եւ ևսյնիսկ հայացքով դիպչել ծաղիկներին շնորհված հողին: Չերժ բոլոր հպումներից, պաշտպանված բիբերից ու մկրատներից՝ նրանց տրված էր ծաղկել ու բուրել զուտ իրենց համար:

Եվ ես որոշեցի,- թեկուզեւ դա ձեզ տարօրինակ թվա,- տնկել իմ լուսթյամբ ու գաղտնիքով պաշտպանված մեկուսի այգին, բոլոր մտահղացումները, բոլոր նրբին ֆանտազմներն ու հրեշավոր հորինվածքները կկարողանային աչքից հեռու աճել ու ծաղկել՝ զուտ իրենց համար: Ես ատում եմ ծանր կախված եւ ճյուղերը չարչարող, չորացնող պտուղների կոպիտ կեղեւը, ես ուզում եմ, որ իմաստների ու ձեւերի հավերժ չմեռնող ու չծնվող ծաղկում լինի իմ փոքրիկ այգում: Մի՛ մտածեք, թե ես ասեր մեկն եմ, որը չի կարողանում դուրս գալ իր «ես»-ից, որն ատում է մարդկանց եւ օտար, «ոչ իմ» մտքերը: Ո՛չ, մի իսկապես ատելի բան ունեմ աշխարհում՝ տառերը: Եվ բոլորը, ով կարող է եւ ուզում է, գաղտնիքի միջով անցնելով, ապրել ու աշխատել այստեղ, մաքուր մտահղացումների մարգերում, թող գան եւ եղբայր լինեն:

Եւ մի պահ լռեց՝ սեւռուն նայելով բազկաթոռների կաղնեփայտե թիկնակներին, որոնք խոսողի շուրջը կիսաշրջան կազմած, կարծես ուշադիր լսում էին նրա խոսքը:

- Գրող եւ ընթերցող աշխարհից աստիճանաբար այստեղ՝ տառագերծություն սկսեցին հավաքվել ընտրյալները: Մտահղացումների այգին բոլորի համար չէ: Մենք քիչ ենք եւ ավելի քիչ ենք լինելու: Որովհետեւ ծանր է դատարկ դարակների բեռը: Բայց եւ այնպես...

Ես փորձեցի առարկել.

- Բայց չէ՞ որ դուք, ինչպես ասում եք, տառերը խլում եք ոչ միայն ձեզանից, այլեւ ուրիշներից: Ուզում եմ հիշեցնել պարզված ավերի մասին:

- Դե՛, դա... գիտե՞ք, Գյոթեն իր Էքերմանին բացատրում էր, որ Շեքս-

Միգիզմունդ ԿՐԺԻԺՄՆՈՎՄԿԻ

պիրը ճյուղերը չափից դուրս տարածած ծառ է, որը երկու հարյուր տարի շարունակ խեղդում է անգլիական գրականությունը, իսկ իր՝ Գյոթեի մասին,- երեսուր տարի անց,- Բեռնեն գրում էր. «Քաղցկեղ, որ հրեշավոր տարածվել էր գերմանական գրականության մարմնով»: Եվ երկուսն էլ իրավացի էին. չէ՞ որ եթե մեր տառակերպումները խեղդում են իրար, եթե գրողները խանգարում են մեկմեկու, ապա ընթերցողներին թույլ չեն տալիս նույնիսկ մտորել: Ընթերցողը, ես կասեի, չի հասցնում մտահղացումներ ունենալ. դրա իրավունքը նրանից խլել են բառի պրոֆեսիոնալները, որոնք ավելի ուժեղ ու փորձառու են այդ գործում: Գրադարանները ճզմել են գրողի երեսակայությունը, գրողների մի փոքրիկ խմբի խզբզոցը պակեպոռնկ լցրել է եւ՛ գրադարակները, եւ՛ զլուխները: Տառային ավելցուկները պետք է ոչնչացնել՝ եւ՛ գրադարակներին, եւ՛ զլուխներում: Պետք է օտարից գոնե մի քիչ տեղ ազատել սեփականի համար՝ եւ՛ պրոֆեսիոնալին, եւ՛ ինքնուսին: Ես ձեզ կբերեմ ութերորդ բազկաթոռը:

Եվ պատասխանի չսպասելով՝ նա դուրս եկավ սենյակից:

Մնալով մենակ՝ ես նորից հայեցի սեւ, դատարկության տակ դրված դարակներով, քայլերն ու բառերը խլացնող մեկուսարանը: Տարակուսանքի ու լարվածության զգացումը վայրկյան առ վայրկյան աճում էր. երեւի իրեն այդպես է զգում հերձվող կենդանին: «Ես նրա կամ նրանց ինչի՞ն եմ պետք, ի՞նչ է պետք նրանց մտահղացումներին ինձնից»: Ու հաստատ որոշեցի անհապաղ պարզել իրավիճակը: Բայց երբ դուռը բացվեց, շեմին արդեն երկուսն էին՝ տանտերն ու ակնոցավոր, կարճ խուզած մազերով կլոր գլխով մեկը. հույլ, ասես անոսկոր մարմնով ձեռնափայտին ընկած՝ նա կլոր ապակիների միջով շեմից գնում էր ինձ:

- Դյա՛ժ,- ներկայացրեց տանտերը:

Ես տվեցի անունս:

Ներս մտածի ետեւից շեմին հայտնվեց երրորդը. դա մի կարճահասակ չորչորուկ մարդուկ էր՝ աչքերի տակ խաղացող այտամկաններով, բերանի չոր ու նեղ ճեղքով: Տանտերը շրջվեց երրորդի կողմը.

- Հա՛, Թյո՛ղ:

- Այո՛, ես եմ, Չե՛զ:

Տարակուսանք տեսնելով իմ աչքերում՝ նա, ում Չեզ էին կոչել, ուրախ ծիծաղեց.

- Մեր գրույցից հետո ձեզ համար դժվար չի լինի հասկանալ, որ գրողական անունները,- նա ընդգծեց վերջին բառը,- այստեղ անելիք չունեն: Դրա փոխարեն եղբայրության յուրաքանչյուր անդամի տրվել է մեկական,

ասպես կոչված, «անիմաստ վանկ»: Գիտե՞ք ինչ, մի խիստ ուսյալ պրոֆեսոր էքբիսգիաուզ կար, որն ուսումնասիրելով մտապահման օրենքները՝ դիմում էր «անիմաստ վանկերի» համակարգին, ինչպես դրանք կոչում էր. այսինքն պարզապես վերցնում էր ցանկացած ձայնավոր եւ աջից ու ձախից կցում մեկական բաղաձայն. այդ կերպով կառուցված վանկերի շարքից դուրս էին նետվում նրանք, որոնց մեջ իմաստի թեկուզ հետք կար, մնացածը մեմոլոգ էքբիսգիաուզին պետք էր մտապահման գործընթացը ուսումնասիրելու համար, իսկ մեզ համար, ավելի շուտ... բայց դա մեկնաբանություն չի պահանջում: Իսկ ո՞ր եւ մեր մտահղացողները: Ժամանակն է:

Ասես ի պատասխան՝ դուրք ծեծեցին: Մտան երկու հոգի՝ Հիցն ու Շոգը: Մի քիչ հետո, ասթմատիկ շնչելով ու քրտինքը սրբելով, հայտնվեց եւս մեկը. մականունը Ֆեվ էր: Դատարկ էր մնում միայն մեկ բազկաթոռ: Վերջապես մտավ նաեւ վերջինը. մեղմ գծագրված կիսադեմով ու թեք ճակատով մարդ էր:

- Ուշանում եք, Ռա՛ր,- նրան դիմավորեց նախագահը: Մարդը բարձրացրեց աչքերը, որ ինքնամփոփ ու կարծես հեռվից էին նայում:

2

Մի րոպեի չափ լռություն էր: Բոլորս նայում էինք՝ Շոգն ինչպես է պագած վառում վառարանը: Հետեւելով Շոգի դանդաղ, ասես ինչ-որ ծես կատարող շարժումներին, հասցրի ուսումնասիրել նրան. զգալիորեն երիտասարդ էր բոլոր հավաքվածներից, դեմքին ընկած կրակի ցոլքերը կտրուկ ընդգծում էին բերանի քմահաճ գիծը եւ զգայուն, թրթռացող, փքված ռունգերը: Երբ փայտերը բուխարու մեջ կայծկլտացին, նախագահը վերցրեց թուջե ունելին ու խփեց ճաղավանդակի ծողիկներին:

- Ուշադրությո՛ւն: Տառասպանների ակումբի Յոթնասուներեքերորդ շաբաթօրյան բացված է:

Հետո նույն ծիսական կարգով անշտապ մոտեցավ դռանն ու երկու անգամ չիկացրեց փականը: Զեզի պարզված ձեռքի մեջ շողաց մորուքավոր պողպատը:

- Ռա՛ր. բանալին ու բառը:

Դադար տալով՝ Ռարը խոսեց.

- Իմ մտահղացումը քառատակտ է: Վերնագիրը. «Actus morbi»:

Նախագահը լարվեց:

- Կներե՛ք: Պիե՛ս է:

Միգիզմունդ ԿՐԺԻԺՄՆՈՎՄԿԻ

- Այո՛:

Ձեզի հոնքերը նյարդային ցնցվեցին:

- Այդպես էլ գիտեի: Դուք միշտ ասես դիտմամբ խախտում եք Ակումբի ավանդույթները: Բեմականացնել՝ նշանակում է գոեհկացնել: Եթե մտահղացումը պրոյեկտվում է թատրոնի վրա, ուրեմն աղոտ է, անբավարար... բեղմնավորված: Դուք անընդհատ փորձում եք անցնել բանալու անցքով: Եվ դուրս՝ բուխարու ածուխներից դեպի բեմեզրի լույսերը: Ջգուշացե՛ք բեմեզրերից: Ասենք, մենք ձեր ունկնդիրն ենք:

Պատմությունը սկսած մարդու դեմքը շփոթմունք չէր արտահայտում: Ընդհատվելով՝ նա հանգիստ լսեց երկարաշունչ ճառն ու շարունակեց.

- Շեքսպիրի աշխարհահռչակ կերպարը, որը հարց է բարձրացնում արդյո՞ք նույնքան հեշտ է Լվազելի հոգու վրա, որքան սրնգի, հետո դեն է նետում սրինգը, բայց հոգին թողնում է: Ի՛նձ: Ամեն դեպքում այստեղ ինչ-որ նմանություն կա. սրնգի առավելագույն հնչողության հասնելու համար պետք է փակել նրա բոլոր անցքերը, բոլոր պատուհանները՝ աշխարհին. հոգուց նրա խորքը հանելու համար պետք է նույնը՝ իրար ետեւից փակել բոլոր անցքերը, բոլոր ելքերը դեպի աշխարհ: Հենց այդ էլ փորձում է անել իմ պիեսը. ու հետեւելով Համլետի ընտրած եզրաբանությանը, պետք է ասել, որ իմ «Actus morbi»-ն ոչ թե գործողությունների, այլ «դիրքերի» թվի մեջ է:

Հիմա՝ իմ կերպարների մասին: Նույն «Համլետ»-ում ինձ վաղուց հետաքրքրող մի երկակի կերպար կա. հիշեցնում է օրգանական բջիջը, որը, ինչպես կենսաբաններն են անվանում, բաժանվել է երկու՝ ոչ ամբողջությամբ բաժանված բջիջների: Խոսքը Գիլդենշտեռնի ու Ռոզենկրանցի մասին է, որոնց անհնար է պատկերացնել անջատ-անջատ, իրարից բաժան եւ, ըստ էության, նույն դերն են՝ պատկերված երկու տեսքերում... ընդամենը այդքանը: Ես կփորձեմ առաջ մղել երեք հարյուր տարի առաջ սկսված տրոհման գործընթացը: Նմանակելով գավառական ողբերգակին, որը ազդեցություն գործելու համար երկու կես է անում Համլետի սրինգը, ես վերցնում եմ, ասենք, Գիլդենշտեռնին եւ այդ կիսարարածին կրկին երկու կես անում՝ Գիլդեն եւ Շտեռն. ահա արդեն ես երկու կերպար: Օֆելյա անունն ու դրա իմաստը ես վերցնում եմ մեկ ողբերգության առումով՝ Ֆելիա, մեկ կատակերգության՝ Ֆելյա: Հասկանո՞ւմ եք, ծամերի մեջ մերթ դառը սատապ, մերթ թորթ խոպոպաթղթեր հյուսելով՝ կարելի է նաեւ սա երկուս անել:

Եվ այսպես, խաղը սկսելու, պիեսի առաջին դիրքի համար արդեն չորս

խաղանիշ ունենք. դրանք կույր խաղացող շախմատիստի պես երեւակայական բեմով շարժելով՝ ես ստանում եմ հետեւյալը...

Ուարը մի պահ ընդհատեց խոսքը: Երկար ու ճերմակ, համարյա թափանցիկ մատներն օդի միջով ինչ-որ բան էին շոշափում, ասես ստուգելով կյուրթի կաշունությունը:

- Ինչպես ասում են՝ բեմը ներկայացնում է... Սի խոսքով...

Երիտասարդ դերասան Շտեռնը մեկուսացել է իր դերի հետ: Դերը գուշակվում է նաեւ առանց մենախոսությունների. բազկաթռոռի թիկնակին՝ սեւ անծրեաթիկնոց. սեղանին՝ գրքերի կույտերի եւ էլսիկորի արքայազնի դիմանկարների արանքում՝ սեւ բերետ՝ կոտրված փետուրով: Նույն տեղում պիջակ ու տաբատակալներ: Շտեռնը, չսափրված, դեմքին՝ անքնության հետքեր, սոււերի ծայրով շարժում է պատուհանի իջեցված վարագույրը:

Շտեռն: Սուկ:

Դռան թակոց: Դողացող վարագույրը սոււերով պահած՝ նա ձախ ձեռքով հանում է դռան հեղույսը: Շեմին Ֆեյյան է: Մենք տեսնում ենք նրան. սիրունիկ դեմք՝ թռչկոտող փոսիկներով. մի արարած, որին պիեսներում միշտ սիրում են երկուսը, եւ որի հոգեբանությունից պահանջվում է մեկ բան. երկուսից ընտրել մեկին: Բայց Շտեռնը չի տեսնում ներս մտածին ու նորից իր գործին է:

Շտեռն: Սուկ:

Ֆեյյան վախեցած բարձրացնում է փեշը: Երկխոսություն:

Շտեռն (Ֆեյյայի ճիչին ուշադրություն չդարձնելով): Ճչալն անիմաստ է: Լռիր: Ու ձեռքերը կոտրատել էլ պետք չէ:

Տես. հիմա կկոտրեմ սիրտդ:

Նետ է քաշում վարագույրը: Լուսամուտագոգին Պոլոնիուսի փոխառեն՝ պրիմուս ու մի քանի դատարկ շիշ:

Թագավոր՝ սարքած փայասներից ու ծվեններից:

Տխմար, որ ամբողջ կյանքում անդադար ճամարտակել է:

Գևանք: Չէ՞ որ պետք է լուծել քո հարցը:

Դռան մեջ բախվում է Ֆեյյային:

Ֆեյյա: Ո՞ր ես գնում: Առանց պիջակի՝ փողոց: Արթնացի՞ր:

Միգիզմունդ ԿՐԺԻԺԱՆՈՎԱԿԻ

Շտեռն: Դո՛ւ ես: Օ՛, Ֆեյյա, թե իմանայիր...

Ֆեյյա: Ես անգիր գիտեմ իմ դերը: Իսկ ահա դու ծիծաղելի շփոթաբան ես: Թո՛ղ քո յամբերը. չէ՞ որ բեմի վրա չեսք:

Շտեռն: Վստա՛հ ես:

Ֆեյյա: Միայն, ինդրում եմ, չսկսես ինձ հակառակը համոզել: Եթե այստեղ հանդիսատեսներ լինեին, ես այ այսպես չէի անի (*կանգնում է ոտնաձայրերին ու համբուրում նրան*): Եվ ի՞նչ, սա քեզ չարթնացրե՞ց:

Շտեռն: Սիրելի՛ս:

Ֆեյյա: Վերջապե՛ս. առաջին բառը՝ ոչ դերից...

- Սույնով դադարում եմ պտտել սիրային շարմանկան. դուք պետք է իմանաք, որ հիմա Ֆելիան ավելի մոտ է Շտեռնին, քան Գիլդենին՝ նրա մրցակցին ու փոխարինողին, եւ հաղթանակ է ցանկանում նրան դերի համար պայքարում: Այսպես, թե այնպես, երկխոսությունից առաջ անցնելով՝ հավաստում եմ. զարգանալով՝ այն խաղանիշը մոտեցնում է խաղանիշին, Շտեռնին՝ Ֆեյյային: Այստեղից՝ նշագրում. փակագիծ, համբույր, փակագիծը փակ, վերջակետ: Այս անգամ՝ նաեւ Շտեռնի համար, ոչ դերով, այլ կատարյալ իրականությամբ: Ուշադիր կայեք: Իսկ հիմա հայացքը դարձրեք մի քիչ ձախ:

Կիսաբաց դուռը բացվում է. շեմին՝ Գիլդենը:

Գիլդեն (*չափավոր չարությամբ ժպտալով*): Հանդիսատեսներն ավելորդ են: Հեռանում եմ:

Բայց սիրահարները, բնականաբար, կանգնեցնում են Գիլդենին: Շփոթված լուռության րոպե:

Գիլդեն (*հավաքում է թափթփած գրքերը*): Տեսնում եմ՝ դերն այնքան էլ հեշտ չի տրվում, ինչպես... (*հայացք՝ Ֆելիային*): «Շեքսպիր»: «Շեքսպիրի մասին»: Հը՛մ, նորից Շեքսպիր: Ի դեպ, հենց նոր տրամվայում պարզունակ մեկը, նկատելով գրպանիցս ցցված դերը ու ցանկանալով հաճույք պատճառել ինձ, հարցրեց. «Ասում են ոչ մի Շեքսպիր էլ չի եղել, բայց, մտածեք հապա, քանի՞ պիես է մնացել նրանից հետո. իսկ այ եթե գոյություն ունենար Շեքսպիրը, պետք է որ այդ պիեսներն էլ...»: Եվ այսպես ապուշ-հետաքրքրված կայում է ինձ:

Ֆեյյան քրքջում է: Շտեռնը լուրջ է մնում:

Շտեռն: Պարզունակը՝ պարզունակ, բայց... ի՞նչ պատասխանեցիր:

Գիլդեն: Ոչինչ: Տրամվայը կանգ առավ: Պետք է իջնելի:

Շտեռն: Գիտե՞ս ինչ, Գիլդեն, դեռ բոլորովին վերջերս ինձ այդ ամենը միայն ծիծաղելի կթվար: Բայց երբ արդեն երեք շաբաթ տանջվում եմ

անիրականը իրականացնելու վրա, ինչպես ասեմ, դերի մեջ մտնելու համար, որը, կասեք, չունի իր կյանքը, զգույշ եմ վերաբերվում այդ բոլոր «լինել»-ներին ու «չլինել»-ներին: Չէ՞ որ նրանց արանքում միայն մի «թե» է: Բոլորին տրված է ընտրել: Իսկ ոմանք արդեն կան ընտրել են. մեկը՝ պայքար գոյատևման համար, մյուսը՝ պայքար չգոյության համար. չէ՞ որ բեմեզրի գիծը մաքսային գծի պես է. անցնելու համար, որպեսզի այնտեղ, լույսերից այն կողմ լինելու իրավունք ստանաս, պետք է որոշակի մաքսատուրք վճարել:

Գիլդեն: Չեմ հասկանում:

Շտեռն: Ի դեպ, հասկանալն ամբողջը չէ: Պետք է կան որոշում կայացնել:

Ֆելիա: Եվ դո՞ւ...

Շտեռն: Այո՞: Ես որոշել եմ:

Գիլդեն: Խե՛նթ: Թայմերին պատմեցիք՝ այ՛ թե կծիծաղեր: Չնայած մեր պատրոնն առայժմ առանձնակի ուրախություն չի դրսևորում: Երեկ, երբ նորից բաց էիր թողել փորձը, մի ամբողջ փոթորիկ բարձրացրեց: Ես հետո մտա քեզ մոտ, որ զգուշացնեմ՝ եթե այսօր էլ «չլինես» դերափորձին, Թայմերը սպառնում է, որ...

Շտեռն: Գիտե՛մ: Թող որ այդպես: Ես ոչինչ, հասկանո՞ւմ ես, ոչինչ, ավելի ճիշտ՝ ոչ մեկը չունեմ ձեր այդ փորձին գալու: Մինչև դերը չգա ինձ մոտ, մինչև ես նրան չտեսնեմ այ այստեղ, ինչպես ձեզ եմ տեսնում, անելիք չունեմ ձեր այդ հավաքույթներին:

Ֆելիան նայում է աղերսանքով, բայց Շտեռնը, ասես ինքն իր մեջ փլված, չի տեսնում ու չի լսում:

Գիլդեն: Բայց չէ՞ որ պետք է ստուգվի դրսից. կախ՝ բեմադրիչի աչքերը, հետո՝ հանդիսատեսի...

Շտեռն: Անհեթեթություն: Հանդիսատես... Ախր, եթե դրանց մուշտակները հանես կախիչներից ու կտտեցնես աթոռներին, իսկ հանդիսատեսներին կախես հանդերձարանի կեռիկներից, արվեստը դրանից չի տուժի: Բեմադրիչ, բեմադրիչի ա՛չք,- կարծեմ այդպե՛ս ասացիր,- ես այն կհանեի. թատրոնից: Գրողի ծո՛ցը: Դերասանին պետք են իր կերպարի աչքերը: Միայն: Այ եթե հիմա Համլետն ինքը գար այստեղ եւ բիբերով բիբերս փնտրելով՝ ասեր ինձ... Գիտե՞ք ինչ, բարեկամներ, չբարկանաք, բայց ես պետք է աշխատեմ: Վաղ թե ուշ կանչս կհասնի նրան, եւ այդ ժամանակ... Գնացե՛ք:

Գիլդեն: Բայց, Ֆելյա, կա մեզ հետ իսկապես արքայազնի տոնով խո-

Միգիզմունդ ԿՐԺԻԺԱՆՈՎԱԿԻ

սեզ: Մնում է միայն հեռանալ: Մանավանդ, որ քառորդ ժամից կսկսվի:

Ֆելիա: Շտե՛ռն, սիրելի՛ս, արի մեզ հետ:

Շտեռն: Հանգիստ թողե՞ք ինձ: Խնդրում եմ: Եվ ինձ համար հիմա... կսկսվի:

Շտեռնը մնում է մենակ: Որոշ ժամանակ անշարժ նստած է, ինչպես ես հիմա: Հետո (Ռարը կտրուկ շարժումով ձեռքը պարզեց գրադարակների ստվերված դատարկությանը. լսողների աչքերը նույն կողմը դարձան)... հետո... վերցնում է մի գիրք. առաջին պատահա՞ծը: Կոնսպեկտում եմ մե-
նախոսությունը:

Շտեռն: Եվ այսպես, փորձենք: Գործողություն երկրորդ, տեսարան երկրորդ: «Նորից խոսեմ նրա հետ (*իսձ*)»: «Ի՞նչ եք կարծում, իշխան՛»:- «Բառե՛ր, բառե՛ր, բառե՛ր»: Օ՛, եթե տրված լինե՛ր իմանալ, թե ինչ բառեր կան այդ գրքում: Եթե միայն. չէ՞ որ այդտեղ է իմաստների հանգույցը: «Բայց ինչի՞ մասին են խոսում նրանք»: - «Ո՞ւմ հետ»:

Այդ ժամանակ,- նկատում եք նրան,- այնտեղ, շեմին, իրիկնացող սեն-
յակի աղջամուղջում անձայն հայտնվում է դերը. ասես մշուշի միջով, ինչ-
պես Էժանագին հայելու արտացոլումը, իրենով կրկնում է դերասանին: Թիկունքով դռանը նստած Շտեռնը չի նկատում Դերին, մինչեւ նա, հետե-
ւից մոտենալով, ձեռքով չի դիպչում նրա ուսին:

Դեր: Լսե՛ք, դուք ուզում էիք իմանալ բառերն այն գրքի, որ արդեն երեք հարյուր քսաներորդ տարին թերթում եմ երկրորդ գործողության երկրորդ տեսարանում: Դե ինչ, այդ բառերը կարելի է փոխ տալ ձեզ, բնականա-
բար, ոչ ձրի:

Սեւ ուրուն արդեն հասցրել է անձայն տեղավորվել Շտեռնի դիմացի բազկաթոռում. Դերասանն ու Դերը մի րոպե սեւեռուն նայում են իրար:

Շտեռն: Ո՛չ: Այն չէ: Ես իմ Համլետին այլ կերպ եմ պատկերացնում: Կներե՞ք՝ զուևատ ու թռչնած: Ես այսպես չեմ ուզում:

Դեր (*Ֆլեզմատիկ*): Բայց ես այնպես, կիսադա՞ք հենց այսպես:

Շտեռն (*տառապագին գնահատելով իր կրկնակին*): Բայց ես չեմ ու-
զում, հասկանո՞ւմ եք, չեմ ուզում ձեզ նման լինել:

Դեր: Գուցե ես էլ չեմ ուզում լինել ձեզ նման: Եվ վերջապես, ես ընդա-
մենը քաղաքավարի եմ. կանչում են՝ գալիս եմ: Գալով՝ հարցնում եմ. ին-
չի՞ համար...

Ռարի մատները տևողում էին օդը, ասես այնտեղ պտտվում էր անտե-
սանելի վերջնաբառը: Թվաց արդեն բռնել են, բայց մատները հանկարձ
բացվեցին: Ռարն ուշադիր նայեց դուրս թռած բառի ետեւից:

- Այ հենց այստեղ էլ, մտազոհողներ, կփորձեմ փակել սրևզի առաջին կափույրը: Շտեռնի ինչի՞ն է պետք այն սեղմել: Նա՛ դերասանը, այսինքն օտար բառերը պրոֆեսիոնալ արտաբերող արարածը, երեւի չի էլ կարող բառեր գտնել, որպեսզի իր արտացոլմանը բացատրի իրեն՝ արտացոլվածին:

Իմ կարծիքով այստեղ ամեն ինչ բավական պարզ է. յուրաքանչյուր եռաչափ արարած կրկնակի կրկնապատկում է իրեն՝ արտացոլվելով դեպի դուրս ու դեպի ներս: Երկու արտացոլումներն էլ ճիշտ չեն. սառն ու տափակ նմանություն, որ վերադարձնում է սովորական ապակե հայելին: Արտացոլումներն անստույգ են թեկուզ այն պատճառով, որ առավել քան անեռաչափ են, տարածված: Դեմքի մյուս արտացոլումը, որ դեպի ներս է ու հոսում է ինքնագագացողությունների բարդ համալիրից կազմված ուղեղի կենտրոնածիզ նյարդերով, նույնպես անստույգ է, որովհետև ավելի քան եռաչափ է:

Եվ ահա խեղճ Շտեռնն ուզում էր առարկայացնել, հոգու խորքերից բարձրացնել, խաբել խաղով, դերի կանչել իր ներքին նմանակին, բայց կանչին ուրիշ արտացոլում եկավ՝ ապակենման, մեռյալ, դրսից արտացոլված մակերեսային տակ պահված: Չի ուզում նրան, անընդհատ հրաժարվում է կաչուն ուրուից եւ դրանով իսկ նրա համար իրենից դուրս գոյության օբյեկտիվություն ստեղծում: Ինչի մասին խոսում եմ, կա նաեւ պիեսներից դուրս, եղել է եւ կլինի: Վերցնենք թեկուզ Էռնեստո Ռոսսին. նա իր «Նուշերում» պատմում է Էլսինորի ավերակներն այցելելու մասին: Մոտավորապես այսպես: Դոյակից որոշ հեռավորության վրա Ռոսսին կանգնեցնում է կառքն ու ոտքով՝ դեպի ավերակները: Խտացող աղջամուղջում դանդաղաքայլ մոտենում է դոյակին: Դանմարկի արքայազնի մասին անմահ պատմությունը համակում է նրան: Ընդառաջ գնալով կամրջի սեւ ուրվապատկերին,- սկզբում անծայն, հետո՝ ավելի ու ավելի բարձր,- նա հիշում է «Նամլետի» առաջին գործողությունն ու սկսում է արտասանել դիմումը հոր սովերին: Եվ երբ աստիճանաբար ներքաշվում է սովոր դերի մեջ, արտասանում է մինչեւ Սովերի վերջնաբառն ու նույնքան սովոր շարժումով բարձրացնում գլուխը, տեսնում է նրան. Սովերը, դարպասից դուրս գալով, անծայն քայլում էր դեպի խանդակի վրայով գցված կամուրջը. վերջնաբառը նրանն էր: Նետո Ռոսսին հայտնում է միայն, որ մեջքով դառնալով խաղընկերոջը՝ արագ վերադարձել է, հասել կառքին ու կառապակին կարգադրել ողջ ուժով քշել ձիերը: Եվ այսպես, դերասանը տվյալ դեպքում փախչում էր իր մոտ եկած դերից: Բայց չէ՞ որ

Միգիզմունդ ԿՐԺԻԺՄՆՈՎՄԿԻ

կարող երևալ մնալ այնտեղ, կամրջի մոտ. դրա համար տաղանդ պետք չէր, ընդամենը՝ կամք: Բայց եկեք գործի դնենք պիեսը: Մեր կերպարը վաղուց սպասում է, ես չափից երկար ձգեցի նրա դադարը: Եվ այսպես...

Շտեռն: Ուրեմն ինձ այսպիսի՞ն կտեսնեն: Ինչպես դո՞ւ ես:

Դեր: Այո՛:

Շտեռն (*մտախոհ*): Այդպե՛ս: Էլի մի հարց. որտեղի՞ց ես դու: Ու ես եմ՝ որտեղից էլ լինես, ստիպված ես հեռանալ: Ես հրաժարվում եմ դերից:

Դեր (*վեր կենայով*): Ինչպես կուզեք:

Շտեռն (*հետևելով նրան*): Սպասի՛ր: Վախենում եմ, որ քեզ կարող են տեսնել: Չէի ուզի որեւէ մեկը, բացի ինձնից... հասկանում ես:

Դեր: Մի շտապեք ինձ առնել տարածության մեջ: Բանն այն է, որ ձեզ տեսնելը... այսպես ասենք, պարտադիր չէ: Մենք գոյություն ունենք, բայց՝ պայմանական: Ով ուզի կտեսնի, իսկ եթե ընդհանրապես չցանկանա, դա բռնություն է ու վատ ճաշակ. Հարկադրաբար իրական լինելը: Եվ եթե ձեզ մոտ, ձեր աշխարհում, դա դեռ չի վերացել, ապա...

Շտեռն: Սպասի՛ր, սպասի՛ր: Բայց չէ՞ որ ես ուզում էի ուրիշին տեսնել...

Դեր: Չգիտեմ: Հնարավոր է, որ խառնել են ուղեգրերը: Աշխարհից աշխարհ անցնելիս դա պատահում է: Հիմա մենք Համլետների հսկա պահանջարկ ունենք: Համլետբուրգը համարյա դատարկվել է:

Շտեռն: Չեմ հասկանում:

Դեր: Շատ պարզ է: Դուք արխիվներից եք պահանջել, իսկ ձեզ ուղարկել են կիսահումքից:

Շտեռն: Բայց ինչպե՞ս... լուծենք հանգույցը:

Դեր: Նույնպես պարզ է: Ես ձեզ կուղեկցեմ մինչև Համլետբուրգ, իսկ այնտեղ փնտրեք նրան, ով ձեզ պետք է:

Շտեռն (*շփոթված*): Բայց որտե՞ղ է դա: Եվ ինչպե՞ս հասնել:

Դեր: Որտե՛ղ: Դերերի երկրում: Այդպիսի երկիր էլ կա: Իսկ թե ինչպես՝ հնարավոր չէ ո՛չ պատմել, ո՛չ ցույց տալ: Կարծում եմ հանդիսատեսները կներեն, եթե մենք... փակ վարագույրի ետեւում...

Ուրը անխռով հայացքը պտտեց բոլորիս վրայով.

- Դերն, ըստ էության, իրավացի է: Ձեր թույլտվությամբ՝ վարագույր: Իսկ հիմա, երկրորդ դիրքը. փորձեք տեսնել աչքերից հեռացող հեռակարը՝ բոլոր կողմերից սահմանափակված խիստ մոտեցած պատերով ու գոթական կամարների դեպի վեր սրված կոշտ հիմնակմախքներով: Այդ ֆանտաստիկ թունելի մակերեսային վերից վար պատված է խայտաբղետ

թղթերի գույնզգույն քառակուսիներով, որոնց վրա տարբեր տառատեսակներով ու լեզուներով գրված է նույն բառը. Համլետ, Համլետ, Համլետ: Ներսում, խորքը փախչող բազմալեզու ազդագրերի տառերի տակ՝ բազկաթռուների՝ հեռվում կորչող երկու շարք: Բազկաթռուներում, սեւ թիկնոցներում փաթաթված, երկար շարանով՝ Համլետներ: Յուրաքանչյուրի ձեռքին՝ գիրք: Բոլորը կռացել են բացված էջերի վրա, գունատ դեմքերը կենտրոնացած են, աչքերը տողերից չեն կտրվում: Մեկ այստեղ, մեկ այնտեղ շրշում է թերթվող էջն ու կամացուկ, բայց չդադարող լսվում է.

- Բառեր, բառեր, բառեր:
- Բառեր - բառեր:
- Բառեր:

Կրկին հրավիրում եմ ձեզ, մտահղացողներ՝, ուշադիր զննել ուրուների շարքը: Տխրամած արքայազների սեւ բերետների տակ դուք կտեսնեք նրանց, ով ձեզ մտցրել է Համլետի հիմնախնդրի մեջ, այդ երկար ու նեղ, ողջ աշխարհով ձգվող խուլ միջանցքը: Ես, օրինակ, հիմա պարզ կարող եմ տեսնել,- ձախ երրորդ բազկաթռո՞ւ,- Սալվինիի Համլետի ընդգծված ուրվապատկերը, որ խոժոռել է հոնքերը միայն իրեն տեսանելի տեքստի վրա: Դեպի աջ ու հետո՝ ծանր հագուստի ծալքերի տակ՝ Սառա Բեռնարին հիշեցնող փխրուն ուրվագիծ. արծակած բրոնզե ճարմանդներով ծանր ֆոլիաները ձգում է նուրբ ու թույլ մատները, բայց աչքերը կառչել են գրքում թաքնված նշաններից ու իմաստներից: Ավելի մոտ, ազդագրի կարմիր բծի տակ՝ Ռոսսիի փքված, անհանգիստ ծալքերով դեմքն է. թարշամած այտը հենվել է ափին, արմուկներ՝ բազկաթռո՞ղի դրվագազարդ արմնկակալին. ձևկածալերի մկանները լարված են, իսկ քունքին տրոփում է զարկերակը: Եվ հետո, հեռանկարի խորքում, տեսնում եմ կանացի Քեմբելի նուրբ զծագրված դեմքը, Քինի սուր այտուկներն ու ամուր սեղմված բերանը, եւ ապա, տեսիլքի ծայրին, հետ ընկած, քամահրական ժպիտը շրթունքներին, կիսափակ աչքերով, մերթ հայտնվող, մերթ ցուլերի ու ստվերների դողի մեջ անհետացող՝ Ռիչարդ Բերբեջի հեզնոտ դիմակը: Ինձ համար դժվար է այստեղից տեսնել,- հեռու է, - բայց կարծես փակեց ծայրեծայր կարդացած գիրքը. թերթերը գոցած՝ հիմա նրա ձևկներին է: Հայացքս վերադառնում է. որոշ դեմքեր ստվերի մեջ են, մյուսները շրջվել են ինձնից: Այո՛, վերադառնում եմ ժամանակին ու գործողությանը:

Խորքի դուռը, փեղկը վարագույրի պես բացելով, կտրուկ լույս ու երկու կերպարանք է նետում դուրս. դիմացից, չիչերոնեի տեսքով, հանդի-

Միգիզմունդ ԿՐԺԻԺԱՆՈՎԱԿԻ

սավոր քայլում է Դերը, ետեւից՝ շուրջը նայող Շտեռնը: Ուրքերը սեւ տրիկոյի մեջ են, կոշիկների արծակված կապերը տարուբերվում են, ուսերին հապճեպ հագած կարճափեշ պիջակ է: Դանդաղ,- քայլ առ քայլ,- նրանք անցնում են ընթերցանության մեջ խորասուզված Համլետների շարքերի միջով:

Դեր: Ձեր բախտը բերեց: Հենց ձեզ անհրաժեշտ տեսարանին ենք հասել: Ընտրե՛ք. Շեքսպիրից միևնչեւ մեր օրերը:

Շտեռն (*ցույց է տալիս մի քանի դատարկ բազկաթոռ*): Իսկ սրանք ինչո՞ւ զբաղված չեն:

Դեր: Գիտե՞ք, դա գալիք Համլետների համար է: Այ եթե ինձ խաղայիք, ձեզ համար էլ տեղ կճարվեր, եթե ոչ այստեղ, ապա, ասենք, կողքից, աթոռակի վրա, ծայրին: Թե չէ, ի՛նչ վերջաբան փչացրինք՝ աշխարհից աշխարհ, դե ուրեմն ոտքի վրա մնացեք: Գիտե՞ք ինչ, եկեք նվաճումների երկրից տեղափոխվենք մտահոգացումների երկիր. այնտեղ ինչքան ուզես տեղ կա:

Շտեռն: Ո՛չ: Պետք է այստեղ փնտրել: Սա ի՛նչ է:

Կամարների աղեղների վրայով, բարձունքում, ծափահարության ձայներ են լսվում ու լռում:

Դեր: Ծափահարությունների երամն է: Երբեմն թռչում-հասնում են այստեղ, չվող թռչունների պես, աշխարհից աշխարհ: Բայց ավելի չեմ կարող մնալ: Մտահոգացարանում կարող են նկատել բացակայությունս: Միասին գնանք, հա՛:

Շտեռնը բացասական օրորում է գլուխը. ուղեկիցը հեռանում է. մենակ՝ բառերի միջեւ, բառերի մեջ: Ազահաբար, ինչպես մուրացկանը ցուցափեղկի ապակիների միջով, նայում է դերերի շարքերին: Քայլ, մյուսը: Տատանվում է: Աչքերը, աստիճանաբար թափանցելով մթության միջով, սկսում են տարբերել խորքում քարացած Ռիչարդ Բերբեջի հոյակապ կերպարանքը:

Շտեռն: Սա՛:

Բայց այդտեղ Համլետներից մեկը, որ գիրքը մի կողմ դրած՝ վաղուց ուշադիր հետետում էր եկվորին, բազկաթոռից վեր կենալով՝ հանկարծ փակում է նրա ճանապարհը: Շտեռնը շփոթված հետ է քաշվում, բայց Դերն ինքը մոլոր ու համարյա վախեցած է. կիսախավարից լույսի մեջ մտնելով՝ նա ի ցույց է դրել իր վատ կարած, ուրիշի հագից հանած թիկնոցի բոլոր անցքերն ու կարկատանները. Դերի վատ սափրած դեմքին շողոքորթ ժպիտ է:

Պեր: Դուք այնտղի՞ց եք: (Շտեռնը գլխով է անում): Այդպես էլ գիտեի: Կարելի՞ է հետաքրքրվել՝ ինչո՞ւ ինձ այլևս չեն խաղում: Չգիտե՞ք: Իհարկե, բոլորին հայտնի է, որ ողբերգակ Չամտուտըրսկին անուղղելի հարբեցող ու սրիկա է: Բայց այդպես չի կարելի, չէ՞: Նախելառաջ՝ նա ինձ չի սերտել: Պատկերացնում եք ինչ հաճելի է չսերտված լինել. Ոչ այն է կաս, ոչ այն է չկաս: Եվ այդ լինելիությունս մեջ, երրորդ արարում, գիտե՞ք, այնպես խճճվեցինք, որ եթե հուշարարը չլիներ... ես ասիս դրանից հետո՝ ոչ մի անգամ դեպի բեմեզր: Ոչ մի կրկնական: Ասացեք խնդրեմ, ի՞նչ է պատահել Չամուտըրսկիին, խումհարի մե՞ջ է, զբաղմունքն է փոխել: Եթե վերադառնաք, խնդրում եմ, ի ցույց դրեք նրան: Չի կարելի, չէ՞, այդպես. ինձ ծնել ես, ուրեմն խաղա ինձ: Թե չէ... (Շտեռնը, դեն հրելով նմանակմանը, փորձում է առաջ անցնել. բայց նա չի հանդարտվում): Իմ կողմից, եթե կարող եմ որեւէ բանով օգտակար լինել...

Շտեռն: Երրորդ գործողության գիրքն եմ փնտրում: Նրա իմաստի ետեւից եմ եկել:

Պեր: Այդպես էլ կասեիք: Միայն թե շատ չտարվեք: Չամտուտըրսկին էլ ձեզ նման այդ գրքի վրա էր կառուցում ամբողջ խաղը. Ինձ բանի տեղ չի դնում, քայլում է բեմի վրա ու՝ նորից գրքի մեջ: «Եթե, ասում է, Համլետին երրորդ գործողության մեջ թույլատրվում է նայել գիրքը, ապա ինչու չի կարելի երկրորդում կամ, ասենք, հինգերորդում: հենց դրա համար էլ, ասում է, վրեժ չի լուծում, որովհետեւ ժամանակ չունի. գրքամու, խորագիտակ, զբաղված մարդ, ինտելիգենտ՝ կարդո՞ւմ է, կարդո՞ւմ, կարդո՞ւմ, կտրվել չի կարող, սպանելու ժամանակ էլ չունի»: Այնպես որ, եթե հետաքրքրվում եք, խնդրեմ՝ Պոլեւոյի թարգմանությունը, Պավլենկովի հրատարակությամբ:

Շտեռնը, մի կողմ հրելով կաչուն զամտուտըրյան դերը, ուղղվում է հեռանկարի խորքը, դեպի Բերբեջի հպարտ ուրվապատկերը: Կանգնում է՝ չհամարձակվելով խոսել: Բերբեջը սկզբում չի նկատում, հետո կոպերը դանդաղ բարձրանում են:

Բերբեջ: Ի՞նչ է անում այստեղ ստվեր նետող այս արարածը:

Շտեռն: Որ նրան առնես քո ստվերի մեջ:

Բերբեջ: Ի՞նչ ես ուզում ասել, օտարական:

Շտեռն: Ուզում եմ ասել՝ մարդ եմ, որը նախանձում է իր ստվերին. նա գիտի ե՛լ նսեմանալ, ե՛լ փառաբանվել,- իսկ ես միշտ հավասար եմ ինձ, նույնը՝ նույն դյույմերով, օրերով, մտքերով: Ինձ վաղուց արդեն պետք չէ արելի լույսը, ես հեռացել եմ դեպի բեմեզրի լույսերը, ու ողջ կյանքում

Միգիզմունդ ԿՐԺԻԺԱՆՈՎԱԿԻ

փևտրում եմ Դերերի երկիրը, բայց այն չի ուզում ինձ ընդունել, չէ՞ որ ընդամենը մտահոգացող եմ ու չեմ կարողանում կյանքի կոչել քո գրքի ճարմանդների տակ պահված տառերը, օ՛ մեծն կերպար, դրանք հավետ չընթերցված կմնան ինձ համար:

Բերբեջ: Ի՞նչ իմանաս: Ես երեսուն տարի է՝ ապրում եմ այստեղ, մարած բեմեզրերից հեռու: Ժամանակը բավարար է բոլոր իմաստներն իմաստավորելու համար: Եվ գիտե՞ս, ավելի լավ է անխոս դերակատար լինել այնտեղ՝ երկրի վրա, քան գլխավոր այստեղ՝ խաղացված խաղերի աշխարհում: Ավելի լավ է լինել բուք ու ժանգոտած դաշույն, քան թանկարժեք, բայց դատարկ պատյան, եւ ընդհանրապես՝ ավելի լավ է թեկուզ ինչ-որ կերպ լինել, քան հրաշալի՝ չլինել: Ես հիմա չեի փորձի մտորել այդ երկրներանքի մասին: Եվ եթե դու իրոք ուզում ես...

Շտեռն: Այո՛, ուզում եմ:

Բերբեջ: Այդ դեպքում տեղփոխ լինենք: Իսկ ինչո՞ւ Դերը չխաղա դերը խաղացող դերասանին:

(Փոխանակում են թիկնոցները: Ընթերցանության մեջ թաղված Համլետները չեն նկատում, թե ինչպես է Բերբեջը վայրկենապես ընդունում Շտեռնի քայլվածքն ու շարժումները ու դեմքը թաքցնելով իջեցրած բերետի տակ՝ ուղղվում է դեպի ելքը):

Շտեռն: Կսպասեմ ձեզ *(Շրջվում է Բերբեջի դատարկ բազկաթոռի կողմը, որի վրա առկայծում են գրքի մետաղյա ճարմանդները):* Գիրքը մոռացավ: Ուշ է, զնաց: *(Նստելով բազկաթոռի եզրին՝ հետաքրքրությամբ զննում է գրքի փակ ճարմանդները: Բոլոր կողմերից կրկին էջերի շրջյուն ու կամացուկ «Բառեր-բառեր-բառեր»):* Կսպասեմ:

Հիմա երրորդ դիրքը. հետևաբեմ: Սուտքի մոտ, ցածրիկ աթոռակին նստած է Ֆեյա: Ծնկներին իր տետրն է: Ափերով ականջները փակված ու համաչափ ճոճվելով՝ սերտում է դերը:

Ֆեյա: Կար էի անում իմ սենյակում, երբ հանկարծ
Ներս վազեց...

Ներս է վազում Գիլդենը:

Գիլդեն: Շտեռնը չկա՞:

Ֆեյա: Ոչ:

Գիլդեն: Զգուշացրե՞լ ես նրան: Եթե այսօր էլ բաց թողնի փորձը, դերը կանցնի ինձ:

Բերբեջ (որը հայտնվել է շեմին, խոսողների թիկունքում, ինքն իրեն):
Ղերն անցել է, ճիշտ է, բայց ոչ նրանից եւ ոչ քեզ:

Գիլդենը դուրս է գալիս կողային դռնից: Ֆեյյան կորից խոնարհվում է
տետրի վրա:

Կար էի անում իմ սենյակում, երբ հանկարծ
Ներս վազեց Համլետը, թիկնոցը պատռված է,
Գլխարկ չկա գլխին, կեղտոտ գուլպաներն
Արձակված իջել են կրունկներին,
Գունատ է, ինչպես պատը, ծնկները ճկվում են,
Աչքերը փայլում են մի տարօրինակ լույսով,
Ասես եկել է մի ուրիշ աշխարհից,
Որ մեզ պատմի նրա սարսափների մասին:
Այդպիսին...

Բերբեջ (ավարտում է): «Այդպիսին հայտնվեց նա»: Աղպես չէ՞: Ծնկնե-
րը ճկվում են... հարկավ՝ գալ այդքան հեռվից: Բայց պատմելը շատ եր-
կար կտեսեր:

Ֆելիա (ապշած նայում է եկվորին): Ինչ լավ ես մտել դերի մեջ, սիրե-
լի՛ս:

Բերբեջ: Ձեր սիրելին ուրիշ դերի մեջ է մտել:

Ֆելիա: Եվ այն քեզնից ուզում էին խլել. ես երեկ նամակ ուղարկեցի:
Ստացել են:

Բերբեջ: Վախենամ, որ նամակները չեն հասնում անտեղ: Ու նաե՛ւ
ինչպե՞ս խլել դերը խլված դերասանից:

Ֆելիա: Տարօրինակ ես խոսում:

- «Տարօրինակ, հանց

Օտար ճամփորդին պահես տանդ մեջ»:

Ներս մտած Թայմերը, Գիլդենն ու մի քանի դերասաններ ընդհատում
են երկխոսությունը:

- Բեմադրիչ Թայմերի արտաքինը չհորինենք, թող նման լինի թեկուզ
ինձ. ցանկացողներին խնդրվում է նայել,- լսողներին նայելով՝ ժպտաց
Ռարը:

Բացի ինձնից, կարծես ոչ ոք չվերադարձրեց նրա ժպիտը. մտահոգ-
ողները, լռակյաց շրջանակը սեղմելով, ոչնչով ու ոչ մի կերպ չարտահայ-

Միգիզմունդ ԿՐԺԻԺԱՆՈՎԱԿԻ

տեցին իրենց վերաբերմունքը պատմության հանդեպ:

- Թայմերին տեսնում եմ որպես փորձարար, համար հաշվարկու, որը հետեւում է տեղադրման մեթոդներին. Բեմադրական սխեմաներում տեղադրված մարդիկ նրան պետք են, ինչպես մաթեմատիկոսին՝ թվերը. երբ գալիս է այս կամ այն թվի ժամանակը, գրանցում է, երբ թվի հերթն անցնում է, ջնջում է իր գործն արած նշանը: Հիմա տեսնելով նրան, ում Շտեռ-կի տեղն է ընդունում, Թայմերը զարմացած եւ Լույսիսկ զայրացած չէ:

Թայմեր: Ըհը՛: Եկանք: Իսկ դերը գնացել է: Ուշ է. Համլետ խաղում է Գիլդենը:

Բերբեջ: Մխալվում եք. դերասանն է գնացել, ոչ թե դերը: Պատրաստ եմ ծառայել:

Թայմեր: Չեմ ճանաչում ձեզ, Շտե՛ռն: Կարծես թե միշտ խուսափել եք խաղալուց, այդ թվում՝ բառերով: Դե ինչ: Երկու դերասան՝ Լույս դերի՞ն: Ուշադրություն. վերցնում եմ դերն ու կիսում: Դա դժվար չէ. ընդամենը պետք է գուշակել խզման գիծը: Չէ՞ որ Համլետն, ըստ էության, այդ-ի ու ոչ-ի գոտեմարտ է. հենց դրանք էլ կլինեն մեր ցենտրոգոմները, որոնք բջիջը բաժանում են երկու ևոր բջիջների: Եվ այսպես, փորձենք. երկու թիկնոց տվեք՝ սեւ ու սպիտակ (*Արագ նշումներ է անում դերերով տետրերին, մեկը, թիկնոցի հետ, տալիս է Բերբեջին, մյուսը, սեւի հետ՝ Գիլդեն-կին*): Գործողություն երրորդ, տեսարան առաջին: Պատրաստվե՛ք: Մե՛կ, երկո՛ւ, երե՛ք, վարագույրը գնա՛ց:

Համլետ I (սպիտակ թիկնոց): Լինե՛լ:

Համլետ II (սեւ թիկնոց): Թե՞ չլինել: Այս է խնդիրը:

Համլետ I: Ո՞րն է ճիշտ:

Համլետ II: Ո՞րն է ավելի ազնիվ:

Համլետ I: Տանել չար բախտի

Սլաքներն ահեղ: Օ՛, ոչ:

Համլետ II: Թե ոտքի ելնել փորձությունների

Ահեղ ծովի դեմ:

Համլետ I: Ու կյանքն ավարտել:

Համլետ II: Ոչ, քուն մտնել գուտ:

Համլետ I: Ոչի՞նչ ավելի:

Համլետ II: Այո՛, եւ գիտնալ, թե քունն այդ իսպառ

Վերջ կտա բոլոր վիշտ ու ցավերին...

Համլետ I: Բայց չէ՞ ողջերի վիճակն է տխուր...

Համլետ II: Վախճանն այդպիսի արժանի է շոգ ցանկություններին:

Համլետ I: Մեռնե՛լ:

Համլետ II: Զուն մտնել:

Համլետ I: Իսկ եթե մահվան քնի ժամանակ
Կրկին տեսիլքներ գան, երբ թոթափած
Լինենք երկրային ունայնությունը:

Համլետ II: Այո՛, գոցում է դա հեռվի ճամփան,
Ու տառապանքը հավերժ է դառնում:

Ո՞վ կդիմանա դարի ծաղրանքին ու խարազանին,
Հալածանքներին բռնակալի եւ
Անգորությանը օրենքների խեղճ,
Հպարտի անկման, սիրուն մոռացված...

Համլետ I: Արհամարհանքին մեծամիտների...

Համլետ II: Այո՛, ու եթե հանգիստ պարգևներ
Մի հարվածը մեզ:

Բայց հետմահուի վա՛խը մշտական -
Անհայտի երկիր, որտեղից ոչ մի ճամփորդ
Երբեւէ չի վերդարձել...

Համլետ I: Ճիշտ չէ, դարձել է...

Բոլորը զարմացած նայում են Բերբեջին, որը մենախոսությունն ընդ-
հատելով՝ արդեն սկսում էր տրոհվել երկխոսության մեջ:

Թայմեր: Սա դերից չէ:

Բերբեջ: Այո՛, սա Դերերի թագավորությունից է: *(Նա ընդունել է նախ-
կին կեցվածքը՝ պատանի պես ճերմակ թիկնոցից վեր՝ հետ գցած քա-
մահորոտ կավճածերմակ դիմակ. աչքերը փակ են, շրթունքներին՝ խեղկա-
տակի ժպիտ):* Երեք հարյուր տարի առաջ էր: Վիլլին Ստվեր էր խաղում,
ես՝ իշխան: Առավոտից հեղեղի պես անձրեւ էր թափվում, ու պարտերն
ամբողջովին ջրափոսների մեջ էր: Բայց ամեն դեպքում շատ ժողովուրդ էր
հավաքվել: Տեսարանի վերջում, երբ ես արտասանեցի «շավից սայթա-
քած աշխարհի» մասին, հասարակության մեջ բռնեցին մի գողի, որ ու-
րիշի փեռներ էր թոցրել: Գործողությունն ավարտեցի ջրափոսերն անց-
նող ոտքերի չփչփոցի ու խուլ «գո՛ղ-գո՛ղ-գո՛ղ» բացականչությունների
տակ: Թշվառականին անմիջապես, ինչպես մեզ մոտ ընդունված էր,
բարձրացրին բեմ ու կապեցին սյանը: Երկրորդ ակտում գողը շփոթված
էր ու դեմքը փախցնում էր վրան պարզված մատներից: Բայց տեսարան
տեսարանի ետեւից հարմարվեց եւ, իրեն համարյա խաղի մեջ զգալով,
ավելի ու ավելի լկտիանալով՝ սկսեց ծամաճռություններ, դիտողություն-

Միգիզմունդ ԿՐԺԻԺԱՆՈՎԱԿԻ

ներ անել ու խորհուրդներ տալ, մինչև որ նրան սյունից արծակելով՝ ցած շարտեցինք բեմից: (*Հանկարծ դառնալով Թայմերի կողմը*): Չգիտեմ ինչը կամ ով է քեզ կապել խաղին, բայց եթե կարծում ես, որ քո գողացած չնչին մտքերը,- հատը՝ մեկ փենս,- կարող են ինձ ավելի հարուստ դարձնել, ինձ, ում համար գրված են այս տողերը,- ստացիր քո գրոշներն ու դո՛րս խաղից:

Դերը նետում է Թայմերի դեմքին: Իրարանցում:

Ֆելիա: Ուշքի արի, Շտե՛ռն:

Բերբեջ: Իմ անունը Ռիչարդ Բերբեջ է: Եվ ես արծակում եմ քեզ, մանր գո՛ղ: Դո՛րս Դերերի թագավորությունից:

Թայմեր (*գունատ, բայց հանգիստ*): Շնորհակալ եմ, կօգտվեմ արծակված ձեռքերից, որպեսզի... ախր, կապե՛ք դրան, տեսնում եք՝ խելագարվել է:

Բերբեջ: Այո՛, ես իջա ձեր աստիճանին, մարդի՛կ, այնտեղից, որ վեր է բոլորիդ խելքից, եւ դուք չընդունեցիք...

Նետվում են Բերբեջի վրա՝ փորձելով կապել: Նա, պայքարի տենդում բղավում է, հասկանո՞ւմ եք, բղավում է բոլորի վրա.. այ այստեղ, ես հիմա...

Եվ անհասկանալի բառեր քրթմնջալով՝ պատմողը ձեռքն արագ տարավ գրպանը. ինչ-որ բան շրշաց սերթուկի սեւ դարձածալի տակ: Եվ անմիջապես էլ ընդհատեց խոսքը՝ չռված բիբերով նայելով լսողներին: Պարանոցներն անհանգիստ ձգվեցին: Աթոռները տեղաշարժ եղան: Նախագահը վեր թռավ ու տիրական ձայնով դադարեցրեց աղմուկը.

- Ու՛ր,- գոչեց նա,- դուք տառե՛ր եք բերել այստեղ: Մեզնից թաքո՞ւն: Տվեք ձեռագիրը: Անմիջապես:

Ռարը կարծես տատանվում է: Հետո քար լուռության մեջ նրա ձեռքերը դուրս են լողում սերթուկի դարձածալի տակից. մատների արանքում, թեթեակի դողալով, ճերմակին է տալիս քառածալ տետրը: Նախագահը, ձեռագիրը խլելով՝ աչքերն արագ սահեցնում է նշանների վրայով. տետրը համարյա զգվանքով է բռնել, անկյունից, ասես վախենում է կեղտոտվել թանաքագիր տողերին դիպչելուց: Հետ Ձեզը դառնում է բուխարու կողմը, փայտը համարյա ամբողջովին վառվել-վերջացել է, ու միայն մի քանի ածուխ, կարմրին տալով, շարունակում են վլվլալ ցանցի վրա:

- Կանոնադրության հիևգերերդ կետով՝ ձեռագիրը դատապարտվում է մահվան, առանց թանաք հեղելու: Առարկություննե՛ր:

Ոչ ոք տեղից չշարժվեց:

Նախագահը ձեռքի կարճ շարժումով տեսողը նետեց ածուխների վրա: Ասես կենդանի՝ այն տառապագին գալարեց էջերը, կամացուկ ու բարակ թշնամի. կապտին տվեց ծիխ գալարը, հակկարծ ներքեւից բարձրացավ բողբ, եւ երեք րոպե անց նախագահ Չեզը, բուխարու ունելու կտրուկ հարվածներով մոխրացնելով այն, ինչ վերջերս դեռ պիտե էր, մի կողմ դրեց ունելին, դարձավ պատմողին եւ ատամների արանքից նետեց.

- Շարունակե՛ք:

Սովորական արտահայտությունը անմիջապես չվերադարձավ Ռարի դեմքին. երեսում էր, որ դժվարությամբ է տիրապետում իրեն, բայց եւ այնպես կորից խոսեց.

- Դուք ինձ հետ վարվեցիք, ինչպես իմ կերպարները՝ Բերբեջի հետ: Դե ինչ, տեղն է եւ՛ նրան, եւ՛ ինձ: Շարունակում եմ. այսինքն, քանի որ բառերը, որ ուզում էի կարդալ, այլեւս անհնար է կարդալ,- նա արագ նայեց բուխարու ցանցին. վերջին ածուխները կայծկլտում ու մարում էին,- բաց եմ թողնում տեսարանի վերջը: Բոլորին պարզ է, որ կատարվողից վախեցած՝ Ֆելիան դերի հետ անցնում է Գիլդենին: Վերջին եւ չորրորդ դիրքը մեզ ստիպում է վերադառնալ Շտեռնին:

Սնալով Դերերի թագավորությունում՝ Շտեռնը սպասում է Բերբեջի վերադարձին: Անհամբերությունը վայրկյան առ վայրկյան աճում է: Այնտեղ, երկրի վրա գուցե արդեն գնում է ներկայացումը, եւ հանճարեղ դերն իր փոխարեն խաղում է իրեն: Սլաքածեւ կամարների տակ ճախրում է ծափերի երամը:

- Ի՞նձ:

Հուզված Շտեռնը փորձում է դիմել իրեն շրջապատող՝ իրենց գրքերի մեջ խորացած Համլետներին: Նրան տանջում են հարցերը. կռանալով հարեանի ականջին՝ ասում է.

- Դուք պետք է հասկանաք ինձ: Չէ՞ որ գիտեք՝ ինչ է փառքը:

Ի պատասխան.

- Բառեր-բառեր-բառեր...

Եվ հարցվածը, գիրքը փակելով, հեռանում է: Շտեռնը՝ մյուսին.

- Ես օտար եմ բոլորին: Բայց ինձ սովորեցրեք բոլոր լինել:

Եվ մյուս Համլետն էլ, խիստ նայելով, փակում է գիրքը.

- Բառեր-բառեր:

Երրորդին.

- Այնտեղ, երկրի վրա ես թողել եմ աղջկան, որ սիրում է ինձ: Նա ինձ ասում էր...

Միգիզմունդ ԿՐԺԻԺՄՆՈՎԱԿԻ

- Բառեր:

Եվ ամեն հարցի հետ, ասես ի պատասխան, Համլետները վեր են կենում՝ ու փակելով գրքերը՝ իրար ետևից հեռանում:

- Իսկ եթե Բերբեջը... Հանկարծ չցանկանա վերադառնալ: Այդ դեպքում ինչպե՞ս գտնեմ ճանապարհը դեպի այնտեղ, հետ: Եվ դուք, ինչո՞ւ եք դուք լքում ինձ: Բոլորը մոռացել են. եւ գուցե նա էլ՝ բոլորի պես: Բայց չէ՞ որ երդվում եր...

Ու կրկին.

- Բառեր-բառեր:

- Ո՛հ, բառեր չեն: Բառերը վառվել են: Նրանց,- տեսել եմ,- ծեծում էին բուխարու ունեյիով,- լսո՞ւմ եք...

Ուրը ծեռքը տարավ ճակատին:

- Ներեցե՛ք, ամեն ինչ խառնվել է. ատամն ընդ ատամն: Երբեմն պատահում է: Թույլ տվեք՝ կրճատումներով:

Եվ այսպես, Համլետների շարանը լքեց Շտեռնին, նրանց ետևից սողում են նաև ազդագրերի խայտաբղետ բծերը, նույնիսկ դրանց վրայի տառերը, տողերից դուրս թռչելով, փախչում են հեռու: Դերերի թագավորության ֆանտաստիկ հեռապատկերը վայրկյան առ վայրկյան փոխում է տեսքը: Սակայն Բերբեջի մոռացած գիրքը մնացել է Շտեռնի ծեռքին: Հիմա արդեն հապաղելն իմաստ չունի. եկել է իմաստն ուժով խլելու, գաղտնիքը բացելու ժամանակը: Բայց գիրքն ամուր մետաղյա ճարմանդներ ունի: Շտեռնը փորձում է բացել կազմը: Գիրքը դիմադրում է՝ թերթերն ամուր սեղմելով իրար: Կատաղությամբ բռնված, մատներն արևտելով՝ Շտեռնը համենայնդեպս կտորում է բառերի գաղտնարանը: Բացված էջերին.

- Actus morbi: Հիվանդության պատմություն: Հիվանդ համար... Այսպես: Շիզոֆրենիա: Ընթացքը՝ սորմալ: Նոպա: Տերմություն: Կրկնական: Զառանցական գաղափար. ինչ-որ «Բերբեջ»: Ստամոքսը՝ սորմալ: Ընթացքը տեսական է դառնում: Անբուժ...

Շտեռնը բարձրացնում է աչքերը. կամարակապ, երկար հիվանդանոցային միջանցք: Համարակալված դռների երկարությամբ, աջից ու ձախից՝ բազկաթոռներ հիվանդասենյակի հերթապահի եւ այցելուների համար: Միջանցքի խորքում՝ գրքի մեջ թաղված, սպիտակ լայն խալաթի մեջ փաթաթված սանիտարը: Նա չի նկատում, որ հեռապատկերի խորքում դուռը բացվում է, եւ արագ ներս են մտնում երկու հոգի. տղամարդ ու կին: Տղամարդը դառնում է ուղեկցուիուն.

- Որքան էլ վատ է զգում, ինձ պետք էր ժամանակ տալ դիմահարդարման ու կոստյումս հանելու համար:

Չայնիս դառնալով՝ սանիտարն ապշում է. այցելուների հագին՝ հանված վերնազգեստների տակ, Համլետի եւ Օֆելիայի թատերական հագուստներն են:

- Դե, ահա, տեսնո՞ւմ ես, այդպես էլ գիտեի, որ աչքները չռելու են մեզ վրա: Ինչի՞ համար էր այս շտապողականությունը:

- Սիրելի՛ս, իսկ եթե հանկարծ չհասցնեի՞նք: Չէ՞ որ եթե նա ինձ չլսեի...

- Բնահաճություններ:

Սանիտարը միանգամայն շփոթված է: Բայց Շտեռնը պայծառացած դեմքով վեր է կենում այցելուներին ընդառաջ.

- Բերբե՛ջ, վերջապե՛ս: Եվ դու, միա՛կս: Օ՛, ինչպես էի սպասում քեզ եւ քեզ: Բերբե՛ջ, մտածում էի, որ ինձնից գողացել ես եւ՛ նրան, եւ՛ դերը, ուզում էի քեզնից խլել քո բառերը. նրանք վրեժ լուծեցին՝ ինձ խելագար կոչելով: Բայց չէ՞ որ դրանք ընդամենը բառեր են, դերի բառեր,- եթե պետք է խելագար խաղալ, թող այդպես լինի, ես կխաղամ: Միայն թե ինչո՞ւ այդպես անսպասելի փոխեցին բեմահարդարանքը: Սա ինչ-որ ուրիշ պիեսից է: Բայց ոչի՛նչ. մենք դերից դեր կանցնենք, պիեսների շարքով, ավելի ու ավելի հեռուն, Դերերի անսահման թագավորության խորքը: Իսկ ինչո՞ւ գլխիդ պսակ չկա, Օֆելիա: Չէ՞ որ խելագարության տեսարանում քեզ սուսամբար ու փեզենա է հարկավոր: Ո՞ր ես:

- Հանել եմ, Շտե՛ռն:

- Այո՞: Իսկ զուցե ջրահեղձ ես եղել ու չգիտես, որ արդեն չկաս եւ քո ծաղկեպսակն էլ հիմա լողում է եղեգների ու ջրաշուշանների մեռյալ ծփանքի վրա, ու ոչ ոք չի լսում ինչպես...

- Այստեղ թերեւս ընդհատեմ: Առանց ավելորդ հավելագարողների,- Ռարը վեր կացավ:

- Բայց թույլ տվե՛ք,- նրա վրա սեւեռվեցին Դյաժի կյոր ակնապակիները,- եւ ի՛նչ, նա մեռնո՞ւմ է, թե՞ ոչ: Ու նաեւ ինձ պարզ չէ...

- Զի՞չ բան կա, որ ձեզ պարզ չէ: Ես փակել եմ սրնգի բոլոր անցքերը: Վե՛րջ: Մնացածի մասին սրնգահարը չի հարցնի. ինքը պիտի իմանա: Եվ ընդհանրապես, յուրաքանչյուր հիմնականից հետո որոշակի մնացած է մնում: Այդ կետում համամիտ եմ Համլետին. «Մնացյալը լռություն է»: Վարագո՛ւյր:

Ռարը մոտեցավ դռանը, երկու անգամ ձախ պտտեց բանալին ու շե-

Միգիզմունդ ԿՐԺԻԺԱՆՈՎԱԿԻ

մից խոնարհում անելով՝ անհետացավ: Մտահոգացողները լուռ ցրվեցին: Տաստերը, ձեռքս բռնելով, սկսեց ներողություն խնդրել, որ ցավալի անակնկալը փչացրեց երեկոն, եւ հիշեցրեց գալիք շաբաթ օրվա մասին:

Փողոց դուրս գալով՝ հեռվում տեսա Ռարի թիկունքը. նա անմեջապես էլ անհետացավ նրբանցքներից մեկում: Ես արագ էի քայլում՝ նրբանցքից նրբանցք, փորձելով բացել զգացողություններիս կծիկը: Ինձ թվում էր՝ այդ երեկոն սեւ դաշույնի պես խրվել է կյանքիս մեջ: Պետք է դուրս քաշել: Բայց ինչպե՞ս:

3

Հաջորդ շաբաթ օրը, մթնշաղին, նորից Տառասպանների ակումբում էի: Երբ ներս մտա, բոլորն արդեն հավաքվել էին: Աչքերով գտա Ռարին. նստած էր նույն տեղում, ինչ նախորդ անգամ, դեմքը մի փոքր սրված էր թվում, աչքերը խոր թաղվել էին ակնախոռոչներում:

Այս անգամ բանալին ու բառը Թյուդինն էին: Դրանք ստանալով՝ Թյուդն ուշադիր զննեց բանալու ակոսը, ասես այնտեղ փնտրելով թեման, հետո, հայացքը դարձնելով բառերին, սկսեց իրար հետեւից զգուշորեն հանել դրանք՝ նույնքան խնամքով էլ զննելով ու ծանրութեթեւ անելով: Սկզբում դանդաղ՝ հետո ավելի ու ավելի արագ շարժվեցին բառերը, համարյա իրար առաջկտրուկ անելով, պատմողի սրված այտամկաններիս պուտ-պուտ կարմիր հայտնվեց: Բոլորը դարձան նրա կողմը:

- Ավանակի տուն: Սա վերնագիրն է: Պատկերացնում եմ, ասենք, նովելի տեսքով: Իմ թեման հայտնվում է մեր ժամանակներից շուրջ հինգ դար առաջ: Վա՛յրը: Թեկուզ մի փոքրիկ գյուղակ՝ Ֆրանսիայի հարավում: Քառասուն-հիսուն տուն, կենտրոնում՝ հին եկեղեցի, շուրջը՝ խաղողի այգիներ ու բերրի դաշտեր: Հիշեցնեմ. հենց այդ դարաշրջանում եւ այդ վայրերում է ծագել Ավանակի տոների ավանդույթը, այսպես կոչված՝ Festa asinorum-ը. այս վերջին լատինական անվանումը եկեղեցուն է, որի թույլտվությամբ ու օրհնանքով ավանակի տոնն անցնում էր քաղաքից քաղաք եւ գյուղից գյուղ: Իսկ ծագել է այսպես. առավել խրատականության համար ծաղկազարդի շաբաթ օրը բեմականացնելով Քրիստոսի նախամահու օրերը՝ անտիֆոնների երգեցողության տակ ներս էին բերում մի ավանակ՝ սովորական, որեւէ գյուղացուց վերցված ավանակ, որը պետք է հիշեցներ Ավետարաններում փառաբանված կենդանուն, որն իր բոլոր նշաններով օրենքից ու մարգարեներից արված մեջբերումների ստուգումն անցած՝ ընտրվել էր իր նախախնամական դերի համար: Սկզբում,

կարելի է եկթաղրել, տարօրինակ կերպով պատարագի մեջ ընդգրկված գյուղական իշուկը ոչինչ չէր արտահայտում, բացի շփոթմունքից ու հետ՝ ախոռ վերադառնալու ցանկությունից: Բայց շատ շուտով Ավանակի տունը վերածվեց յուրատեսակ հակառակ պատարագի, ծանրացավ հազարավոր սրբապղծություններով, մոլեգնությամբ ու շվայտությամբ. հռիռացող գեղջուկներով շրջապատված, աղմուկ-աղաղակի ու մահակի հարվածների կարկտի տակ, վախից խելագարված ավանակը գոում ու քացի էր տալիս: Եկեղեցու սպասավորները ավետարանական կենդանու ականջներն ու պոչը բռնած՝ քաշում էին դեպի բեմասեղանը: Ետեւից ոռնում էր ամբոխը՝ անպարկեշտ երգեր երգելով ու հայիոյանքներ բղավելով եկեղեցական թեմաներով: Ամեն կարգի ևողկանքով լցված բուրվառները, կատաղի ճոճվելով, տաճարը լցնում էին ծխով ու զարշահոտությամբ: Սրբազան թասերից սիրո ու գինի էր հորդում, կոժում էին, աստվածանարգություն անում ու քրքջում, երբ մեծարված ավանակը վախից թրթում էր խորակի սալերին: Հետո այդ ամենը ընդհատվում էր: Տոնն առաջ էր անցնում, իսկ պղծության տրված գեղջուկները կրկին, աստվածավախ խաչակնքելով, երկար պատարագների էին կանգնում, զոհաբերում վերջին պղնձադրամները տաճարի բարեգարդության համար, մոմեր էին վառում սրբապատկերների առաջ, հնազանդ կրում ապաշխանանքն ու կյանքը: Մինչևեւ ևոր ավանակապաշտություն:

Կտավը նախաներկված է: Անցնենք առաջ:

Ֆրանսուազան ու Պիեռը սիրում էին իրար: Պարզ ու պինդ: Պիեռը շրջակա խաղողի այգիներում աշխատող հաղթանդամ տղա էր: Ֆրանսուազան ավելի նման էր տաճարի պատերին ոսկե լուսապսակով շրջանակված կանանց, քան հարեանությամբ ապրող աղջիկներին: Բայց նուրբ գծագրված գլխի շուրջը, հասկանալի է, ոսկե պսակ չկար, քանի որ մոր միակ օգնականն էր, եւ այդ հավելվածը միայն կարող էր խանգարել աշխատելիս: Ֆրանսուազային սիրում էին բոլորը, եւ նույնիսկ գառամյալ հայր Պաուլինը նրան հանդիպելիս ամեն անգամ ժպտում ու ասում էր. «Ահա Աստծո առաջ վառվող մի հոգի»: Եվ միայն մի անգամ հայր Պաուլինը չասաց իր «ահա մի հոգի»-ն. երբ Ֆրանսուազան ու Պիեռը եկել էին նրա մոտ, հայտնելու, որ ուզում են ամուսնանալ:

Առաջին հայտարարությունը կիրակնօրյա պատարագից հետո էր. Ֆրանսուազան ու Պիեռը, գավիթում կողք կողքի կանգնած, սրտի դողով սպասում էին. ծեր քահանան դանդաղ բարձրացավ ամբիոնի աստիճաններով, բացեց պատարագամատույցը, երկար փնտրեց ակնոցը, եւ այդ

Միգիզմունդ ԿՐԺԻԺԱՆՈՎԱԿԻ

ժամանակ միայն հնչեցին կողք կողքի կանգնածների անունները՝ իրար ետեւից, խնկի ու արեւի միջով:

Երկրորդ հայտարարությունն ընկավ երեկոյան ժամերգությանը, չորեքշաբթի: Պիեռը չկար. չէր կարող բացակայել աշխատանքից: Բայց Ֆրանսուազան եկավ: Տաճարի կիսախավարը դատարկ էր. միայն երկու-երեք մուրացկան կին մուտքի մոտ, ու դարձյալ զառամ հայր Պաուլինը ամբիոնի կտրուկ աստիճանները ճռռացնելով բարձրացավ կամարներին ընդառաջ, հանեց պատարագամատույցը, փարաջայի գրպաններում գտավ ակնոցն ու միացրեց անունները. Պիեռ-Ֆրանսուազա:

Երրորդը նշանակված էր շաբաթ օրը: Բայց հենց այդ օրը,- անսպասելի ու մոլեգին,- հորդեց Ավանակի տոնը: Եկեղեցուն մոտենալով՝ Ֆրանսուազան դեռ հեռվից լսեց ընդառաջ եկող աղաղակներն ու վայրի ոռնոցը: Կանգ առավ գավթի աստիճանների առաջ՝ տատանվելով, ինչպես բոցը քամու տակ: Բաց դռներից գազանի ու մարդու ձայներով ոռնում ու մոլեզնում էր Ավանակի տոնը: Ֆրանսուազան ցանկանում էր հետ դառնալ, բայց այդ պահին վրա հասավ Պիեռը. երիտասարդն այլևս չէր կարող սպասել. բահ ու բրիչին սովոր ձեռքերը Ֆրանսուազային էին ուզում: Եւ գտավ մոլեզնող տաճարից փակ փեղկերով մեկուսացած հայր Պաուլինին ու շփոթված, բայց համառ խնդրեց չհետաձգել վերջին հայտարարությունը: Ծեր քահանան լուռ լսեց, նայեց մի կողմ քաշված Ֆրանսուազային, միայն աչքերով ժպտաց եւ նույն կերպ, առանց մի բառ ասելու, արագ դիմեց դեպի տաճարի բաց դուռը. փեսան ու հարսը՝ ետեւից: Ըեմին Ֆրանսուազան փորձեց ձեռքը խլել Պիեռի ձեռքից, բայց նա բաց չթողեց: Իրար գլխի թափված մարդկանց ոռնոցը, հարյուրավոր կոկորդների քրքիջն ու ավանակի համարյա մարդկային տառապալի զոռը խլացրին Ֆրանսուազային: Լայնացած բիբերը զարշահոտ բուրվառների ծխի միջով նախ տեսան միայն ամբոխի վեր պարզած ձեռքերը, բաց բերաններն ու չոված, արևակոխ աչքերը: Հետո՝ աստիճան-աստիճան բարձրացող քահանայի խաղաղ եւ իմաստուն դեմքը: Նրան տեսնելով՝ բոլորը մի պահ լռեցին. հայր Պաուլինը, գլուխների ծովի վերելում կանգնած, բացեց պատարագամատույցն ու անշտապ դրեց ակնոցը: Լռությունը երկարեց:

- Հռչակում երրորդ: Հանուն Հոր...,- խուլ գվվոցը, ինչպես եռացող կաթսայի կափարիչի տակից, կռիվ էր տալիս քահանայի թույլ, բայց հստակ ձայնի դեմ,- պսակադրվում են Աստծո ծառա Ֆրանսուազան...

- Ու է՛ս:

- Ու է՛ս: Ու է՛ս:

- Ու է՛ս... Ու է՛ս.. Ու է՛ս,- մոնչում էր բազմակոկորդ ամբոխը: Կաթսան թոցրեց կափարիչը: Եվ պարունակությունը, խլթխլթալով ու պղպջակները չռած, ճչում, ծղրտում ու գվվում էր:

- Ու է՛ս... Ու է՛ս...

Եվ նույնիսկ ավանակը, փրփրակալած մոռուքը հարսնացուին դարձնելով, հանկարծ բացեց բերանն ու զռաց.

- Ուե՛նե՛նե՛ս:

Կիսամեռ Ֆրանսուազային հանեցին զավիթ: Վախեցած ու շփոթված Պիեռն իրար էր անցել նրա մոտ՝ փորձելով ուշքի բերել:

Իսկ հետո ամեն ինչ իր կարգով գնաց. սիրահարները պասկվեցին: Այստեղ, թվում է, վերջ պատմությանը: Բայց իրականում՝ սա միայն սկիզբն է:

Նորապսակները մի քանի ամիս ապրում էին սիրտ սրտի, մարմին մարմնի: Յերեկը նրանց բաժանում էր աշխատանքը, գիշերը նրանց վերադարձնում էր իրար: Նույնիսկ երագները, որ առավոտյան պատմում էին իրար նույնական էին:

Բայց ահա մի անգամ, կեսգիշերից հետո, երկրորդ աքլորականչից առաջ, Ֆրանսուազային,- նա ավելի զգոն էր քնում,- արթնացրեց ինչ-որ անսպասելի աղմուկ: Ափերով բարձին հենվելով՝ սկսեց ականջ դնել. աղմուկը, սկզբում խուլ ու հեռու, աստիճանաբար աճում ու մոտենում էր, գիշերվա միջով, ասես քամուց քշված, ձայների աղոտ գվվոց լիներ, որ ընդհատվում էր գազանի ոռնոցով, էլի մի թոպե՛՛ն արդեն հնարավոր էր տարբերել առանձին, մերթընդմեջ ճչացող ձայները, ես մի թոպե, ու բառերը լսելի դարձան. «Ու է՛ս - ու է՛ս...»: Կարկամած Ֆրանսուազան զգույշ վեր կացավ մահճակալից, մոտեցավ դռանը եւ ոտաբոբիկ, միտակ գիշերանոցով, ականջը հպեց դռանը. այո՛, նա՛ էր՝ Ավանակի տոնը. Ֆրանսուազան գիտեր: Գիշերագողերի պես հայտնված հարյուրավոր ու հազարավոր փեսացուներ, իրար հերթ չտալով, խնդրելով ու պահանջելով՝ կրկնում էին իրենցը. «Ու է՛ս - ու է՛ս»: Բյուր ու բյուրավոր կատաղի ավանակային հարսանիքներ էին պատվում տան շուրջը, հարյուրավոր ձեռքեր անհամբեր թակում էին պատերը, դռան ճեղքերից արբեցնող ծուխ էր խփում, եւ ինչ-որ մեկը ընդհուպ մոտենալով շեմին՝ տառապագին-կամաց կանչեց. «Ֆրանսուա՛զա, ու է՛ս...»:

Ֆրանսուազան չէր հասկանում ինչպե՞ս կարող է այդպես խոր քնել Պիեռը: Մահացու սարսափը պատեց նրան. հանկարծ ու զարթնի եւ ամեն ինչ իմանա: Նա դեռ չէր հասկանում այդ ամենի տառապանքն ու

Միգրիգմունդ ԿՐԺԻԺՄՆՈՎՄԿԻ

մեղքը. ծանր սողնակը տեղի տվեց, դուռը բացվեց, եւ նա, համարյա մերկ, ընդառաջ ելավ Ավանակի տունին: Եվ անմիջապես էլ շուրջը ամեն ինչ լռեց, բայց՝ ոչ նրա ներսում: Ֆրանսուազան քայլում էր, բոբիկ ոտքերով՝ խոտին, չհասկանալով՝ ուր եւ ում մոտ: Ոչ հեռու դոփեցին սմբակները, զևզացին ասպանդակները, ինչ-որ մեկը կամացուկ կանչեց նրան. գուցե թափառիկ ասպետ է, որ անլուսին գիշերով շեղվել է ճանապարհից, գուցե անցվոր վաճառական, որ մութ գիշերն է ընտրել մաքսանենգ ապրանքը տեղափոխելու համար: Գիշերային փեսացուն անանուն է, մութ գիշերով նա վերցնում է այն, ինչ մթին է բոլոր գիշերներից՝ գողի պես հափշտակելով հոգին, գողի պես հայտնվելով ու չքանալով: Կարճ ասած. նորից զևզացին ասպանդակները, դոփեցին սմբակները,- իսկ առավոտյան, ամուսնուն գործի ճանապարհելիս Ֆրանսուազան այնպես քնքուշ կայեց աչքերի մեջ եւ այնքան երկար բաց չէր թողնում վիզը, որ Պիեռը, շեմն անցնելով, դեռ երկար ժպտում ու բիհրը ուսին ճոճելով՝ մի ուրախ երգ էր սուլում:

Եվ նորից կյանքը կարծես գնաց առաջվա պես: Յերեկ-գիշեր-ցերեկ: Մինչեւ որ նորից եկավ նույնը: Ֆրանսուազան երդվում էր չտրվել կախարդանքին: Երկար չոքում էր սառը սալերին, սեւադեմ սրբապատկերների առաջ, աղոթք աղոթքի ետեւից էր անում՝ համրիչի հատիկները գցելով: Բայց երբ կրկին լուրջունը պատռելով, օդակն ավելի ու ավելի սեղմելով, շուրջը պար բռնեց Ավանակի տունը, նորից կորցրեց կամքը, վեր կացավ ու գնաց՝ չիմանալով՝ ուր եւ ում մոտ: Գիշերային սեւ խաչմերուկում նրան մի մուրացկան հանդիպեց, տեղից վեր կացավ ու ընդառաջ եկավ գիշերվա մեջ հայտնված ճերմակ տեսիլքի պես. ամերը խորդուբորդ էին, իսկ նեխած քրջերից նողկալի կծվահոտ էր փչում. չհասկանալով ու չհավատալով, այնուամենայնիվ ազահորեն տիրեց նրան, հետո՝ պարկում զևզացին պղնձադրամները, թխկթխկաց հենակը, ու գողի պես թաքնվելով, սահելով պատերի երկայնքով՝ գիշերային փեսացուն վախեցած ու տարակուսած չքացավ խավարում: Իսկ Ֆրանսուազան, վերադառնալով տուն, ականջը երկար պահել էր ամուսնու համաչափ շեչառությանը ու վրան կռանալով, ատամները սեղմած, անձայն լաց էր լինում. նողկանքից ու երջանկությունից:

Անցան ամիսներ, գուցե եւ տարիներ. մարդ ու կին ավելի ուժեղ էին սիրում իրար: Եվ կրկին, ամեն անգամվա պես անսպասելի, եկավ նույնը: Պիեռն այդ գիշեր տանը չէր՝ գյուղից մի տասը յո հեռու: Չայներից կանչված Ֆրանսուազան անցավ շեմը. ծառերի աղոտ ուրվագծերի միջեւ փո-

ված խավարում լողում էր գետնահուպ կրակի մեծ դեղին աչքը, եւ Ֆրանսուազան, աչքը աչքից չկտրելով, ընդառաջ գնաց ճակատագրին: Հաջորդ պահին դեղին աչքը վերածվեց սովորական՝ ապակուց ու երկաթից սարքած լապտերի, կանթին՝ սուտանի թեւքից դուրս պրծած չոր մատներ, իսկ մի քիչ վերեւ, աղոտ լույսի մեջ՝ հայր Պաուլինի թարշամած, նուրբ ծալքերով դեմքը. կեցփշերին կանչել էին մահամերձի մոտ, եւ հոգուն երկինք խոստանալով՝ նա վերադառնում էր տուն: Գիշերվա կեսին Ֆրանսուազային մերկ ու մենակ տեսնելով՝ հայր Պաուլինը չզարմացավ: Լապտերը բարձրացնելով՝ լուսավորեց նրա դեմքը եւ ուշադիր նայեց շրթունքների դողին ու մշուշված աչքերին: Հետո փչեց ճրագն, ու կույր խավարում Ֆրանսուազան լսեց.

- Վերադարձիր տուն: Պատշաճ հագնվիր ու սպասիր:

Ծեր քահանան դանդաղ էր քայլում, ընդհատուն քստքստան քայլքով, կանգ առնելով ու տեղը բերելով ծանրացած շունչը: Մտնելով կնոջ տուն՝ նրան տեսավ պատի տակի նստարանին անշարժ կծկված. կինը կցել էր ձեռքերը, եւ ուտերը, ասես մրսելուց, երբեմն ցնցվում էին շորի տակ: Հայր Պաուլինը թողեց, որ լացի-հանգստանա, հետո միայն ասաց.

- Հնազանդվիր, հոգի՛ս, քեզ պատած կրակին: Սուրբ գիրքն ու մարգարեները նախագուշակել են. միայն ավանակ՝ անմիտք ու գարշահոտ անասուն հեծած կարելի է հասնել Երուսաղեմ: Ասում եմ քեզ. միայն այդպես ու դրանով են մտնում Արքայությանց Արքայություն:

Երիտասարդ կինը ապշահար բարձրացրեց արտասովաթաց աչքերը:

- Այո՛: Քո ժամանակն էլ է հասել, զավակս, իմանալու այն, ինչ բոլորին չի տրված իմանալ. Ավանակի գաղտնիքը: Ծաղիկներն այդքան մաքուր ու բուրավետ են ծաղկում, որովհետեւ արմատները գոմաղբի, կեղտի ու գարշանքի մեջ են: Փոքր աղոթքից դեպի մեծ աղոթքը՝ միայն աստվածանարգության միջով: Ամենավեհն ու ամենամաքուրը թեկուզ մի վայրկյան պետք է աղոտովի եւ ընկնի, որովհետեւ այլ կերպ ինչպե՞ս իմանաս, որ մաքուրը մաքուր է ու վեհը՝ վեհ: Եթե աստված, թող որ հավերժի մեջ մեկ անգամ, մարմին ու մարդկային օրենք է ընդունել, ապա կարո՞ղ է մարդը խորշել ավանակի օրենքից ու մարմնից: Միայն սիրելիներից սիրելիին, սրտի թանկից ամենաթանկին անարգելով ու վիրավորելով արժանի կղառնաս նրան, որովհետեւ այստեղ, երկրի վրա չկան անտրտմության ուղիներ:

Ծերունին վեր կացավ ու փորձեց վառել լապտերը:

- Մեր եկեղեցին բացել է տաճարները Ավանակի տոնի առաջ. նա ինքն

Միգիզմունդ ԿՐԺԻԺՄՆՈՎՍԿԻ

Է ուզում, որ ծիծաղեն ու անարգեն իրեն՝ Քրիստոսի հարսնացուին, որովհետեւ նրան հասու է մեծ գաղտնիքը: Տոնին, ուրախությանը, ծափ ու ծիծաղին բոլորն են գալիս, բայց հետոն միայն ընտրյալներինն է: Ճշմարիտ ասում եմ քեզ. չկան ուղիներ անտրամության:

Պատրույզը շտկելով՝ ծերունին շրջվեց դեպի շեմը: Շրթունքները հպելով նրա չոր մատներին կիևը հարցրեց.

- Ուրեմն՝ լռե՛լ:

- Այո՛, գավա՛կս: Որովհետեւ՝ ինչպե՛ս Ավանակի գաղտնիքը բացես... ավանակներին:

Ժպտալով, ինչպես երրորդ հայտարարության օրը, հայր Պաուլինը դուրս եկավ ու ետեւից ամուր փակեց դուռը...

Թյուրը լռեց ու բանալու պողպատը բազկաթոռի արմնկակալին թխկացնելով՝ դեմքը դարձրեց շեմին:

- Ենթադրենք, որ այդպես է,- դադարն ընդհատեց նախագահ Չեզը,- մտքերի շարվածք մի տասնյակ աղյուսներով: Մենք վարժվել ենք աշխատել առանց ցեմենտի: Ուստի, քանի որ դեռ բավարար ժամանակ ունենք, չէի՞ք համաձայնի ևովելի տարրերը որեւէ այլ կարգով դասավորել: Ասենք, առաջին աղյուսը՝ դարաշրջանը, թող լինի այնտեղ, որտեղ կար, եկեք գործողության կենտրոն բերենք ոչ թե կնոջը, այլ քահանային, հետո կենտրոնական գործողին նշանակալի դարձրեք Ավանակի տոնի նշանակալիության հաշվին. դրանք կարելի է, այսպես ասած, կտրել արմատից՝ վերցնելով միայն ցողունը, իսկ հետո...

- Իսկ հետո,- միջամտեց հաստիկ Ֆելը՝ աչքերը հեզնոտ կկոցելով պատմողի վրա,- ամեն ինչ ավարտել ոչ թե ի կյանք, այլ՝ ի մահ:

- Կխնդրեի նորացնել նաեւ վերնագիրը,- անկյունից խնդմուղաց Հիցը:

Այտամկանները դողացին ու լարվեցին Թյուրի դեմքին տարածված կարմիր ցանի տակ, նա առաջ եկավ, ասես պատրաստվելով ցատկի, ամբողջ կերպարանքը,- կարճ ու չոր, շարժուն ու ընդգծված,- հիշեցնում էր հակիրճությունը, շարժունությունն ու հստակությունը նովելների, որոնց մեջ էլ նա ըստ երեւույթին ապրում էր: Անսպասելի վեր կենալով՝ Թյուրը անցավ սեւ դարակների երկարությամբ եւ նույնքան էլ անսպասելի, կրունկների վրա կտրուկ շրջադարձ անելով, վերադարձավ վեցի շրջանը.

- Լա՛վ: Սկսո՛ւմ եմ: Վերնագիր. «Գոլիարդի պարկը»: Արդեն միայն դա ինձ թույլ կտա մնալ նույն դարաշրջանում: Գոլիարդները կամ «ուրախ կղերը», ինչպես նրանց այդ ժամանակ կոչում էին,- կարծում եմ դա բոլորիդ հայտնի է,- թափառիկ տերտերներ էին, այսպես ասած՝ մուրված

Եկեղեցու ու բալագանի արանքում: Ծաղրածուի ու կապելանի այդ տարօրինակ խառնուրդի հայտնվելու պատճառները մինչ օրս հետազոտված ու բացատրված չեն. ամենահավանականն այն է, որ աղքատացած ծխերի քահանաներ էին, ու քանի որ փարաջան չէր կերակրում նրանց կամ կիսով չափ էր կերակրում, ստիպված էին վաստակել ինչով կարող էին եւ գլխավորապես՝ բալագանային դերասանի արհեստով: Իմ պատմության հերոս հայր Ֆրանսուազը (թույլ տվեք անունների հետ էլ վարվել այնպես, ինչպես մնացածի, այսինքն փոխատեղել) նրանցից մեկն էր: Դաբաղած կաշվից բարձր ճոքակոշիկներով, ծանր գավազանը ձեռքին՝ նա չափում էր միջգյուղյա ճանապարհների փոշոտ ոլորանները, տևից տուն անցնում՝ սաղմուները փոխարինելով երգերով, գալիական զվարճախոսությունները՝ գիտական լատիներենով, իրիկնային գանգահարության դողանքը՝ հիմարի գլխարկի գանգուլակների ձևագոյով: Թուկով մեջքին կախած նրա ուղեպարկում կողք կողքի, ինչպես ամուսինն ու կինը, խնամքով դասավորված՝ իրար էին սեղմվել գունավոր լաթերից կարած ու չխկչխկաններով զարդարված ծաղրածուի թիկնոցն ու սեւ, մաշված կարատեղերով փարաջան: Գոտուց կախ ճոճվում էր գիկով տափաշիչը, աջ դաստակին սեւին էր տալիս երեք շարք փաթաթված համրիչը: Հայր Ֆրանսուազն ուրախ բնավորության տեր մարդ էր. անձրեւին ու տապին, ծփացող արտերով թե ձյունածածկ ճամփաներով անցնելիս միշտ որեւէ պարզունակ երգ էր շվշվացնում ու ժամանակ առ ժամանակ ձեռքը տանում տափաշիին, որ համբուրի նրա, ինչպես ինքն էր ասում, ապակե շուրթերը. ոչ մեկը տեսած չկար, որ հայր Ֆրանսուազն ուրիշ որեւէ մեկի հետ համբուրվեր:

Իմ թափառիկ գոլիարոջ խիստ պիտանի մարդ էր. եկեղեցական արարողությունն էր հարկավոր՝ կբացեր պարկը, կտեղավորվեր նեղ փարաջանի մեջ, կարծակեր համրիչը, պարկը քրքրելով՝ կհաներ խաչն ու հոնքերը խիստ կիտելով՝ կկապեր կամ կքանդեր. պետք էր տոնական ուրախ զվարճանք կազմակերպել՝ ինտերմեդիա խաղալ կամ սերտել սատանայի դերը՝ չափազանց խճճված ու դժվար որեւէ սիրողական համքարության համար, եւ ահա նույն պարկից գանգուլակներով ու փայլերով նույն խեղկատակային թիկնոցը սովոր փաթաթվում էր հայր Ֆրանսուազի լայն ուսերին. այստեղ արդեն դժվար էր գտնել որեւէ ճարակորդի, որն ավելի լավ կարողանար արցունքոտվելու աստիճան ծիծաղեցնել եւ այնքան զվարճախոսություններ հորինել, որքան կարողանում էր գոլիարդ Ֆրանսուազը:

Ոչ որ չգիտեր՝ ծեֆ է, թե՞ երիտասարդ. ածիված դեմքը միշտ արեայրուքի բրոնզի տակ էր, իսկ զագագթի մերկ մաշկը կարող էր ել՝ ճաղատություն լինել, ել՝ տոնգուրա: Ինտերմեդիայի ընթացքում լացելու աստիճան ծիծաղող կամ ժամերգությանը ժպտալու չափ արտասված աղջիկները երբեմն առանձնակի սեւեռուն էին կայում Ֆրանսուագին, բայց գոլիարող մենակյաց էր. սպասավորելուց ու խաղալուց հետո տեղն էր դնում փարաջան ու զանգույակներով թիկնոցը, կապում պարկի բերանը ու շարունակում ճանապարհը, ձեռքերը սեղմում էին միայն ճամփորդական գավազանը, շոթունքները դիպչում էին միայն ապակե շուրթերին: Ճիշտ է, դաշտերով անցնելիս սիրում էր զուգասուլել ճախրող թռչունների հետ, բայց չէ՞ որ թռչունները կույսպես շրջմուխներ են, եւ մարդկանց հետ խոսելու համար նրանց կբավականացներ միայն մեկ բառ՝ «միմո»: Հենց այդտեղ էլ՝ դաշտերում, քամու եւ թռչունների միջեւ գոլիարող սիրում էր երբեմն զրուցել իր ուղեպարկի հետ. բացում էր թոկով կապած նրա բերանը, եւ արեւերես հանելով գույնզգույնն ու սեւը՝ օրինակ, այսպես էր խոսում.

- Suum cuique, amici mei [*Ասեն մեկին՝ իրենը, բարեկամներ՝ - լատ.*]. հիշո՞ւմ եք, սեւո՛ւկ ու գույնզգո՛ւյն: Եվ, ըստ էության, եթե երկրի վրա լինեին գույնզգույն պատարագներ ու սեւ ծիծաղ, դուք ստիպված կլինեիք տեղփոխ լինել, բարեկամներ: Իսկ մինչ այդ՝ դու խունկ հոտոտիր, իսկ դու գինու բծեր հագիր:

Եվ սեւից ու գույնզգույնից փոշին թափ տալով՝ գոլիարող դրանք կորից դնում էր պարկը ու վեր կենալով՝ լորերի հետ զուգասուլելով՝ քայլում ոլորապտույտ ճանապարհներով:

Մի անգամ, երեկոյան կողմ, փոշեպատ ու հոգևած, հայր Ֆրանսուագը հասավ մի գյուղի լույսերին: Փոքրիկ քնակավայր էր՝ քառասուն-հիսուն ծուխ, կենտրոնում՝ եկեղեցի, շուրջը՝ խաղողի այգիների քառանկյունները: Արդեն ցանկապարսպի մոտ նրան հանդիպեց մի մարդ, որը հարցուփորձ փոխանակեց ճամփորդի հետ. ով-որտեղից-ինչու-ուր: Եվ հայր Ֆրանսուագը դեռ չէր հասցրել կատել «Տուրը խփում է բոլորին» ցուցանակի տակ, երբ կանչեցին մահամերձի մոտ: Արագ մի երկու բաժակ խմելով՝ գոլիարող ձեռքերը խցկեց փարաջայի գրպաններն ու, ճանապարհին կոճկվելով, շտապեց հրաժեշտի աղոթքների սպասող հոգու մոտ:

Հոգուն թողություն տալով՝ վերադարձավ կիսատված տափաշշի մոտ: Այդ ընթացքում եկվորի մասին լուրը հասցրել էր լինել բոլոր քառասուն բակերում, եւ մի քանի տարեց գեղջուկներ, որ նրան սպասում էին «Տու-

զը խփում է բոլորին» հաստատությունում, եկվորին խնդրեցին հաջորդ օրը,- տոնավաճառի օր էր լինելու,- որեւէ ուրախ ու թունդ բանով զվարճացնել թե՛ տեղացիներին, թե՛ եկվորներին: Բաժակները շխկացին բաժակներին, ու գոլիարդը ասաց՝ լա՛վ:

Արդեն ուշ գիշերով, գիշերակացի տեղ գտնելով, գոլիարդը հանդիպեց լապտերը ձեռքին անցնող մի մարդու. դեղին աչքը սահեց նրա դեմքով, կուրացուցիչ լույսի միջով գոլիարդը նախ տեսավ լապտերի կանթը բռնած պինդ, լայնաթաթ ձեռքը, ապա եւ՝ ջահել տղայի ատամներն ու ժպիտը շողացնող դեմքը:

- Հայր Ֆրանսուազին չե՞ք տեսել,- հարցրեց տղան:- Նրան եմ փնտրում:

- Ինչ կա որ: Արի միասին փնտրենք: Մտոդ հայելի կա՞:

- Իսկ ինչի՞ համար է հայելին:

- Ո՞նց թե. առանց հայելու հայր Ֆրանսուազին ոչ մի կերպ չենք տեսնի: Անունդ ի՞նչ է:

- Պիեռ:

- Իսկ հարսնացուի՞դ անունը:

- Պաուլինա: Ի՞նչ գիտեք, որ հարսնացու ունեմ:

- Լա՛վ: Վաղը՝ երեկոյան ժամերգությունից առաջ: Եթե ուզում եք կաշել իրար ու մեկ մարմին դառնալ, ավելի լավ սոսինձ, քան պարկիս միջինն է, չեք գտնի: Բարի գիշեր:

Գոլիարդը փչեց-հանգցրեց ապշած տղայի լապտերը եւ նրան խավարով ու զարմանքով պարուրված թողնելով՝ հեռացավ:

Հայր Ֆրանսուազն առավոտից տենդազին գործի անցավ. նախ սուրբ ջրով օծեց հիվանդ նորածիններին ու քավության աղոթքներ մրմնջաց ծննդկանի սևարի մոտ, հետո, արագ զգեստափոխվելով ծաղրածուի գույնզգույնին, ճանապարհի ու հոգեւորական հագուստը խնամքով դրեց պարկը եւ պանդուկի սպասավորի՝ լայնաբերան ու լուրդ մի տղայի հսկողությանը թողնելով՝ դիմեց շուկայի հրապարակ՝ զվարճացնելու հարեւան գյուղերից եկած գեղջուկներին: Երզը երգի ետեւից, զվարճախոսությունը՝ զվարճախոսության. ժամանակն անցնում էր, բայց գյուղացիները ոչ մի կերպ չէին կշտանում ուրախությունից ու բաց չէին թողնում զվարճարարին: Հանկարծ եկեղեցու զանգերը խփեցին. գեղջուկները հանեցին գլխարկները, իսկ հայր Ֆրանսուազը, վերցնելով զանգուլակները զևագնող թիկնոցը, համարյա վազքով նետվեց հետ՝ շտապելով զգեստափոխվել, որ բաց չթողնի հարսանիքը:

Միգիզմունդ ԿՐԺԻՃՄՆՈՎՄԿԻ

«Տուգի» դոսերի մեջ հանդիպեց շփոթված սպասավորին. ձեռքին գոլիարդի պարկն էր, բայց տարօրինակ կերպով սմքած, կիպ կպած կողերով:

- Տե՛ր իմ,- հիմար բերանը կախելով՝ կմկմաց լուրզը,- ես էլ էի ուզում լսել ձեզ, իսկ այդ ընթացքում պարկը թափ եմ տվել: Ո՛ւմ մտքով կանցներ:

Գոլիարդը ձեռքը տարավ պարկը:

- Դատա՛րկ է, դատա՛րկ,- հուսահատ գոռաց նա:- Գլխիդ պես դատարկ է, բերանբա՛ց: Հիմա ո՛նց սպասավորեմ հարսանիքը, երբ իմ լատիներեկից բացի ուրիշ ոչինչ չունեմ:

Պանդուկի սպասավորի պարզունակ դեմքին դժվար էր պատասխան կարդալ: Պարկը խցկելով թեփ տակ՝ հայր Ֆրանսուազը, գանգուլակները զնգացնելով, այդպես էլ հագուստը չփոխած, նետվեց եկեղեցի: Ճանապարհին կրկին խուզարկեց պարկի դատարկությունը. ամենատակը մատները դիպան գողի թողած խաչին, որն արագ կախելով ծաղրածուի ապուշ փալասների վրայից՝ հայր Ֆրանսուազը բացեց թեփն փաթաթած համրիչն ու ներս վազելով եկեղեցի՝ սկսեց.

- In nomine... [*Հսխունի - լատ.*]

- Cum spirito Tuo [*Թո Հոգով - լատ.*]- ուր որ է միանում էր տիրացուն, բայց հանկարծ սկսվեց ու վախեցած աչքերը չռեց խորանի աստիճաններով բարձրացող ծաղրածուի վրա: Իրարանցում սկսվեց. հարսանքապետերը նահանջեցին դեպի դուռը, մի պառավ գեղջկուհի ձեռքից գցեց վառվող մոմը, հարսնացուն, դեմքն ափերի մեջ առած, վիրավորանքից ու վախից լաց եղավ, իսկ փեսացուն երկու-երեք տղաների հետ սրբապիղծին դուրս քաշեցին եկեղեցուց ու դուրս շարտեցին գավիթից:

Գիշերվա սառնությունն ուշքի բերեց գոլիարդին: Վեր կենալով՝ հայր Ֆրանսուազը նախ տնտղեց քերծվածքներն ու կապտուկները, հետո նորից ստուգեց կողքին ընկած պարկը. պարկում ոչինչ չկար, բացի դատարկությունից, բայց դա էլ խնամքով կապեց կրկնակի հանգույցով, սովոր շարժումով գցեց ուսին ու խոտերի մեջ գտնելով իր գավազանը՝ լքեց քնած գյուղը: Պղնձե գանգուլակները զնգացնելով՝ գնում էր գիշերվա միջով: Առավոտվա դեմ դաշտում հանդիպեց մարդկանց, որոնք, տեսնելով խեղկատակի հագուստը, վախեցած դուրս եկան ճանապարհից ու ապշած նայում էին խայտաբղետ ուրվականի ետեփից, որի տեղը ոչ թե դաշտերի սեւ ակոսներում էր, այլ բալազանի ճոճոճան հարթակին: Հասնելով մոտակա գյուղը՝ գոլիարդը որոշեց շրջանցել այն. հետևաբաներով ու բանջարանոցներով անցնելիս փորձում էր հևարավորինս անաղմուկ

քայլել, որ զանգույակների զննողով չգրավի որեւէ մեկի ուշադրությունը: Բայց մի մազաթափ շուն, ընդառաջ թռչելով, տեսավ շարժվող խայտաբղետությունն ու աղիողորմ ոռնաց, ոռնոցի վրա դուրս եկան մարդիկ, եւ շուտով դաշտերով անցնող խեղկատակի ետեւից ձգվեց սուլող ու հայհույ անող տղեկների շարանը:

Յանկապատը նորոգող գեղջուկը չպատասխանեց բալագանային ուրվականի բարեւին, իսկ կժերը ուսին՝ ճանապարհով անցնող կանայք չժպտացին ուրախ ծամաճռությանն ի պատասխան ու, հայացքները խոնարհելով, կողքից անցան. աշխատանքային օր էր, ծանր օր, զբաղված ու սթափ մարդիկ ոչ ժամանակ ունեին, ոչ ծիծաղելու ցանկություն, նրանք արդեն կատակել էին իրենց կատակները, տոնի հագուստները պահել սնդուկներում, ամենօրյա աշխատանքային շորեր հագել եւ անցել վեց միանման, գորշադեմ, աշխատանքային օրերի շարքին: Անհասկանալի եկվորը տոն էր, որ անհեթեթ սխալմունքով մոլորվել էր առօրյայում ու խառնում էր նրանց պարզունակ օրացույցը, աչքերը փախչում էին գոլիարդից, նա կամ արհամարհական ժպիտներ, կամ անտարբեր թիկունքներ էր տեսնում: Եվ հասկացավ, թե որքան միայնակ ու անօթեւան է ծիծաղը՝ հրեշտակային- մաքուր, նուրբ թելերով ու սուր ասեղներով կարված փոփոխվող-գույնզգույն ծվեններից: Այդ ծիծաղը կարող էր բարձրանալ- հասնել արեւին, բայց նույնիսկ թառերից վեր չթռավ. հոգին արծվի էր, իսկ թեւերը՝ տնական կչկչան հավի, բոլոր ժպիտները համրած ու փակված էին տոնի մեջ, ինչպես վանդակում: Չէ՛: Հեռո՛ւ: Գոլիարդը, քայլերն արագացնելով, արդեն գնում էր այն կաճանով, որ որկրից է ու երկրային, եւ սեւ ու ծանր հողը կպչում էր ներքաններին, խոտերով ու ոստերով կառչում հագուստից, իսկ քրտնքոտ ու թրքահոտ քամին ողջ ուժով զնգացնում էր մթնշաղում մարող թիկնոցի զանգույակներն ու կախազարդերը: Ճանապարհը փակեց գետը: Գոլիարդը ուսից իջեցրեց պարկը, արծակեց կապն ու վերջին անգամ խոսեց նրա հետ:

- Հիերոնիմ երանելին գրում է, որ մեր մարմինն էլ ընդամենը զգեստ է: Եթե այդպես է, տանք լվանալու:

Պարկը բացել էր կտավե բերանն ու նմանվել «Տուզը խփում է բոլորին» պանդոկի բերանբաց ծառային: Չառիվայր ափից կախված՝ ուրախ կղերականը փորձեց գավազանի ծայրը հասցնել հատակին: Չհաջողվեց: Քիչ հեռվում, հողի մեջ թաղված մի մամոտ քար կար: Գետնից կտրելով՝ Ֆրանսուազը քարը խցկեց պարկը: Քարի ետեւից՝ գլուխը, ու թոկն ամուր փաթաթեց վզին: Ափի գիծը մի քայլի վրա էր: Համարձակվում եմ

Միգիզմունդ ԿՐԺԻԺՃՆՈՎՄԿԻ

պնդել, որ այդ քայլը հայր Ֆրանսուազի համար վերջինս էր...

Թյուռը ավարտեց: Կանգել էր՝ մեջքով դռանը հենված. թվում էր՝ նրա սեւ փեղկերը, գերմանական մեխանիկական խաղալիքի ծողիկների պես, զսպանակը շիկացնելով, հանկարծ կբացվեն եւ Թյուռի կարճ, խաղալիքային-նուրբ մարմինը կուլ տալով՝ ինքնաբեր կփակվեն նրա ու նրա նովելների վրա:

Բայց նախագահը թույլ չտվեց, որ լռությունը երկարի.

- Հոսանքն ամեն ինչ քշեց-տարավ: Պատահում է:

- Այդ դեպքում ես նախապես տրված հանգրվան չէի փնտրի, վախճանն ի մահ է կանխորոշված,- հակադարձեց Թյուռը:

- Ֆեվը չի էլ առարկում. վերջը վճռված է: Բայց մեջտեղում խառնել եք խորանարդիկները. իմ կարծիքով՝ անհմուտ լինելու պատճառով: Այնպես չէ՞: Թույլ տվեք ձեր ժպիտը համարել պատասխան: Դա նկատի ունենալով՝ պետք է տուգանային պատմվածք ստանանք ձեզնից: Ավելի հստակ ու ավելի կարճ: Կարծում եմ՝ ընդմիջման կարիք չկա: Սպասում ենք:

Թյուռը դառնացած ցնցեց ուսերը: Երեւում էր, որ հոգնել է. սեմից կտրվելով՝ վերադարձավ ու աստեղ բուխարու մոտի իր բազկաթոռում եւ մի թուպեի չափ բիբերով քրքրում էր կայծերի ու մոխրակապույտ կրակների շեղջերը:

- Դե ինչ: Քանի որ հանպատրաստից դժվար է մարդկանց մասին, քանզի նրանք կենդանի են,- նույնիսկ՝ ոչ հորինված,- ու երբեմն գործում են հեղինակային սխեմայից դուրս, իսկ երբեմն՝ նաեւ հակառակ, ստիպված եմ դիմել հաստատուն հերոսների. կարճ ասած՝ ձեզ կպատմեմ երկու գրքերի եւ մի մարդու մասին, ընդամենը մեկի. մեկին կկարողանամ կառավարել:

Վերնագիրը միասին կհորինենք վերջում, իսկ ինչ վերաբերում է իմ գիրք-կերպարների տիտղոսաթերթին, ահա դրանք. «Նոտկեր Կակազը» եւ «Քառավետարան»: Երրորդ՝ մարդկային կերպարը ոչ թե մարդ-ֆաբուլաներին է, այլ մարդ-թեմաներինը. մարդ-ֆաբուլաները խիստ հոգսատար են հորինողի համար, նրանց կյանքում շատ են հանդիպումները, գործողություններն ու պատահականությունները, պատմվածքի մեջ ընկնելով՝ ձգում-դարձնում են վիպակ, իսկ հետո՝ նաեւ վեպ: Մարդ-թեմաները ներակա գոյություն են, նրանց անսյուժե կյանքերը հեռու են տրորված ճանապարհներից, նրանք ներառված են այս կամ այն գաղափարի մեջ, սակավախոս ու անգործունյա են. դրանցից մեկն էր իմ հերոսը, որի ողջ կյանքը ձգվել էր երկու գրքերի արանքում, որոնց մասին հիմա կպատմեմ:

Այդ մարդը (անունը կարելի է) նույնիսկ ծնողների կենդանության օրոք որբի տպավորություն էր թողնում ու խելսթի համարում ուներ: Վաղ տարիներից նվիրվեց դաշնամուրի ստեղնաշարին եւ օրեր շարունակ նոր հնչկապակցություններ ու ռիթմական քայլեր էր փնտրում: Բայց եթե որեւէ մեկին հաջողվում էլ էր լսել նրան, ապա միայն պատի ու փակ դռան ետեւից: Մի երաժշտական հրատարակիչ մի անգամ խիստ զարմացել էր, երբ ընդունելության եկավ մի նիհար պատանի ու նրան չնայելով՝ թղթապանակից հանեց նոտատետրը, որը վերնագրված էր «Լռության մեկնություններ»: Հրատարակիչը, կրճած եղունգները տետրի մեջ թաղելով՝ թերթեց, հոգոց հանեց, մի անգամ էլ նայեց վերնագիրն ու վերադարձրեց ձեռագիրը:

Այդ դեպքից շատ չանցած պատանին բանալիով փակեց իր ստեղնաշարը եւ փորձեց նոտանշանները փոխել տառերով. բայց այստեղ էլ խոչընդոտի հանդիպեց, պակաս հաղթահարելի. չէ՞ որ նա,- նորից եմ կրկնում,- մարդ-թեմա էր, իսկ մեր գրականությունն ամբողջովին հիմնված է ֆաբուլային կառուցվածքների վրա. նա չէր կարողանում կոտորակվել ու գաղափարներ ճյուղավորել, ինչպես եւ վայել է մարդ-թեմային, նա կենդանի մղում էր ոչ թե մեկից բազումը, այլ բազումից՝ մեկ: Երբեմն գրչածայրերի տուփերում հանդիպում է նաեւ չճեղքված գրչածայր. այն բոլորի պես է ու մյուսներից վատ չի սրված, բայց գրել չի կարող:

Սակայն իմ պատանին, որն, ի դեպ, այդ ժամանակ արդեն քսանհինգամյա երիտասարդ էր դարձել, չճեղքված, ամբողջական խառնվածքի համառությամբ որոշեց ուժով տիրել այդ բազմությանը. իհարկե, նա այդ ամենը այլ կերպ էր անվանում, բայց անվրեպ բնագործ մղեց ճամփորդության՝ շատերին վերափոխած բազմաբղետացման ու բազմապատկման համընդգրկուն փորձի այդ մեթոդին: Այդ ընթացքում երիտասարդը ժառանգություն էր ստացել, եւ գնացքները նրան տարան կայրանից կայրան՝ տարալեզու եւ լաթակար աշխարհով մեկ: Գրողի թեկնածուի նոթատետրերը ուռչում էին նշումներից ու սխեմաներից, իսկ իսկական, մինչեւ վերջ տառերի մեջ թաղված գործ այդպես էլ չէր գտնվում: Բոլոր սյուժեներում, որոնց հետապնդում էր մատիտը, նա իրեն այնպես էր զգում, ինչպես զգում է մեզից յուրաքանչյուրը հյուրանոցի համարում, որտեղ ամեն ինչ օտար ու անհոգի է՝ եւ՛ քեզ համար եւ՛ ուրիշների:

Եվ վերջապես. դա տեղի ունեցավ դեգերումների բազում ամիսներից հետո՝ նրանք հանդիպեցին. մարդը եւ թեման: Հանդիպումը տեղի ունեցավ շվեյցարական բուրնների միջեւ գտնվող Սանկտ-Հալլենի վանական

գրադարանում: Կարծես թե անծրետոտ օր էր, ձանձրույթն իմ հերոսին բերեց սակավայցելու գրադարանի դարակների մոտ, եւ այդտեղ, անհանգստացրած գրքափոշու մեջ հայտնաբերվեց Նոտկեր Կակազը. չնայած եւ Նոտկերը ոչ մեկի հորինածը չէր, բայց հասցրել էր գոյություն ունենալ ուղիղ հազար տարի առաջ: Բացի անուկից, որ անմիջապէս հետաքրքրեց մեր ֆաբուլաներ հավաքողին, նրանից համարյա ոչինչ չէր մնացել, միայն մի քանի կիսապարական տվյալներ, որոնք դիմացել էին հազարամյակի փորձությանը. հենց դրանք էլ նրան հնարավորություն էին տալիս մոխրացածը կրկին վերածել ծաղկողի: Եվ մեր ձախորդ,- մինչ այդ,- գրողը եռանդով ձեռնամուխ եղավ Նոտկերի վերաստեղծմանը: Վասկան գրքերն ու ձեռագրերը նրան պատմեցին սանկտհալլենյան երաժիշտների հնամենի, այդ ժամանակ արդէն մոռացված դպրոցի մասին: Նիդեռլանդական ձայնակարգիչներից շատ առաջ բազմաձայնության խորհրդավոր փորձեր էին անում մեկուսի, լեռների արանքում սեղմված Սանկտ-Գալլենի արեղաները, եւ Նոտկեր Կակազը նրանցից մեկն էր. ավանդույթը նրա մասին պատմում է, թե ինչպէս մի անգամ, լեռնաշուրթով զբոսնելիս սղոցի ձողոտոց, մուրճի թխկոց ու մարդկանց ձայներ է լսում, շրջվելով աղմուկի կողմը՝ երաժիշտը հասնում է կաձանի ոլորանին ու տեսնում արհեստավորների, որոնք ամրացնում էին անդունդի վրա զգվելիք կամրջի գերանները: Շատ չմտնելով եւ աննկատ մնալով աշխատողների համար՝ նա նայում ու լսում էր,- այդպէս է պնդում ավանդությունը,- թե ինչպէս են մարդիկ, անդունդի վրա կախված, թխկթխկացնում կացիններն ու ուրախ երգում, իսկ հետո, վերադառնալով իր վանական խուցը, նստեց գրելու "In media vita - mors"-ը [*Մահը կյանքի մեջ*] - լատ.] խորալը: Մեր հերոսը սկսեց քրքրել գրադարանի դեղնած նոտատետրերը՝ ջանալով գտնել քառակուսի նոտանշանները, որոնք պատմում են կյանքի մեջ խրված մահվան մասին, բայց խորալը չկար ու չկար. վանահոր թույլտվությամբ նա հյուրանոցի սենյակ տարավ մի ամբողջ կույտ կիսափտած նոտաթերթեր եւ ամբողջ գիշեր փակված, իջեցված կարգավորիչի տակ, ստեղների մեջ էր խցկում սանկտհալլենցիների հնամենի երգեցողությունները: Երբ բոլոր էջերը նվազված էին, նա լարեց երեւակայությունը՝ փորձելով պատկերացնել չհայտնաբերված խորալի հնչումը: Եվ այն գիշերը երազ եկավ նրան՝ վեհաշունչ ու վշտալի դանդաղ անցում էր անում միջօրիդիական տոնայնություններով: Իսկ առավոտյան, երբ վերադառնալով ստեղնաշարին, երաժիշտը փորձեց կրկնել երազին եկած խորալը, իր իսկ «Լուռության մեկնություններ»-ում անսպասելի նմանություն գտավ

Նոտկերի «In media»-ի հետ: Շարունակելով քրքրել Սանկտ-Ջալլենի ձեռագիր տրցակները՝ մեր հետազոտողը պարզեց, որ Կակազ կամ Balbusus տարօրինակ մականունով տարեց երաժշտություն հորինողը ողջ կյանքում ջանասիրաբար բառեր ու վանկեր է ընտրել՝ երաժշտությունը տեքստավորելու համար: Ուշագրավ է, որ ակնածանք ունենալով հնչակապակցությունների հանդեպ՝ նա ըստ երեւոյթին կատարյալ անտարբերությամբ էր վերաբերվում այսպես կոչված հողաբաշխ մարդկային խոսքին: Ստուգապես Նոտկեր Կակազին պատկանող գրառումներից մեկում նշվում էր. «Երբեմն ինքս ինձ մտածում էի, թե ինչպես ամրագրեմ հնչյունների իմ կապակցությունները, որպեսզի դրանք, թեկուզեւ բառերի գնով, խուսափեն մոռացությունից»: Ըստ երեւոյթին, բառերը նրա համար ընդամենը գույնզգույն դրոշակներ էին, մտապահման խորհրդանշաններ, որոնք հիշողության մեջ ամրագրում են երաժշտական քայլերը. երբեմն նրան ձանձրացնում էր բառեր ու վանկեր ընտրելը, եւ այդ ժամանակ, հապաղելով որեւէ le alliluja-ի վրա, այն անց էր կացնում տասնյակ միջնադարադարձերով՝ իմաստագրելով ոճը հանուն այլ մթնի իմաստների: Այդ վարժությունները, այսպես կոչված՝ ատեկստալիսի ոլորտում, հատկապես էին հետաքրքրում մեր հետազոտողին. Մեծն Կակազի նոտանշանների հետապնդումը նրան նախ հասցրեց Բրիտանական թանգարանի գրադարան, ապա՝ Սիլանի սբ. Ամբրոսիոսի գրապահոց: Հենց այդտեղ էլ տեղի ունեցավ երկրորդ հանդիպումը՝ երկու գրքերի հանդիպումը, որոնց համար քիչ էր սեփական ճակատագիր ունենալը,- ինչպես նրանց թույլ է տալիս ասացվածքը,- որոնք իրենք էին ցանկացել դառնալ ճակատագիր: Սանկտհալլենցու մասին իր գրքի համար նյութերի ակնխոսք որոնումների ընթացքում մեր հերոսը մի անգամ մտավ միլանցի հնագրավաճառներից մեկի կրպակը. հետաքրքիր ոչինչ չկար, անպետքություն, սակայն ցանկանալով փոխհատուցել մի ամբողջ ժամ իր շուրջը պտտվող կրպակատիրոջից խլած ժամանակը, ցույց տվեց առաջին իսկ պատահած գիրքը. այ սա՛: Ու բախտաբերի գնված գիրքն անմիջապես հայտնվեց նույն պայուսակում՝ նրա աշխատանքի հետ, որի տարանջատ սեւագիր էջերը դանդաղ գիրք էին դառնում: Այնտեղ, խլափակ պարկում, նրանք պառկել էին միասին, ինչպես ամուսինն ու կինը, թերթը թերթին՝ «Նոտկեր Կակազն» ու «Քառավետարանը» (բախտաբերի գնված տեքստը, պարզվեց, չորս ավետարանիչների հնամենի լատինական տառեր հագած հնագույն պատմությունն էր): Մի անգամ, ինչ-որ ազատ պահի, ցրված նայելով նոր առած գիրքը, ատեկստալիսի իմ հետազոտողը ար-

Միգիզմունդ ԿՐԺԻԺԱՆՈՎԱԿԻ

դեն ուզում էր մի կողմ դնել այն, բայց ուշադրությունը գրավեց թանաքով նշումը, որ տասնյոթերորդ դարի ծեռագրով արվել էր գրքի լուսանցքում. «Տ - սո»:

- Անհեթեթություն,- իր անկյունից քրթմնջաց Ֆելը:

Ավետարանը թերթող մարդը սկզբում մոտավորապես նույն կերպ էր մտածում: Բայց նրան հետաքրքրեց «Տ»-ն «սո»-ից բաժանող գծիկը: Հայացքը սահեցնելով վուզատայի լուսանցքներով՝ նկատեց թանաքով արված էլի մի գծիկ, որը կոնտեքստից բաժանում էր եւս երկու տուն. «Դա է իմ սիրելի Որդին, որին հավանեցի» եւ այլն, եւ այլն «...նա ոչ պիտի հակառակի եւ ո՛չ էլ պիտի աղաղակի. հրապարակներում նրա ձայնը ոչ մեկը չպիտի լսի»: Ասես ինչ-որ տեղ աղոտ մի բան էր կանխատեսվում. կարդացողը լարվեց՝ էջ էջի ետեւից ուշադիր խուզարկելով լուսանցքները. երկու գլուխ անց եղունգով արված աննկատելի նշում կար՝ «Տե՛ր, Դավթի Որդի, աղջիկս չարաչար դիվահարվում է»: Հետո կարծես մաքուր լուսանցքներ էին: Բայց «Լռության մեկնությունների» հեղինակը խիստ հետաքրքրված էր, որպեսզի հրաժարվեր հետագա որոնումներից. գրքի էջերը պահելով լույսի տակ՝ նա ինչ-որ մեկի եղունգով արված մի քանի արդեն կիսահարթված նշաններ էլ գտավ, եւ ամեն անգամ դրանց դիմաց գրված էր. «Իսկ երբ նա ամբաստանվում էր քահանայապետների ու ծերերի կողմից, ոչինչ չպատասխանեց: Այն ժամանակ Պիղատոսը նրան ասաց. «Զե՛ս լսում, ինչքան դրանք քո դեմ են վկայում»: Եվ նրան չպատասխանեց եւ ոչ մի բան, այնպես որ կուսակալը շատ զարմացավ՝ կամ՝ «Իսկ Յիսուս, ցած նայելով, մատով գետնի վրա գրում էր՝ նրանց ուշադրություն չդարձնելով», երբեմն գծիկները միայն խոշորացույցով էին երեւում, երբեմն կտրուկ ընդգծում էին տունը: Դրանք սովորական գծիկից կարճ էին ու ընդգրկում էին միայն երեք-չորս բառ, օրինակ, «Նա հեռանում էր անապատ տեղեր...» կամ «Հիսուսը լուռ էր», կամ էլ երկարում էին տների ողջ շղթայով՝ առանձնացնելով ամբողջ դրվագներ ու պատմություններ, եւ ամեն անգամ դա պատմություն էր անպատասխան մնացած հարցերի մասին, լող Հիսուսի մասին: Այն, ինչի մասին Սանկտ-Հալլենի նոտանշաններն ասես կակագելով ու ընդհանրական էին խոսում, այստեղ նշված ու ընդգծված էր՝ բառերի տակով՝ մինչեւ վերջ: Հիմա արդեն պարզ էր. հնավանդ գրքի դեղին լուսանցքներում իրենց ասած չորսի կողքին, բաց ու մաքուր գրքային լուսանցքներից ավետում էր բառերի կարիք չունեցող հինգերորդ Ավետարանը. ըստ լռության: Հիմա հասկանալի էր նաեւ թանաքով գրված Տ-սո-ը. դա ընդամենը սեղմված Silentium-ն էր *[լռություն* -

լատ.]: Կարելի՞ է, արդյոք, խոսել լուսնային մասին՝ դրանով իսկ չխախտելով այն, կարելի՞ է մեկնաբանել այն, ինչը... մի խոսքով, գիրքը սպանեց գրքին, մի հարվածով, ու ես չեմ սկսի նկարագրել, թե ինչպես էր վառվում իմ մարդ-թեմայի ձեռագիրը: Ասենք, ճիշտ այնպես, ինչպես որ...

Թյուրը կտրուկ շրջվեց Ռարի կողմը: Բայց նա չընդունեց հայացքը. ավիով աչքերին հովանի արած՝ կատարելապես անշարժ նստել էր ես ասես ոչ լսում էր, ոչ ընկալում:

- Իսկ ինչ վերաբերում է վերնագրին,- վեր կացավ Թյուրը,- ապա կարծում եմ այստեղ հարմար կլիներ, թերեւս...

- «Ինքնակենսագրություն» բառը,- հարվածը վերադարձնելով՝ կտրեց Ռարը: Թյուրը աքլորացած տակեց գլուխը եւ արդեն ուզում էր բացել բերանը, բայց ձայնը խլացավ խնդմնդոցից, խեղդվող խոխոռոցից, կշկշոցից ու ծվծվոցից բաղկացած սուր ծիծաղի մեջ: Միայն երեքը չէին ծիծաղում Ռարը, Թյուրը եւ ես:

Ստահողացողներն իրար ետեւից ցրվում էին: Առաջիններից մեկը դուրս եկավ Ռարը: Ես ուզում էի հետեւել նրան, բայց ծանոթ սեղմումը, արմունկս բռնելով, կանգնեցրեց ինձ.

- Երկու-երեք հարց,- եւ ինձ մի կողմ քաշելով՝ շաբաթ օրերի տերը սկսեց մանրամասն հարցուփորձ անել իմ տպավորությունների մասին. առանց մտածելու ու կտրուկ էի պատասխանում՝ ավելի շատ փորձելով ազատվել, որ հասնեմ Ռարի ետեւից: Վերջապես մատներն ու հարցերը հետ քաշվեցին, ու ես նետվեցի հասնելու հեռացածին: Լապտերների դեղին ծածկի տակ տեսա ինձնից հարյուր քայլ առաջ շարժվող թիկունքը: Շնչակտուր հասնելով ետեւից՝ չէի նկատել գնացողի առջեւից մայթին խփվող ձեռնափայտը.

- Կներե՞ք, որ անհանգստացնում եմ...

Մարդը, որին Ռարի տեղն էի դրել, ինձ դարձրեց դեմքն ու ու լուռ վրաս հառեց անսպասելի շողացրած կլոր ապակիներով հայացքը:

Շփոթվելով՝ ինչ-որ անկապ բան մրմնջացի ու հետ թռա: Այդ ամբողջ շաբաթվա ընթացքում ինձ տանջող հարցը ստիպված էր սպասել մոտակա շաբաթ օրվան:

4

Նաջորդ շաբաթ օրը մտահղացումների բացահայտման հերթը Դյաժինն էր: Ես դատարկ գրադարակների սեկյակ մտա հենց այն պահին, երբ պատմությունը պետք է սկսվեր: Ճանալով թաքնվել ընդառաջ ելած

Միգիզմունդ ԿՐԺԻԺԱՆՈՎԱԿԻ

կյոռ ակնոցից՝ բազկաթոռս քաշեցի քարացած մարդկանց սեւ ստվերները քաշքշող բուխարու մոտ, եւ անմիջապէս անձայն ու անշարժում դարձաւ, ինչպէս բոլորը:

Դյաժը, շեկ մազերի ստելը դողացնելով, կզակը հենած ձեռնափայտի գլխիկին, որով երբեմն կետ-գծիկներ էր թխկացնում, սկսեց պատմությունը:

- Էքսեր. այդպէս էին կոչում կամ երբեւէ կկոչեն մեքենաները, որոնց մասին այսօր կփորձեմ պատմել: Ճիշտ է, դրանք գիտության մեջ հայտնի էին ավելի բարդ ու երկար անվանումներով՝ դիֆերենցիալ գաղափարաշարժիչներ, էթիկական մեքենասարքավորումներ, էքստերիորիզատորներ ու չեմ հիշում էլ ինչպէս. բայց ամբոխը, սեղմելով ու կրճատելով անունները, դրանց պարզապէս ասում էր էքս: Բայց ամեն ինչ՝ հերթով:

Ամսաթիվը, երբ էքսերի մասին գաղափարը առաջին անգամ հայտնվեց մարդու գլխում, կարելի է կորսված համարել: Կարծես թե քսաներորդ դարի կեսերին էր կամ դրանից էլ շուտ: Մեծ եւ բավական աղմկոտ ու եռուզեռով լի քաղաքի երկու փողոցների հատվածքում մի արեւոտ ու քամոտ առավոտ խանութի ցուցափեղկի առաջ իրար ձայնախեղդ անելով իրենց ապրանքն էին գոլում կրծկալ վաճառող մի քանի կին: Քամին ապրանքը խլում էր նրանց ձեռքից, քաշքշում կապիչներն ու գնդածեւ փքում ժանեկագարդ բատիստը: Մարդիկ հրմշտվելով արագ անցնում էին նրանց կողքով՝ ուշադրություն չդարձնելով ո՛չ քամու չարություններին, ո՛չ վաճառողների պնդերեսությանը: Միայն մեկը, որ հենց այդ ժամանակ կտրում էր դորդացող փողոցը, հանկարծ կանգ առավ ու սեւեռվեց օդում փողփողացող գնդակերպերին: Վաճառող կանայք, նրա հայացքը նկատելով, գոռգոռացին ու կանչեցին մայթից՝ իմ մո՛տ - նրա մո՛տ չէ - իմ մո՛տ - նրանից չվերցնե՛ք - իմը էժա՛ն է: Մի ավտոմոբիլ, համարյա տակը գցելով սեւեռված հետիոտնին, կտրուկ կանգ առավ, ու վարորդը սկսեց գոռալ ապակու միջով՝ սպառնալով, որ կտրորի: Բայց մարդը աչքերն արագ կտրեց բատիստից ու կրունկները՝ ասֆալտից, եւ ոչ տրորվելով, ոչ էլ բլիթ դառնալով՝ շարունակեց ճանապարհը: Եվ եթե մեր անցորդին ուրիշի տեղ դրած եւ արագ մոտեցած ու ևույնքան արագ էլ հետ թռած ոմն խենթ պատանի կարողանար աչքերի միջով տեսնել այն, ինչ դրանցից այն կողմ էր, ողջ կյանքի համար մեկընդմիշտ կհասկանար՝ բոլորը միշտ բոլորին ուրիշի տեղ են դնում:

Բայց ո՛չ պատանին, ո՛չ վարորդը, ո՛չ էլ վաճառող կանայք, իհարկե, չտեսան ու չկասկածեցին, որ հենց այդ վայրկյանին ու հենց այդ գլխի մեջ

Է ցատկել էքսերի մասին գաղափարը: Խորհրդավոր անցորդի գլխում զուգորդումները, ցրիվ ու անանուն սեւագիր թերթիկների պես, անցնում էին այսպիսի շարքով. «Քամի - արտաքին ձեւերի խզում ու լցարկում - եթերային քամի - ներքին ձեւերի խզում, առարկայացում, լցարկում. մտքեր - վիբրացիաներ, վիբրագրեր գանգատուփում. Եթե եթերային քամու հարվածի տակ, ապա ամբողջ «ես»-ը՝ դեպի դուրս, աշխարհ,- ու գրողի ծոցը երիզակապերը»: Հետո զուգորդումների թռիչքը հայտնվեց ամրակապերի մեջ. գործեցին տրամաբանությունն ու տարիներով կուտակված փորձը.

«Պետք է համայնացնել հոգեկերտվածքները. Եթե օդի հարվածը կարող է գլխարկը թռցնել գլխից ու քշել ինձնից առաջ, ինչո՞ւ եթերի կառավարվող հոսքով գանգատուփից չթռցնել գլուխներում պահված այդ բոլոր հոգեկան բովանդակությունները. Ինչո՞ւ, գրողը տանի, մեր բոլոր in-երը *[ներսում - լատ.]* չըջջել ex-ի *[դեպի դուրս - լատ.]*»:

Էքսերի գաղափարով հանկարծակիի բերված մարդը իդեալիստ էր, երագող. նրա փոքր-ինչ խայտաբղետ ու անկազմակերպ խորագիտությունն անկարող էր իրացնել գաղափարները, երագանքն առնել լծի տակ: Լեզենդն ասում է, որ իր հանճարեղ ուրվագծերը մարդկանց թողած այդ անանունը մահացել է կիսաքաղց ու անհայտության մեջ, եւ նրա բոլոր բանածներն ու գծագրերը, մեծամասամբ միամիտ ու գործնականում անճարակ, երկար ձեռքից ձեռք են անցել, մինչեւ որ վերջապես հայտնվել են ինժեներ Թուտուսի մոտ: Թուտուսի համար մտածողությունը նույնանում էր մոդելավորման հետ, դեմ առնում իրերին, ինչպես քամին՝ առագաստներին. Դեռ պատանության տարիներին, հետաքրքրվելով գաղափարաշարժման հին սկզբունքով, այն միանգամից կոնկրետացրել էր գաղափարաշարժիչի մոդելում, այսինքն մեքենայի մեջ, որը մկանի բնախոսական լարումը փոխարինում է դրսից՝ մեքենայից ստացված մեքենայական ազդեցությամբ: Դեռեւս Անանունի սեւագրերին ծանոթանալուց առաջ Թուտուսը համարձակ ու ճշգրիտ փորձերով մշակել ու ավարտին էր հասցրել գորտի մկանների կծկման հնագույն փորձերը եւ աչքն ընդգրկող թույլ մկանային ցանցը ներառել իր գաղափարաշարժիչի շղթայի մեջ: Թուտուսն աչքին ստիպում էր շարժվել այս կամ այն կողմը, նույն մեքենայի օգնությամբ սեւեռում ցանկացած առարկայի վրա, արցունքների հոսք էր առաջացնում, կոպերի բարձրացում եւ իջեցում: Սակայն «արհեստական դիտողի», ինչպես արտահայտվում էր Թուտուսը, ստեղծման այդ բավական պարզունակ փորձերը սակավ արդյունավետ էին ու վատ էին ամրագրում երեւոյթը. Բանն այն է, որ նյարդային կենտ-

րոններից եկող բնախոսական նյարդավորումը շարունակում էր գործել՝ մի տեսակ նստելով մեքենայից ստացվող արհեստական նյարդավորման վրա: Անանունի մտահղացումների հետ ծանոթանալը միանգամից ընդլայնեց Թուտուսի աշխարհայացքն ու փորձերի թափը. նա հասկացավ, որ պետք է մեքենայով ընդգրկել մարդու հենց այն շարժումներն ու մկանային կծկումները, որոնք հստակ սոցիալական նշանակություն ունեն: Անանունի գրառումները խոսում էին այն մասին, որ գործողություններից բաղադրվող իրականությունը «չափազանց շատ բաղադրիչներ ունի ու չափազանց քիչ է որպես միագումար»: Միայն տարանջատ գործող նյարդային համակարգերից նյարդավորումն առնելով ու տալով միակ՝ կենտրոնական նյարդավորիչին,- սովորեցնում էր Անանունը,- կարելի է ծրագրված կազմակերպել իրականությունը՝ մեկընդմիջտ վերջ տալով «ես»-ի տևանյազործությանը: Կամքի ազդակները փոխարինելով բարոյականության ու տեխնիկայի վերջին նվաճումների վրա կառուցված, այսպես կոչված, էթիկական մեքենաներից որեւէ մեկի ազդակներով՝ կարելի է հասնել նրան, որ բոլորը տան ամեն ինչ, այսինքն հասնել լիակատար «ex»-ի: Թուտուսն առաջ էլ, կատարելագործելով իր գաղափարաշարժիչը, որի կանխագուշակված լինելու մասին ոչինչ չգիտեր, հասցրել էր նրա գործառնության շրջանակի մեջ առնել հիմնական՝ ուղեղի կենտրոնախույս համակարգի հետ կապված մկանները: Բայց մի բավական տհաճ դիպված երկար ժամանակով կանգնեցրեց ու խճճեց նրա աշխատանքը: Այսպես պատահեց: Թուտուսին վիճակվել էր ծանոթանալ մի երեւելի հասարակական գործչի, մեծ կամքի եւ իշխանատենչության տեր մարդու հետ, որը, սակայն, տառապում էր մի տարօրինակ ու բարդացած հիվանդությամբ. սկզբում դա սովորական տեղային կաթված էր, որը հետո տարածվեց ամբողջ մարմնում եւ անշարժացրեց կմախքի կողմից կառավարվող մկանային համակարգը: Հիվանդությունն աստիճանաբար մկանազործում էր այդ մարդուն. ձեռքի տարրական շարժումը, քայլը, բառը օրեցօր ավելի ու ավելի մեծ ջանքեր էր պահանջում: Մարմինը թուլանում էր, մինչեւ որ այդ մարդու ոգին կաշվի ու ճարպի՝ ներսից կապված պարկի պես մի բան դարձավ՝ թարշամած ու համարյա անշարժ: Ելք փնտրելով՝ դժբախտը դիմեց Թուտուսի օգնությանը, եւ նա ձեռնամուխ եղավ շարժունակությունն արթնացնելուն: Նյարդավորիչի ստեղծաշարն ամեն օր ձգելով ու թուլացնելով հիվանդի մկանները՝ մարմնին ստիպում էր քայլել պատից մինչեւ շեմն ու հետ, շարժել ձեռքերն ու արտասանել իր տկուկացրած բառերը: Բայց հիվանդին տրված գործունակությունը խիստ

սահմանափակ էր. քարշ տալով հաղորդալարերի գալարները՝ քաղգործչի մարմինը շարժվում էր ասես սանձապարանով կապված, հրումներով ու մեռած՝ հետեւելով մեքենայի ստեղներին թխկոցին: Ճիշտ է, հիվանդը առանց մեքենայի օգնության կարողանում էր նաեւ դանդաղ ու դժվար գրել, եւ այդ խզբզոցը հիմք էր դառնում հաջորդ սեանսները ծրագրելու համար: Մի անգամ, կյանք վերադառնալու երեքշաբաթյա փորձերից հետո, կաշվի ու ճարպի պարկի վերածված մարմինը, կախկիւժած մատները շարժելով, դրանց արանքը խցկած գրաֆիտով թղթին խզվեց. «Ինքնասպանե՛ք»: Օրվա ծրագիրը մոմտալով՝ Թուտուսը որոշեց այն դարձնել յուրատեսակ *experimentum crucis* [*փորձություն խաչով - լատ.*],- ևսուկիսկ այդ, թվում է՝ կատարելապես մկանազրկված օբյեկտի՝ մեխանիկական նյարդավորիչով արած աշխատանքը համենայնդեպս փչացնում էին հաշվարկման չտրվող կամքի խզբզանքները, որոնք խճճվում էին մեքենայի ճշգրիտ պարտիտուրայի մեջ: Դժվար էր գուշակել կամային դիմադրության բոլոր հնարավորությունները, եւ ինքնասպանության գիտափորձում հարկ էր սպասել մեքենայի ու մարդու կամքերի առավել կտրուկ, ծայրահեղ բախման պահին: Փորձարարն այսպես արեց. ատրճանակի փամփուշտից դատարկելով վառողը եւ մտնելով իր կենդանի օբյեկտի տեսադաշտ, ցույց տվեց փամփուշտն ու հենց այդտեղ, նրա աչքի առաջ, դրեց պողպատե թմբուկի բևիկում, բարձրացրեց հրահանն ու մահվան գործիքը դրեց անշարժ ցցված մատների արանքը: Հետո սկսեց աշխատել մեքենան. ինքնասպանվողի մատները, ցնցվելով, բռնեցին ատրճանակի կոթը. ցուցամատը սխալ ռեֆլեքս տվեց. Թուտուսը մոտեցավ ու շտկեց՝ համառող մատը ամուր սեղմելով ձգանի կորին: Ստեղնի եւս մեկ սեղմում, ու ձեռքը, ցնցվելով, ծալվեց, եւ,- հաջորդ շարժումով,- փողը՝ քունքին: Թուտուսը նորից մոտեցավ օբյեկտին, ուշադիր նայեց. դեմքի մկանները չէին դիմադրում, ճիշտ է, աչքերը դողացնում էին թարթիչներն ու բիբերի կետերը լայնացել, դարձել էին սեւ շրջանակներ: «Շատ լավ է»,- քրթմնջաց Թուտուսն ու շրջվեց, որ սեղմի վերջին ստեղնը, բայց՝ տարօրինակ բան. ստեղնը չէր ենթարկվում: Փորձարարն ավելի ուժեղ սեղմեց, եւ անմիջապես խուլ ճթթոց լսվեց փորձարկվողի քունքի մոտ: Թուտուսը ստուգեց մեքենան ու նորից իջեցրեց ազատ շարժվող ստեղնը: Հետո պտտեց անջատիչները, եւ հանկարծ մարդկային պարկը անհասկանալի ինքնիրավչությամբ բազկաթոռից սահեց ցած, թափահարեց վերջույթները թռիչքի պահին գնդակահարված թռչունի պես ու խփվեց գետնին: Թուտուսը նետվեց օբյեկտի կողմը. մեռած էր:

Միգիզմունդ ԿՐԺԻԺԱՆՈՎՍԿԻ

Անանունի սեւագրերը, որոնք մեր փորձարարին, ինչպես ասացի, վերադարձրել էին իր փորձերին, նախեւառաջ ստիպեցին հրաժարվել հաղորդալարերի, սեղմակների ու ամրակների հնաոճ համակարգից, որոնցից այնքան երկար էր կառչել մատերիայի պոռթկումներից վախեցած մողելավորող միտքը՝ ձգտելով ծրագրել հաղորդիչի եւ ընդունիչի կապի անմիջականությունը: Անհայտ երագողի խունացած տողերը թերթելիս Ռուտուն անաջին անգամ զգաց այն «եթերային քամու» շունչը, որի մասին երագում էր նախակարապետը: Ես շատ վատ եմ գլուխ հանում Էներգետիկայից, որպեսզի հետեւեմ Ռուտունին նրա նոր անհաղորդիչ գաղափարաշարժիչների կառուցվածքային մանրամասներում: Բայց գյուտարարն էլ շուտով մոլորվեց ողջ լայնքով ու երկայնքով ուսումնասիրած Էներգետիկական տեխնիկայի ասպարեզում. բանն այն է, որ բնախոսական նյարդավորումը դիմադրում էր հաղորդալարերից հանված ու եթերում ավելի հաստատուն ցրած ազդակներին, եւ հուսահատված Ռուտունը բազմաթիվ կրկնական փորձերից հետո վերջապես հասկացավ, որ միայն մկանային համակարգը նյարդային համակարգից մեկընդմիջտ մեկուսացնելով, իրարից կտրելով Է հնարավոր հասնել արարքների, այսպես կոչված՝ վարքի լիակատար ընդգրկմանը գաղափարաշարժիչում: Հենց այդ ժամանակ էլ նրան տեղեկություններ հասան իտալացի մանրէաբաններ Նետտոտիների գիտափորձերի մասին: Նետտոտի-ավագը, Ռուտունի փորձերից շատ առաջ, հայտնագործել էր այսպես կոչված գլխուղեղի մակաբույծներին: Մինչ այդ էլ գիտությունը կիսով չափ հաստատել էր միելոֆագերի՝ տարրերի գոյությունը, որոնք յուրացնելով ծայրամասային նյարդերի փափուկ մասը՝ նպաստում էին այսպես կոչված նեվրիտի գարգացմանը: Բայց կարելի է համարել, որ Նետտոտին, որը օգտվում էր մանրադիտարկման բոլոր միջոցներից եւ հատկապես հեմոտակսիսի մեթոդներից, առաջին անգամ բախվեց չափազանց բարդ, հաճախ գերմանրադիտակի ուժեղագույն ճառագայթից խոյս տվող ուղեղի կենդանական աշխարհի գոյությանը: Ավելին, նմանակելով համբերատար այգեգործներին, ինչպես ինքն էր սիրում ասել, Նետտոտին արհեստակաւորեն ուղեղային մանրէների տարբեր տեսակներ ու տարատեսակներ էր ստանում իր հավաքածուի սովորական դոնդողակյուրթի խառնուրդների տեսքով: Նա չէր կարող իր ապակե մանրէագործարանում անել այն, ինչ ժամանակին անում էր Մենդելը ծաղկափոշու հետ, նախ, որովհետեւ մանրէները անհամեմատ փոքր էին ծաղկափոշու փոշեհատիկներից, երկրորդ՝ խաչասերումն այստեղ անգոր էր միկոսոբակիզմների անսեռու-

թյան պատճառով, բայց ևս մի ուրիշ առավելություն ուներ. օրինակ, այսպես կոչված Ռանվյեի նեղվածքներում՝ նյարդաթելիկների առավել ևսորբ հատվածներում՝ տեղավորված մանրէները մեկ օրվա ընթացքում համարյա նույնքան սերունդ էին տալիս, որքան, ըստ համաշխարհային պատմության, մարդկությունը՝ մեր ողջ դարաշրջանի ընթացքում: Այսպիսով, ունենալով ավելի քան սեղմ ժամանակ, ինչպես արտահայտվում էր Նետտետին, փորձարարը, աստիճանաբար փոխելով ջերմային ու քիմիական ազդեցությունը մանրէների աշխարհում կարող էր հասնել այն արդյունքներին, ինչը, ասենք, վարժեցված կենդանիների հետ աշխատելիս կպահանջեր հազարավյակներ: Կարճ ասած, նրան հաջողվեց աճեցնել ուղեղի մակաբույծների հատուկ տեսակ, որը ևս կոչեց վիբրոֆագեր: Հատուկ ներարկիչ ասեղով ուղեղի թաղանթների տակ մտցված վիբրոֆագերը անմիջապես ու սրընթաց բազմանալով, ինչպես որդերը մրգատու ծառերի վրա, հարձակվում էին նյարդերի ճյուղավորումների վրա, կուտակվելով գլխավորապես ուղեղի կեղեվից նրանց դուրս գալու կետերում: Վիբրոֆագերը ոչ մակաբույծներ են, այդ բառի ուղիղ իմաստով, ոչ փտամանրէներ, թափանցելով նեյրիլեմայի մեջ, այդ փոքրիկ գիշատիչները խժռում էին ոչ թե նյութը, այլ էներգիան, այսինքն սնվում են վիբրացիաներով, նյարդային բջիջների էներգետիկ լիցքերով: Խցանելով նյարդային էներգիայի բոլոր ելքերը, փակելով ուղեղի՝ դեպի աշխարհ բացվող բոլոր պատուհանները, այդ մանրէները որսում էին ուղեղային ազդանշաններն ու լիցքերը՝ իրենց փոքրիկ մարմինների շարժման ընթացքում վերամշակելով նյարդային ալիքների վիբրացիաները: Այդ հայտնագործությունը Նետտետի-ավագին թույլ տվեց վերջապես ձեռնամուխ լինել այն փորձին, որին պատրաստվում էր ողջ կյանքում: Դուք պետք է իմանաք, որ եզան վիզ ու ներքինու ձայն ունեցող այդ մարդը ողջ կյանքում մի միտք էր փայփայում՝ փորձարարական հիմնավորում տալ, թվում է, թաղված ու մոռացված «բնածին գաղափարների» մասին փիլիսոփայական լեգենդին: «Բավական է առաջին զգացողությունները շրջանցելով՝ նորածին ուղեղին ուղարկել իմ վիբրոֆագերի բանակը, մտածում էր Նետտետին, եւ նրանք, չվնասելով ուղեղի նյութական սուբստանցներն ու ճյուղավորումները, ներս չեն թողնի նյարդային հաղորդակներով ուղեղ թափանցող աշխարհը. ընդսմին, պետք է միայն հնարավորինս անընկալուևակ դարձնել շարժողական նյարդերը, հատկապես արտաբերման ապարատը, եւ այդ ժամանակ հոգին մեզ կպատմի իր *ideae innatae*-ն [բնածին գաղափարները - լատ.]»:

Միգիզմունդ ԿՐԺԻԺԱՆՈՎԱԿԻ

Այդ դաժան խենթը (խենթերի մեծ մասը դաժան է), որ հայտնագործել էր աներեսությունները, ինքը կույր էր ակնհայտի հանդեպ. հավատալով Դեկարտի գառամ ուրվականներին՝ ևս վտանգավոր փորձեր սկսեց երեխաների վրա՝ իր լաբորատորիային կից պատվաստման կետում: Արդյունքը անհեթեթ ու «զարհուրելի», ինչպես գրում էին ժամանակի թերթերը, գործընթացն էր: Ծեր գիտնականին մեղադրում էին տասնյակ երեխաների մահվան մեջ. Փորձարանում սկսելով՝ ևս վերջացրեց բանտում: Ջոհերի արյունով լվացված ու արատավորված մանրէաբանի աշխատանքները տեսական ժամանակով ընդհատվեցին ու մոռացվեցին:

Եվ Նետտտոսի-կրտսերը, որը ցանկանում էր մաքրել հորից ժառանգած անունը, ականա սկսեց փորձեր անել մի տեսակ հակառակ կողմից. հայրը ձգտում էր խցել ուղեղի մուտքերը, որդին ձգտում էր մանրէների կենդանի խցաններով փակել ուղեղի բոլոր ելքերը: Նետտտոսի-կրտսերը, որի վրա ճնշում էր հորը խայտառակած արարքը, ասես ցանկանում էր մեկընդմիջտ վերջ տալ բոլոր արարքներին: Թվում էր՝ չկա մեկը, որն ավելի օտար լիներ Անանունի գաղափարներին, որը ուսուցանում էր իրականությունը հարստացնել գործողություններով, բայց դրա հետ մեկտեղ, դա այն մարդն էր, որն անհրաժեշտ էր Անանունի գաղափարներն իրականացնելու համար:

Երիտասարդ Նետտտոսին շուտով վիբրոֆագերի նոր տարատեսակ ստացավ, որը մակաբուծություն էր անում միայն նյարդային ցանցի շարժողական համակարգի վրա՝ մի տեսակ տեղավորվելով կամքի ու մկանի միջեւ: Բայց համառ հետազոտողի համար դա քիչ էր. ուսումնասիրելով քիմիական գործընթացները շարժողական նյարդաթելերի ներսում՝ Նետտտոսին համարյա անորսալի տարբերություն գտավ առանձին նյարդային ցողունների հեմոտաքսիսների միջեւ: Հենց հետազոտողի համար էլ անսպասելի պարզվեց մի ապշեցուցիչ փաստ. մարդու ինքնաբեր շարժումները կառավարող թելերը մի փոքր այլ քիմիական ռեակցիաներ էին տալիս, քան սիմպատիկ համակարգի եւ ընդհանրապես կամային ջանքի ոլորտից դուրս թողնված թելերը: Ծերուկ Նետտտոսին, որը սիրում էր հին փիլիսոփայական սխեմաները, երեւի ջանար փորձարարական ճանապարհով հիմնավորել վաղուց մերժված կամքի ազատության մասին ուսմունքը, բայց որդին, որը օտար էր բնագանցական վերհուշերին, ավելի հեռուն գնաց՝ որեւէ սխեմայի ուշադրություն չդարձնելով, օգտվելով հեմոտաքսիսի նույն մեթոդից՝ ևս վիբրոֆագերին հրապուրեց-բերեց այսպես կոչված կամայական նյարդակալման համակարգ, եւ երբ նոր ելթա-

տեսակի հատկություններն ամրագրվեցին, այդ յուրահատուկ միկրոկուտուրան կոչեց ակցիոֆագեր կամ, ինչպես ինքն էր սահմանել հետագայում, «փաստեր խժռողներ»։ Հիմա արդեն, չվախենալով բաստում փտելու հեռանկարից, կարելի էր «փաստեր խժռողների» կուլտուրաները պատվաստել նյարդային համակարգի ֆիբրիլներին։ Սակայն հոր ճակատագրի մասին հիշողությունը Նետտոտի-կրտսերին ավելի զգուշավոր էր դարձնում արարքների ոլորտում. Անցնելով ճագարներից ու ծովախոզուկներից homo sapiens [մարդ բանական - լատ.] սովորական ճանապարհը՝ նա sapiens-ի առաջ վարանեց։

Մի անգամ երեկոյան խորհրդածությունների ժամանակ մանրեաբանին զեկուցեցին հեռվից եկած մի մարդու մասին, որը հանդիպում էր խնդրում։ «Ներս հրավիրեք»։ Աշխատասենյակի շեմն անցնելով՝ այցելուն արագ,- երեք երկար քայլով,- հասավ կարճամարմին իտալացուն, իր բարակ ու կառչուն մատների մեջ առավ նրա թմբիկ ձեռքը եւ ատամնալիցքերը վերելից Նետտոտիի զարմացած դեմքին շողացնելով՝ ասաց.

- Թուտո՛ւ։ Իմժենե՛ր։ Դուք հողմադացի թեւերն եք, իսկ ես՝ քամին, աղունը՝ կիսովի։ Համաձա՛ն էք։

- Ի՞նչ աղուն,- ապշեց Նետտոտին՝ փորձելով դուրս պրծնել ձեռքը սեղմած մատներից։

- Սարդկային։ Բնականաբա՛ր։ Ես նստեմ,- եւ հյուրը երկար, ոսկրոտ մարմինը տեղավորեց բազկաթոռի մեջ։- Տվեք ինձ ձեր մանրէները, իսկ ես ձեզ՝ իմ եթերային քամին, որ ձգում ու թուլացում է փչում մկանների մեջ, եւ մենք վերստին կկառուցենք ողջ մարդկային իրականությունը, վերից վար, հասկանո՞ւմ եք։ Մենք թունել էինք փորում տարբեր ծայրերից, եւ ահա հանդիպեցինք. քլունգ՝ քլունգի։ Ես վաղուց եմ հետեւում ձեր աշխատանքներին, չնայած հրապարակումների հարցում ժլատ եք։ Ես էլ եմ ժլատ։ Բայց համոզված եմ. եթե ձեր ամեն ինչը միացնեք իմ ամեն ինչին, նրանք շուտ կտան ամեն ինչ։ Ահա սխեման,- Թուտուը մոտ քաշեց հետը բերած պորտֆելը։- Բայց՝ ex-ը in-ի դիմաց։ Դե՛, ցույց տվեք ձեր մանրէները։

- Դրանք այնքան էլ հեշտ չէ տեսնել,- փորձեց կատակով գլուխն ազատել հանկարծակիի եկած Նետտոտին։

- Դրանք իմաստը տեսնելն ավելի դժվար է։ Բայց, գիտե՞ք, ես տեսնում եմ հստակ ու լիովին։

- Այստեղ վտանգ կա,- տատամսեց մանրեաբանը։

- Իմ վրա եմ վերցնում,- պորտֆելը սեղանին խփեց Թուտուը,- ի գո՛րծ։ Ահա այն մկանների ցանկը, որոնք պետք է ազատագրել նյարդա-

Միգիզմունդ ԿՐԺԻԺԱՆՈՎԱԿԻ

յին համակարգից: Բուսական գործընթացների նյարդավորումը, հոգեկան ինքնաբերությունների համակարգից որոշ բաներ երեւի կարելի է թողնել մարդկանց: Մնացածը՝ եթերային քամու հարվածի տակ, ես բոլոր թիակներն ու հողմադացի թելերը կպտտեմ որ կողմն ուզեմ: Օ՛, իմ էքստրը մաքուր աղուն եմ տալիս:

- Բայց փող է պետք:

- Տեղ ու դադար չի լինի: Կտեսնե՞ք:

Յուրատեսակ համաձայնություն կնքվեց:

Եվ դրանից կարճ ժամանակ անց առավել խոշոր տերությունների կառավարությունները ստացան,- շտապ ու հույժ գաղտնի,- Նետետտի-Ռուտուսի հուշագիրը, որը հիմնվելով ճշգրտագույն թվերի ու սխեմաների վրա՝ առաջարկում էր էքստրի իրացում, ու թվարկում ինչպես ֆինանսական, այնպես էլ բարոյական աներեւակայելի օգուտներ, որոնք կարող էին ստացվել այդ սարքավորումների արդյունքում: Նախագիծը որոշ հասցեատերերի չհասավ՝ խրվելով մինիստրական գրասենյակներում, մի քանիսը մերժեցին, բայց որոշ երկրներում (գլխավորապես՝ որտեղ արտարժույթը երերում էր, պետական պարտքը աճում եւ փրփուրները դիտարկվում էին լրջորեն ու փրկարար էին թվում) նախագիծը փոխանցվեց հանձնաժողովին, արագ ուսումնասիրվեց ու դրվեց քննարկման: Ռուտուսը միանգամից հրավեր ստացավ երկու մայրաքաղաքներից, այնպես որ, կառավարություններից մեկը նույնիսկ ստիպված էր սպասել: Մի շարք գաղտնի նիստերում, զեկույցները լսելով՝ որոշում կայացվեց մեխանիկական նյարդավորման գաղափարը կիրառել հոգեկան հիվանդությունների դեմ պայքարում: Բանն այն է, որ այն դարաշրջանում, որի մասին պատմում ենք, հոգեկան հիվանդների թիվն անասելի աճել էր: Գիտության ջանքերը չէին կարողանում հաղթահարել այդ աղետը, որը խստորեն կապված էր հոգեկան աճող ծանրաբեռնվածությունների ու կենցաղային դժվարությունների հետ: Վտանգը խորանում էր նրանով, որ հիվանդացության տոկոսը հսկա ցատկերով աճում էր առավել հակասոցիալական փսիխոզների ոլորտում. սովորաբար անբուժելի կատաղիների, կլեպտոմանիայով, էրոտիկ փսիխոզներով, սպանության մոլուցքով բռնվածների մեկուսացումը ահռելի միջոցներ էր պահանջում, որի ծանր բեռն ընկնում էր պետական բյուջեի վրա: «Պետությունը ստիպված է,- հիմնավորում էր նախագիծը,- հիվանդության պատճառով գործից կտրված միլիոնավոր աշխատող ձեռքերի խնամքի համար կտրել եւս հարյուր հազարավոր աշխատողների ձեռքեր, ընդ որում՝ տարեցտարի աճող գումարներ ծախսե-

յով նոր մեկուսարաններ կառուցելու, անձնակազմը պահելու եւ այլնի վրա: Սակայն առողջներին հիվանդներից մեկուսացնելու փոխարեն ավելի լավ չէր լինի հիվանդությունն առողջությունից մեկուսացնել հոգեկան հիվանդի օրգանիզմում. չէ՞ որ հոգեկան հիվանդության դեպքում ախտահարվում է միայն նյարդային համակարգը, իսկ մկանային համակարգն անխաթար է մնում: Եթե սոցիալական աշխատանքից անջատված հոգեկան հիվանդի օրգանիզմ պատվաստվեն պրոֆ. Նետետտիի հայտնագործած մանրէները, ապա ուղեղի հետ միասին հասարակությունից հափշտակված մկանային համակարգը կվերադառնա օրինական տիրույթ. բավական է միայն էքս պատրաստել, եւ բոլոր հոգեկան հիվանդների մկանները իրենց ակնհայտորեն անպիտան ու հասարակության համար վտանգավոր նյարդային կենտրոններից փոխարկել «Թուտուս Ա-2» տիպի միասնական կենտրոնական նյարդավորիչի վրա, եւ դրանք միանգամայն անհատույց կաշխատեն հոգուտ հասարակության ու պետության, որին համեմատաբար Էժան Էքսի կառուցումը ոչ միայն կօգնի բյուջեից թոթափել ֆինանսական բեռը, այլեւ միանգամից ահռելի թվով նոր աշխատանքային ուժեր կտա»:

Եվ շուտով էքսը երկար ապակե ծղոտներով տարածվեց ողջ երկրում: Թափանցիկ խողովակաշարերից մետաղապակյա պիրկ, ասես օդում լուծվող ճոպաններ ու թելեր էին ձգվում,- այնպես որ, երբ առաջին էքսի բացման ու գործարկման օրը տոնական ամբոխը խուժեց դեպի հսկայական էքստերիզատորը շրջապատած մեխանիկական պատվարները, ոչինչ չտեսան, բացի ցանկապատված մշուշոտ դատարկությունից (օրը մառախլապատ էր): Ամփոջապես խոսակցություններ սկսվեցին ինժեներների գողացած փողերի, շինծու ձեռնարկների եւ ուռճացված բյուջեի մասին: Ամբիոն բարձրացավ վարչապետը, ճաղատից հանեց ցիլինդրը եւ ձեռքը դեպի դատարկությունը պարզած՝ ծանր ու երկար խոսեց ինչ-որ լուսավոր դարաշրջանի մասին, իրենից թափ տալով բառերը, ինչպես փոշին՝ հին ու մաշված գորգից: Վարչապետը կարճատես աչքերը կկոցում էր շրջափակված դատարկության վրա, ու հանկարծ մի տեսակ բառերին հակառակ մտածեց. «Իսկ եթե իսկապես՞ չկա»: Հետագայում էքսը վրեժ լուծեց վարչապետից՝ իրադարձությունների ընթացքում նրան վերածելով էքս-վարչապետի:

Ամբոխը մինչեւ վերջ լսեց ճառը եւ հիասթափված ու ծաղրելով արդեն սկսել էր ցրվել, երբ օդում անսպասելիորեն ինչ-որ ձայն հայտնվեց. մեղմ ու նուրբ, ասես ապակյա դզզոց լիներ, որ բարձրանում էր վեր ու վեր, ինչ-

Միգիզմունդ ԿՐԺԻԺՄՆՈՎՄԿԻ

պես անընդհատ ձգվող լարի ձայնը. էքսը սկսել էր իր աշխատանքը:

Հաջորդ օրը, արդեն առավոտից, ծառայության շտապողները նկատեցին, որ քաղաքի փողոցներում ինչ-որ անհասկանալի անցորդներ են հայտնվել. բոլորի պես հագնված այդ անցորդները մի տեսակ հրումներով ու դրա հետ միասին՝ ամանակաչափով էին քայլում՝ ասես վայրկյանում երկու քայլ անելով. արմունկներն անշարժ սեղմված էին մարմնին, գլուխներն ասես ընդմիջտ գամած ուտերի արանքում, եւ ճակատների տակից կայում էին նույնափսի անշարժ, ասես ներպտուտակած կլոր բիբերը: Իրենց գործերով շտապող մարդիկ միանգամից չհասկացան, որ դա մեկուսարաններից արձակված խելագարների առաջին խմբաքանակն է, Նետետտիի մեթոդով անջատված մկաններով մարդկանց, որոնք ընդգրկվել էին No1 էքսի գործողությունների դաշտում:

Այդ առաջին խմբաքանակի օրգանիզմները կախապես մշակվել էին վիբրոֆագերում. նոր մարդկանց՝ ուղեղից ու տրամադրությունից համապատասխան եղանակով, բացարձակ առանց ցավի անջատված մկանային ցանցը յուրատեսակ բնական պլեհավաք էր, որն ընդունելով հսկայական կարողավորիչի եթերային կամքը՝ մեթենայական, բոլորի համար միասնական գործունեություն էր իրականացնում:

Եթերային քամու ուժով շարժվող մարդկանց մասին լուրը երեկոյան կողմ արդեն տարածվել էր ողջ քաղաքում. խաչմերուկներում խմբված մարդիկ ուրախ իրարանցման մեջ բղավոցներով ողջունում էին աշխատանքից վերադարձող էքսային մարդկանց, բայց նրանք, որն է կերպ չարձագանքելով, անցնում էին նույն հրումներ հիշեցնող,- վայրկյանում երկու հարված,- քայքայով, արմունկները մարմնին սեղմած: Կանայք նրանցից թաքցնում էին երեխաներին. չէ՞ որ դրանք խելագարներ էին, իսկ եթե՞... Բայց կանանց հանգստացնում էին՝ մաքուր աշխատանք է:

Խաչմերուկներից մեկում մի անսպասելի տեսարան եղավ. մի պառավ կին անցնող նոր մարդկանցից մեկի մեջ ճանաչել էր որդուն, որին երկու տարի առաջ, զսպաշափկի թելքերով կապկպած, տարել էին մեկուսարան: Մայրը ուրախության աղաղակով նետվեց որդու կողմը: Բայց էքսի մեջ առնվածը, կրունկներով ասֆալտը համաչափ ծեծելով, անցավ կողքով. ոչ մի մկան չդողաց դեմքին, ոչ մի հնչյուն չբացեց ամուր սեղմած շրթունքները. եթերային քամին փչում էր ուր ուզեր: Հիստերիայի մեջ ընկած պառավին տարան:

Էքս-մարդկանց,- ինչպես ծաղրանքով նրանց կոչել էր մեկը,- առաջին խմբաքանակը կարողանում էր միայն քայլի չափազանց պարզ շար-

ժամեր անել, որեւէ լծակ իջեցնել-բարձրացնել ու՝ վերջ: Բայց արդեն երկու-երեք շաբաթից, այսպես կոչված «դիֆերենցիալ սարքի» տեղադրումով, խելագարների մեկուսարանների պարունակությունը սկսեց ավելի բարդ մշակում անցնել. Նետետտի-Ռուտուսի համակարգով կազմակերպված կյանքը ընդլայնվում ու բարդանում էր: Այդպես հայտնվեցին կոշիկ մաքրողներ, որոնք առանձնահատուկ էքսային հետետողականությամբ խոզանակները տանում բերում էին կաղապարին դրված սապոզի վրայով՝ վերել-ներքել, վերել-ներքել. պերճաշուք հյուրանոցներից մեկում ընդհանուր հետաքրքրության առարկա դարձավ եւ շքամուտքի առաջ բազմություններ էր հավաքում էքսի կողմից շարժման մեջ դրվող բարապանը, որը առավոտից գիշեր ձեռքը մուտքի դռան բռնակին, մեկ բացում, մեկ փակում էր այն ուժեղ ու կարճ հրումներով: Բայց նյարդավորիչների առաջին նախագծողները բոլոր պատահականությունները չէ, որ հաշվի էին առել: Համենայնդեպս մի անգամ տեղի ունեցավ հետեյալը: Հայտնի հրապարակախոս Ռումմիսը, դուրս գալով հյուրանոցի իր համարից, իջնում էր սանդուղքով. դանդաղ էր քայլում, աչքերով իրերից ու դեմքերից կառչելով՝ համառորեն թեմա էր փնտրում ամսագրքի հերթական թողարկման համար: Բիբերը պատահմամբ որսացին մուտքի դուռը մեքենայական շարժումով բացած բարապանի բիբերը, եւ այդ բիբերը Ռումմիսին ստիպեցին հետ քաշվել, եւ մեջքով խփվեց պատին եւ աչքը չկտրելով՝ մտախոհ մրմնջաց. «Ռեմա»:

Եվ շուտով հայտնվեց հռչակավոր գրողի ստորագրությամբ հոդվածը, որ վերնագրված էր «Ի պաշտպանություն in-ի»: Հոդվածում ազդեցիկ տաղանդով նկարագրվում էր երկու զույգ բիբերի հանդիպումը. այստեղից եւ այնտեղից: Ռումմիսը բոլոր քաղաքացիներին եւ էքսեր կառուցողներին հրավիրում էր նախ եւ առաջ նայել մեքենայացված մարդկանց աչքերին, եւ այդ ժամանակ, գրում էր նա, բոլորը կհասկանան, որ չի կարելի ոտնձգել նրա դեմ, ինչին ոտնձգում են էքսերը: Չի կարելի բռնությամբ օտար, արհեստական կյանք մղել մարդու մեջ: Մարդը ազատ արարած է: Նույնիսկ խելագարները իրենց խելագարության իրավունքն ունեն: Վտանգավոր է կամքի գործառույթները փոխանցել մեքենային. մենք դեռ չգիտենք ինչ կցանկանա այդ մեքենայական կամքը: Ոգեշունչ հոդվածն ավարտվում էր կարգախոսով՝ in-ն ընդդեմ ex-ի:

Ի պատասխան Ռումմիսի ելույթի՝ պաշտոնաթերթի հաջորդ համարում հայտնվեց մի առաջնորդող, որը մարդիկ վերագրում էին Ռուտուսին: Առաջնորդող հոդվածում նշվում էր, որ ժամանակավրեպ են հիստերիկ

Միգիզմունդ ԿՐԺԻԺԱՆՈՎԱԿԻ

բղավոցներն ինչ-որ բիբերի կապակցությամբ, երբ խոսքը ողջ սոցիալական օրգանիզմի փրկության մասին է: Առաջնորդողն «ազատ կամքի» մասին ճառերը մի քանի դարով ուշացած եւ ևույնիսկ փոքր-ինչ ծիծաղելի էր համարում գիտականորեն հիմնավորված ու ստուգված դետերմինիզմի դարաշրջանում. քանի որ խոսքը հասարակության համար վտանգավոր՝ հոգեկան հիվանդների կամքի մասին է, կենսականորեն կարելու է ոչ թե կամքի ազատություն տալ նրանց (որը ևույնպես հարկ կլիներ արհեստականորեն ստեղծել, բնության մեջ դրա բացակայության պատճառով), այլ ազատություն՝ հակասոցիալական ուղղվածություն ունեցող կամքից: Կառավարությունը որոշել է անշեղ եւ անխոնջ գնալ այդ ճանապարհով՝ նորանոր մարդկային ներառումներ անելով Էքսի մեջ:

Բայց Թումմիսը չէր հանդրտվում. փաստարկներին պատասխանում էր փաստարկներով եւ, չբավարարվելով ամսագրային բանավեճով, սկսեց կազմակերպել «Հին բարի ուղեղի ընկերությունը», ինչպես կոչել էր մի անգամ համախոհների խումբը, որոնք հավաքվելով բողոքի միտինգի՝ մերակների մեջ հագցրել էին ուղեղի երկու կիսագլուղերի մետաղյա պատկերը՝ «In contra [*Ընդդեմ - լատ.*] ex» մակագրությամբ: Եվ երբ կառավարությունը սկսեց N 1 Էքսի հարեւանությամբ կառուցել N 2 նոր հզոր Էքստերիզատորը, «հին բարի ուղեղի» կողմնակիցները որոշեցին ողջ բազմությամբ գնալ կառուցման վայրը՝ սպառնալով ոչնչացնել մեքենաները: Չորքեր շարժվեցին դեպի վայր եւ ի պաշտպանություն սարքավորումների, ասես ապացուցելու համար, որ Էքսերն ունակ են ինքնապաշտպանության, փողոցներով, իրենց վայրկյանում երկու քայլը համաչափ թիկացնելով, անցան մեքենայի կողմից նյարդավորված «Էքս-մարդկանց» ջոկատները:

Սպասում էին նոր բռնաճնշումների եւ առաջին հերթին՝ Թումմիսի կազմակերպության անդամների հանդեպ, բայց բռնաճնշումներ չհետեցին: Աստիճանաբար ավելի ու ավելի մեծ իշխանություն ստացող Թուտուսի գեկույցին նվիրված մինիստրների զաղտնի նիստում որոշում ընդունվեց, որի իրականացումը դրվում էր Էքսերի վրա: Թումմիսը հանկարծ ինչ-որ տեղ կորավ,- ոչ երկար, երեք օրով,- ինչից հետո ապշեցուցիչ արագ իր contra-ն փոխեց pro-ի [*Կողմ - լատ.*]: Ասում էին, որ Թումմիսը ծախվել է, որ գործում է մահվան սպառնալիքի տակ եւ այլև: Ու սխալվում էին: Թումմիսը պարզապես առնվել էր Էքսի մեջ: Կատարելագործված սարքը, տիրելով նշանավոր հռետորի արտասանությանն ու գրչի շարժումներին, նրա բոլոր բառերը շրջել էր հակառակին: Թումմիսը հո-

գու խորքում առաջվա պես առում ու նզովում էր էքսերին, բայց հոգեկերտվածքից անջատված մկանները հստակ ու ոգեշունչ քարոզչություն էին անում հոգուտ Նոր Եթիկական մեքենաների կառուցման արշավի: Մեծն գաղափարախոսի երկրպագուները սկզբում, չհավատալով իրենց առաջնորդի դավաճանությանը, խոսում էին բնագրերը կեղծելու ու փոխելու մասին, բայց Թումմիսի ձեռագրերը, որ լուսանկարվել ու նույնիսկ ցուցադրվում էին քաղաքապետարանի ցուցափեղկի ապակու տակ, ստիպեցին լռել անգամ ամենամոլի կասկածողներին: Գլխատված կուսակցությունն աստիճանաբար քայքայվեց, մանավանդ՝ Նորանոր մեքենաների կառուցման հեռանկարը շատերին զայթակղիչ էր թվում: Այսպես. կառավարությունը խոստանում էր զինապարտությունը առողջ բնակչությունից դնել էքսի մեջ առնված՝ հոգեկան հիվանդների վրա. սոցիալական Եթիկայի ու հիգիենայի տեսանկյունից՝ ավելի ռացիոնալ է զոհաբերել ոչ պիտանիներին, քան պիտանիներին: Այդպիսով, շատ ու շատ առողջների համար մեքենաներին վերաբերող «Եթիկական» անվանումը, որ սկզբում անբնական ու ծիծաղելի էր թվում, հիմա որոշակի արդարացում էր ստանում ու ձեռք բերում բնավ ոչ ծիծաղելի իմաստ:

Էքսերի փոքրիկ քաղաքն աճում ու աճում էր: Թվում էր՝ ժամանակն է հարցնել. ինչո՞ւ են դրանք այդքան շատ, չափից դուրս շատ չե՞ն, եթե նկատի են առնվում միայն խելագարները: Բայց ոգեւորությունը պատել էր բուլորին: Թվում էր՝ եթերային քամին, անցնելով իր համար սահմանված գիծը, քշել-տարել էր աշխարհի բոլոր կրիտիցիզմներն ու սկեպտիցիզմները: Վախենամ, որ իմ բառերն էլ քշի-տանի...

Դյաժը, որ ձեռնափայտով հատակին կետ-զծեր էր թխկացում, հանկարծ դադարեց ու ապակիների շրջանակների միջով անհանգիստ նայեց մեզ.

- Այո՛, քիչ էր մնում անցնել ուղեւաքները. այստեղ, ինչպես տեսնում եմ, թեման բաժանվում է երկու տարբերակի: Կարելի է էքսերին կատարելագործելով՝ նրանց եթերային գեփյուռը վերածել հողմի, որի դեմ անզոր կլինեն բոլոր բնական բնախոսական նյարդավորումները, եւ այդ ժամանակ... Բայց այդ դեպքում ստիպված կլինեն շարադրել «փաստեր խժոռոների» կողմնակի թեման: Այդպես չի կարելի. մեկ անգամ ներմուծվելով՝ թեման պետք է գոյատևի մինչև վերջ: Սյուժեի կառուցվածքն էքսի կառուցվածքի պես է. միացնել կարելի է, անջատել՝ ոչ: Ուստի կփորձեն անցնել թեմայի միջով՝ եռանկյուն առագաստով: Եվ այսպես...

Նետետտիի մանրեաբանական փորձարանի աշխատանքները չէին

Միգիզմունդ ԿՐԺԻԺՄՆՈՎՄԿԻ

դադարում: Օգնականներին վստահելով վիբրոֆագերի հնարավորինս կայուն տարատեսակ ստանալը՝ գիտնականը սկսեց զբաղվել հետեյալ հիմնահարցով՝ հնարավո՞ր է, արդյո՞ք, անընկալունակությունն ընդդեմ փաստեր խժռողների: Շուտով երկու առաջադրանքներն էլ փոքրիշատե կատարված էին: Մի կողմից՝ ստացվեց արտակարգ դիմադրունակությամբ մի տարատեսակ, որը կարողանում էր դիմանալ ջրազկրմանը, ջերմաստիճանի տատանումներին, ցանկացած միջավայրում, ճիշտ է՝ ոչ տեսական, պահպանել կենսունակությունը: Մյուս կողմից, Նետոտին ինքը հայտնագործեց մի նոր քիմիական միացություն, որը ինիտ անվանեց: Միացությունը, ներարկվելով արյան մեջ, թափանցում էր ուղեղ եւ նրա համար միանգամայն անվնաս մնալով՝ սպանում վիբրոֆագերին: Բուն օրգանիզմը ինիտի ներարկումից հետո ընդմիշտ անընկալունակ էր դառնում վիբրոֆագերի նկատմամբ: Ինիտի փորձարկումներ արվեցին. նյութը էքսի մեջ առնված մի քանի մոլի խելագարների արյան մեջ մտցնելուց հետո հիվանդությունը կրկին ուղեղից հորդեց մկանները. փրփուրը բերանին՝ գետնին ջղածգվող փորձարկվողներն անհապաղ ոչնչացվեցին, իսկ գիտափորձի արդյունքները հաջողված հայտարարվեցին: Թուտուսի պնդումով Նետոտին սկսեց զբաղվել ինիտի պատրաստմամբ: Գերագույն կառավարական Խորհրդի հերթական գաղտնի նիստում Թուտուսը, ատամնալիցքերը շողացնելով, զեկուցում էր.

- Ես ինձ խելագար կհամարեի, եթե սահմանափակվեի եթերային քամին միայն հոգեկան հիվանդների վրա օգտագործելով: Էքսերի անտեսանելի անտառը օրեցօր աճում է: Ես վաղուց եմ հրաժարվել մկանային համակարգի արհեստական կարգավորումից: Ըստ էության, ցանկացած մկանային ցանց, եթե մեկուսացնես ուղեղից, կարող է ներառվել համապատասխան հաճախականության նյարդավորման մեջ: Պատրաստի էքսերից յուրաքանչյուրը նախատեսված է այս կամ այն հաճախականության ալիքների համար եւ գործի դրվելով՝ ընդգրկելու է տվյալ հաճախականության մեջ այսպես ասած ինքնաներառվող մարդկանց խմբաքանակ: Բնականաբար, միայն նրանց մկանային ընդունիչների՝ ներքին նյարդավորումից անջատված լինելու, այսինքն, գորո՞ղ տանի դրան, այդ նույն «հին բարի ուղեղի» պայմաններում, որի պատճառով մենք բազում խնդիրներ ենք ունեցել ու վախենամ՝ ունենալու ենք: Ամփոփեմ: Մեր երկիրը, ինչպես բոլորը գիտեն, համաշխարհային շուկա է հանում տարբեր պահածոներ՝ հյութեր, չրեր ու մամլած սննդարար նյութեր: Վիբրոֆագի նոր տեսակը բավականաչափ կենսունակ է, որպեսզի մամլում, չորացում

Եւ այլն, եւ այլն անցնելով՝ հասնի մեր համաշխարհային սպառողների օրգանիզմներին, ապա եւ արյան հոսքերով՝ ուղեղին եւ... Ինիտը, բնականաբար, կպահենք միայն մեզ համար: Այն բոլոր առավելությունների մասին, որ կստանանք դրանից, այն նոր համաշխարհային իրավիճակի մասին, որ պետք է հայտնվի ինիտի եւ էքսի միջեւ, ձեզ՝ պետական այրերիդ, բացատրելն ավելորդ է:

Եվ շուտով՝ վիբրոֆագերի անհամար խառնուրդներ՝ մամլված արգանակի խորանարդիկներում, չորացված ու սառեցված կերակրատեսակներում, զոդված միլիոնավոր պահածոյի տուփերում, ուղեւորվեցին միլիոնավոր բերաններին ընդառաջ, որոնք դյուրահավատորեն կլուծեին իրենք իրենց, եթե կթոյլատրվի այդպես արտահայտվել: Ինիտի առաջին իսկ գրամները, որ շատ դանդաղ պատրաստում էր անծամք Նետետտին, առանց որեւէ օգնականի մասնակցություն թույլատրելու, դուրս չէկավ իշխանավորների ու նրանց մերձավորների նեղ շրջանակից: Բանն այն է, որ բոլոր խելագարներին էքսին հանձնած այդ մարդիկ որոշել էին մեքենայի մեջ առնվելու վտանգից զերծ պահել առաջին հերթին առավել ողջամիտներին, այսինքն՝ իրենց: Բնականաբար, հետագայում, նոր գրամներ ու պատիճներ ստանալուն զուգահեռ, որոշված էր դրանք բաշխել կենտրոնից դեպի ծայրամասերը՝ պետության բոլոր լիագոր քաղաքացիների միջեւ, որոնց փողերով էլ, ըստ էության, կառուցվում էին այդ բոլոր էքսերը, բայց... Բայց անսպասելի մահացավ Նետետտին. նրան, փքված պարանոցով ու չոված, ճերմակած աչքերով, գտան իր գաղտնի փորձարանի քիմիական սապակե փորձանոթների արանքում: Ինիտի պատրաստման վերաբերյալ որեւէ գրառում ու բանաձեւ չհայտնաբերվեց: Սիքանի գրամ ինիտով ապակյա սրվակը, որը գիտնականը միշտ մոտն էր պահում, թաքցնելով օտար աչքերից (դրա մասին գիտեին միայն Թուտուսն ու գաղտնի Խորհրդի անդամները) նույնպես չհայտնաբերվեց: Նույնիսկ Թուտուսն անհանգստացած ու շփոթված էր: Նա, որ սովոր էր միայն պատասխանել կամ չպատասխանել, Խորհրդի արտակարգ նիստում առաջին անգամ հարցրեց.

- Ի՞նչ անել:

Այդ ժամանակ վեր կացավ կոլեգիայի ամենաերիտասարդ անդամը՝ Չես անունով...

- Ինչո՞ւ ոչ Չեզ,- վեր թռավ նախագահը եւ տարակուսած ժպիտով նայեց մեզ: Մտահոգողներն իրար նայեցին:

Բայց Դյաժը շարունակում էր թխկթխկացնել իր կետիկները:

Միգիզմունդ ԿՐԺԻԺԱՆՈՎԱԿԻ

- Այսպես ուրեմն: Վեր կացավ, ասում եմ, ոմն Չես, որը մինչ այդ առանձնապես ոչնչով աչքի չէր ընկել: Խելացի մարդ էր, բայց՝ դաժան,- այսպես ասենք, այն ավանդական չարագործը, առանց որի չի կարող ոչ մի ֆանտաստիկա, որը ստիպված է բնավորությունները փոխարինել պատումի սխեմաներով: Այո՛: Եվ պատասխանը տրվեց.

- Գործի դեղ էքստրին: Վերջ: Եվ անհապա՛հ:

Կոլեգիայի անդամներն իրար անցան: Թուտուսը առարկեց.

- Բայց չե՞ որ անընկանության պլան չի իրականացվել: Հետեւաբար էք- սի մեջ կարող են առնվել նաեւ...

- Ավելի լավ: Որքան քիչ են կառավարիչները, այնքան մեծ է կառավարելիությունը: Նաեւ. խորհուրդը հաշվի առե՛լ է ինիտի անհետանալը: Մեր մտահոգումները, ինիտի գաղտնիքի հետ մեկտեղ, կարող են հայտնվել,- եթե արդեն չեն հայտնվել,- օտար ձեռքերում: Քանի դեռ հապաղում ենք, մեր մտահոգումների մասին լուրերը կհատնեն սահմանը, բայց մինչ այդ էլ, մեր համաքաղաքացիները, եթե թեկուզ մի կաթիլ ողջամտություն ունեն, կհասցնեն հաշիվ տեսնել եւ՛ էքստրի, եւ՛ մեզ հետ. թե՞ մտածում եք մեզ կներեն մեր անընկալունակությունը:

- Այո՛,- տատանվեց Թուտուսը,- բայց էքստրի գործարկումն ամեն դեպքում վաղաժամ է: Չե՞ որ մանրէները դեռ չեն հասել բոլոր ուղեղներին ու՛ ողջ մոլորակում: Նաեւ. ես վստահ չեմ, որ մեր ամենահզոր էքստրը, Լույ- նիսկ միանգամից բոլորը գործարկելու դեպքում, իրենց գործողության ոլորտը կառնեն,- կլորացնելով ասեմ,- մարդկության երկու երրորդից ավելին: Հնարավոր են մկանունքի անհատական շեղումներ. բոլորին չես խմբավորի:

- Շատ լավ է,- պատասխանեց Չեսը,- ողջ աշխարհի մկանունքի երկու երրորդը ավելի քան բավական է չներառվածներին նաեւ կյանքից անջատելու համար. Ամբողջովի՛ն: Առաջարկում եմ կոնկրետ լուծում. մանրէակիր պահածոները թողնել նաեւ ներքին շուկա: Ամենաժամանակեղ լուծումը: Երկրորդ. ինչ գնով էլ լինի, առաջիկա օրերին պատրաստել վերջին գերիզոր էքստր: Երրորդ. կառուցումն ավարտելուն պես, այսպես ասած, գիտությունից անցնել քաղաքականությանը:

Բայց իրադարձություններն ավելի արագ էին զարգանում, քան հաշվարկել էր Չեսը՝ համաձայնելով Թուտուսի հետ, որ մանրէները մտքերից արագ կթափանցեն ուղեղի մեջ: Արդեն արտակարգ նիստի հաջորդ առավոտյան բանվորները դուրս չեկան էքսի շինարարությանը. փողոցներում ինչ-որ չար աշխուժություն էր սկստվում, ձեռքից ձեռք էին անցնում

թարմ ընդհատակյա թռուցիկներ, քաղաքից դուրս գվվում էր հանրահավաքը, որը շրջապատելու ուղարկված զորամասը չկատարեց հրամանը: Չեսը հասկացավ, որ նույնիսկ թուփերն են հաշվի մեջ ու չփորձեց դրանք ծախսել Խորհրդի նիստ հրավիրելու վրա, այլ մեկ տասնյակ համախոհների հետ նետվեց անտեսանելի ավանը, որտեղ կանգնած էին նյարդավորիչների թափանցիկ կայմերը: Ոչ ոք չկանգնեցրեց նրանց. մեքենաները սպասարկող ողջ անձնակազմը հանրահավաքի էր:

Թռուցիկների կոչով հավաքված ամբոխը գլուխ գլխի խմբվել էր քաղաքային գծից անմիջապես այն կողմ գտնվող մեծ ձորակում: Թռչնաձայն ծղրտում էին ծառերին թառած հռետորները. մեկը՝ իբր արդեն կիսով բացահայտված դավադրության մասին, մյուսը՝ հայտնի չէ ինչի վրա ծախսված ժողովրդական փողերի, երրորդը՝ ժողովրդին դավաճանելու, չորրորդը՝ հատուցման ու հաշվեհարդարի: Շարժվող մրջնակոցից բռունցքներ ու մահակներ էին ցցվում, լսվում էր հիմների դողողոցն ու անեծքների ոռնոցը: Աղմուկի պատճառով ոչ ոք չստեց մեղմ, ապակենուրբ հնչյունները, որոնք անսպասելի տարածվեցին օդում: Հանկարծ սկսեց ինչ-որ տարօրինակ բան կատարվել. ամբոխի մի մասը անսպասելի պոկվեց հանրահավաքից ու շարժվեց հետ՝ դեպի փողոցները: Ծառերին թառած հռետորները սկզբում մտածեցին, թե իրենց խոսքն է մղում գործողությունների, բայց սխալվում էին. դա գործի դրված էքստերի ազդեցությունն էր: Ամբոխը սակվեց: Հիմա արդեն պարզ լսվում էին նյարդավորիչների միահյուսվող դողանջները. ահա մեկն էլ հնչեց, սուր ու թրթռուն, եւ նոր թափորը, ինչպես մագնիսը՝ մետաղի տաշեղները, հավաքելով մարդկանց՝ հետեւեց առաջինին՝ վերջնականապես քայքայելով հանրահավաքը: Նույնիսկ կաղնու ոստին նստած ոմն ջահել քարոզիչ հիմա արդեն պարզ տեսնում էր, որ այդպես չեն գնում վրեժի ու ավերածության. թափորի մեջ առնվածները տարօրինակ էին քայլում՝ արմունկները մարմնին սեղմած ու հստակ դրոշմելով քայքայ: Մինչ ջահել քարոզիչը, վիրավորանքից ու զայրույթից համարյա լաց լինելով, փորձում էր ճշալ տարվողների ետեւից, մի անտեսանելի բան հանկարծ բռնեց նրա մկանները, բացեց բռունցքներն եւ արմունկները սեղմեց մարմնին: Հավասարակշռությունը կորցնելով՝ տղան ոստից շմփաց գետնին, բայց նույնիսկ չհասցրեց ճշալ. անտեսանելի մի բան սեղմեց ձևոտները, խեղդեց ճիչն ու անսպասելիորեն շարժելով ծանրացած ոտքերը, ծալելով ու բացելով ձևկները՝ քարոզչին ստիպեց միանալ թափորին: Տղայի հոգու խորքում եռում էին ատելությունն ու անգոր կատաղությունը: «Միայն թե հասնեմ տուն, գեներ վերց-

Միգիզմունդ ԿՐԺԻԺՄՆՈՎՄԿԻ

ևեմ, այդ ժամանակ կտեսնենք»,- ապստամբում էր ուղեղը, բայց մկանները տանում էին հակառակ կողմը: «Ո՞ր եմ գնում»,- խենթանում էր մեկուսացված միտքը, իսկ այդ ընթացքում քայլերը, ասես հարցին պատասխանելով, դանդաղ,- երկու քայլ՝ վայրկյանում,- մտքերի տիրոջը մոտեցնում էր անտեսանելի ավանի մետաղյա ցանկապատին: «Ավելի լավ,- ուրախացավ քարոզիչը,- հենց ձեզ էլ փնտրում էի»,- եւ համարյա հեշտանքով պատկերացրեց ինչպես է ձեռքն ընկածով խփելու թափանցիկ թելերին, ինչպես է քանդելու ապակե կայմի հիմքն ու կտրելու ստորգետնյա ռոտորների հաղորդալարերը: Քայլերը, ասես համաձայնելով, նրան հասցրին ամենամեծ, դեռես անավարտ գերիզոր էքսի հյուսակներին. տղան լարեց բոլոր ուժերը,- թվում էր՝ ինչ-որ խորհրդավոր բան օգնում է նրան,- կառչեց ապակյա, կիսով պտուտակած խողովակից, եւ այդ պահին ձեռքերը ասես սահելով ողորկ մակերեսայթից, սկսեցին դանդաղ, բայց համառորեն պտուտակել կայմը: Միայն հիմա դժբախտը հասկացավ, որ ավտոմատ ավանի հրապարակում տեղաբաշխված մյուս մարդկանց հետ աշխատում է էքսերի կառուցումն ավարտելու վրա:

Եթերային քամին, որ սկսել էր փչել անտեսանելի ավանից, արագ ցիրուցան արեց Նետտտի-Ռուտուսի գաղափարին ապաստան տված երկիրը շրջապատող պետությունների սահմանադրությունները: Եթերի մի քանի պոթկումով մի քանի հեղափոխություն արվեց. Չեսը դրանք անվանում էր «հեղափոխություններ՝ մեքենայից»: Ամեն ինչ շատ պարզ էր արվում. քաշելով մարդկանց մկաններից, ինչպես շարժական տիկնիկների թելերը՝ որոշակի շառավղով գործող էքսը նրանց հավաքում էր մայրաքաղաքների կենտրոնում, տիկնիկներով շրջապատում պետական հաստատություններն ու պալատները, ամբոխներին ստիպում արտաբերել,- բոլորին, մի մարդու պես,- որեւէ ոչ բարո, երկու-երեք բառից բաղկացած կարգախոս: Նյարդավորիչից խույս տված մարդկանց մնում էր միայն փախչել՝ հեռու մեքենայի եթերային շոշափուկներից: Բայց շուտով գործարկվեց նաեւ գերիզոր էքսը, որը մկաններին էր հասնում նույնիսկ օվկիանոսների վրայով: Փախստականներն անկարգ բազմություններով փորձում էին դիմադրություն կազմակերպել, նրանք որոշ առավելություն ունեին՝ շարժումների ճկունությունն ու բարդությունը, ինչից զուրկ էին հրումներով եւ ուղիղ գծով քայլողները: Եվ այդ ժամանակ հետեւողակաւորեն, քառակուսի առ քառակուսի սկսեցին ոչնչացնել չներառվածներին: «Նորերի» կատարելապես կանոնավոր շարասյուները, ինչպես հնձվորները հասուն արտերով, միջնակից միջնակ էին անցնում ճանապարհ-

հին հնձելով կենդանի ամեն ինչ: Մահվան սարսափով բռնված մարդիկ թաքնվում էին թավուտներում, թաղվում հողի մեջ, ոմանք էլ կորերի ինքնաբեր շարժումները նմանակելով՝ միանում են շարասյուններին, միայն թե չսպանվեն: Մարդկային աղբը մաքրելու աշխատանքը, ինչպես մի անգամ արտահայտվեց Չեսը, ճշգրտվում էր տեղերում՝ երկու-երեք հարյուր կյարդավորված հատուկ դիտորդների կողմից, որոնց վրա աշխատել էր էքսը: Երբ եթերային ցախավելը դադարեց ավելի բոլոր տարածքները միավորվեցին մեկ պետության մեջ, որին մեքենայի եւ ռեակտիվի միակցումից կազմված անուն տրվեց՝ Էքսինիա:

Դրանից հետո դիկտատոր Չեսը հայտարարեց խաղաղ շինարարության անցնելու մասին: Նախեառաջ պետք էր հոգալ մարդկային սարք ստեղծելու մասին, որը կկարողանար բավականաչափ ճշգրիտ, որակյալ ինքնաբերությամբ սպասարկել Թուտուսի համակարգի սարքերը: Բանն այն է, որ հեղաշրջման ու պայքարի շրջանում մեքենաները ստիպված էին բանեցնել նույն մի բուռ անընկալունացվածներ. էքսերի կառավարումը պահանջում էր շարժումների բարդ համակարգ եւ նույնքան բարդ ազդանշանում: Թուտուսի վերջին ստեղծագործությունը՝ բոլոր էքսերի կառավարման էքսը, վերջապես պատրաստ էր եւ օլիգարխներին մեծապես ազատեց կյարդավորման կյարդային ու բարդ աշխատանքից: Երկրորդ բարեփոխումն Էքսինիայում ժողովրդական կրթության վերացումն էր. միանգամայն ավելորդ էր թվում որեւէ բան սովորեցնել մարդկանց, եթե այդ որեւէ բանը կարող էին անել կյարդավորիչները. Բյուջեի՝ զանգվածների լուսավորությանն ուղղված ծախսային տողը փոխարինվեց անտեսանելի ավանում կենտրոնացված միասնական կենտրոնական կյարդային համակարգի կատարելագործման ծախսերի տողով: Հետո հաշվառման վերցվեց յուրաքանչյուր մարդու ex-ը՝ նրա մկանային կերուծը, եւ կենտրոնական էքսի ստեղծաշարի առաջ նստած Չեսը ամենայն ճշգրտությամբ գիտեր եւ ուզածին պես կարող էր բաշխել ու վերաբաշխել մկանային ուժի միագումարն ու աշխատանքի ծավալը, որը ցանկացած պահի կարելի էր ուղղել այս կամ այն առաջադրանքի կատարմանը: Շուտով էքսինիայի քաղաքները զարդարվեցին ահռելի, կիկլոպյան հզորության կառույցներով: Շինարարությունը կատարվում էր միասնական պլանով՝ ուղղորդված եթերային ալիքների գծերով. կեզելբանի ուղյակների պես ձիգ փողոցները,- բնակելի զանգվածներից դեպի ֆաբրիկաներն ու՝ հետ,- ձգվում էին ամենուր՝ միջօրեականների ու երկայնությունների գծերին զուգահեռ: Իրենք՝ աշխատողները, որոնցից կյարդավորիչները խլել

Միգիզմունդ ԿՐԺԻԺՄՆՈՎԱԿԻ

Էին բոլոր ուժերը, սկսեցին ապրել ընդարձակ ու լուսավոր պայտաներում եւ առատ կերակուր էին ստանում. բայց արդյո՞ք դա ուրախացնում էր նրանց, անհայտ է: Նրանց հոգեկերտվածքը՝ կտրված արտաքին աշխարհից, մեկուսացած անջատված մկաններով ուղեղներում, կեցության մասին որեւէ ազդանշան չէր տալիս:

Կառավարությունը, անշեղորեն իրականացնելով լիակատար Էքսիֆիկացիայի պլանը, հոգում էր նաեւ այն տեսական դարձնելու մասին: Միրո պլանային կազմակերպումը պահանջում էր եւս մեկ, այսպէս կոչված Ձուգավորման Էքսի կառուցում, որը, պարբերաբար գործելով, եթերի կարճ, բայց ուժեղ հարվածներով տղամարդուն նետում էր կանանց վրա, զուգավորում ու բաժանում նրանց այն հաշվարկով, որ ժամանակի առավելագույնս նվազ ծախսը տա բեղմնավորման առավելագույն քանակ: Ի դեպ, անընկալունացվածներից էր նաեւ Ձեսի անձնական քարտուղարը, մի երիտասարդ, այ այսպիսի մազափնջով, ինչպիսին մեր Շոգինն է, դէ, երկար անուն չփնտրելու համար նրան կոչենք Շագգ...

- Բավական աննրբանկատ եք անուններ հորինելու հարցում,- բազկաթոռի մեջ առաջ եկավ Շոգը,- եւ ես խորհուրդ կտայի...

- Կարգի եմ հրավիրում: Այստեղ դիտողությունների իրավունքը միայն իմն է,- ձայնը բարձրացրեց նախագահը:- Շարունակեք պատմությունը:

- Այսպէս ուրեմն, Շագգը այդ բոլոր Էքսիֆիկացիաներից դեռ շատ առաջ տոչորվում էր մի տիկնոջ համար, որը, չնայած հիշյալ Շագգի բոլոր հաճելի հատկություններին, բանի տեղ չէր դնում նրան, ահա այդ Շագգը որոշեց դիմել հաջորդ քայլին՝ Էքսի օգնությանը: Մեքենայի համար միեւնույն էր: Երիտասարդի նշանակած ժամին նա կնոջը բերեց նշված վայրը, բայց ինքը, այսպէս ասած, չհեռացավ, այսինքն նյարդային ու կասկածամիտ տղան նրան զգում էր նաեւ սիրո մեջ, համարյա զգայախաբության հստակությամբ լսում էր՝ պտտվում էին պողպատե ռոտորները, միանում ու անջատվում էին թրթռացող հոսանքները, ձգվում էր բարակ ու ձանձրալի սուլոցը: Այո՛, բարեկամներ՛, քամին, որ այն, հիշո՞ւմ եք, առաջին օրը քաշքշում էր թեթեւ կիսաշրջանների երիզները, դրանք կարող էր լցնել, ըստ էության, միայն օդով, եւ ահա, Էքսերն էլ կարող էին սարքել ամեն ինչ, բացի հույզերից: Մի խոսքով, առավոտյան մեր խեղճ Շոգը... կներեք, Շագգը տխուր ու քչախոս էր, եւ երբ նրա պատրոնը, որ բարեհաճ էր տղայի հանդեպ, պարծեցավ, թէ աշխարհի վերակառուցումը կարելի է սեւագիր տեսքով ավարտված համարել, հանդիպեց լուռության ու աչքերի մռայլ փայլին:

Եկան հաշվիչներով հաշվվող, ճշգրիտ բաժիններով չափվող ու բաշխվող իրականության ամիսներ ու տարիներ. նախկինում համարյա աստղաբաշխական հաշվարկ պահանջող պատմությունը վերածվեց յուրատեսակ բնագիտության, որն իրականացվում էր երկու դասերի միջոցով՝ կառավարող ինիտների և կառավարվող էքսոնների: Թվում էր Pax Exiniae [էքսոնների աշխարհը - լատ.] ոչնչով չի կարող խաթարվել, բայց և այնպես...

Առաջին «շեղումները պլանից», ինչպես արձանագրվեց Գերագույն Խորհրդի նիստում, պատահական բացառություններ էին թվում: Այդպես, օրինակ, կամուրջները երկարությամբ անցնելու փոխարեն որոշ,- ըստ երեւույթին, սխալ կյարդավորված,- էքսոններ սկսեցին լայնքով անցնել, ուստի ստիպված եղան մկանային պաշարներից դուրս գրել շեղված առանձնյակների զգալի քանակ, և էքսերի ամորտիզացիան փոքր-ինչ բարձր գործակից ստացավ: Ի հայտ եկան ընդհատումներ զուգավորման մեքենայի աշխատանքում. մարդկային բերքի կանխատեսումները չէին հաստատվում. ծնելիությունը բավական ցածր ցուցանիշ էր տալիս: Այդ ամենը դեռ ոչինչ, բայց վիճակը տագնապալի դարձավ, երբ չնախատեսված շեղումներ ու անճշտություններ հայտնաբերվեցին էքսինիայի «ապարատը» գործի դնող կյարդավորիչի աշխատանքում: Թուտուսը, որին շուրջկալել էին հարցերով, մտախոհ օրորում էր գլուխը և ի վերջո հայտարարեց.

- Մեքենան կարգաբերելու մի միջոց կա՝ կանգնեցնել աշխատանքը:

Երկար խորհրդակցելուց հետո որոշվեց փորձի կարգով կանգնեցնել էքս N 1-ը, նախ, որովհետեւ այն, առավել երկար աշխատելու հետեւանքով ավելի շատ խանգարումներ էր ունենում, երկրորդ, որովհետեւ, նրա մեջ, ինչպես հիշում եք, առկա էին հոգեկան հիվանդներ, և ավելի մարդասիրական համարվեց զոհաբերել հենց նրանց:

Նշանակված օրն ու ժամին N 1-ը դադարեցրեց կյարդավորման մատակարարումը, և մի քանի միլիոն մարդ, քամին կորցրած առագաստների պես, թարշամած կռացան ու հենց տեղում թափվեցին գետնին: Որոշ ինիտներ դուրս գրված էքսերի կողքով անցնելիս տեսնում էին անշարժ մարմինների շարժվող աչքերը, թրթռացող թարթիչներն ու շնչող ռունգերը (որոշ մանր մկաններ, որպես սոցիոսի համար վտանգ չներկայացնող, թողնվել էին մարդկանց տնօրինության տակ). երեք-չորս օրից անհնար էր առանց քիթը փակելու անցնել անշարժացած մարդկային մսի կողքով, քանի որ արդեն սկսել էր նեխել. մեքենայի ստուգումն ավարտված չէր,

Միգիզմունդ ԿՐԺԻԺԱՆՈՎԱԿԻ

ուստի, սոցիալական հիգիենայի նկատառումներով, թրթռացող թարթիչներով այդ ամբողջ լեշը ստիպված էին լցնել փոսերն ու հավասարեցնել հողին:

Իսկ այդ ընթացքում մանրագույն բաղկացուցիչների բաժանված էքս No 1-ի տեսական ու մանրակրկիտ հետազոտությունը միանգամայն անսպասելի արդյունքներ տվեց:

- Նյարդավորիչը միանգամայն սարքին է ու միշտ սարքին է եղել,- հպարտությամբ հայտարարեց գլխավոր փորձագետ Նշանակված Թուտուր:- Մեքենային ներկայացված մեղադրանքը համարում եմ սխալ: Բայց եթե էքսցեսների պատճառը էքսերը չեն, ապա... այն պետք է փնտրել էքսոսների, նրանց մեկուսացված լինելու եւ հոգեկերտվածքների ապաշնորհության մեջ: Վերջերս դիտարկում էի մի շատ տարրական, ուստի եւ օրինակելի դեպք. սարքի մոտ կանգնեցված եւ բռնակի աջից ձախ պտույտով նյարդավորվող էքսոնը լծակը մեկ աջ, մեկ ձախ էր դարձնում, ասես մկաններում գործում էին երկու հակընդդեմ նյարդավորումներ: Այո՛, կտրելով նրանց ուղեղների էլքը դեպի աշխարհ, ինքներս մեզ կտրել ենք նրանց հոգեբանությանը հետեւելու հնարավորությունից: Բանալիով կողպած սեյակի շեմն անհնար է հատել եւ՛ ներսից, եւ՛ դրսից: Ինձ, բնականաբար, բացարձակ չեն հետաքրքրում այդ բոլոր հոգեմանակ հավելվածները, որոնք նախկին բարբարոս ժամանակներում հավակնում էին «ներաշխարհի» կարգի անհեթեթագույն անվանումների...

- Բայց դա ձեզ էլ չի հետաքրքրում, Դյա՛ժ,- պատմությանը խփվեց Շոգի զևզուն ձայնը: Վառվող դեմքը դարձնելով լռեցված պատմողին, ուշադրություն չդարձնելով նախագահի նախազգուշացնող շարժմանը, շուտասելուկով, համարյա բռները կուլ տալով՝ Շոգը դրանք նետեց պատմվածքի վրա:- Այո՛, ձեզ, ինչպես եւ ձեր Թուտուսներին ու Չեսերին, չի հետաքրքրում այս ֆանտասմագորիայի միակ հետաքրքիր բանը՝ մկանազրկված հոգեբանության հիմնախնդիրը, ոգու, որից խլել են նրա գործունակությունը. դուք փաստերի մեջ մտնում եք դրսից, ոչ թե ներսից, դուք ձեր մանրէներից վատն եք. նրանք խժոժում են փաստերը, իսկ դուք՝ փաստերի իմաստները: Մեզ ոչ թե էքսերի, այլ էքսոսների մասին պատմեք, եւ այդ ժամանակ...

- Պատկերացրեք, որ իմ Շագգն էլ նույն կարծիքին էր: Իմ նկարագրած նիստին, Թուտուսի ելույթից հետո,- պատրոնի համար փոքր-ինչ անսպասելի,- նա վեր թռավ եւ աչքերը շողացնելով՝ սկսեց խոսել այն մասին, որ... բայց Շոգն ինձ ազատեց այդ «որ»-ի կրկնությունից: Գնամ

առաջ: Այսպես ուրեմն, դուք պետք է իմանաք, որ այդ նույն Շագգը, որի կեցության մասին արդեն զեկուցել եմ ձեզ, իր ազատ ժամանակը տալիս էր խղճով պատմվածքներ հորինելուն: Բնականաբար՝ թաքուն, եւ նույն-քան բնականաբար՝ «իր համար», քանի որ Էքսերի դարում ամբողջովին ու մեկընդմիջտ «ներքին աշխարհներից» կտրված գրականությունը, կրկնում եմ,- ուրիշ աշխարհներ գտնել չէր կարող: Շագգի մի նովելը, որ կարծեմ կոչվում էր «Անջատվածը», պատմում էր ոմն իբր հանճարեղ մտածողի մասին, որը անտեսանելի փոքրիկ քաղաքի իրականացրած հեղաշրջման պահին վերստեղծում էր նոր, մեծ իմաստներն էր բացահայտող իր համակարգը: Անսպասելիորեն առևժեյով նոր սարքերի շարքը՝ նա սկսում է ինչ-որ տարրական, հինգ-վեց շարժումից բաղկացած, օրըստօրե կրկնվող աշխատանք կատարել եւ անզոր է մարդկությանը հղել իր ամենահաս միտքը. նա, իբր, անջատված է մի աշխարհում, որտեղ գործելն ու մտածելը, մտահղացումն ու հանրահռչակումը տարանջատված են:

Մյուս էությունում պատմվում էր հոգու խորքից մինչեւ եղունգների ծայրերը չնաշխարհիկ ոմն տիկնոջ մասին (կենսագրությունը հաճախ սողոսկում է այնտեղ, ուր չեն խնդրում), տիկնոջ, որին մեքենան տալիս է հենց նրան, ում տրված է նրա սիրտը, բայց «ընտրյալը», հասկանո՞ւմ եք, չգիտի դրա մասին ու երբեք չի իմանա: Այդ ստեղծագործության մեջ շատ ջնջված տողեր ու թանաքաբծեր կային, այնպես որ, չեմ փորձի ավելի մա-նարամասն վերլուծել:

Վերջապես, մեր հեղինակի «առինքնող շնորհը» կանգ է առնում կյանքի մասին թեմայի վրա, որը միաժամանակ հայտնվում է եւ՛ կեցության, եւ՛ հայելու մեջ, այսինքն մի երեխայի պատմություն էր արվում, որը մեծա-նում-դառնում է պարմանի, եւ որին գիտակցության արթնացումն արդեն Էքսի մեջ առնված է գտնում: Այդ արարածի համար Էքսի սահմաններից դուրս աշխարհ չկա. Էքսը նրա համար տրանսցենդենտալ է, իսկ սեփա-կան արարքները ներկայանում են արտաքո իրերով, ինչպես մեզ համար՝ շրջապատող աշխարհի առարկաներն ու մարմինները. սեփական մարմի-նը երեխային տեսնվում է գիտակցությունից կտրված եւ իր հետ որեւէ կապ չունեցող,- կարճ ասած, մեքենայի ընթացքը, որը պայմանավորում է ողջ օբյեկտիվորեն կատարվողը, նրան տեսնվում է զգայականության Կանտի երրորդ կերպի նման, հավասար իրավունքներով՝ ժամանակի ու տարածության հետ: Ընդամին, այդ արարածի էքսային մտածողությունը, որը չգիտի կամարտահայտումից արարքի անցնելու հնարավորության

Միգիզմունդ ԿՐԺԻԺՄՆՈՎՄԿԻ

մասին, բնականաբար հանգում է ինքն իր մեջ մտահղացումների ու կամարտահայտության աշխարհի գոյությունն ընդունելուն, այսինքն՝ ծայրահեղ սպիրիտուալիզմի: Բայց եւ այնպես, Շագգը իր հերոսին քայլ առ քայլ հանում է փակ շրջանից՝ ստիպելով որոնել ու գտնել ինչ-որ ex, որն անցնում է էքսային տրամաբանության սահմանը: Դրա համար հեղինակն օգտվում է, ինչպես նշվել է նաեւ նախորդ պատմվածքում, հոգու մեջ ծագող ցանկության եւ դրսից բերված արարքի պատահական զուգադիպումներից (թող որ խիստ հազվագյուտ). ներդաշնակության այդ պատահական պահերի դիտարկումները էքսոնին հանգեցնում են այլ մտարկելի աշխարհի մասին երազանքին, որտեղ այդ բացառությունները դարձել են կանոն եւ... բայց չավարտեմ, որովհետեւ Շագգն էլ չի ավարտել. Չեսի ռադիոգիրը պահանջում էր անհապաղ ներկայանալ:

Ներկայանալով պատրոնին՝ Շագգը նրան գտավ հասարակության մեջ,- թեեւ «հասարակություն» բառը դժվար այստեղ հարմար լինի,- բազկաթոռների մեջ թաղված երկու էքսոնների առաջ կանգնած:

- Դուք ուզում էիք քայլ անել անդին, եթե ձեզ ճիշտ եմ հասկացել վերջին նիստի ժամանակ: Փակեք դուռը: Այսպե՛ս: Իսկ հիմա ձեր առաջ կբացեմ այս երկուսի հոգիները: Նստեք ու նայեք:

- Բայց ես չեմ հասկանում...,- քրթմնջաց Շագգը:

- Հիմա կհասկանաք: Երկու ժամ քառասուն րոպե առաջ նրանց արյան մեջ համարյա մեկական գրամ ինիտ եմ ներարկել: Այս սրվակի պարունակությունը կբավականացնի եւս երկու-երեք փորձի: Ինիտը սկսում է գործել երրորդ ժամի վերջին: Ուշադրություն:

- Բայց նշանակում է Նետետտին... նրա մահը,- եւ Շագգը զգաց, որ աչքերը մոլորվեցին մանեկենների, Չեսի ու սեղանին դրված փոքրիկ սրվակի արանքում:

- Վե՛րջ տվեք դատարկ բաների մասին խոսելուն: Տեսե՛ք. մեկը սկսում է շարժվել: Մի քանի րոպե առաջ հրամայել եմ նրանց անջատել էքսից: Ուրեմն, հասկանում եք...

Եվ իսկապես, մանեկեններից մեկը հանկարծ տարօրինակ ցնցվեց, փքեց կուրծքն ու սեղմեց բռունցքները: Աչքերը դեռ փակ էին: Հետո շրթունքների արանքում պղպջակվող փրփուր հայտնվեց, նա հանկարծ բացեց անթարթ աչքերն ու պոտոր նայեց դիմացը կանգնած մարդկանց: Թվում էր՝ երկար տարիներ մկաններից բաժանված ուղեղը շոշափելով փնտրում է նրանց ճանապարհը,- ու հանկարծ՝ միացո՛ւմ. տեղից պոկվելով՝ էքսոնը գազանային մոնչյունով նետվեց երկու քայլի վրա կանգնած

Ձեսի վրա: Մի ակնթարթ, եւ նրանք գործեցին գետնին՝ խփվելով սեղանի ոտքերին ու շուռ տալով կահույքը: Շագգը նետովեց կծիկ դարձած մարմինների կողմը եւ ձեռքի մեջ սեղմած բանալու գլխիկով ողջ ուժով հարվածեց էքսոնի քունքին: Մամլակից ազատված Ձեսը վեր կացավ ու ջարդված շրթունքներով սկսեց դժվարությամբ որսալ օղը: Նրա առաջին բառերն էին.

- Վերջացրե՛ք սրան: Ու կապեք մյուսին: Ամփջապե՛ն:

Երբ Շագգը պարանի հանգույցը ձգում էր կենդանի էքսի դաստակներին, նա շարժվեց, ինչպես շարժվում է երկար ու խոր քնից արթնացող մարդը:

- Ոտքերը կապեք,- շտապեցնում էր Ձեսը՝ արյունը թքելով հատակին,- մի գոտեմարտն էլ հերիք է ինձ:

Կապկպված ձեռքերով ու ոտքերով մարդը վերջապես բացեց աչքերը: Մարմինը կծկող ջղածումները նման չէին մոլեգին խելագարի շարժումների. նա չէր բղավում, միայն կամացուկ ու խղճալի, համարյա շան պես վևզվեցում ու հեծեծում էր, կապույտ, դատարկ աչքերից հոսում էին արցունքները: Ձեսը, աստիճանաբար ուշքի գալով, բազկաթոռով հանդերձ մոտեցավ ու փոքր-ինչ տխուր ժպիտով սկսեց զննել կապկպված մարդուն:

- Երկուսին էլ ճանաչում էի, Շա՛գգ, նրանց նախկին՝ նախէքսյան կյանքում: Այ սրան, որ դեռ ողջ է, համարյա սիրում էի, ու համարյա ինչպես ձեզ: Հրաշալի պատանի էր, փիլիսոփա ու մի քիչ պոետ: Խոստովանեմ. ազատագրման փորձի համար ընտրությունն աչառու եմ արել՝ ցանկանում էի ինձ մտերիմ մարդկանց վերադարձնել իրենց նախկին չմեքենայացված կյանքը, վերադարձնել ազատությունը: Եվ ահա, ինքներդ եք տեսնում: Բայց հերիք է դրա մասին: Եզրակացություններ անենք. եթե այս երկուսը, որ նյարդավորիչը միացնելուց առաջ միանգամայն առողջ հոգեբանությամբ ու ողջամիտ մարդիկ էին, չդիմացան իրականությունից անջատվելուն, ապա հիմք ունենք մտածելու, որ մյուս հոգեկերտվածքներն էլ չեն դիմացել էքսիֆիկացիային: Կարճ. մենք շրջապատված ենք խելահեղությամբ, միլիոնավոր խելագարներով, ընկնավորներով, մուլագարներով, ապուշներով ու թուլամիտներով: Մեքենաները նրանց հնազանդության մեջ են պահում, բայց հերիք է ազատես, բոլորը կհարձակվեն ու կտորոքեն եւ՛ մեզ, եւ՛ մեր մշակույթը: Այդ ժամանակ՝ վերջ էքսիսիային: Միեւնույն ժամանակ, ասեմ ձեզ, իմ ռոմանտիկ՝ Շագգ. ձեռնամուխ լինելով այդ փորձերին, ես հույս ունեի մոտեցնել այլ դարաշրջան՝ ինիտի

Միգիզմունդ ԿՐԺԻԺԱՆՈՎԱԿԻ

դարաշրջանը: Ես մտածում էի՝ արդյոք չե՞մ սխալվել՝ անջատելով Նե-տետտիին ու մյուսներին, ոմանց՝ կյանքից, մյուսներին՝ ազատությունից: Բայց հիմա տեսնում եմ... մի խոսքով, ճիշտ էր, որ ինիտի վերջին գրամ-ներով սրվակը մեր գոտեմարտում ջարդվեց:

Դուրս գալով փողոց՝ Շագգը քայլեց փողոցի երկարությամբ ու գնում էր, ինքն էլ չգիտեր՝ ուր: Այն ժամն էր, երբ մարդկանց խմբաքանակները վերադառնում էին աշխատանքից: Հայտնվելով դանդաղ ու միայր,- եր-կու քայլ՝ վայրկյանում,- անցնող շարքի մեջ՝ մեր պոետը չնկատեց էլ, թե ինչ արագությամբ ենթարկվեց շարայունների հստակ ու ճշգրիտ հաճա-խականությանը: Նրան նույնիսկ դուր էր գալիս այդ թեթեւ, անհոգի դա-տարկությունը, որ բերում էր մեքենաների մեռած հրումներին առնչվելը: Չեսի աշխատասենյակում կատարվածից հետո ուզում էր հնարավորինս երկար չմտածել, ժամանակ կորզել մտքից, ու դիտմամբ, ասես ինչ-որ խաղի մեջ մտնելով, շրջապատողների պես արմունկները սեղմեց մարմ-նին, եւ աչքերը հառելով առջեւից գնացող Էքսոնի կլոր ծոծրակին՝ մտա-ծեց. «Պետք է նրա պես, ամեն ինչ՝ նրա պես. այդպես ավելի հեշտ է»: Դի-մացի ծոծրակը, համաչափ ճոճվելով, խաչմերուկից թեքվեց ձախ: Շագ-գը՝ տեսից: Ծոծրակը պողոտայի ուղիղ գծով գնում էր դեպի կամրջի պողպատե կուզը: Շագգը՝ տեսից: Արդեն անցնում էին խուլ արծազան-քող բազրիքների քարե զուգահեռների արանքով: Հանկարծ ծոծրակը խաղազնդի պես խփվեց աջ բազրիքին, հետո,- անկյան տակ,- ուղիղ՝ ձախ բազրիքին: Շագգը՝ տեսից: Ծոծրակը, կլորանալով ու կարմրելով, կառչեց բազրիքից ու՝ ներքե: Ճողփյունով: Եվ Շագգն էլ՝ ճողփյունով:

Երբ նյարդակալիչների հերթապահի զեկույցն ընդունող Չեսին հայտ-նեցին քարտուղարի մահվան մասին, միայն մի վայրկյան ջղածիզ խոժո-ռեց հոնքերը եւ անմիջապես էլ նայեց զեկույցն ընդհատած ինիտին.

- Շարունակե՛ք:

«Շարունակությունը» խիստ տազնապալի էր. նյարդավորման չեն-թարկվելու դեպքերը ժամ առ ժամ աճում ու սկսում էին զանգվածային բնույթ ստանալ: Էքսոն-սարքավարներին, որոնք սպասարկում էին կենտ-րոնական Էքսը, որը խիստ ճշգրիտ ու բարդ մկանային լիցքեր էր պահան-ջում, ստիպված էին հանել աշխատանքից ու ոչնչացնել. չափազանց վտանգավոր էին դառնում: Բոլոր սարքերի ստեղնաշարների առաջ, ինչ-պես Էքսինիայի համար պայքարի շրջանում, նորից կանգնեցին ինիտնե-րը: Վրա հասան դժվար ու սեւ օրեր. աշխատանքից հետ սովորած, փափ-կակենցաղ օլիգարխները կրկին ստիպված էին, համարյա առանց հեր-

թափոխի, արհեստական կյանքը կտկտացնել ահռելի գործիքի ստեղծելով: Բայց նախկին, ճշգրիտ հաշվարկված ներդաշնակությունն այլևս չկար. ստեղծերը ցատկոտում էին, նյարդավորիչների հրումները՝ լուծվում էթերում՝ չհասնելով մկանների. անսպասելիորեն հնազանդությունից դուրս եկած փաստային զուգորդումների պարտիտուրան հրաժարվում էր ենթարկվել նվագողին: Անտեսանելի քաղաքի թափանցիկ կայմերը շարունակում էին զնգալ սրբածայն բռների պարսի պես, բայց նրանց իմաստուն ներդաշնակությունը բզկտվել-վերածվել էր իրար խփվող էթերային ալիքների կոյտերի, եւ հանրահայտ Pax Exiniæ խախտվել ու աղճատվել էր:

Վիճա արդեն բոլոր ինիտներին իր մեջ առած փոքրիկ քաղաքը պատող փշալարարին ամեն օր էքսոնների դիակներ էին գտնում. փորձում էին պատռել պողպատե օղակը: Տեղերում աշխատող դիտորդների մեծ մասը,- ինիտների թվից,- գոհվել էին բռնի մահով, մնացածը փախել էին կենտրոն: Անհնար էր որեւէ մեկով փոխարինել նրանց. քաղաքը մեկուսացված ու շրջապատված էր՝ փշալարով, խելահեղությամբ, անհայտությամբ:

Ինքնանջատվածների դիակները հերձում էին. մանրակրկիտ հետազոտվում էր նրանց ուղեղն ու շարժողական նյարդերի համակարգը: Շուտով ուղեղներում գիտությանն անհայտ նյութի առկայություն գտան, որը չնչին քանակությամբ արտադրվում էր նյարդային հյուսվածքներում. ըստ երեւույթին դա ինչ-որ պաշտպանական ներքին արտագատում էր, որն աստիճանաբար կուտակվում էր ինքնանջատվածների օրգանիզմներում եւ կապված էր էքսից դուրս ընկնելու հետ: Չէր հրավիրեց քիմիական փորձարանի վարիչին, խնդրեց ճշգրիտ նկարագրել այդ երեւույթը եւ լսելով բոլոր կետերը՝ հանեց ճնշածձանի տակ սպասող դեղնած թերթիկներն ու ցույց տվեց քիմիկոսին: «Նետետտիի ձեռագիրն է», - աչքերով տողերի վրայով ցատկոտելով՝ մոլորված քրթմնջաց նա:

- Ինձ ասել եմ, որ դուք քիմիկոս եք, ոչ թե ձեռագրագետ: Ի գործ: Նույնակա՞ն է բանաձեւի հետ այս նորահայտ արտագատումը:

- Նույնակա՛ն:

- Շնորհակալ եմ: Այդ դեպքում կհամարենք, որ դուք վերստին հայտնագործել եք նյութը, իսկ ես՝ անունը՝ ինիտ:

Կոլեգիայի վերջին նիստում լսելով կարծիքները՝ Չէր անփոփեց.

- Եվ այսպես, in-ը ապստամբել է ex-ի դեմ: Վիբրոֆագերի դեմ ինիտի պայքարի ելքը պարզ է: Բայց քանի դեռ վիբրոֆագերը ճակատ չեն բա-

Միգիզմունդ ԿՐԺԻԺՄՆՈՎՄԿԻ

ցել, քանի դեռ միլիոնավոր խելագարություններ չեն հորդել դեպի մկանները, մենք կարող ենք ոչ ոքի ավարտել խաղը: Ես առաջարկում եմ կանգնեցնել էքսերին: Անհապաղ՝ միանգամից եւ բոլորին:

Քվեարկության ժամանակ բոլորը ձեռնպահ մնացին: Բացի Ջեսից: Նրա միակ ձայնը բավական եղավ անտեսանելի քաղաքի բոլոր ձայները դադարեցնելու համար: Օդում տատանվող էքսերի ղզզոցը սկսեց դանդաղ մարել, սահեց վեր եւ անհետացավ ծխից քշված բռռերի պարսի պես: Եվ նույն վայրկյանին տասնյակ միլիոնավոր մարդիկ անշարժ կամ թույլ ցնցվող մարմիններով թափվեցին գետնին:

Ինիտների ջոկատը դուրս եկավ իր փշալարե բանտարկությունից: Ճանապարհին բաժանվելով խմբերի՝ նրանք անցնում էին անշունչ խմբերի արանքով: Ելքի երրորդ օրը որոշ խմբեր դեռ ստիպված էին քայլել դիակային գարշահոտի միջով, մյուսներն արդեն հասցրել էին դուրս գալ մարդագուրկ, ավելի ստույգ՝ դիակագուրկ տարածքներ: Բայց անտառներն ու քարածավերը, որտեղ թաքնվել էին ինիտները, լրիվ ամայի չէին. անմատչելի տեղերում ու թավուտներում արդեն ապրողներ կային՝ կիսավայրենացած կլաններով ու հորդներով, մշակույթից վտարված, առաջին եթերային քամով օծված մարդկային առանձնյակներ: Ծվարել էին անտառների խորքում, թաղվել հողի մեջ՝ սարսափած անտեսանելի նյարդավորիչների կամքի մեջ առկվելու հեռանկարից: Նրանք իրենց քաղաքային հագուստը վաղուց արդեն փոխարինել էին գազանի մորթով ու կերպարով եւ անտառներում մեծացած իրենց ձագերին վախեցնում էին էքս չար աստծո անունով: Փոքրաթիվ ինիտների մի մասը մահացավ, մյուսները ստիպված էին ձուլվել անտառների այդ մարդակենդանական աշխարհին: Եվ պատմության անիվը, մի լրիվ շրջան անելով, նորից պտտեց իր ճանր ճաղերը: Բայց եթե «Անանուն» անվան տակ թաքնված մարդը, որը,- հիշո՞ւմ եք, իմ պատմած առաջին օրը,- քիչ էր մնում ընկներ ամենասովորական ավտոմոբիլի ամենասովորական անիվների տակ, համենայնդեպս ընկներ ու ճգմվեր իր գաղափարի հետ միասին, ի՞նչ իմանաս, գուցե եւ ամեն ինչ ուրիշ կողմ պտտվեր: Չնայած...

Դյաժը, պողպատե բեղիկներից բռնած՝ ապակիները քաշեց աչքերից ու դրանց վրա կռանալով սկսեց տրորել դարչնագույն մետաքսի կտորով: Անսպասելիորեն կարկամած, կարմիր ու անթարթ կոպերի արանքում կկոցված բիբերը, թվում էր, դադարել են տեսնել թեման:

Լուռությունը երկարեց: Հետո շարժվեցին բազկաթոռները: Առաջինը դեպի շեմը դիմեց Ռարը: Ես վախեցա, որ նախագահն այս անգամ էլ հար-

ցերով կփակի ճանապարհս, բայց Ձեզը նստել ու նայում էր մարած բուխարուն, ու թվում էր ամբողջովին ամփոփված է ինչ-որ դժվար մտքի մեջ: Ես աննկատ ու անհրաժեշտ` դուրս եկա Ռարի ետեւից:

Միջանցքում հասա նրան: Միասին իջանք կեսգիշերային, համարյա ամայի փողոց:

- Վախենում եմ խճճվեմ բառերի մեջ: Դուք կարող եք չպատասխանել, բայց ես չեմ կարող չհարցնել: Ու հատկապես ձեզ: Դուք միակն եք նրանց մեջ, ում մասին մտածում եմ` մարդ է: Կարելի՞ է:

- Լսում եմ,- առանց ինձ նայելու նետեց Ռարը: Մենք արմունկ արմունկ շարունակում էինք քայլել դատարկ մայթով:

- Ինձ համար մի տեսակ անսովոր ու դժվար է տեղակայւերիդ, ինչպես ձեզ կոչում եք, շրջապատում: Ես պարզապես, իսկ դուք... մի խոսքով, ես չեմ ուզում էքսոս լինել ինիտների մեջ: Ձեր ինչի՞ն եմ պետք: Սպանեք ձեր տառերը, բայց ես տառեր չունեմ. Ո՛չ մտահոգումներ, ո՛չ տառեր: Կրկնում եմ, ես չեմ ուզում էքսոս լինել:

- Դիպուկ բնագոյ ունեք. «Էքսոս», վատ չի: Ես իրավունք չունեմ պատասխանելու, բայց համենայնդեպս կպատասխանեմ: Ամեն ինչում մեղադրեք ինձ` ինիտիս,- ու կիսաշրջվելով` Ռարը փաղաքուշ կիսաժպիտի միջով նայեց ինձ:

- Ձե՞զ:

- Այո՛: Եթե ես վեճ չբացեի Ձեզի հետ ասեղ ու թելի մասին, դժվար թե մեր բուխարու առաջ հայտնվեր ութերորդ բազկաթոռը:

- Ասեղի ու թելի մասի՞ն:

- Իհարկե: Հերթական շաբաթօրյա հավաքին ձեր հայտնվելուց մի շաբաթ առաջ ես սկսեցի ապացուցել, որ մենք մտահոգողներ չենք, այլ պարզապես խենթեր, որոնք անվսաս են միայն մեկուսացման շնորհիվ: Առանց տողի մտահոգումը, պնդում էի ես, նույնն է, ինչ ասեղն առանց թելի. ծակում է, բայց չի կարում: Ես ե՛լ նրանց, ե՛լ ինձ մեղադրում էի կյուրթի հանդեպ վախի մեջ: Հիշում եմ` հենց այդպես էլ ասացի. կյուրթավախություն: Նրանք հարձակվեցին ինձ վրա, եւ բոլորից պելի՞` Ձեզը: Պաշտպանվելով` ես հայտարարեցի, որ կասկածում եմ, թե մեր բոլոր մտահոգումները մտահոգում են, դրանք չեն ստուգվել արեւով: «Ե՛վ մտահոգումները, ե՛լ բույսերը աճում են մթության մեջ, բուսաբանությունն ու պոետիկան տվյալ դեպքում գործում են առանց լույսի»,`- Ձեզին պաշտպանելով` փորձեց հիմնավորել Թյուրը: Այդ դեպքում, եթե կամենում եք համանմանություններով խփել, պատասխանեցի ես, անարեւ այգին կարող է մի-

Միգիզմունդ ԿՐԺԻԺՄՆՈՎՍԿԻ

այն լուսազուրկ բուսականությունն աճեցնել: Ու նրանց պատմեցի առանց լույսի ծաղիկներն աճեցնելու փորձի մասին. Միշտ,- եւ դա ուշագրավ է,- շատ երկար ճյուղերով բույս է ստացվում, բայց հերիք է այդպիսի լուսազրկված նմուշը դնես արեւի տակ, գիշերների ու ցերեկների հերթափոխությամբ ապրող սովորական ծաղիկների կողքին, անմիջապես թուլանում, թռչնում ու թառամում է, կորցնում խավարում ստացած գունավորումը: Մի խոսքով, մեր վեճը հերթի դրեց հետեւյալ հարցը. ընդունա՞յ են մեր մտահղացումները դիմանալու լույսով փորձությանը, կապե՞ն նաեւ մեր մութ սենյակից դուրս: Որոշվեց ժամանակավորապես մի զույգ ականջ ընդգրկել դրսից` տառերով դաստիարակված միջին ընթերցողի: Բավարա՞ր տեսանելի կլինի մեր գրադարակների դատարկությունը: Բայց այստեղ տազնապեց Ֆեվը: «Սուբը,- ասաց նա,- մարդկանց գող է դարձնում, դա միանգամայն բնական է: Իսկ եթե այդ ներմուծվածը, որի գլուխը, ընդհուպ մինչեւ գագաթը, հենց մենք ենք լցնելու մտահղացումներով, կարողանա դրանք հանել գլխից եւ փոխանակի փողով ու փառքով»: - «Պատարկ բան է,- հանգստացնում էր նրան Չեսը,- ես գիտեմ մեկին, որը հարմար է այդ գործին: Նրա առաջ հանգիստ կարելի է բացել բոլոր շաբաթների բոլոր թեմաները: Ոչ մեկին ձեռք չի տա»: - «Բայց ինչո՞ւ»: - «Պարզապես ձեռքեր չունի. մի արարած, որին Ֆիխտեն կոչել է «մաքուր ընթերցող»». Մաքուր մտահղացումների համար ավելի լավին հնարավոր չէ գտնել: Ահա, կարծես այսքանը: Կներե՞ք:

Նա սեղմեց ձեռքս եւ անհետացավ փողոցի անկյունադարձին: Մի րոպեի չափ կանգնած էի ապշահար ու մոլոր: Ռարը գնաց, բայց նրա բառերը դեռ պտտվում էին շուրջս, ու չգիտեի ինչպես ազատվեմ նրանցից: Երբ ուշքի եկա, հասկացա, թե ինչ սխալ եմ գործել` մինչեւ վերջ չխոսելով ու չհարցնելով գլխավորի մասին. սեւ, նեղ փողոցը ձգվում էր իմ առաջ, ասեղի անցքից դուրս պրծած թելի պես:

5

Սկզբում որոշեցի այլեւս չգնալ Տառասպանների ակումբի շաբաթօրյա նիստերին: Բայց Ռարի մասին միտքը շաբաթվա վերջին ստիպեց փոխել որոշումս: Առաջին իսկ երեկոյից էր այդ անկրկնելի ինքնահատուկ մարդն ինձ կարելուր ու անհրաժեշտ էր թվացել. հենց անուրը, որքան էլ անիմաստ վանկ ձեւանար, միակն էր նրանց անունների մեջ, որը հիշեցնում էր ինչ-որ իմաստի մասին: Բայց հասցեների սեղանն այն հասցեով չէր փոխանակի, իսկ ես անպայման պետք է տեսնեի Ռարին, թեկուզ մի

անգամ, եւ ամեն ինչ ասել մինչեւ վերջ. Չէ՞ որ Ռարը նրանցը չէ, այլ մերը, ինչո՞ւ մա սպանողների ու խեղդողների մեջ: Սկզբում ձեռագիրը, հետո նաեւ... ինձ հանդիպում էր պետք Ռարի հետ: Ու քանի որ դա հնարավոր էր միայն դատարկ գրադարակների սեւ կառնի մեջ, երբ եկավ շաբաթը, որոշեցի,- վերջին անգամ,- ասում էի ինձ,- մասնակցել ակումբի նիստին:

Երբ մտա հավաքվածների շրջանը, արդեն իր սովորական տեղը նստած Ռարը զարմացած նայեց ինձ: Փորձեցի պահել հայացքը, բայց նա անմիջապես շրջվեց՝ կատարյալ անշատվածության ու անտարբերության տեսքով:

Սովորական ձեսից հետո խոսքը տրվեց Ֆելին: Նրա մանր, Ճարպի միջով դժվարությամբ թափանցող աչքերում ինչ-որ խորամանկ փայլ առկայծեց: Ֆելը շրջվեց ճարպի ու մկանների բեռան տակ ճուշացող բազկաթոռում:

- Իմ ասթման,- օդը դժվարությամբ կուլ տալով՝ սկսեց նա,- չի սիրում, որ տրվում եմ երկար խոսակցությունների: Դրա համար էլ կփորձեմ ընդամենը ուրվագծել մտածածս Երեք բերանների պատմությունը:

Ներածությունն այսպիսին է: «Երեք թագավորների» պանդոկում, խմելով վերջին թալերը, զվարճանում էին երեք հոգի: Նրանց անունների համար ինձ բավական է երեք տառ. Ինգ, Նիգ եւ Գնի: Արդեն կեսգիշերն անց էր. այն ժամը, երբ շշերը դատարկվում են, իսկ հոգիները պռկկեպռունկ լցվում,- եւ ընկերները բաժակների նվագի տակ զվարճանում էին՝ ամեն մեկն իր ձեռով: Ինգը խոսելու վարպետ էր. բաժակը բաժակին խփելով՝ բաժակաճառեր ու պարզապես ճառեր էր ասում, մեջբերում սուրբ հայրերին ու հույժ գույնզգույն գրույցներ անում: Նիգը համբուրվելու սիրահար ու դրա մասնագետն էր (ինչպես ոչ ոք) ու հիմա հագիվ էր հասցնում պատասխանել հարցերին ու բաժակաճառերին. նրա ձևկերին նստած չաղ աղջիկը, եթե համբույրների քանակով վճարեին, մի երեկոյի ընթացքում հարուստ հարսնացու կդառնար: Գնին ո՛չ բառերի կարիք ուներ, ո՛չ համբույրների. փքված թշերը փայլում էին յուղից, իսկ բերանը չէր պոկվում հսկայական ոչխարի ոսկորից, որից ջանասիրաբար ու համբերատար ատամներով պոճոկում էր միսը:

- Հանկարծ աղջիկը Նիգի երկու համբույրների արանքում ասաց.
- Ինչո՞ւ մարդիկ երեք բերան չունեն:
- Որ միանգամից երեք հոգու հե՞տ համբուրվեն,- կորից շրթունքները շրթունքներին մոտեցնելով՝ քրքջաց Նիգը:
- Սպասի՛ր,- նրան կանգնեցրեց Ինգը՝ զգալով կոր թեման, որ արժա-

Միգիզմունդ ԿՐԺԻԺՄՆՈՎԱԿԻ

ևի էր ճիշտ հռետորական մշակման:- Համբույրներով մի խցկվիր բառերի արանքը:

- Հենց էդ էլ ասում եմ,- Ինզին դարձավ Սիզի ընկերուհին,- եթե ձեզ-ևից յուրաքանչյուրը երեք բերան ունենար, որ միաժամանակ եւ՛ խոսեր, եւ՛ ուտեր, եւ՛ համբուրվեր, այդ դեպքում...

- Յնդաբանություն,- կտրեց Ինզն ու տնկեց մատը,- փեշի տակից սիլ-լոգիզմներ չեն հանում: Սակվի՛ր: Ավելի լավ է դիմենք սուրբ ավանդություն-ներին ու ֆորմալ տրամաբանությանը: Երիցս երանելի Ավգուստինն ուսուցանում է, որ մարդը, ի տարբերություն անմիտ գազանի, ընտրողական արարած է: Դրա վրա չի՞, արդյոք, հիմնվում liberum arbitrium-ը [*Ազատ կամք, ընտրության իրավունք - լատ.*], շատից լավագույնն ընտրելու ունակությունը: Իսկ Արիստոտելը մեզ սովորեցնում է առաջնային նպատակը՝ Էնտելեքիան, տարբերել պատահական կամ ստորադաս հարակից նպատակներից. իսկ Թովմաս Ավզինացին լրացնում է նրանց՝ սուբստանցային իմաստը անջատելով պատահականից, ներմուծվողը՝ արտաձվողից: Բերանը, կասեր նա, հաղորդակից է եւ՛ ուտելիքին, եւ՛ համբույրին, եւ՛ բառին. Բայց ո՞րն է նրա գլխավոր հատկությունը: Ի՞նչ ես կարծում, սիրելի բարեկամ Գևի՛: Հանիր ոսկորը բերանիցդ ու պատասխանիր:

Ոսկորը մի քիչ դեն քաշվեց, որ ճանապարհ տա բառերին.

- Ինձ թվում է,- խոսեց Գևին,- փաստարկների համար պետք չէ քրքրել գրքերը: Դրանք այ այստեղ են, իմ ափսեի մեջ. Պարզ է. բերանը ուտելու համար է: Իսկ մնացածը դրան կպած բան է:

- Իմ բարի բարեկամ,- գլուխն օրորեց Ինզը,- պետք չէ փաստարկներ փնտրել կոճոնների մեջ: Իսկ ինչո՞ւ է կպած:

- Որովհետեւ,- պատասխանեց Գևին՝ նախապես մի ամբողջ պիևտ գի-նի լցնելով իր համար,- եթե ես ու դու չխմեհիք ու չուտեհիք, ապա մահը վաղուց բաժանած կլիներ մեզ, ինձ՝ դրախտ, քեզ՝ դժոխք, ու համաձայ-նիր, այդպիսի հեռվից քեզ համար դժվար կլիներ հարցնել, իսկ ինձ հա-մար՝ պատասխանել:

- Խղճում եմ հրեշտակներին,- քաշքշելով թմփիկ ու կարմիր շոթուն-քին թառած բեղը քշքշելով՝ միջամտեց Սիզը,- որ երբեւէ ստիպված եմ լի-նելու այսպիսի մսագունող քաշել լեռնային բարձունքներով վեր: Հասկա-ցիր, միամի՛տ, որ եթե երկրի վրա համբույրներ չլինեն, չեն լինի նաեւ ծնունդներ: Իսկ եթե ոչ մեկը չծնվի, ապա մեռնող էլ չի լինի: Հասկացա՞ր:

Բայց Ինզը, խղճահարության ժպիտը չթաքցնելով, ընդհատեց նրանց.

- Պու, Նի՛գ, ճիշտ ես միայն նրանում, որ սխալ ես համարում Պսիկն: Որքեւ պոռնիկի շրթունքներն ինչո՞ւ են լալ կոճոններով ափսեից: Չուտ տրամաբանորեն դատենք. քանի որ համբուրելիս բերանին ուրիշ բերան է հարկավոր, ապա դրանով իսկ մտցվում է ուրիշի կատեգորիան (հունաբան), ինչպես ասել է Պլատոնը, որը լուծելու փոխարեն հետաձգում է խնդիրը: Հիմա՝ հերթով. եթե չլինի ճաշակելը, կյանք էլ չի լինի, այդպես է, բայց եթե չլինեն համբուրները, չի լինի նաեւ ողջերի ծնունդը, դա էլ է այդպես, բայց,- ուշադիր լսեք,- եթե Աստված չասեր «եղիցի», չէր ծնվի եւ բուն ծնունդը, չէին ծագի ո՛չ կյանքը, ո՛չ մահը, եւ աշխարհն էլ սատանան գիտի որտեղ կլիներ: Ես պնդում եմ (հոռտորը Լույսիսկ բռունցքը խփեց սեղանին), որ բերանի իրական նշանակությունը ոչ շրթունքները չփչփացնելն է, ոչ էլ ուտելիք ու խմելիք խժռելը, այլ ի վերուստ տրված բառեր բարբառելը:

- Բայց եթե այդպես է,- չէր հանդարտվում Պսիկ,- ինչո՞ւ է Սուրբ գրքում ասվում, որ ոչ թե բերանը մտնողը, այլ բերանից ելնողն է ապականում մարդուն: Ի՞նչ կպատասխանես սրան:

Միանգամից, իրար հերթ չտալով, սկսեցին պատասխանել եւ՛ Ինգը, եւ՛ Նիգը, ու վեճը կծգվեր միևնույն լույս, եթե վրա չհասներ քունը, որ վիճողների աչքերը փակեց երագով, իսկ բերանները՝ խմբփոցով:

Երագում Ինգին հայտնվեց մի հրեշավոր եռաբերան արարած, որն անընդհատ շարժում էր վեց շրթունքները: Ինգը փորձում էր այդ արարածին ապացուցել, որ նա գոյություն չունի, բայց Լողկալի եռաբերանը, խոսելով միանգամից բոլոր բերաններով, թույլ չէր տալիս համոզել իրեն: Ինգը արթնացավ սառը քրտինքի մեջ կորած: Պատուհանից այն կողմ կարմրին էր տալիս արշալույսի բարակ պատովածքը: Սկսեց արթնացնել ընկերներին: Նիգը աչքերը բացելուն պես հարցրեց՝ ո՞ր է Իգնոտան: Պսիկ, մտածելով, որ դա ուտելիքի անուն է, մոայլ քրթմնջաց. «կերանք»: Նիգը քրթջաց ու բացատրելով, որ դա նախորդ օրվա ընկերուհու անունն է՝ ավելացրեց.

- Ավելի ճիշտ՝ ինքն է մեզ կերել: Վատ չէր: Չէ, իսկապես, ո՞ր է չքացել...

- Ուրվակակի պես,- ավարտեց Ինգը:- Եթե հավատանք երագին, ապա քո Իգնոտան չափից դուրս շատ բան գիտեր. հնարավոր է, որ աղջիկ էլ չէր, այլ՝ սուկկուբուս՝ տեսիլք, ստվեր:

- Սատանան տանի,- քմծծաղեց Նիգը,- այդ ստվերը ճգմել է ծնկներս: Պատմիր երագը:

Ու վեճը երագից դարձավ իրականությանը, ասես ինքն էլ էր քնել ու

Միգիզմունդ ԿՐԺԻԺԱՆՈՎՄԿԻ

հանգստացել: Երեք բերաններն իրար հերթ չտալով բղավում էին բերանի գլխավոր նշանակության մասին.

- Որ ուտի:

- Սուտ ես,- որ համբուրի:

- Երկուսդ էլ սուտ եք: Որ խոսի...

Եվ այստեղ ես թողնում եմ թիերն ու հանձնվում հոսանքին. ինքներդ մտածե՞ք՝ ինչո՞ւ հորինեմ, ճոճացնեմ թիակալները, եթե հասել եմ այդ հզոր հոսանքին, որն ինքը կտանի ստի ու ճշտի, «Պանչատանտրայի» թափառիկ բրահմինների եւ այլ ընթերցումների մասին իմ սյուժեն: Այսինքն ուզում եմ ասել, որ Ինգը, Նիգն ու Գնին վեճի մեջ ոչնչի չհասնելով, ի փառս սյուժեստեղծման կանոնների, մեկնեցին շրջելու աշխարհում բոլոր հանդիպողներից խնդրելով լուծել իրենց վեճը: Այդ թափառիկ վեճերի անտրամաբանականությունը, կենսական անհիմնությունը պետք է որ շփոթեցնեին նրան, ով գիտի, որ կենսաստեղծումն ու սյուժեստեղծումը ընդամենը խաչվում են, բայց չեն համընկնում: Սյուժեն ցրում է այդ վեճերը, ինչպես բույսն է իր սերմերը ցրում՝ տարածության մեջ, որտեղ դրանք ծիլ են տալիս: Եվ այսպես, լողում եմ...

- Այո՛, լողում եք,- Ձեզը բուխարու ունելիով վրդովված ծեծում եր ածուխները, կայծերը ձգվում էին հարվածներին ընդառաջ,- բայց ո՞չ, արդյոք, տառերի շեղջերով լեցուն գրապահարանին հեծած: Պետք է ասեմ ձեզ, բարեկամներ՛, որ վերջին ժամանակներս ձեր բոլոր մտահոգումներից տպագրական ներկի հոտ է փչում. մեկը տառերով լի գրքերն է դարձնում իր նովելների «կերպար», մյուսը, ինքներդ տեսեք, «բաց է թողնում թիերը» (ի դեպ, դժվար է տպագրական հաստոցներով ավելի ծեծված մետաֆոր հորինել) եւ անմիջապես ընկնում սյուժե մրոտելու թանաքային հոսքի մեջ: Այսպես մենք շուտով...

Ֆեվի երակներն ուռան.

- Դուք չափից դուրս եք վախենում գրքի կազմից: Ես նրա մեջ ընկնել չեմ կարող, որովհետեւ... մուկ չեմ: Ես ոմանց պես նշանավոր գրող չեմ եղել, եւ այբուբենն ինձ համար խայծ չէ, իսկ այ...

Բայց այստեղ Ձեսը լռելու նշան արեց ու կտրուկ դարձավ իմ կողմը.

- Վեճն առաջարկում եմ մեր հյուրի դատին. նրա համար կողքից ավելի տեսանելի է ու հեշտ կլիսի արդար լինել:

Բոլոր աչքերը հառվեցին վրաս: Եվ ես պատասխանեցի.

- Դրանով ձեր վեճը կվերածեք «թափառիկ վեճի», ինչի թույլատրելիության դեմ հենց նոր առարկում էիք:

- Մերժված գամբիտ, վարպետորեն խաղացվեց: Դեն քաշվիր ճանապարհից, Չե՛զ, եւ թույլ տուր իմ երեք հերոսները հասնեն այնտեղ, ուր վաղուց պիտի լինեին: Լույսը բացվում է: Մեկ էլ տեսար պանդոկապանն արթնացավ եւ փող պահանջեց գիշերակացի ու ջարդված ամանեղենի համար: Իսկ գրպաններում դատարկություն է: Ինզը, Նիզն ու Գնին ոտքերի ծայրերին դուրս եկան «Երեք թագավորից»: Փոքրիկ քաղաքը դեռ քնած էր՝ լուսամուտների փեղկերը կկոցած, իսկ դիմացից, պարկը ձեռքին ու զանգակը մահակի ծայրին զնգացնելով, արդեն ընդառաջ էր գալիս ողորմություն հավաքող վանականը: Նա պարզեց զնգզնգացող պարկը, բայց ողորմության փոխարեն հարց ստացավ.

- Աստված ինչո՞ւ է քեզ բերան տվել. ուտելիքի՞, համբույրների՞, թե՞ խոսելու համար:

Վանականը հանգիստ թողեց պարկը, զանգակը լռեց, ինքն էլ լուռ էր: Նիզը նայեց կնգուղի տակ.

- Կամեղո՞ւլ է,- սուլեց նա,- միանգամից լռության ուխտի հանդիպեցիք: Վատ են գործերդ, Ի՛նզ: Չէ՞ որ սա համարյա պատասխան է. սրբությունը բառերի կարիք չունի:

- Այո՛, բայց նա պահքով էլ է ապաշխարում: Բացի այդ, կարծում եմ պոռնիկներին համբուրելը Լույնպես քիչ է օգնում հոգու փրկությանը: Ստացվում է, որ բերանն ընդհանրապես անհիմաստ ճեղք է դեմքի վրա, որը պետք է արագ կարել ու ապրել անբերան կյանքով: Ո՛չ, այստեղ ինչ-որ բան այն չէ: Գնում ենք առաջ:

Կրկին հնչած զանգակն ու երեք վիճողները բաժանվեցին: Քաղաքի դարպասների մոտ Ինզին, Նիզին ու Գնին հանդիպեց մի խուլ պառավ. որքան էլ բերանի մասին հարցը գոռացին ականջին, նախ՝ մեկ, հետո՝ մյուս, վերջապես՝ եռաձայն, սա անընդհատ իրենն էր պնդում.

- ճակատին սեւ նշան: Կո՛ւլ: Չե՞ք տեսել: Ճակատին սեւ նշան: Կո՛ւլ:

- Ամեն մեկը իր հոգսին,- հոգոց հանեց Ինզը:

Այդ պահին ժանգոտ ճռնչոցով բացվեցին քաղաքային դարպասի փեղկերը: Իմ երեքը սկսեցին ճամփորդությունը:

Մի քանի յո անցնելով՝ նրանք հանդիպեցին մի ողորդացող սայլի, որի վրա, ոտքերը կողից կախ ու հացի կողը՝ շրթունքների արանքում, ճոճվում էր մի լուրջ ջահել: Ինզը պատրաստվում էր նրան էլ գոռալ հարցը, բայց անիվների ողորդոցի միջով ջահելը հագիվ թե լսեր, իսկ եթե լսեր էլ, բերանը խիստ զբաղված էր, որպեսզի լուծեր բերանի խնդիրը: Գնացին առաջ:

Միգիզմունդ ԿՐԺԻԺՄՆՈՎՄԿԻ

Կեսօրին, քամուց օրորվող հասկերի մեջ մի ճամփորդի տեսան. ուսին պարկ էր, ձեռքին՝ գավազան, դեմքը ժպտում էր փոշու եւ արեւայրուքի տակից, քայլում էր լորերի հետ զուգասուլելով. գուցե թափառիկ կղերականներից էր (դեմքը խնամքով ածիված էր), հնարավոր է՝ Լույսիսկ՝ ձեր հայր Ֆրանսուազը...

Պատմողը հանկարծ դարձավ Թյուդին ու ողջույնի նշանով բարձրացրեց աջ ձեռքը: Թյուդը ժպտալով պատասխան շարժում արեց. երկու թեմա, Լավերի պես, որոնց երթուղիները խաչվել էին, ողջունեցին իրար, ու Ֆելը շարունակեց:

- Ինչո՞ւ մարդը մի բերան ունի, ոչ թե երեք,- քահանային խոնարհվելով հարցրեց Նիգը:

Հարցվածը կանգ առավ ու նայեց ճամփորդներին: Սկզբում կոկորդը ողողեց գոտուց կախ զինու տափաշից, հետո աչքով արեց եւ ասաց.

- Իսկ դուք համոզվա՞ծ եք, զավակներս, թող Աստծո օրհնությունը ձեզ հետ լինի, որ իսկապես մեկ բերան ունեք: Երբ գնամ, իջեցրեք շավարներդ ու ստուգե՞՛ր երկուսը չի՞: Եվ եթե հասնեք մոտակա ուրախության տուն, ուզածդ աղջիկ կապացուցի ձեզ, որ երեքն է: Բարի ճանապարհ:

Եվ ճանապարհի կաշվե կոշիկներով ոտքերը տարան նրան. առաջ անցնելով՝ հայր Ֆրանսուազը արագ անհետացավ եւ՝ երեքի տեսադաշտից, եւ՝ պատմվածքից:

- Բայց ախր տերտերն ուզում էր հիմարացնել մեզ,- ծոծրակը քորեց Չին:

- Ու լավ էլ արեց իր գործը,- գայրացած թքեց Նիգը:

- Հիմարացնելը,- պատասխանեց Ինգը,- միայն հիմարներին է ուրախացնում: Մարդկային մտքերը կոպիտ ու տափակ են դարձել, այ այս դաշտի պես. հռհռալն ավելի հեշտ է, քան մտածելը: Ո՞ր են մեծն Ստագիրիտի լոգիզմները, ո՞ր են Աբերոյեսի դեֆինիցիաները եւ Էրիգենցի Յոհանեսի գաղափարների հիերարխիան: Մարդիկ մոռացել են գաղափարների հետ վարվելու ձևը. գաղափարի աչքերին նայելու փոխարեն շտապում են նայել պոչի տակ:

Ու երեքը լուռ շարունակեցին ճանապարհը:

Երբեմն ընդառաջ էին գալիս աշխատանքից տուն դարձող գեղջուկներ, իրենց ջորիների գանգակների դողանջի տակ ննջող վաճառականներ: Գոլիարդի հետ հանդիպումից հետո որոշեցին զգուշանալ ու հարց չտալ ամեն պատահածի: Մեկ օր քայլելուց հետո, հեռվում, գետնին խո-

ևարհված ձիթենիների վրայից երեւացին քաղաքի ատամնավոր պարիսպները: Փոշին ու շոգը նստում էին: Ճպուռներն ավելի բարձր էին երգում խոտերի մեջ, իսկ արեւն ավելի թույլ էր լուսավորում: Զաղաքի դարպասին չհասած, ճամփեզորի կանաչ մարգագետնում խոտերին նստած մի կնոջ տեսան՝ շրջապատված ճպուռների շշեջոցով, բարուրած երեխան գրկին: Կինը միանգամից չպատասխանեց ճամփորդների բարեւին, քանի որ զբաղված էր. Կուրծքը բացելով՝ վարդագույն պտուկը մոտեցրեց մանկան բերանին, որը անմիջապես սկսեց ազահաբար շարժել շրթունքները, իսկ մայրը, խոնարհված, ժպտալով նայում էր ծծկերի կտրացած դեմքին:

- Երդվում եմ սագով,- գոչեց Գնին,- բարուրեք ինձ, որովհետեւ ես էլ կաթ ուզեցի:

Նիզը միայն շրթունքները լպստեց: Իսկ Ինզը գլուխն օրորելով՝ ասաց.

- Եթե ոչ ամբողջ ճշմարտությունը, ապա նրա երկու երրորդը բացահայտել են մանուկները. նայեք այս պտուխկ անատամ բերանին,- նրան տրված է այն, ինչ տրված չէ մեզ՝ միեւնույն ժամանակ ուտել ու համբուրել: Այս անգետիկը, բարեկամներս, ստիպում է ինձ աղքատիկ ու փոշոտ բառերից մտովի վերադառնալ դրախտային այգու պերճ թավուտները, որտեղ ամեն ինչ տրված էր մարդուն ոչ թե մաս-մաս ու ցիրուցան, այլ ամբողջական ու լիարժեք: Բայց դրախտային այգին թոշնեց, եւ երեք իմաստների համար, ավաղ, նեղ է մեկ բերանում: Ասեք, սիրելի՛ս, սա ո՞ւմ երեխան է:

- Ես ծառայում եմ տեղիս դատավորի տիկնոջը: Տիրուհուս անունը Ֆելիցիա է,- պատասխանեց ստնտուն:

Վեր կենալով՝ նա խոնարհում արեց օտարերկրացիներին ու քայլեց հետ՝ քաղաք: Նիզը օդային համբույր ուղարկեց նրա ետեւից: Ընկերները որոշեցին քաղաք մտնելուց առաջ մի քիչ հանգստանալ հենց այդտեղ՝ մարգագետնում: Նստոտեցին: Գնին բուրավետ խոտի շյուղ էր ծամում: Նիզը փչում-թոցնում էր խատուտիկների գորշ գլխարկները: Ինզը, ձեռքերով նիհար ծնկները գրկած, ինչ-որ բան էր մոթմոթում քթի տակ:

- Ինչ էիր ասո՞ւմ,- վերջապես հարցրեց Գնին, որին արդեն սկսել էր տանջել քաղցը:

- Ա՛խ,- հառաչեց Ինզը,- հիշում էի նրան ասած բառերը:

- Ստնտուի՛ն,- հորանջեց Նիզը:

- Չէ՛, նրա տիկնոջը: Նավահանգիստ գտած երջանիկ մարդիկ են: Գուցե ես էլ ձեզ հետ չթափառեի մի խարույկից մյուսը, այլ տաքանայի իմ

Միգիզմունդ ԿՐԺԻԺՄՆՈՎՄԿԻ

օջախի մոտ, գրպաններումս թալերներ վխտային, իսկ շուրջս չոչ անեին այ այսպիսի տոգաններ... Այո՛, այո՛, մի ծիծաղեք, եւ լսեք լավագույն պատմությունը, որ հիմա կպատմեմ:

Այդ ժամանակ երկուսս էլ ջահել էինք՝ ես ու Ֆելիցիան: Նա այստեղից ոչ հեռու, ծովափնյա քաղաքներից մեկում ապրող հարուստ վաճառակաւի դուստրն էր: Ճողները բազում պարկերով ոսկի ունեին, դուստրը՝ բազում երկրպագուներ: Տոներին, ճոխ զգեստներ հագած, նրանք ստում էին սքանչելի Ֆելիցիայի շուրջն ու լուռումուռ վրան չոռում ոչնչով լեցուն պարկերի պես անշարժ ու ապուշ աչքերը: Այդ բոլոր տղաների իմացածը միայն բերանբացությունն էր, իսկ ես բերանի օգտագործման այլ ձեւեր էլ գիտեի: Ես պարմանի աղջկան պատմում էի երկրների մասին, որտեղ չէի եղել, գրքերի մասին, որ չէի տեսել, աստղերի ու լուսատիպիկների, դրախտի եւ դժոխքի, ժողովուրդների անցյալի եւ երկուսիս՝ իմ ու Ֆելիցիայի ապագայի մասին: Աղջիկը սիրում էր լսել՝ ինձ պարզած թափանցիկ-վարդագույն փոքրիկ ականջն ու ալ կարմիր շուրթերը՝ կիսաբաց: Մի անգամ, շառագունելով, առաջարկեց խոսել ձևողների հետ: Երբ բառերս Հորացիոսի ու Կատուլոսի մեջբերումներով ամրապնդելով՝ փորձեցի գծուձ մեծահարուստին բացատրել կրքի հավերժական իրավունքները, նա շվացրեց ու ցույց տվեց մեջքը: Այդ ժամանակ, խորհրդակցելով Ֆելիցիայի հետ, որոշեցի շրջանցիկ ճանապարհով հասնել երջանկությանը: Ֆելիցիան մի ձեր դայակ ուներ. երկար համոզելուց հետո կարողացանք համոզել, որ մասնակցի մեր ծրագրին: Այսպես որոշեցինք: Նշանակված գիշերը Ֆելիցիան դայակի հետ գալիս է ինձ մոտ: Դայակը կմնա դրսում՝ հսկելու, իսկ Ֆելիցիան... մի խոսքով, առավոտյան ձեր հիմարներին կդնենք կատարված փաստի առաջ, ինչից հետո քահանան ստիպված կլինի շատ արագ մեզ միավորել նաեւ երկնքում, իսկ դստերն աչքաթող արած գծուձները ստիպված կբացեն ոսկու պարկերը: Նշանակված երեկոյան դրան թակոց լսեցի, ու հաջորդ պահին Ֆելիցիայի հետ մենակ մնացինք կիսախավարում, փակված դռնից այս կողմ:

- Հետո՞, հետո՞,- շտապեցրեց Նիզը՝ արմունկին հենված մոտ գալով պատմողին:

- Հետո սկսեցի նրան շնչալ այդ գիշերվա վեհության ու նշանակության մասին, այն մասին, որ վերջապես մենակ ենք, որ նույնիսկ աստղերը պատուհանից այն կողմ խոնարհել են աչքերն ու որ միայն Աստված...

- Հիմար,- ասաց Նիզն ու արմունկին հենված՝ հետ քաշվեց նախկին տեղը:

- Նրան պատմում էի հին աշխարհի հռչակավոր սիրահարների՝ Լեանդրոսի ու Հերոյի, Պիրամոսի ու Թիսբայի, Լեոնի ու Սաֆոյի մասին: Սթափվեցի՝ զգալով նրա ձեռքի հպումը շրթունքներինս. դե ինչ, եթե հեթանոսների օրինակները նրան անհամոզիչ կամ հոգու համար վտանգավոր են թվում, ապա կարելի է դիմել նաեւ Հին Կտակարանի վկայություններին,- ու սկսեցի հիշել գիրք գրքի հետեւից՝ Հռուֆի ու Բոոսի մասին... Հիշում եմ, հենց Բոոսի վրա ինձ ընդհատեց դրան ետեւից եկող աղմուկը: Դուռը բացելով՝ տեսա, որ ականջը բանալու անցքին սեղմած դայակը քնով է անցել ու խռմփացնում է: Արթնացրի նրան ու վերադառնալով Ֆելիցիայի մոտ՝ շարունակեցի ընդհատված պատմությունը:

- Հիմա՛ր,- տևքաց Նիզն ու մատներն ականջները խցկելով՝ բերանքսիվայր ընկավ գետնին, իսկ Գնին իր խոտի ցողունը ծամելով՝ հարցրեց.

- Իսկ չէի՞ք սովածացել:

- Չէ՛: Այնքան պերճախոս սիրային բանաստեղծություններ, ընտիր մետաֆորներ ու հիպերբոլներ էին կուտակվել իմ մեջ, որ չէի նկատում ինչպես է անցնում ժամանակը: Պատուհանից այն կողմ երկինքն արդեն սկսել էր գորշանալ, երբ անցա Նազոնի խիստ գրավիչ «Ars amanti»-ին [*«Սիրո արվեստ»* - լատ.].¹ փորձելով փոխանցել Օվիդիոսի երոտիկայի շքեղ նրբությունները, ակնթարթներ որսալու, երջանկություն գողանալու այդ ապշեցուցիչ արվեստը, պայքարը համբույրների համար, գրկախառնությունը... Ֆելիցիան, որ տեսանելի էր դարձել լուսաբացի աղջամուղջում, մռայլված սեղմել էր շրթունքներն ու համարյա երես դարձրել ինձնից: Հարցրի՝ ի՞նչ է պատահել: Չպատասխանելով՝ մոտեցավ դռանը եւ ուժեղ թակեց:

- Գնա՛նք,- ասաց դայակին, ու ձայնը դողում էր ինձ անհասկանալի գայրույթից,- գնա՛նք, գուցե հնարավոր լինի աննկատ վերադառնալ: Արա՛գ:

- Սպասե՛ք,- ճչացի ես՝ բացարձակապես ոչինչ չհասկանալով,- իսկ ինչպե՞ս կապացուցեք, որ ինձ մոտ եք եղել:

Բայց Ֆելիցիան չէր նկատում ինձ, ասես բառերը կորցրած լինեին ցանկացած հնչյուն ու իմաստ:

- Արա՛գ,- զոչեց նա,- եւ եթե ինձ հաջողվի աննկատ անկողին վերադառնալ, երդվում եմ՝ ամուսին ընտրել ամենալուսկյացին, բոլոր նրանցից, ով ինձ կցանկանա:

Եվ նրանք անհետացան լուսադեմի մեզում՝ ուշադրություն չդարձնելով իմ կանչերին: Դրանից հետո այլեւս երբեք չհանդիպեցիք:

Միգիզմունդ ԿՐԺԻԺՄՆՈՎՄԿԻ

- Ղե, ահա, տեսնո՞ւմ ես,- չարախնդաց Նիգը:- Եթե հասկանայիր բերանի իսկական նշանակությունը, քո պատմությունն էլ այսպիսի տխուր ավարտ չէր ունենա:

- Այն դեռ չի ավարտվել,- վեր կենալով՝ առարկեց Ինգը,- նրա ավարտն ինձ սպասում է այ այս դարպասից այն կողմ:

Ու երեքը մտան քաղաք:

Գիշերը ստիպված էին անցկացնել բաց երկնքի տակ: Հյուրանոցները լեփ-լեցուն էին հարեան քաղաքներից հավաքված ուխտավորներով, որոնք եկել էին խոնարհվելու հրաշագործ սրբապատկերին, որով հռչակված էր փոքրիկ քաղաքը: Ընդ որում, ընկերների գրպանները դատարկ էին, ու գիշերը նրանց տանջում էին քաղցած երազները:

Առավոտյան նրանց կողքով ձգվեց ուխտավորների շղթան. Ինգը փորձեց նրանց ճանապարհը փակել բերանների մասին հարցով, բայց մարդիկ անցնում էին՝ սուզված աղոթքների մեջ, համրիչները փաթաթած մատներին: Այդ ժամանակ երեքը միացան թափորին եւ շուտով հայտնվեցին շողշողուն ոսկով ու թանկարժեք քարերի փայլով շրջանակված սրբապատկերի առաջ: Նիգը համբուրեց պատկերը, Գնին, խոնարհվելով, արագ կծեց-պոկեց շրջանակի ամենախոշոր քարը, իսկ Ինգը, ծուռ նայելով նրան, կուրծքը ծեծելով՝ գոչեց. «*Mea culpa, mea culpa, mea maxima culpa*» [*Իմն է մեղքը, իմն է մեղքը, իմն է ծանրագույն մեղքը - լատ.*]: Երկու-երեք ժամից Ինգի, Նիգի եւ Գնիի գրպաններում հրաշքով զևզում էին ոսկեդրամները:

Իմել սկսելը հեշտ է, ավարտելն է դժվար: Ծուռով երեք եկվորների շուրջը պայթեցին խցաններն ու կլկլաց գինին: Սկզբում իրենք էին խմում, հետո հյուրասիրում էին, հետո՝ հյուրասիրություն ընդունում, նորից հյուրասիրում եւ այդպես՝ մինչեւ աստղերի հայտնվելն ու պահակի թակիչի գիշերային թխկոցը: Երբ նստարանների տակ ավելի մարդաշատ դարձավ, քան նստարաններին, Գնին չորեքթաթ սողաց՝ փորձելով գինի լցնել ձագարների պես բացված, խռմփացող բերանները, Նիգը խցկվեց համբուրվելու վառարանի կափարիչի ու բանալու անցքի հետ, իսկ Ինգը, խորամանկ աչքով անելով ու պարծենալով, պատմում էր քարը ոսկի դարձնելու հրաշագործության հետ: Պատմությունը հաջողություն ունեցավ, այն սկսեցին կրկնել նաեւ պանդոկի շեմից անդին: Իսկ առավոտյան Ինգը, Նիգն ու Գնին, արթնանալով, չկարողացան նույնիսկ աչքերը տրորել, քանի որ ձեռքերը կալանակոճղերի մեջ էին:

Պատավորը, որի մոտ նրանց բերեցին թանկարժեք քարի գողության

գործով, ամենալուակյաց մարդն էր ողջ շրջանում. Ուշադիր նայեց բերվածներին, քիթը խոթեց թղթերի մեջ ու նորից աչքերը լուռ հանեց նրանց: Այդ ժամանակ Ինգը, հարցեր չստելով, հայացքներ փոխանակեց ընկերների հետ եւ ինքը հարցրեց.

- Մեծարգո պարոն դատավոր, որքան էլ ձեզ հետաքրքրեն մեզ դատարան բերած հանգամանքները, երեքիս առավել հետաքրքրում է հարցը, թե ինչի համար է ստեղծվել բերանը: Մեզնից մեկը պնդում է՝ համբույրների համար: Մյուսը՝ ուտելիքի: Իսկ ես ասում եմ՝ բառեր արտաբերելու: Մենք եկել ենք հեռվից՝ պատասխան փնտրելով: Մեր ազատությունն ու կյանքը ձեր ձեռքում են, բայց միևնույնիսկ կուզեինք իմանալ՝ մարդկանց ինչի՞ համար են բերաններ տրված:

Դատավորը շարժեց շոթունքները, գրիչով քորեց քիթն ու նորից թաղվեց թղթերի մեջ: Իսկ մեկ րոպե անց հնչեց մունետիկի շեփոխ, ու դատարանի քարտուղարը, հանդիսավոր ոտքի կանգնելով, կարդաց դատավճիռը.

Մեղավոր ճանաչելով՝ արծակել կալանքից, ղեկով բոլոր տեսողների ու լսողների հսկողության տակ: Ինգ անունով դատապարտյալին արգելվում է խոսել, Նիգ անունով դատապարտյալին արգելվում է համբուրել, Գևի անունով դատապարտյալին արգելվում է ուտել: Վերոհիշյալ արգելքների ցանկացած խախտում նկատողները պարտավորվում են անմիջապես հայտնել դրա մասին, ինչից հետո արգելքը խախտողը պետք է անմիջապես բռնվի ու տրվի մահվան: Վճիռն ուժի մեջ է հրապարակման պահից: Բողոքարկման ենթակա չէ»:

Թշվառականների շղթաները հանեցին ու բաց թողեցին: Հարյուրավոր չարախինդ ժպիտներ անմիջապես բոլոր կողմերից շրջապատեցին նրանց: Երեքը կողք կողքի էին քայլում, ասես սոսնձված բերաններով, չպատասխանելով ծաղրուծանակին ու քաղաքացիների հայիռյանքներին:

- Ի՞նչ կասես սրան,- վերջապես հարցրեց Նիգը՝ դառնալով արտասուքով լուռ Ինգին ու լեզուն կծեց:

Ինգը վախեցած նայեց շուրջը, շոթունքները դողացին, բայց նա ավելի ամուր սեղմեց շոթունքներն ու հնազանդ կախեց գլուխը: Ստան պանդուկ: Գևին նշան արեց, ու նրանց մի մեծ ափսե գոլորշին վրան միս բերեցին: Ինգն ու Նիգը վերցրին գդալներն ու անմիջապես էլ ցած դրին. խեղճ Գևին շրջված կծկվել էր նստարանի ծայրին ու ազահաբար կոպ էր տալիս թուրք: Նա մի պահ բարձրացրեց աչքերը, որոնց մեջ արցունքներ էին փայլում:

Միգիզմունդ ԿՐԺԻԺՄՆՈՎՄԿԻ

Սկսվեց մի կյանք, որ քիչ էր նման կյանքի: Քաղաքում բավականաչափ բարետես ու գթասիրտ աղջիկներ կային, որ հառաչանքով ու կարեկցությամբ էին նայում բարեկազմ Նիգին. նրա շրթունքները ճաքճքել էին սիրո պապակից, այտերը փոս էին ընկել, աչքերը՝ պղտորվել. անցնում էր՝ անեծքներ ու տրտունջներ մրմնջալով, ջանալով չտեսնել աղջկական շուրթերի ալ կոկոնները: Իսկ շատախոս Ինգը նույնիսկ տրտնջալ չէր կարող, լեզուն խողտացնում էին հազարավոր չասված բառեր, որոնք ստիպված էր կուլ տալ աղքատիկ ուտելիքով հանդերձ, որը կիսում էր Նիգի հետ: Նրանք ամաչում էին ուտել սովահար Գևիի ներկայությամբ: Չորահացի կտորը կիսելու համար Նիգն ու Ինգը դուրս էին գալիս բակ կամ թաքնվում մի անկյունում, որ չտեսնեն Գևիին: Իսկ նա օրեցօր ավելի էր վատանում. թուլությունից ու հյուծումից չէր կարողանում քայլել, եւ երկու ընկերները նրան թեւանցուկ էին ման տալիս՝ օգնելով շարժել ոտքերը: Շուտով դժբախտը կիսանիւնջ-կիսարթմնի վիճակի մեջ ընկավ ու գառանցական երազներում յուրոտ ապիտամ ազդրեր, թշնացող երշիկներ, լցունած բտահավեր ու տարատեսակ այլ ուտեստներ էր տեսնում, որ անուշ բուրեղով ու սվկալով շամփուրների վրա՝ անվերջ պտտվում էին նրա հոգեւոր աչքերի առաջ:

Իսկ Ինգը նույնիսկ գառանցել չէր կարող. քնի մեջ խոսելու վախից համարյա աչք չէր փակում:

Ամենից լավ դիմանում էր Նիգը: Հուսահատության չտրվելով՝ նա երկու անգամ հարմար պահ գտավ ու կարողացավ գրույցի բռնվել քաղաքի դարպասների մոտ կանգնած ժամապահների հետ: Երկրորդ գրույցից հետո, մի կողմ քաշելով Ինգին, Նիգն այսպես ասաց.

- Նսի՛ր, շատախո՛ս, քաղաքի դարպասները հնարավոր է բացել, բայց՝ ոսկե բանալիով: Պետք է շտապել: Գևիի վիճակը վատ է. ուղեկցից վերածվել է ուղեբեռի, բայց ամեն դեպքում պետք է փրկել նրան, ասենք, մեզ նույնպես: Դու ողջ կյանքում միայն լեզվիդ ես տվել, հիմա ստիպված ես աշխատել, բարեկա՛մս: Խոսքս դատավորի կնոջ մասին է: Ավարտիր սիրավեպը, հակառակ դեպքում բոլորս կորած ենք: Լռությունը համաձայնության նշան է: Արդեն մութն ընկնում է: Նայել եմ. դատավորի կնոջ պատուհաններն այս ժամին միշտ բաց են լինում: Ստակայքում ոչ ոք չկա: Գնանք, ու կապացուցեմ քեզ, հենց քո բերանի օգնությամբ, տարօրինակ մարդ, որ նրա նշանակության հարցում սխալվել ես:

Ինգը տառապագին մնչաց, ինչպես խուլուհամրը կամ լեզուն կտրած մարդը, ու հնազանդ առաջ անցավ՝ քաջալերված ընկերոջ քացիներով:

Վերջին հրահանգները նրան տրվեցին արդեն կրկնի վրա բաց պատուհանի տակ:

- Եվ այսպես, հիշի՛ր. գործիր համբույրով: Ու նաև. եթե թեկուզ մի բան ասես, ինքս կմտնեմ, ու վայրկենապես գլուխդ կթոջնես: Ես այստեղ, պատուհանի տակ, ականջ կդնեմ ու կհսկեմ. ես պառավ դայակը չեմ ու չեմ քնի, հույս չունենաս: Բարձրացիր ուտերիս: Դե՛:

Ու դատապարտվածի կրունկները, գետնից կտրվելով, նախ հենվեցին Նիզի ուտերին, հետո, ձգվելով դեպի լուսամուտագոգը՝ ուժգին թխկացին հատակին: Պատուհանից նախ կնոջ ճիչ լսվեց, հետո վախեցած շուկ: Նիզը, ձգվելով ոտքերի ծայրերին, ականջը պատին սեղմած, ագահաբար լսում էր: Կնոջ շուկը գայրանում էր՝ հասնելով պահանջկոտ բարձր նուտաների. ոչ ոք նրան չէր պատասխանում: Կարճ լռություն: Նետո բարձրածայն հանդիմանանք՝ խառնված լացի հետ: Ավելի երկար լռություն: Ու հանկարծ՝ կամացուկ, խլածայն համբույր: Նիզը հանեց գլխարկն ու խաչակնքեց: Համբույրներն ավելի ու ավելի լսելի ու հաճախակի էին դառնում: Նիզը ափերով փակեց ականջներն ու լսստեց չորացած շրթունքները:

Սկզբում վերելից մի պարկ ընկավ, փափուկ զնգաց՝ խփվելով հողին: Նետո լուսամուտագոգից, օղը տազնապած տևտղելով, կախվեցին Ինզի կրունկները: Նիզը արագ դեմ տվեց ուտերը, ու հաջորդ պահին նրանք արդեն պատերի երկարությամբ գաղտագողի քայլում էին դեպի քաղաքի դարպասների աշտարակը, որտեղ նրանց էր սպասում վաղօրոք բերված կենդանի գանձը՝ Գնին:

Ե՛վ Գնին, ե՛ւ՛ ոսկեդրամներով պարկը իրենց կեսը թողել էին քաղաքի պատերի ներսում, այնպես որ, փախստականները այնքան էլ չէին տնջում իրենց բեռի տակ: Դեռ մինչևե լույսը բացվելը հաջողվեց հասնել մի խուլ անտառային պահատնակի, որտեղ մի քանի ոսկի կլորակ նրանց համար հարաբերական անվտանգություն ու հանգիստ ապահովեցին: Նիզը արագ աչքով արեց կարմրաթուշ պահակ կնոջը, ու սկսեցին կերակրել Գնին՝ լցունելով նրան ուտելիքով, ինչպես ներքնակը՝ խոտով, իսկ չարչարված Ինզին ոչ մի կերպ հնարավոր չէր համոզել, որ դադարի խոսել ու հանգստանա. ուռած լեզուն չի կարող տեղավորվել բերանում, չէ՞ որ լռությունը ամենաանսպառ թեման է հերյուրանքների համար:

Բայց հենց երեքը մի քիչ կազդուրվեցին, շունչ առավ նաև չորրորդը՝ վեճը: Հիշելով վերջին իրադարձությունները՝ ամեն մեկը ջանում էր դրանք մեկնաբանել իր օգտին. կարծիքները մեխի պես են, ինչքան ուժեղ են խփում, այնքան խորն են խրվում: Եվ այն բանից հետո, երբ երեք բե-

Միգիզմունդ ԿՐԺԻԺԱՆՈՎԱԿԻ

րանները ժամանակավորապես օտարվել էին,- մեկը՝ համբույրներից, մյուսը՝ բառերից, ու երրորդը՝ ուտելիքից,- այդ երեք գլուխներից ոչ մեկը այլևս չէր ուզում հրաժարվել իր՝ մինչև գլխիկը խրված իմաստից: Եվ քանի որ անտառային անմարդաբնակությունը պատասխանում էր միայն արծագանքով, որոշեցին շարժվել առաջ...

Եվ թող գնան, իսկ մեր վերադառնալու ժամանակն է, մտահոգացող բարեկամներ: Բանն այն է, որ ճանապարհի գիծն այդ կետից ինձ համար մի տեսակ կետգծի պես է դառնում. Չէ՞ որ հանդիպումների շարքը կարելի է երկարացնել ու կարճացնել, թափառիկ վեճը ենթադրում է ազատ զարգացում. թող,- սկզբից դեպի վերջ,- բացվի լաստոյի պարանի պես,- գլխավորը մեկն է՝ հասնել դուրս արձևող վերջին ու նրան առնել օղակի մեջ: Եվ վերջն այստեղ, կարծում եմ, պիտի այդպիսին լինի: Բնականաբար՝ սեւագիր ու մոտավոր:

Վեճով տարված՝ երեքը գնում ու գնում են, մինչև նրանց ճանապարհը փակվում է ծովը: Շրջվում են ափի երկարությամբ ու շուտով հայտնվում նավահանգիստներից մեկում, որտեղից ու որտեղ դուրս ու ներս են լողում նավերը: Բայց ծովը անհողմ էր, ու թափառիկ վեճը ստիպված էր սպասել ուղեկից քամու:

Ինգին նվիրած պարկում դեռ տասնյակի չափ ոսկեդրամներ էին գնդում: Ստան պանդոկ: Երբ գինին բացեց լեզուները, Ինգը, դիմելով իրենց բաժակակցող հաղթահասակ, ծովային աղով ներծծված նավաստիներին, հարցրեց.

- Ձեր կարծիքով ո՞րն է բերանի իմաստը,- եւ առաջարկեց ընտրել երեք պատասխաններից մեկը: Տղաները քորեցին ծոծրակներն ու շփոթված իրար նայեցին:

- Բայց մի՞թե այդ երեք, ոնց էր... իմաստը մի բերանում չեն տեղավորվի,- վերջապես պատասխանեց նավաստիներից մեկը՝ վախվորած նայելով եկվորներին:

Եվ Ինգը ներողամիտ ժպիտով սկսեց բացատրել.

- Իմաստ էլ կա, իմաստ էլ: Պատճառները,- սովորեցնում է Դուես Ակոտուսը,- լինում են լիարժեք կամ սպառիչ, եւ անլիարժեք... դե՛, պարզությամբ համար ասենք՝ դատարկ: Ահա երկու շիշ. երկուսը դատարկ ու մեկը՝ լիքը: Տեսնո՞ւմ ես:

- Տեսնում եմ,- ճակատը կնճռոտեց տղան:

- Ահա՛: Սրանք դիր տեսնող մարդու առաջ եւ ասա՝ ընտրի՛ր: Պարզ է, տեսնողը ձեռքը կպարզի նրան, որը լիքն է գինով: Ճի՞շտ է:

- Ճիշտ է,- արձագանքի պես կրկնեց տղան, ու ճակատը քրտնեց:

- Իսկ հիմա փակիր աչքերդ:

Տղան իջեցրեց կոպերը, եւ Ինգը արագ ու անձայն փոխեց շշերի տեղերը.

- Մեկը վերցրու: Արագ:

Տղան պարզեց ձեռքն ու բռնեց դատարկ շշի վիզը: Ծիծաղ պայթեց: Եվ Ինգը, նայելով նավաստու մեղավոր թարթող աչքերին, ամփոփեց.

- Հենց այսպես է իմաստների դեպքում: Մարդիկ կույր են. դրա համար էլ նրանց իմաստները դատարկ են: Եվ քչերն են, որ չեն խմում դատարկ շշից:

Հարգալից լռություն տիրեց, մինչեւ որ նավաստիներից ավազը տրոսում հոգոցով ասաց.

- Մենք հասարակ ու անգրագետ մարդիկ ենք. Մեր ի՞նչ խելքի բանն են այդպիսի հարցերը: Բայց քամիները փչում են դեպի աշխարհի բոլոր ծայրերը: Անհողմությունը կավարտվի, ու ես ճանապարհ կընկնեմ. Աղ դրած ձկան իմ բեռը մյուս ափին կփոխեն չամիչով ու պիստակով: Եկեք ինձ հետ, գուցե այնտեղ, ծովից այն կողմ, ձեր հարցերն էլ փոխանակեն պատասխաններով:

Այդ ընթացքում այգաբացը խունացրեց սեւ ապակիները, ու երեքը, վճարելով, դուրս եկան: Պանդոկի շեմից ոչ հեռու, նիհար մեջքը պատին հենած՝ նստել էր մի կին. այտերը ներկված էին լուսաբացի գույնով, բայց ոչ ոք նրան չէր տարել այդ գիշեր, ու միայն առավոտվա ցուրտը, առանց մի գրոշ վճարելու, սարցասառը մատներով պրպտելով, ավելի ու ավելի էր խորանում պոռնիկի խայտաբղետ փալասների տակ:

- Խեղճը դողում է,- ուշադիր նայելով՝ ասաց Նիգը,- բայց դեռ ոչ կրքից: Ինչի՞ է սպասում:

- Քո համբույրներին, Նիգ,- արմունկով նրան հրեց Ինգը,- շրթունքների խոցը կարոտել է քեզ:

- Չէ: Ավելի լավ է մի քանի սփոփիչ խոսք ասես:

Ինգը կարեկցանքով կռացավ կնոջ վրա.

- Դու՛ստր իմ, չփտելով երկրի վրա, չես ծաղկի երկնքում:

Բայց Գնին թույլ չտվեց շարունակել: Ուղքով հասցնելով նրան՝ մոտեցավ սառած արարածին ու գրպանները քրքրելով, առանց մի բառի, մի կտոր հաց հանեց ու դրեց նրա բերանը: Կնոջ նիհար ձեռքերը անմիջապես կառչեցին հացի կտորից ու սկսեցին ընդառաջ մղել արագ ծամող ատամներին:

Միգիզմունդ ԿՐԺԻԺՄՆՈՎՄԿԻ

- Ասա, փոքրի՛կս,- ժպտաց Գնին՝ խանդաղատանքով կայելով նրա ծնոտի աշխատանքին,- Աստված նրա համար չի, չէ՞, անցք բացել դեմքին, որ դրանից անիմաստ բառեր թափվեն կամ տոսնծվեն համբույրներով, այլ որպեսզի մարդը դրա միջոցով ճանաչի կերակրվելու ուրախությունը:

Հացի կտորը կնոջը երկար ժամանակ թույլ չէր տալիս պատասխանել: Վերջապես երեքը լսեցին.

- Ճիշտն ասած, չգիտեմ... մեր գործում՝ ով չի համբուրում, նա չի ուտում: Եվ ինձ չէ, որ պետք է հարցնել, զնացեք այ այս կաճանով, ափի երկարությամբ: Կաճանը ձեզ կհասցնի մի քարայրի: Քարայրը դատարկ չի. մի իմաստուն է ապրում այնտեղ, ճգնավոր, նա ամեն ինչ գիտի, դրա համար էլ ամեն ինչից հեռացել է:

- Դեռ ճգնավորներին չենք փորձել: Գնանք, հա՛մ:- Ու թափառիկ վեճը շարունակեց իր ճամփան կաճանի ոլորաններով: Եվ օրվա վերջին ուղեկիցներից առաջ ընկած Գնին գլուխը խցկեց քարայրի խավարն ու հարցրեց.

- Ի՞նչն է բերանի համար ավելի կարելու՞ համբու՞յրը, բա՞ռը, թե՞ ուտելիքը:

Ի պատասխան խավարից լսվեց.

- Որտեղի՞ց է ցողը՝ երկրի՞ց, թե՞ երկկնքից:

- Ասում են՝ երկկնքից:

Մոտեցան Ինզն ու Նիգը:

- Երկկնքից,- հաստատեցին նրանք:

Տարակուսած Գնին կորից գլուխը խցկեց խավարի մեջ, եւ անմիջապես ինչ-որ ծանր բան խփվեց ճակատին, տապալեց նրան, ու քարայրից դուրս պրծածը պառկեց շեմին. սովորական թուջե կճուճ էր: Ընկերները զննեցին կճուճը եւ՛ դրսից, եւ՛ ներսից, բայց կճուճի մեջ պատասխան չգտան:

- Հիմա էլ դուք հարցրեք,- վնասված ճակատը տրորելով՝ ասաց Գնին, եւ իմն արեցի:

Քարայրի մուտքից մի կողմ քաշվեցին ու որոշեցին այդտեղ գիշերել, որ վաղ առավոտյան շարունակեն ճանապարհը: Կճուճը, ինչպես բերանքսիվար ընկել էր խոտերին, այդպես էլ մնաց:

Առաջինը արթնացավ Գնին. ճակատին բուսած ելունդն էր արթնացրել: Լուսաբացի փայլի մեջ տեսավ կողքին նստած մի անծանոթ մարդու: Անծանոթը բարեհամբույր ժպտալով՝ հարցրեց.

- Ճգնափորի մո՞տ:

- Հա՛: Դուք է՛լ:

Անձանոթը չպատասխանեց ու ժպիտը պահելով ճերմակ, քրքրված մորուքի մեջ՝ զննում էր արշալույսի գունավորած ցողի կաթիլները, որոնք կայծկտում էին խոտերի ցցունքներին:

- Եթե դուք էլ եք ճգնափորի մոտ զննում, ավելի լավ է չգնաք:

- Ինչո՞ւ:

- Որովհետև պատասխանի փոխարեն կստանաք այ սա, ավելի ճիշտ՝ սրանով,- ու Պին դառնացած քացով տվեց թուջե կճուճին. կճուճը գլորվեց, եւ նրա տակ մնացած խոտերի վրա Պին զարմանքով գունգունող խոշոր ցողակաթիլներ տեսավ:

- Գրո՞ղը տանի,- գոչեց Պին,- սրանք ո՞նց են երկնքից հայտնվել կճուճի տակ:

- Որ բացատրեն,- խոսեց անձանոթը,- պետք չի վառարանի կճուճով մագցել երկինք. պատասխանն այստեղ է, կճուճի տակ, գետնին: Իսկ գլխում ձևվածը բացատրելու համար պետք չէ փնտրել աշխարհով մեկ. պատասխանը հենց այստեղ է, զագաթի տակ, հարցի հարեւանությամբ: Հանելուկը միշտ լուծումից են սարքում եւ պատասխանները,- այդպես եղել է ու կլինի,- միշտ ծեր են հարցերից: Մի արթնացրու ուղեկիցներիդ, թող քնեն. ձեզ երկար ու դժվար վերադարձ է սպասում:

Եվ վերցնելով կճուճը՝ ծերունին անհետացավ քարայրի խավարում:

Նույն օրը երեքը բռնեցին վերադարձի ճանապարհը:

Սյուժեստեղծման բարի ավանդույթը պահանջում է, որ դեպի-ն երկար պատմվի, իսկ հետ-ը՝ ձիափոխ կառքի արագությամբ: Եվ այսպես, ենթադրենք իմ երեքը, մի դյուժին կոշկատակ մաշելով, մոտենում են ելքին. նրանց դիմավորում է հարազատ քաղաքը. Ինզին հանդիսավոր գլուխ է տալիս փարաջան քշտած՝ ջրափոսերն անցնող եկեղեցու մոնթը. մի փքված փորով աղջկա ձեռքից դուլերն ընկնում են ցեխի մեջ. «Երեք թագավորների» մշտայցելուները, զլուխները պատուհաններից հանած, կանչում ու ձեռքով են անում Պինին,- կողքով ու հեռուն, առջեւից՝ Նիզը. նա ընկերներին առաջնորդում է Իզնոտայի մոտ:

Տեղ հասան: Բակում ոչ ոք չկա. միայն թարմ անվահետքը՝ ցեխի մեջ ու փշատերեւ ճյուղեր՝ դարպասից մինչեւ շեմը: Թակում են դուռը. ոչ ոք: Նիզը հրում է. դուռը հետ թռավ: Մտնում են նախասենյակ: «Այստե՛ղ»: Բայց Իզնոտայի փոքրիկ սենյակի դուռն էլ է բաց. մահճակի վրա տրորված հարդ է, օդում՝ խնկի հոտ, ու՝ ոչ ոք: Նիզը հանեց գլխարկը: Մյուս եր-

Միգիզմունդ ԿՐԺԻԺՄՆՈՎԱԿԻ

կուսը՝ նրա ետեւից: Եվ լուռումունջ դուրս գալով՝ ճամփորդները,- փշատերեւի կանաչ ասեղների հետքով,- դեպի գերեզմանատան ցանկապատը: Խաչերի արանքում էլ՝ ոչ ոք: Միայն հեռվից՝ հողին չմիացող բահի ձայն: Դեպի ձայնը: Հուղարկավորներ, եթե եղել էլ են, արդեն չկան: Միայն գերեզմանափորն է ուշացել. հողը պինդ էր ու դիմադրում էր բահին:

- Իգևտտան այստե՞ղ է,- հարցրեց Նիգը:

- Այստեղ է: Բայց եթե գործ ունեք նրա հետ, ավելի ուշ եկեք, երբ ավարտվի հավերժությունը:

- Մեզ նրանից ոչինչ պետք չի, բացի մի հարցի պատասխանից:

- Մեր գործը մեռել թաղելն է, ոչ թե հարցեր փորել-հանելը: Իսկ մեռելները, ինչպես գիտեք, քչախոս են. ինչ էլ հարցնես, բերան չեն բացի: Չնայած, ճիշտ չեմ,- քմծիծաղեց գերեզմանափորն ու խորամանկ աչքով արեց,- բացելը՝ բացում են, ասես ուզում են ինչ-որ վերջին բառ ասել, բայց չեն թողնում. սկզբում պինդ կապում են՝ ատամն ատամին, հետո բերանը լցնում հողով, եւ թե ինչ բառ է մեռյալների այդ բառը, այդպես էլ ոչ ոք երբեք չի լսել: Բայց հետաքրքիր կլիներ:

- Անկի՛րթ,- ատամների արանքից նետեց Ինգը:

- Ինչո՞ւ վրան խաչ չկա,- հետաքրքրվեց Գնին:

- Այսպիսիներին չեն դնում,- գոմոաց գերեզմանափորն ու նորից ձեռքն առավ քլունգը:

Այդ ժամանակ երեքը, գավազանները կապեցին խաչի տեսքով, ու երբ խաչն իր ուղիղ փայտե թելերը տարածեց Իգևտայի վրա, Ինգը ասաց.

- Այո՛, հարցերի երկիրը ծավալվում ու ծավալվում է եւ բազմապատկում իր հարստությունները, հարցերի երկիրն ավելի ու ավելի գույնզգույն է ծաղկում, ավելի վառ ու փարթամ, բայց պատասխանների երկիրն ամալի, սևանկ ու տրտում է, ինչպես այս գերեզմանոցը: Դրա համար էլ...

- Խմե՛նք: Ամե՛ն,- հուշեց Գնին:

Բոլոր երեքն էլ պատմությունն ավարտեցին այնտեղ, որտեղ սկսել էին՝ «Երեք թագավորներում»: Օ՛Ֆ, վերջ...

Ֆեվը անկանոն ու ծանր էր շնչում: Աջքերը հետ էին գնացել ու թաղվել ճարպի մեջ: Նախագահը միանգամից չխախտեց լռությունը.- Դե ինչ, ձեր պատմության համար էլ տեղ կգտնվի մեր չգո գրադարանում,- նա մատները թաղեց դարակների սեւ մթության մեջ՝ ասես տեղ փնտրելով դեր չգրված գրքի համար:- Ձեր թեման, իմ կարծիքով, ինչ-որ ուրախ դիակառք է. պայծառ թարթող ջահերի տակ ճաղերն արագ պտտելով՝ պարում է դարուփոսերում, ճոճում թաղման խայտաբղետ ծոպերն ու փայլե-

որ. բայց եւ այնպէս, դիակառք է եւ նրա ճանապարհը՝ դեպի գերեզմանոց: Կարող եք ինձ փնթփնթան համարել, բայց դուք բոլորը, հարգելի մտահոգացողներ, ամեն ինչ անում եք սյուժետային ավարտները նույն գերեզմանափոսը զգելու համար: Այդպէս չի լինի: Գրական էնդշափի արվեստը ավելի նուրբ ու բազմազան մշակում է պահանջում: Փոսն ընկնելը հեշտ է, դուրս գալն է դժվար, մանավանդ եթէ խոր է: Չէ՞ որ նրա համար չենք դէն նետել գրիչները, որ գերեզմանափորի բաիեր վերցնենք:

- Գուցէ եւ իրավացի եք,- գլխով արեց Ֆելը:- Մենք իսկապէս, չգիտեմ ինչո՞ւ, ավելի հաճախ քայլ ենք անում սպիտակ խաղաղաշտից սեւը, քան սեւից՝ սպիտակը: Մեր թեմատիկ լուծումները լավը չեն, որովնետեւ... վատն են: Բայց եթէ դրան գնաց, կփորձեմ ցոյց տալ, որ կարողանում եմ լողալ նաեւ քամուն հակառակ: Դա երկար չի տեւի. իմ ներածությունը կզգեմ գերեզմանի փոսը, ամենահատակը, իսկ հետո խնդրում եմ հետեւեք ինչպէս պիտի դուրս գա այնտեղից՝ դեպի կյանք:

- Հապա՛, հապա՛, լսե՛նք,- բազկաթոռով հանդերձ պատմողին մոտենալով ժպտաց Ջեզը:- Խիզախե՛ք:

Ֆելը, ջանալով ինչ-որ բան հիշել, նայեց վերեւ. մանուշակագույն լուսաբծերը առաստաղից ցատկեցին նրա այտերի փքված պղպջակներին:

- Այս մտահոգումը իմ մեջ գեռում էր շատ տարիներ առաջ: Ես այն ժամանակ եւ՛ ավելի շարժունակ, եւ՛ ավելի հետաքրքրասեր էի, դեռ տարածության ձգտում ունեի ու հաճախ էի ճամփորդում: Այսպէս պատահեց: Վենետիկ կատարած իմ այցերից մեկի ժամանակ, նախակեսօրյա շիկացած փողոցներով շրջելիս կարիքի բերումով մոտեցա այն մարմարե հարմարանքներից մեկին, որ այնտեղ դուրս են ցցված համարյա բոլոր պատերից ու ամոնիակ են բուրում: Փողրակի շուրջը, պատը պատելով գույնզգույն քառակյուններով, աչքի էին զարնում վենետրուզների հասցեները: Իսկ մի քիչ այն կողմ, նեղ սեւ շրջանակում, իր բոլոր պատկառելի, սեւով սպիտակին տառերով մի տեսակ կտրվելով ամոնիակային ընկերախմբից՝ սեւ փոքրիկ խաչի տակ քառակյուն ծանուցումն էր. «Չէ՞ք մոռացել այն 100000-ի մասին, որոնք պետք է մեռնեն այսօր»:

Իհարկէ, դատարկ բան էր, չոր վիճակագրական տեղեկանք, հմտորեն առնված սեւ քառակուսու մեջ, որը քաղաքավարի հիշեցնում էր, ընդամենը՝ հիշեցնում:

Ես չաղոթեցի հարյուր հազար հոգիների համար, բայց երբ պատի ստվերից դուրս եկա պայծառ արեւի տակ, հազարավոր ու հազարավոր հոգեվարքներ փակեցին ճանապարհս. օրվա ընթացքում գոհված հազա-

Միգիզմունդ ԿՐԺԻԺՃՆՈՎՄԿԻ

րավորներ շրջապատեցին ինձ, հազարավոր արեւներ էին թափվում խավարի մեջ, տեսա բազմաթիվ մոմագույն, սրված դեմքեր, դուրս պրծած սպիտակ աչքեր. քաղցրավուն նեխահոտը, քթանցքներով թափանցելով ուղեղս, չէր թողնում ո՛չ մտածել, ո՛չ ապրել: Հիշում եմ, որ համարյա ֆիզիկական զգացողություն էր: Մտա ռեստորաններից մեկը, ևստեցի աթոռին, սպասք դրեցին իմ առաջ, եւ ևույն պահին տեսա այդ հազարներին՝ սեղանների վրա, փոս ընկած բերաններով, դանդաղ սառչող, անօգնական ու սարսափելի, այսօրվանից անջատված դեպի երբեք: Ձեռք չսովի դանդաղ սառչող միլեստրոնեին, ու միտքս տենդագին ջանքեր էր անում ամեն գնով դուրս պրծնելու անհիծյալ սեւ քառակուսուց: Հենց այդ ժամանակ էլ օգնության հասավ իմ թեման: Մի տեսակ միանգամից դուրս հորդեց ինձնից: Հիշում եմ՝ մեքենայաբար վեր կացա եւ արագ վճարելով...

Այստեղ պատմողը,- նրա ետեւից ևաւե մյուսները,- դարձան կտրուկ հետ քաշված բազկաթոռի ձայնի կողմը: Ինձ համար անսպասելի տեսա Ռարին, որը դուրս եկավ մտահոգողների շրջանակից. ձեռքին բանալին էր, որ մի վայրկյան առաջ դրված էր բուխարու ելուստին:

- Հեռանում եմ,- կարճ նետեց ևա: Բանալին մետաղաձայն շխկաց, դուռը հետ ընկավ, եւ Ռարի քայլերը լռեցին ևերթելներում խուլ շխկոցով փակված փեղկի ետեւում:

Բոլորը տարակուսած իրար ևայեցին:

- Ի՞նչ եղավ նրան,- վեր կացավ Շոգը, ասես ուզում էր հասնել հեռացածին:

- Կարգի եմ հրավիրում,- լսվեց Չեզի չոր ձայնը,- ևստե՛ք: Կամ էլ, եթե արդեն վեր եք կացել, փակեք դուռը: Անցա՛նք: Ֆեվը շարունակում է:

- Ո՛չ, Ֆեվն ավարտեց,- այտերը կատաղի փքելով՝ կտրեց Ֆեվը:

- Որովհետեւ գնա՞ց այդ...,- կակազեց Չեզը:

- Ո՛չ: Որովհետեւ այդի հետ գնաց ևաւե,- պատկերացրե՛ք միայն,- գնաց ևաւե այնը՝ թեման:

- Դուք, ըստ երեւոյթին, ուզում եք Ռարից խենթ լինել: Թող որ այդպես: Նիստը համարենք փակված: Բայց եկեք պայմանավորվենք հաջորդ շաբաթվա ծրագրի մասին: Հերթը Շոգինն է: Նրան առաջարկում եմ թռչել Ֆեվի դրած ցատկահարթակից: Թող ևա,- լսո՛ւմ եք, Շո՛գ,- իրեն տեսնի պատի տակ, սեւ շրջանակով ծանուցման առաջ, թող մտահոգանա,- Ֆեվին հաջորդելով,- հոգեվարքերի բույլեր՝ մեկ հոգեվարքի մեջ, իսկ հետո ձեզ մաղթում եմ, որ սեւից թռչեք սպիտակին:

Շոգը ճակատից հետ գցեց համար մազափուլնը.

- Կարվի՛: Ավելին, թափավազքը դեպի ցատկահարթակ, ինչպես դուք անվանեցիք, կսկսեմ այսօրվա հավաքին պատմած առաջին թեմայով: Թող որ դա պարկի մեջ վազք է: Բայց դեռ մի շաբաթ ժամանակ ունեմ: Գուցե եւ թռչեմ:

6

Ինձ հաջորդ շաբաթվան մոտեցնող ամեն օրվա հետ ավելի ու ավելի էի խճճվում վարկածների ու ենթադրությունների մեջ: Ինչպե՞ս հասկանալ Ռարի «հեռանում եմ»-ը: Շարքային խռովությունն Ֆէբի դեմ, թե՞ ըմբոստություն, որ ավելի ուժեղ ու հեռուն է խփում. գուցե վերջնական որոշում էր, գուցե եւ թուփեցնելով քաղաքը. ինչի՞ց էր մեկուսանում հարյուր հազարի՞ց, թե՞ վեցից: Հիշում էի գունատ, իր ներսը նայող դեմքը, անհաստատուն հեռացող քայլերը: Գուցե նրան իմ օգնությունն է պետք: Եվ ես արդեն չէի մտածում՝ գնա՛լ, թե՞ չգնալ: Բացի այդ, շաբաթ օրերի ձգողականությունը, դատարկ դարակների քաշող ուժը, անգործության սեւ գայթակղությունը ակնհայտորեն սկսում էին ազդել նաեւ ինձ վրա:

Պայմանավորված օրն ու ժամին գնացի Տառասպանների ակումբ: Տրորված ձյան վրա արդեն փռվել էր նախագարնան ջերմության առաջին մեզը, սառցալույկները, կախվելով տանիքներից, լալիս էին, եւ արցունքները զնգուն կտկտում էին մայթին: Երբ դուռն ինձ նիստերի սենյակ թողեց, առաջինը, որ տեսա՝ Ռարի դատարկ բազկաթոռն էր: Եկել էին բուրրը. բացի նրանից:

Ինչպես միշտ՝ երկու անգամ շիկաց բանալին, ասես սեւ դարակներով սենյակը բաժանելով աշխարհից,- եւ ես կարճ ու տաք հրում զգացի ուղեղիս մեջ:

Շոգը, որը պետք է խոսեր, նույնպես մի քանի անգամ անհանգիստ նայեց մարդուն չգտած տեղին: Նախագահը նշան արեց, եւ միայն այդ ժամանակ, դեմքով դառնալով դեպի բուխարու սեւ բերանը (մոտեցող գարունը հանգցրել էր կրակը), նա կենտրոնանալու ջանք արեց ու սկսեց:

- Մարկոս Լիցինիոս Սեպտիմիան գտան կիսամութ տաբլիսումի շեմին. մեռած, պառկած էր բաց գալարափաթեթների արանքում:

Հանգուցյալ Սեպտի ստրուկները՝ Մանլիուսն ու ծեր, կաղ Էզիդիուսը, մարմինը տեղափոխեցին տաբլիսումի քարե նստարանին, հապճեպ հագցրին նուրբ կարմիր եզրաշերտով լավագույն պարեգտը, լվացան դեմքն ու բերանը, բացեցին մահվան ջրածգումով սեղմված ատամներն ու, դրանց արանքում մի պղնձե օբոլ դնելով՝ անցան թաղման հոգսերին:

Միգիզմունդ ԿՐԺԻԺՄՆՈՎՍԿԻ

Երկու ծեր եղերամայր, հոտառությամբ զգալով մեռյալին, արդեն բրոնզե մուրճիկով թակում էին հետևաբակի դուռը. այնտեղ, թվատ շատրվակի մոտ Էզիդիուսն արդեն վիճում էր պառավական ծվծվան ձայների հետ՝ ջանալով գոնե մի տասը սեստերց սակարկել. հանգուցյալ Մարկուս Սեպտը աղքատ էր. ստիպված էին խնայել:

Մանկիուսը վազեց թաղման պատգարակ պատվիրելու, անուշաբույր խոտեր գնելու, պայմանավորվելու ջահակիրների հետ եւ լուր տալու հանգուցյալի երկու-երեք բարեկամներին: Մարկուս Սեպտը աղքատ ու մեկակ ապրում էր պապիրուսների ու մոմած տախտակների շրջապատում՝ խուսափելով մարդկանց մերժությունից: Մանկիուսը մտածում էր, որ միևնչեւ մայրամուտ կավարտի բոլոր գործերը:

Բայց դիակը առանց հսկողության թողնել չէր կարելի. դրանից կարող էին օգտվել չար ոգիներն ու թափառիկ ստվերները:

- Ֆաբա, հե՛յ, Ֆաբա, ո՞ր ես... Էլի՞ փողոցում, չարածո՛ր: Արի այստեղ: Ահա աթոռակը. նստիր տիրոջ ոտքերի տակ: Մի վախեցիր, որ սփրթնած է ու չի շարժվում. պարոնը մեռել է: Դու դեռ չես հասկանա. նստիր այստեղ, միևնչեւ Էզիդիուսը կվերջացնի գործը պառավների հետ: Այդ ընթացքում ես էլ կվերդառնամ:

Փոքրիկ վեցամյա Ֆաբան իր կարեւոր գործն ուներ, ու եթե հայրը այդպես խիստ չկարգադրեր, ոչ մի դեպքում չէր մնա կիսամութ սենյակում. տան ետեւը, խաչմերուկում իր վաճառատախտակով տեղավորվել էր շաքարած արմավ, չամիչ ու թուզ վաճառողը. նայելն իսկ հաճելի էր: Իսկ այստե՛ղ...

Ֆաբան նստեց աթոռակին, ոտքերը ծալեց տակն ու սկսեց ականջ դնել. տաքլինումում լուր էր, մի մեծ կապույտ ճանճ տոզաց ու լոեց, բայց պատի ետեւից հասնում էր վաճառողի ձայնը. «Արմա՛վ, արմա՛վ, կապը՝ մի օբոլ: Քաղցր արմավ գնեք՝ մի օբոլով, միայն մի օբոլով...»:

«Ա՛խ, եթե...»,- խփեց փոքրիկ սիրտը, ու Ֆաբան լպստեց կարմիր շրթունքները:

Մարկուս Լիցինիոս Սեպտը պառկել էր՝ օբոլը քարացող ծնոտներով սեղմած, ու նույնպես լսում էր. մահով ստվերված լսողությամբ անցնելով եղերամայրերի ձայների, վաճառողի բղավոցների, ապա՝ փողոցների աղմուկի ու կանչերի, հետո երկրի գեղի խոսակցությունների միջով՝ նա հստակ տարբերում էր նաեւ Քարոնի թիակի հեռավոր ճողփյունն ու տխուր շշուկը ստվերների, որոնք իրեն կանչում էին դեպի Աքերոնի սեւ ջրերը: Մեռած Սեպտին լսելի էին եւ՛ դեպի հեռավոր ուղեծիրներ դիմող

աստղերի քայլը, եւ՝ այդպես էլ հատակին թափված ձեռագրերում շուռու-մուռ եկող տառերի շրշյունը, հստակ լսելի էին Աիդի խորհրդածություն-ներն ու հենց այդտեղ, գլխավերելում նստած փոքրիկ Ֆաբայի՝ ստրուկի դատեր մտքերը: Ապակիացող աչքերում,- մեզի միջով,- կապույտին էին տալիս երեխայի՝ թարթիչների թրթռոցից կայծկլտող աչքերը. կյանք: Եվ անմիջապես էլ բիբերը սկսեցին պատվել մշուշով:

Քարոնի թիակն ավելի մոտ ճողփաց:

- Քաղցր արմավ, արմավի չի՛ր, մի օբյուվ, միայն մի օբյուվ:

- Օ՛, տիրուհի՛ Յուլո, եթե միայն ես...,- շնչաց Ֆաբան:

Եվ կարկամող մկանների զարհուրելի վերջին ճիգով Լիցինիուս Սեպտը բացեց ձևոտները (ջանքից աչքերի շղարշը թանձրացավ՝ ծածկելով Ֆաբային, պատերն ու ողջ երկրի ողջ գունդը), ու նոփ-նոր պղնձե օբյուր, շրթունքների արանքից սահելով՝ գլորվեց ու թեթեւ զնգոցով ընկավ ապշած Ֆաբայի ոտքերի տակ: Նա ոտքերն իրեն քաշեց ու պահեց շունչը: Շուրջը լուռ էր: Անշարժ տերը փաղաքուշ ժպտում էր նրան թափանցիկ-ճերմակ դեմքով: Ֆաբան ձեռքը պարզեց օբյուին:

Արմավները շատ համով էին: Եվ Սարկոս Լիցինիուս Սեպտին թաղեցին առանց օբյուի. Չէին նկատել:

Սեպտի ժամանակը լրացավ: Երկրից կտրված՝ նա խղճալի մրմնջացող ստվերների միջով սահում էր դեպի մեռյալների կացարանը: Ետևում հաջող սակարկած եղերամայրերի սուր ճիչերն ու համաչափ ծղրտոց-ներն էին, առջեւում՝ Աքերոնի սեւ ալիքների ծփանքը:

Ահա եւ ափը: Թիակների ճողփյուն: Սո՛ւս: Ավելի մոտ: Ավելի՛: Նավակը կողով քսվեց ափին: Երբեք ստվերները շտապեցին ձայնի վրա. նրանց հետ եւ Սեպտը: Ծերունի Քարոնը ոտք դրեց ափին: Դեմքը հայտնվում ու անհետանում էր արյունոտ փայլատակումների մեջ. առաջ մղված, զգզված այլևոր մորուքով ձևոտ, աչքերի գիշատիչ փայլ: Յնգվող ոսկրոտ ձեռքի արագ, վարժ շարժումով Քարոնը շոշափում էր մեռածների բերանները, եւ օբյուները զնգացող շիթով թափվում էին ձերուկու ազդրակապին ամրացրած կաշվե տոպրակի մեջ: Մատները դիպան Սեպտի շրթունքներին:

- Օբյու՛ր,- հարցրեց նավավարը:- Ո՛ր է գետանցի օբյուր:

Սեպտը լուռ էր: Եվ այդ ժամանակ Քարոնը թիակով հրվեց ափից. ստվերներով լի նավակը լողաց հեռու: Սեպտը մենակ մնաց Սահվան ամալացած ափին:

Երկրի վրա՝ ցերեկ-գիշեր-ցերեկ-գիշեր-ցերեկ: Իսկ Աքերոնի սեւ ջրե-

Միգիզմունդ ԿՐԺԻԺՄՆՈՎՄԿԻ

րի եզրին՝ գիշեր-գիշեր-գիշեր: Անառավոտ, անկեսօր, անաղջամուղջ: Հազարավոր անգամներ ափին մոտեցավ ու մեկնեց Նավավարի մակույկը, ու Սարկոս Սեպտը մենակ էր մնում կյանքի ու մահվան միջև: Ամեն անգամ նավակի ճողփյունը լսելով՝ մոտենում էր ջրերի աղմուկին, եւ ամեն անգամ գծում Քարոնը օբյուր չբերածին վանում էր նավակողից: Այդպես դեգերում էր օբյուր չբերած Սեպտը սեւ ջրերի եզրին՝ կյանքը լքած ու մահվան մեջ չառնված:

Հավաքված սովերներից էր օբյուր խնդրում, բայց նրանք, Արդին տրվելիք Երկրի վարձը սառած շրթունքների արանքում ավելի ամուր սեղմելով՝ թռչում էին կողքով: Խավարը փակվում էր նրանց ետեւից: Ու հասկացավ Սեպտը՝ աղաչանքն անխմաստ է, ու դեմքը դարձնելով երկրին՝ սկսեց սպասել, տարիներ ու տարիներ, թե երբ Աքերոնի ափ կիջնի նա, որին տվել էր մեռյալների օբյուր:

Արմավները քաղցր էին, այդպես է, բայց կյանքը դառն է ու տխուր: Ֆաբիա աղջնակին՝ ստրուկի դատերը, տիրոջ անսպասելի մահից հետո չորս անգամ վերավաճառեցին: Երբ Ֆաբիան գեղեցիկ կապտաչա աղջիկ դարձավ, համբույրներով մաշեցին շուրթերն ու շոյանքներով՝ մարմինը: Այդպես ձեռքերից թաթերին անցավ, թաթերից՝ շոշափուկներին: Թախիծը խորացավ կապույտ աչքերի մեջ ու չէր հեռանում նրա չվերավաճառված հոգուց: Ժամանակը տարուց տարի էր գլորվում գետնին ընկած մաշված օբյուրի նման: Մարմնի վերջին տերը՝ ծեր պրոկոնսուլ Կայոս Ռիգիդիոս Պրիսկը, շռայլ էր հարձի հանդեպ. Ֆաբիան քնում էր մարմարե մահճին, բուրավետ ծխով ու ճոճվող հովհարներով շրջապատված, բայց մի տարօրինակ սեւեռուն երագ երեք անգամ այցելեց նրան. սեւ գետի ծփանք էր տեսնում, ինչ-որ մեկի ծանոթ, սիրելի՛, սիրելի՛ դեմքը՝ քարացած, տառապագին բացված բերանով, ինչ-որ թախճոտ, հեռուներից կանչող շշուկ էր լսում. «Օբյուր, ինձ տուր օբյուրը՝ մեռյալների իմ օբյուրը»:

Բուռ-բուռ օբյուր բաժանեց Ֆաբիան մուրացկաններին ու տաճարներում, բայց տեսիլքը չէր անհետանում:

Պրոկոնսուլ Ռիգիդիոսը մահացավ: Ֆաբիան ապրանքացանկով պետք է անցներ նրա ժառանգորդին: Բայց երբ ժառանգորդի ծառաները կանգնեցին նրա շեմին, ոչ ոք չարձագանքեց ծիրանագույն վարագույրի ետեւից:

Մտան ներս. Ֆաբիան պառկած էր մարմարե մահճին, ձեռքերն անշարժ տարածած՝ ասես գրկախառնության համար: Ապրանքացանկում հինգերորդ համարը կրող իրը, համապատասխան կարգը պահելով,

ստիպված էին ջնջել. ինքնասպանների գերեզմանոցը նոր դիակ ընդունեց:

Մարկոս Սեպտը ճանաչեց մոտեցող սովերը. սահում էր մեռյալների շարանում, գլուխը հետ գցած, թափանցիկ-ճերմակ թեւերը բաց՝ ասես գրկախառնության համար, գունատ շրթունքների արանքում առկայծում էր օբոլի կիսաշրջանը: Նավակը մոտ լողաց: Սեպտը փակեց Ֆաբիայի ճանապարհը:

- Ճանաչեցի՞ր:

- Այո՛:

- Այստեղ, մահվան ու կյանքի միջեւ,- տարիներ ու տարիներ,- սպառում եմ: Տո՛ր օբոլը, տո՛ր ինձ մեռյալների օբոլը:

Եվ այդ ժամանակ...

Ու պատմությունը հանկարծ ընդհատվեց, ասես ճանապարհը փակած լիներին:

- Եվ այդ ժամանակ,- կրկնեց Շոգը՝ աչքերը դանդաղ պտտելով ունկնդիրների վրայով,- ինչպե՞ս կվարվեիք այդ «եւ այդ ժամանակի» հետ, թեկուզ դուք, Հի՛ց:

Հարցվածը զարմացավ վայրկյանից ոչ ավելի. կզակի եւ արմունկների սուր ծայրերով հարցին ընդառաջ գալով, սկսեց բառը կցել բառին.

- Ձեր «այդ ժամանակ»-ի համար պետք չէ «երբ» փնտրել: Անօգուտ է: Դուք պատմությունն այնպիսի միստիկական մշուշի մեջ եք մղել, որտեղ ավելի հեշտ է կորցնել սկիզբը, քան գտնել վերջը: Ոնց կուզեք դուրս եկեք: Ես Աքերոնի խնդրարկու չեմ:

- Իսկ դո՞ւք, Դյա՛ժ,- շարունակեց Շոգը, եւ անհնար էր հասկանալ՝ կատակո՞ւմ է, թե՞ լուրջ է հարցնում:

Կլոր ապակիները խուճապով դեսուդեն ընկան:

- Սիրելի Շա՛րգ, այսինքն, մեղավոր եմ, Շո՛գ, ես այսպես կվարվեի՝ ձեր սովերների հետ. մի օբոլը՝ երկուսին: Համենայնդեպս ավելին է, քան ոչինչը: Օբոլը ստանալով՝ Քարոնը նավակ է թողնում եւ՝ Ֆաբիային, եւ՝ Սեպտին: Բայց հասնելով Աքերոնի մեջտեղը, երկու ափերի՝ մահվան ու կյանքի արանքում, աստվածային գծուծն ասում է. «Դուք ինձ կես ճանապարհի համար եք վճարել»: Եվ ձեր հերոսները, որոնց գլխին արդեն կախված է դժոխային նավավարի ահեղ թիակը, ստիպված են իջնել գետի մեջտեղում, ուղիղ Եվրիպիդեսի ու Արիստոփանեսի գովերգած աստվածային ձայներով կռկռացող նշանավոր աքերոնյան գորտերի մոտ: Տեղն է դրանց:

Միգիզմունդ ԿՐԺԻԺՃՆՈՎԱԿԻ

Գլխի շարժումով շնորհակալություն հայտնելով՝ Շոգը դարձավ հաջորդին.

- Ֆէ՞ր:

- Մահը շրջհոսող գետի հատակը միշտ չէ, որ ծիծաղելի է թվում նրան, ում թոքերում այդպիսի աքերոնյան գորտ է նստած: Մի բան կասեմ. ձեր պատմությունից պղնձահամ եմ զգում շրթունքներիս: Հաջորդին հարցրեք:

Բայց հաջորդը՝ Թյուրը, չսպասեց, որ անունը տաս: Սոտենալով Շոգին,- ծունկ ծնկան,- արագ ասաց.

- Ինձ թվում է կռահում եմ ձեր, ավելի ճիշտ՝ մեր վերջաբանը, Շո՛գ. եւ այդ ժամանակ... սպասե՛ք... եւ այդ ժամանակ Ֆաբիան շրթունքներով Սեպտին մոտեցրեց փայլող օբյոլը: Սեպտը ձգվեց տոչորված բերանով: Սկզբում շրթունքները ձուլվեցին, հետո՝ հոգիները: Իսկ օբյոլը գլորվեց միջնաշխարհի սեւ ջրերի մեջ: Նավակը մեկնեց առանց նրանց: Երկուսը մնացին մահվան ու կյանքի միջեւ, որովհետեւ սերը հենց այդ է... Հիշո՞ւմ եք: Այ ինձ հետաքրքիր է՝ ինչ կասի Չեզը:

- Ես կասեմ,- խուլ արծազանքեց նա,- որ վերջաբան հորինելու փոխարեն ավելի լավ է նորից հորինել սկիզբը. ես այն ուրիշ կերպ կկառուցեի...

- Ինչո՞ւ:

- Զգիտեմ: Գուցե այն պատճառով, որ... իր օբյոլը ատամների արանքում ամուր սեղմած մարդ եմ: Հաջորդ շաբաթ օրը իմ պատմությունը կպարզի ասածս բառերը՝ բոլորի համար ու մինչեւ վերջ:

7

Վերադառնալով տուն՝ երկար չէի կարողանում քնել ու հիշում էի երեկոյի բոլոր մանրամասները: Ժամանակ առ ժամանակ կերպարների շարանի մեջ էր հայտնվում Ռարի դատարկ, լուռ բազկաթոռը: Ինչպե՞ս կվարվեր նա մեռյալների օբյոլի հետ: Հետո սկսեցի մտածել պատճառների մասին, որ նրան ստիպել էին խուսափել հավաքներից: Եվ տարօրինակ է. ողջ անցած շաբաթ ինձ տանջող անհանգստությունը մի տեսակ խաղաղվեց ու մարեց: Պատահականությունը բացառվում էր: Պարզ էր, որ Ռարը կապերը խզել է խմբակի հետ: Ավելի լավ: Իմ պլանն այսպիսին էր. գնալ մտահղացողների եւս մեկ հավաքի, վերջնականապես համոզվել, որ հենց այդ էր Ռարի որոշումը ու զգուշորեն պարզել նրա իսկական անունը, իսկ եթե հնարավոր լինի՝ նաեւ հասցեն:

Այդ ամբողջ շաբաթ մի քիչ անառողջ էի: Տևից դուրս չէի գալիս: Սենյակիս պատուհաններից այն կողմ հոգեվարում էր ձմեռը. ձյունը սեւացել ու սմքել էր, նեխահոտ ջրափոսերից դուրս էին նայում հողի կեղտոտ գուղձերը, մերկ ծառերի վրա, ասես մահվան սպասելով՝ կորացել էին ագռավների թեւերը, սաղմոսերգուի համաչափությամբ մրմնջում էին լուսամուտի գոգին խփվող կաթիլները:

Վեց անգամ թիվ փոխեց իմ պոկովի օրացույցը, մինչեւ որ տեսա շաբաթ բառը:

Իրիկնադեմին, սովորական ժամին գնացի հավաքին: Դանդաղ էի գնում, քայլ առ քայլ մտմտալով, թե ում եւ ինչպես եմ հարցուփորձ անելու Ռարի մասին: Մոտենալով տանը, որտեղ անցնում էին մեր հավաքույթները, տեսա շքամուտքից արագ դուրս վազող մի մարդու: Ծածանվող թիկնոցի ու աչքերին քաշած գլխարկի եզրերի տակ կռահվում էր Ռյուդի կերպարանքը, արդեն ուզում էի ձայն տալ նրան, բայց չգիտեի՝ ինչպես: Տարակուսած բարձրացա առմուտք ու գանգը տվի: Դուռն անմիջապես բացվեց, եւ զգույշ շուրջը նայելով՝ ինձ ընդառաջ ելավ անծամբ Ջեզի դեմքը: Ուզում էի ներս մտնել, բայց նա փակեց ճանապարհս.

- Հավաքույթ չի լինի: Գիտե՞ք Ռարի մասին:

- Ո՛չ:

- Ինչպե՛ս: Հրափողն ատամների արանքն ու... Վաղը՝ բա՛հի տակ:

Ապշած քարացել էի, ոչ հարցնելու ուժ ունեի, ոչ պատասխանելու: Ջեզի դեմքը մոտեցավ.

- Ոչի՛նչ: Ստիպված ենք ընդհատել հավաքույթները, մի երկու շաբաթով, ոչ ավելի: Հնարավոր է ոստիկանություն գա: Ոչի՛նչ. դեռ ոչ մեկին չի հաջողվել գտնել՝ խուզարկելով դատարկությունը: Դուք կարծես հուզվա՞ծ եք: Թողե՛ք: Ինչ էլ պատահի, պետք է կարողանալ մի բան. ատամների արանքում ամուր սեղմել սեփական օբյեկտը: Ու վերջ:

Դուռը փակվեց:

Ուզում էի նորից գանգը տալ: Հետո միտքս փոխեցի: Ու վերադառնալով տուն՝ երկար ժամանակ չէի կարողանում հաղթահարել ինձ պատած ընդարմացումը: Բազկաթոռը սեղանի մոտ քաշած՝ նստել ու նայում էի պատուհանից դուրս սեւացող գիշերին. բութ ու անիմաստ: Պատին համաչափ թիկթակում էր ճոճանակը:

Ես նրանց չէի սպասում,- իրենք եկան,- իրար ետեւից, հինգ շաբաթ օր: Ես նրանց քշում էի հիշողությունից. բայց չէին գնում: Այդ ժամանակ ձեռքս պարզեցի թանաքամանին ու բացեցի կափարիչը: Շաբաթ օրերը

Միգիզմունդ ԿՐԺԻՇՄՆՈՎՍԿԻ

գլխով արեցին,- այդպե՛ս, այդպե՛ս,- նրանց շրթունքները շարժվեցին, ու սկսվեց թելադրությունը: Հազիվ էի հասցնում գրի առնել, հինգ բերաններից անսպասելի հորդած բառերը իրար հերթ չտալով խցկվում էին գրչածայրի տակ: Սովատանջ ու հապճեա՛կ՝ նրանք ազահորեն կլլում էին թաւաքն ու իրարից առաջ ընկնելով՝ ինձ մղում տողից տող: Սեւ դարակների դատարկությունը հանկարծ խլրտաց. հազիվ էի հասցնում կառավարել շուրջս հեղեղված սովերներին:

Ահա արդեն չորրորդ գիշերն է մոտենում ավարտին: Ավարտվում են նաեւ բառերը: Ինձ համար այդպես անսպասելի սկսված գրողությունս նոր-նոր ծնված էլ կմեռնի: Առանց հարության հեռանկարի: Չէ՞ որ կռնատ եմ գրելու գործում, այդպես է՝ բառերին չեմ տիրում. նրանք էին տիրել ինձ, վարձույթով առել, որպես վրիժառության գործիք: Հիմա, երբ նրանց կամքը կատարված է, կարող եմ ինձ դեն նետել:

Այո՛, այդ կիսաչոր թերթիկները շատ բան սովորեցրին ինձ. բառերը չար ու կենսունակ են, եւ ամեն ոք, ով կոտնձգի նրանց դեմ, ավելի շուտ կսպանվի նրանց ձեռքով, քան կսպանի նրանց:

Դե, ահա եւ վերջ, ահա եւ հասա հատակին: Դարձյալ առանց բառերի. Ընդմիջտ: Չորս գիշերների էքստազն ինձնից խլեց ամեն ինչ. Իսպա՛ր: Բայց, թեկուզ եւ ոչ տեսական, մի քանի ժլատ ակնթարթ, ինձ համենայնդեպս հաջողվեց ճեղքել ուղեծիրն ու քայլ անել «ես»-ից անդին:

Ահա - վերադարձնում եմ բառերը, բոլորը, բացի մեկից. կյանք:

ՀԻՇՈՂՈՒԹՅՈՒՆՆԵՐ ԱՊԱԳԱՅԻ ՄԱՍԻՆ

I

Չորս տարեկան Մաքսի ամենասիրելի հեքիաթը Թիկի ու Թակի մասին հեքիաթն էր: Հեծնելով հոր ծնկին, ափերը՝ ծխախոտ բուրող պիջակի խավին հպած, փոքրիկը հրամայում էր.

- Թակի մասի՛ն:

Ծունկը օրորվում էր պատից թիկթակող ճոճանակի տակտով, ու հայրը սկսում էր.

- Այդ հեքիաթն այսպես են պատմում. եղել է, չի եղել մի ժամացույց (ժամացույցի մեջ՝ զսպանակ), ժամացույցին՝ երկու որդի՝ Թիկն ու Թակը: Թիկին ու Թակին քայլել սովորեցնելու համար ժամացույցը, թեկուզեւ դժվարությամբ, թույլ էր տալիս լարել իրեն: Ու սեւ սլաքը,- առանձին վարձատրությամբ,- Թիկ-Թակի հետ զբոսնում էր թվատախտակով: Բայց Թիկն ու Թակը մեծացան. մեկ այս չեն ուզում, մեկ այն չեն ուզում: Հեռացան-գնացին, թողեցին թիվն էլ, տախտակն էլ,- ու հետ չեն գալիս: Իսկ ժամացույցը փնտրում է սլաքներով, տնքում ու կանչում է «Թիկ-Թակ, Թիկ-Թակ»: Այդպե՛ս է պատմվում, թե չէ:

Ու փոքրիկ Մաքսը, զլուխը պիջակի փեշի տակ թաքցնելով, մերակնե-րի մահուղե կոպերից նայում դուրս ու ամեն անգամ նույնն էր պատասխանում.

- Թե չէ:

Հոր տաք ժիլետը, տղայի ականջին շրշալով, ցնցվում էր ծիծաղից, մե-րակի բացվածքից երեւում էր ծխամորճը թափ տվող ձեռքը.

- Իսկ ինչպե՛ս է պատմվում: Լսում եմ ձեզ, պարոն Մաքս Շտերե՛ր:

Մաքս Շտերերն ի վերջո պատասխանեց. բայց երեսուն տարի անց:

Բառերից ի գործ առաջին քայլի փորձը Մաքսի կյանքի վեցերորդ տարում էր:

Տունը, որտեղ ապրում էր Շտերերների ընտանիքը, հարում էր մինչեւ Վոլգայի հեռավոր ոլորանը ձգվող մանանեխի դաշտերին: Մի անգամ,- հուլիսյան երեկո էր,- տղան ընթրիքի չեկավ: Ծառան կորածի անունը կանչելով՝ երկար պտտվեց տան շուրջը: Մաքսի սպասքը ընթրիքի ողջ ընթացքում այդպես էլ պարապ մնաց: Հայրը ծառայի հետ գնաց ավելի հեռվում որոնումները շարունակելու: Ողջ գիշեր տան լույսերը վառվում

Միգիզմունդ ԿՐԺԻԺԱՆՈՎԱԿԻ

Էին: Միայն առավոտվա կողմ փախստակը հայտնաբերվեց գետանցի մոտ, տևից տասնյակ վերստեր հեռու: Փորձառու ճամփորդի տեսք ուներ. մեջքին՝ ուսապարկ, ձեռքին՝ ցուպ, գրպանում՝ հացի մի մեծ կտոր ու չորս հատ հինգկուպեկանոց: Անկեղծ խոստովանություն պահանջող հոր զայրացած բղավոցին փախստակը հանգիստ պատասխանեց.

- Ես չեմ փախել, Թիկն ու Թակն են փախել: Իսկ ես գևացի նրանց փնտրելու:

Վայր Շտերերը ե՛լ իրեն, ե՛լ որդուն կուշտ ուտելու ու քնելու հնարավորություն տալով՝ որոշեց կտրուկ փոխել դաստիարակության եղանակը: Իր մոտ կանչելով փոքրիկ Սաքսին՝ հայտարարեց, որ հեքիաթները անհեթեթություն ու չեղած բաներ են, իսկ Թիկն ու Թակը՝ ընդամենը մի երկաթե ձողիկով մյուսին խփելու ձայն, թխկոցն էլ ոչ մի տեղ փախչել չի կարող: Տղայի չոված աչքերում տարակուսանք տեսնելով՝ նա բացեց պատի ժամացույցի ապակե դռնակը, հանեց սլաքները, հետո՝ թվատախտակը ու մատը մեխանիկովի ատամնավոր ուրվագծերով սահեցնելով՝ բացատրեց. ծանրաքարերը, որովհետև ծանր են, ձգում են ատամները, հետո՝ ատամն ատամին, ատամն ատամին. եւ այդ ամենը՝ *ժամանակը* չափելու համար:

«Ժամանակ» բառը դուր եկավ Սաքսին: Եվ երբ երկու-երեք ամսից նրան նստեցրին այբբենարանի առաջ, ժ, ա, մ, ն, կ - ն առաջին նշաններն էին, որոնցով փորձեց բառ կառուցել՝ գրիչով ծուռտիկ տողեր գծելով:

Սովորելով պտտվող անվակներին տանող ճանապարհը՝ տղան որոշեց կրկնել հոր փորձը: Մի անգամ, սպասելով, որ տանը մարդ չլինի, աթոռակը հենեց պատին, բարձրացավ վրան ու բացեց ժամացույցի դռնակը: Ուղիղ աչքի առաջ համաչափ օրորվում էր ճոճանակի դեղին սկավառակը, ծանրաքարերի ձգած շղթան բարձրանում էր վեր՝ դեպի ատամնանիվների մուրն ու շրշյունը: Վետո սկսեց ինչ-որ տարօրինակ բան կատարվել ժամացույցի հետ. երբ նստեցին ճաշելու, Շտերեր-ավագը ժամացույցին նայելով՝ տեսավ, որ երեքն անց է երկու թուփ: «Կարծես ուշացել ենք», - քրթմնջաց նա եւ արագ վերցրեց զդարը: Առաջին ու երկրորդ ճաշատեսակների արանքում նրա հայացքին ժամացույցը պատասխանեց՝ հինգն անց երկու թուփ: «Սա ի՞նչ ցում թայֆել է: [Zum Teufel (աղճատված գերմ.- շվեյց. բարբառ) սատանայություն]: Ի՞նչ է, երկու ժամ ապո՛ր էինք ուտում»: Շտերեր-կրտսերը լուռ էր եւ աչքերը սեղանից չէր կտրում: Երբ վեր կացան, սլաքներն արդեն հասել էին ուրն անց հինգին, ու մինչ ծառան կվազեր մոտակայքում ապրող ժամագործի ետեւից, ժա-

մացույցը հայտարարեց, որ կեսգիշերը մոտ է, չնայած պատուհանից դուրս շողում էր արեւը:

Հրավիրված վարպետը նախ հանեց սլաքներն ու տվեց փոքրիկ Մաքսին՝ խնդրելով, որ պահի: Մինչև նա, մեխանիզմը բացելով, տանտիրոջ հետ զննում էր պտուտակներն ու անվակները, չարություն արած տղան բավական ժամանակ ուներ, որ պոկի ժամացույցի կարճաթել սլաքից թելով կախած փոքրիկ ծանրությունը: Ամեն ինչ մանրակրկիտ զննելով ու ստուգելով՝ վարպետը հայտարարեց, որ ժամացույցը միանգամայն սարքին է եւ պետք չէր իրեն՝ զբաղված մարդուն անտեղի անհանգստություն պատճառել:

Ափերից ելած Շտերեր-ավագը գոռաց, որ սեփական աչքերին ավելի է վստահում, քան ուրիշի գիտելիքներին, ու պահանջեց կորոզել կատարած ժամացույցը: Վարպետը, իր հերթին նեղանալով, հայտարարեց, որ եթե որեւէ մեկը կատաղել էլ է, ապա, համենայնդեպս, ոչ ժամացույցը, եւ ինքը չի պատրաստվում ժամանակ վատնել ու փող վերցնել չփչացածը կորոզելու համար: Եվ, սլաքները տեղը դնելով, շխկացրեց նախ ժամացույցի դռնակը, ապա եւ դուռը: Եվ ժամացույցը, ասես տանտիրոջ հանդեպ ծաղրուծանակն ավարտին հասցնելով, հանկարծ կտրուկ փոխեց ընթացքն ու սկսեց գերագույն ճշտությամբ հաշվել թույլները:

Օրվա մնացած մասը հայր ու որդի ոչ մի բան չփոխանակեցին: Երբեմն մեկը կամ մյուսը անհանգիստ նայում էին թվատախտակին: Պատուհանից այն կողմ մզանում էր գիշերը, երբ Մաքսը, շփոթմունքը հաղթահարելով, մոտեցավ հորն ու ձևկին հպվելով՝ ասաց.

- Թակի մասին:

Եվ Թիկի ու Թակի լեզենդը, որ թվում էր արտաքսվել է Շտերերների տնից, վերադարձավ: Շտերեր-կրտսերը առաջին իսկ փորձից սլաքներին ստիպել էր փոխանակել առանցքները. թույլները՝ ժամի, ժամինը՝ թույլների: Եվ նա կարող էր համոզվել, որ նույնիսկ նման պարզ փոխատեղումը խախտում է հոգեկան մեխանիզմների ընթացքը:

Ձեռքը պարզելով՝ փորձարարը դիպավ սլաքներից մեկին,- որը կարճ էր: Մյուս սլաքն իր երկար սեւ ծայրը քաշեց վեր: Պետք էր նրան էլ ուսումնասիրել: Տղան ոտքերի ծայրերին ձգվելով՝ հասավ երկար սլաքին: Գլխավերելում ինչ-որ բան ճոթաց, իսկ մատների արակցում սեւին տվեց սլաքի սեւ ծայրը: Ի՞նչ անել: Բաճկոնի կարատեղից դուրս էր արձեւ մի սեւ թել: Հաջորդ պահին ջարդված ծայրն արդեն խնամքով կապված էր մուտակա սուր ծայրին: Ճիշտ է, կարճ սլաքը դրանից երկարեց, իսկ երկարը

Միգիզմունդ ԿՐԺԻԺԱՆՈՎԱԿԻ

կարճացավ, բայց ի՞նչ տարբերություն: Այդ պահին միջանցքում ոտնաձայներ լսվեցին: Տղան փակեց ժամացույցի դռնակը, ցած թռավ ու աթոռակը քաշեց տեղը:

Ծեր ու համբերատար ցյուրիխյան ժամացույցը չբարկացավ իր սեւ մատը վնասած հետաքրքրասեր տղեկի վրա: Երկար ոտքի վրա անվերջ անկյունից անկյուն քայլելով իր նեղ-բանտային ապակյա վանդակում՝ ներողամտորեն թույլ էր տալիս, որ երեխայի աչքերն այցելեն իրեն պատից կախված մենության մեջ: Համաչափ դրոշմելով վայրկյանները՝ ցյուրիխցի ուսուցիչը, բոլոր ուսուցիչների պես, լարված էր, ճշգրիտ ու հետևողական: Բայց հանճարը կարիք չունի, որ իրեն երեւակայել սովորեցնեն. իր չափազանցությունից տառապելով՝ նա մարդկանց մեջ միայն մի բան է փնտրում՝ չափի զգացում: Այսպիսով, ուսուցիչն ու աշակերտը միանգամայն արժեին իրար: Ամեն անգամ, երբ պատից այն կողմ հայրն իր հետճաշա խոմփոցն էր խոմփացնում, Շտերեր-կրտսերը, աթոռակը մոտ քաշելով ժամանակի հիմնախնդրին, սկսում էր հարցուփորձը: Ձգում էր ուսուցչի ծանրաքարերը, շոշափում կլոր սպիտակ դեմքը, հարցասեր մատիկներով թափանցում կոշտ ու փշոտ ուղեղի մեջ: Եվ մի անգամ այնպես պատահեց, որ մեխանիկական ուսուցիչը,- ըստ երեւոյթին, ինչ-որ բարդ հարցով մտահոգ,- հանկարծ կախեց ոտքն ու դադարեց պատմել դասը: Մաքսը որոշեց, որ ժամացույցը պատասխանն է մտմտում, եւ աթոռակին կանգնած՝ համբերատար սպասում էր: Լռությունը երկարեց: Սլաքները քարացել էին սպիտակ սկավառակի վրա: Ատամնանիվներից՝ ո՛չ ձայն, ո՛չ հնչյուն: Վախեցած երեխան ցած թռավ աթոռակից, վազեց քնած հոր մոտ ու կախված թեւքը քաշքշելով՝ հեծկտոցի միջով մրմնջաց.

- Հայրի՛կ, ժամացույցը մեռել է: Բայց ես մեղավոր չեմ:

Հայրը, քունը թոթափելով, հորանջեց եւ ասաց.

- Ի՛նչ անհեթեթություն: Մեռնելն այնքան էլ հեշտ չէ, հանգստացիր, տղա՛ս. ժամացույցը փչացել է: Ընդամենը: Ու մենք կնորոգենք: Իսկ լաց են լինում միայն աղջիկները:

Եվ այդ ժամանակ տեղողությունների ապագա վարպետը, փոքրիկ բռունցքներով աչքերը տրորելով, հարցրեց.

- Իսկ եթե ժամանա՞կը փչանա, Լույնպե՞ս կնորոգենք:

Հայրը, հետեւելով ծեր ժամացույցի օրինակին, ստիպված էր լռել եւ անհանգիստ նայում էր իր ստեղծագործությանը:

II

Մաքս Շտերերի մանկական տարիների իրադարձությունները,- դրանք դժվար չէր բազմապատկել,- վկայում են միայն մի բանի՝ վաղ հաստատված հոգեբանական դոմինանտի, ասես օբյեկտի հետ սերտաճած սեւեռման, մտքի միասիրության, ավելի ճիշտ՝ դրա սաղմերի մասին, ինչի մեջ որոշ հետազոտողներ տեսնում են տաղանդավորության հիմքը: Երեխան, ապա եւ պատանին կարծես փորձում էր տեսնել իր առջեւ ձգվող ուղին՝ դեռեւս դրանով ոչ մի քայլ չարած: Որդու հակումը հայեցողականության, իր ներսի խոսքը լսելուն, դժկամությունը շարժունակության ու խաղերի հանդեպ՝ հորը սովորական ֆլեգմա էին թվում: Նրա կարծիքով կյանքը դեղի պես էր. պետք է թափ տալ, հակառակ դեպքում անհրաժեշտ ազդեցություն չի ունենա: Մաքսին տասը տարեկանում թափ տվեցին՝ ուղարկելով Մոսկվա՝ ռեալական ուսումնարանի առաջին ևսխապատրաստական դասարան: Հայր Շտերերը, մնալով մենակ, գրույցի պակասը փոխհատուցում էր ծխամորճները կրկնապատկելով. ծխում ու կարոտում էր: Սի անգամ, մի հերթական ձմեռային երկար երեկո ևույնիսկ ստիպված եղավ օգնություն խնդրել գրադարակից: Տասնյակ խառնիխուռն թափված գրքերի մեջ գտավ Դալի ասացվածքների հատորը (Շտերերը, որ ռուսացած գերմանացի-գաղութաբնակ էր, պատշաճ էր համարում ռուս ժողովրդի հետ բացատրվել նրա ասացվածքներով, Sprichwörter՝ ջանադրաբար սերտած այբբենական կարգով): Հատորը թերթելիս Շտերերը հանկարծ լուսանցքներից մեկում նկատեց որդու ձեռագիրը. «Ժամանակը սրնգի ձայնին չի գալիս» ասացվածքի կողքին մանկական դժվարընթեռնելի խզմզոցով գրված էր.

«Իսկ ես կստիպեմ նրան շուրջպար բռնել»:

Հայր Շտերերը այդպես էլ չհասկացավ ինչ «նրա»-ի մասին է խոսքը, բայց Մաքս Շտերերի կենսագիր Իոսիֆ Ստրնսկին այդ գրառումը կոչում է «առաջին սպառնալիք» եւ ընդգծում շրջանի պատկերը, որից էլ հետագայում, ի տարբերություն սովորաբար ժամանակը խորհրդանշող ուղղածիզի, իր պլանն իրականացնելիս օգտվում էր գյուտարարը: Ուսման առաջին երկու-երեք տարիներին հայր ու որդի կանոնավոր հանդիպում էին արձակուրդների սկզբում ու վերջին: Ամեն տուն գալուն որդին ավելի երկար ու նիհար էր դառնում, թեւքերն ու փողքերը հազիվ էին հասնում ետեւից, ևույնիսկ մազերը, որ առաջ բացգույն փնջերով թափված էին ուսերին, հիմա, ինչքան էլ խուզում էին, ոգնու փշերի պես ցցվում էին վերեւ: Սակայն վրա հասած 1905-ը երկար ժամանակով բաժանեց Շտերերնե-

Միգիզմունդ ԿՐԺԻԺՄՆՈՎԱԿԻ

րին: Նախ հայրը, վախենալով ագրարային անկարգություններից, որդուն խնորեց հետաձգել այցելությունը, հետո որդին էլ, ինչ-որ աշխատանք վկայակոչելով, հետաձգեց հանդիպումը: Խորհրդավոր «աշխատանքը» կլանեց նաև հաջորդ արձակուրդները: Հայրը հեռագիր ու փող ուղարկեց ճանապարհի համար, բայց որդին հեռագրին հեռագրով պատասխանեց. «Ժամանակը խլել է ժամանակը: Մի սպասիր», իսկ փողն անհապաղ վերաձվեց ինչ-որ գրքերի ու ռեակտիվների: Գիշերօթիկի սան Մաքսիմիլիան Շտերերի մահճակալի տակ, ի սարսափ տանտիրուհու եւ ի հետաքրքրություն ընկերների, վաղուց մի հանպատրաստի ֆիզիկա-քիմիական փորձարան էր ձեւավորվել: Տերը ջերմեռանդորեն պահպանում էր փորձանոթներով, էլեկտրաստատիկայի սարքերով եւ այլեւայլ գիտական պիտույքներով լի իր արկղը: Ամռանը իր զոդած խողովակները, ռեակտիվներով սրվակներն ու սպիրտայրոցը տեղափոխում էր բակի անկյունում գտնվող մարագի տեսքը. Ձմռանը աշխատում էր միայն տոներին ու կիրակի օրերը՝ ջանալով օգտվել գիշերօթիկի ընկերների բացակայությունից: Իր մտքերով տարված՝ չորրորդ դասարանի աշակերտ Շտերերը չէր կարող երկար ժամանակ հատկացնել դասերը պատրաստելուն: Ուսուցիչների ու հասակակիցների շրջանում նա ծույլ ու միջակ աշակերտի համարում ուներ: Ասենք, դեպքեր էին լինում, որ մի քիչ խճճում էին ձեւավորված կարծիքը. Այսպես, մի անգամ, երկու այլ աշակերտների հետ գրատախտակի մոտ կանչված Շտերերը, տեսնելով, որ գրատախտակի մեկ երրորդի վրա տեղ չի մնացել նախագծի լուծմանն անհրաժեշտ երկրաչափական նշանների համար, զայրացավ, սպունգով արագ ջնջեց հավասարման երկար նշանն ու կավճի մի քանի հարվածով խնդրի լուծումը տվեց վերլուծական երկրաչափության մեթոդով: Ֆիզիկայի ուսուցիչը, որը հինգերորդ դասարանցիներին Նյուտոնի համաշխարհային օրենքների հետ մեջընդմեջ մագականություն ու բատավյան կաթիլներ էր դասավանդում, մի քիչ վախենում էր նորագույն հայտնագործությունների բնագավառում տիանձ իրազեկություն դրսևորող իր աշակերտից, չնայած, Մաքսը, որը բացարձակ ուշադրություն չէր դարձնում գերազանց գնահատականներին, որոնցով փորձում էին գլուխներն ազատել նրանից, դեմ չէր հարկ եղած դեպքում նույնիսկ օգնել ուսուցչին մտահորիզոն ընդլայնելու հարցում: Մի անգամ նա էլիպսային ֆունկցիաների մասին մի գերմանական գիտական աշխատանք տվեց մաթեմատիկայի ուսուցչին: Ուսուցիչը, որը երեւի այդպես էլ ոչինչ չէր հասկանա, եթե նույնիսկ գերմաներեն իմանար, մի շաբաթ անց վերադարձրեց գիրքը, խրախուսական ներողամտու-

թյամբ թփթփացրեց աշակերտի ուսին ու, հետևափեշերը թափահարելով, անհետացավ ուսուցչանոցում: Հինգերորդ դասարանցի Շտերերին, որը անքուն գիշերներից մեկի ընթացքում գտել էր աշխատության հիմնական թեզերի հերքումը, այդպես էլ չհաջողվեց գրուցակից գտնել:

Նա ընդհանրապես մենակ էր արդեն վաղ պատանության տարիներին: Գիշերօթիկի ննջարանում շարք էին կանգնել մեկ տասնյակ մահճակալներ, մահճակալների կողքին՝ սեղանիկներ, սեղանիկներին՝ կանաչ լուսամփոփով լամպեր: Ննջարանի ավագ բնակչությունը խոսում էր բացից դիսկանտի անցնող ձայներով, գրչահատ դանակներով քերում կզակների աղվամազը եւ կոպեկներ խնայելով՝ քսանհինգ կոպեկանոցներ կուտակում ապահովիչ առնելու համար: Կրտսեր աբորիգենները, որոնց քամահրանքով «վխտացողներ» էին ասում, երեկոները ակնածանքով ականջ էին դնում մեծերին, որոնք բերանբաց վառարանի առաջ պպզած՝ ծխախոտի ծուխը դռակից ներս էին փչում ու քննարկում, թե ինչ է կինը եւ որ տիպի կոփազենքը կարող է լավագույնը համարվել:

Միայն երկու հոգի չէին մասնակցում քննարկումներին ու ականջ դնելուն. գրքերով ու մտքերով անջրպետված Մաքս Շտերերն ու Իխիլ Տապչանը, կարճ՝ Իխյան, բարակոտն ու ներս ընկած կրծքով մի պատանի, որի դեմքին նայելիս հասկանում էիր՝ երկար չի ապրի: Իխյան սովորաբար կուզիկացած, աչքերը՝ ներս, դեղին ձեռքերով ծունկը գրկած՝ նստում էր իր մահճակալին, կապույտ կոպերը ցնցվում էին թռչունի թարթաթաղանթի պես, իսկ թափանցիկ, ցցված ականջախեցու միջով, աչքը լարելով կարելի էր տեսնել լամպի կանաչ ուրվագիծը:

Գիմնագիստները մեկ-մեկ փորձում էին գրգռել Տապչանին.

- Իխյա, իսկ քեզ շո՞ւտ արաբայով կտանեն գերեզմանոց:

- Գրիր մայրիկիդ, Գոմել, Իխյա, որ քեզ թալես ուղարկի:

Բայց Իխյան լուր էր, եւ միայն նրա թռչնային թաղանթներն էին դողում, իսկ սրված այտոսկրերի վրայով վազում էին կարմիր բծեր: Մաքս Շտերերը, որ մյուսներից հաճախ էր ուշադրություն դարձնում Իխյային, չէր ծաղրում նրան, բայց չէր էլ կարեկցում, պարզապես հետնուում ու մտածում էր քայքայման ընթացքի մասին, որն արագ էր վերականգնումից: Ղա արագությունների տարբերության մասին խնդիր էր, ինչպես ապրանքատարին հասնող ճեպընթաց գնացքի մասին հանրահաշվական խնդիրը: Պետք էր, պայմանները բարդացնելով, լուծել խնդիրն ու, պատասխանը ստուգելով, անցնել խնդրագրքի հաջորդ էջին: Ժամանակը հետագոտողի միտքը Գոմելից եկած հիվանդոտ հրեա տղային ըստ երեւոյթին

Միգիզմունդ ԿՐԺԻԺՄՆՈՎԱԿԻ

տեսնում էր որպես մի անոթ, որը ժամանակի մեծ հոսակորուստ ունի եւ արագ իջնում է հատակը, մեխանիզմ, որի խախտված կարգավորիչը չափազանց արագ է թուլացնում զսպանակի լարումը: Շտերերը սովորել էր Իխյայի ընդհատուն, դադարներով նշագծված բարձր հազի մեջ տարբերակել յուրահատուկ երանգների հերթափոխումը. թվում էր՝ հիվանդը զրուցում է ինչ-որ մեկի հետ միայն շչական ու կոկորդային հնչյուններից կազմված կարճ հազագներով, սուլող ու խռպացող բողբոջ բառերի պոռթկումով: Եվ ականջ դնելով այդ զրույցին՝ հետազոտողը երբեմն, այդպես էր թվում նրան, կարողանում էր գուշակել, թե ով է երկրորդ զրուցակիցը. չէ՞ որ այդ անունով էին լեցուն նրա բոլոր մտքերը:

Կիրակի օրերը առավոտից գիշերօթիկի սաները ցրվում էին, ննջասրահը դատարկվում էր, մնում էին միայն երկուսը. Իխյան կորացած նստում էր իր մահճակալին, իսկ Շտերերի անկողնու տակից մետաղի եւ ապակու զնգոցով դուրս էր սողում փորձարան-արկղը: Մեկը, թռչնային թաղանթները կկոցելով, իր ներսում ընդարձակվող մահվանն էր հետետում: Մյուսը լարերի խառնաշփոթում, միացումների ու փոխարկիչների համակարգի, թորանոթների ապակյա կոկորդների եւ ատոմից ատոմ ցատկող թվերի վրա կռացած՝ երագում էր թակարդի մասին, որով բռնելու է ժամանակը: Իրար հետ չէին խոսում: Միայն մի անգամ, զգալով, որ կարելի է, Իխյան երկչոտ հարցրեց.

- Դուք երբեք չե՞ք զբոսնում:

- Ես ոչ մի գործ չունեմ տարածության հետ,- կտրեց Շտերերն ու նորից կռացավ իր արկղի վրա:

- Այդպես էլ կարծում էի,- զլուխն օրորեց Իխյան ու սպասեց:

- Մարդիկ տեղաշարժվում են տարածության մեջ: Ցանկացած կետից դեպի ցանկացած կետ: Պետք է, որ ժամանակի միջով էլ այդպես անցնեն՝ ցանկացած կետից ցանկացածը: Այ դա, ասեմ քեզ, զբոսանք կլինի:

Իխյան հիացած ժպտաց. այո՛, այո՛, այնպիսի զբոսանք, ինչպիսին երբեւէ չի եղել:

Ու հազաց թաշկինակի մեջ: Մաքսը, հազի ցնցումներից անծայն, բայց իրեն հասկանալի բառեր կազմելով՝ լսում էր. «Դու գնա ու հասիր, իսկ ես կվերջանամ, ու՛ վերջ»:

Նա արդեն ուզում էր քայլ անել ու ձեռքը տանել Տապչանի սուր, ցցված թիակների: Բայց այդ պահին նախասենյակից ձայներ լսվեցին: Փորձարան-արկղը արագ սողաց մահճակալի տակ:

Մի քանի շաբաթ անցավ: Մի անգամ, մթնշաղին, մոտենալով իր մահ-

ճակալին՝ Շտերերը բարձի վրա մի գիրք տեսավ: Վառեց լույսը. դեղին կազմին գրված էր. «Ժամանակի մեքենա»: Իխյայի խորամանկ ժպիտից կարելի էր կռահել, թե ում թաքուն նվերն է: Շտերերը երախտագիտություն չէր զգում. արագորեն էջերի մեջ թաղված ձեռքերն ավելի շուտ զայրույթ էին արտահայտում: Ինչ-որ մեկը, ինչ-որ վեպեր հորինող համարձակվել էր խուժել իր՝ զուտ շտերերյան մտքի մեջ, որը ուղեղից կարելի էր խլել միայն ուղեղով հանդերձ:

Ամբողջ երեկոյի ընթացքում աչքերն ու գիրքը իրարից չբաժանվեցին: Իխիլ Տապչանը իր անկյունից հետեւելով էջերի շարժմանը՝ սկզբում նրանց վրա խոժոռված ճակատն էր տեսնում, հետո՝ իրարից հանգիստ հեռացող հոնքերը, ապա՝ փոքր-ինչ քամահարական ժպիտը՝ ամուր սեղմված բերանի շուրջը:

Մեկ օրից կիրակի էր: Իխիլը, որ առավոտից ջերմություն ուներ, պառկել էր դեմքով դեպի պատը: Հանկարծ՝ հպում ուսին: Աչքերը բարձրացնելով՝ տեսավ վրան կռացած Շտերերի դեմքը.

- Ավելի տաք պիտի ծածկվես: Թող՝ ե՛ս: Ա՛յ այսպես: Ու վերցրու գիրքդ. ինձ պետք չի:

- Դուրըդ չեկա՞վ,- շփոթված մրմնջաց Իխյան:

Հյուրը նստեց նրա մահճակալին.

- Գիտե՞ս, խնդիրը մարդկանց դուր գալը չի, այլ այն, որ հարձակվես ժամանակի վրա, խփես ու տապալես: Հրածգարանում կրակելը դեռ պատերազմ չէ: Ու նաեւ, իմ հիմնախնդրում՝ ինչպես երաժշտության մեջ՝ հինգ տոնի սխալն ավելի փոքր դիսոնանս է տալիս, քան կիսատոնի սխալը: Վերցնենք, թեկուզ, մեքենայի արտաքին տեսքը. Ի՞նչ լարեր կամ այդ անհեթեթ հեծանվի թամբը: Չկա նման բան. ժամանակի միջով անցնող մեքենայի ուրվապատկերն անգամ միանգամայն այլ է լինելու: Օ՛, ինչ հստակ եմ տեսնում:

Խոսողն ափերով սեղմեց քունքերն ու լռեց, եւ Իխիլն ընդառաջ մղվեց չասվածին.

- Իսկ ինչպիսի՞ն է լինելու:

- Ժամանակային փոխարկիչը, ինչպես հիմա տեսնում եմ, ճակատի ու ծոծրակի ոսկրերն ամուր գրկող սրածայր գազաթով գլխարկի տեսք կունենա: Ժամանակի արագարարի առավելագույնս նրբացված օպտիկական ապակիներն իրենց ֆոկուսները կխաչածեւեն այնպես, որպեսզի սարքը արդեն իսկ գործարկումից առաջ դուրս բերվի տեսանելիությունից: Դիտողականորեն դա միանգամայն հնարավոր է: Հետագայում, մե-

Միգիզմունդ ԿՐԺԻԺԱՆՈՎԱԿԻ

քննայի առաջին իսկ քայլից, անտեսանելիությունը ներառողից աստիճանաբար պետք է տարածվի ներառվածի վրա, այսինքն՝ թափանցիկ մամլակների մեջ առնված ուղեղի, գանգի, պարանոցի, ուսերի եւ այլն: Այդպես փամփուշտի հիկեյե գլխիկն է իր թռիչքով կորցնում տեսանելիությունը, չնայած եւ գտնվում է տարածության մեջ: Բայց խնդիրն այդ չէ. գանգի տակ պահված ժամանակը պետք է ծածկել գլխարկով, ինչպես թիթեռը՝ ցանցով: Բայց այն միլիարդ ու միլիարդաթեւ է ու շատ վախկոտ, հակառակ դեպքում անտեսանելի գլխարկի տակ չես առնի: Եվ ես չեմ հասկանում, թե հեքիաթասացների հորինած անտեսանելի գլխարկն ինչպես է... անտեսանելի մնացել գիտնականների համար: Ես իմը գտնում եմ ամենուր: Տեսնո՞ւմ ես, հեքիաթներն էլ կարող են պիտանի լինել:

- Բայց ինչպե՞ս...

- Հարցնում եմ՝ ինչպե՞ս է աշխատելու: Շատ պարզ: Ասենք՝ չէ՛. շատ բարդ: Դե, թեկուզ սա. ամենապարզի մասին եմ ասում: Բնախոսական հոգեբանության ցանկացած դասագիրք ընդունում է այսպես կոչված էներգիայի յուրահատկության սկզբունքը: Այսպես, եթե հնարավոր լիներ լսողական նյարդի ստորին վերջավորությունն անջատելով՝ պատվաստել ուղեղի տեսողական կենտրոնին, ապա *կտեսնեիրք ինչո՞ւնները* եւ հակառակ գործողության դեպքում *կլսեիրք ուրվագծերն ու զույնները*: Հիմա ուշադիր լսիր. մեր բոլոր ընկալումները, որոնք բազմաթիվ նյարդային հաղորդիչներով ներհոսում են ուղեղ, կամ տարածական, կամ ժամանակային բնույթ ունեն: Բնականաբար, տեսողություններն ու տարածականությունները այնպես են սերտաճած, որ վիրաբուժական ոչ մի նշտարով չես բաժանի: Ասենք, իմ միտքն էլ, ըստ երեւոյթին, պողպատե շեղբից սուր չէ, նրա համար էլ դժվար է ցլոթերը բաժանել ակնթարթներից, բայց հիմա արդեն ճիշտ ճանապարհի վրա եմ, թեկուզ եւ աղոտ, բայց կռահում եմ ընկալման այդ երկու տիպերի լարման տարբերությունը: Եվ երբ սովորեմ ուղեղում վայրկյանները տարանջատել խորանարդ միլիմետրերից, ինչպես յուղի մուլեկուլները՝ ջրի մուլեկուլներից, ինձ կմնա միայն ավարտին հասցնել իմ նեյրոմագնիսի գաղափարը: Գիտե՞ս, սովորական մագնիսը էլեկտրոնները շեղում է իրենց ճանապարհից. իմ նեյրոմագնիսը, որ գլխարկի տեսքով գրկում է գլուխը, նույնն է անելու, բայց ոչ թե էլեկտրոնների հոսքի, այլ տեսողությունների, դեպի իրենց կենտրոնը ձգտող ժամանակային կետերի հոսքի հետ: Կեսճանապարհին որսալով հոսքը՝ հզոր նեյրոմագնիսը ժամանակային ընկալումների թռիչքը կուղղորդի դեպի տարածական կենտրոններ: Այդպես երկրաչափը, ցանկանալով գիծը վերածել հարթության, ստիպված է այն հենց

իրենից ուղիղ անկյունով շեղել դեպի սովորական տեսողություն: Եվ այն պահին, երբ այն, այսպես ասած, թռչելով ցուրի մեջ, դառնա եռաչափ, անցյալին, ներկային ու ապագային հնարավոր կլինի ստիպել ձեր ուզածով փոխել տեղերը, դոմինոյի խաղաքարերի պես, որոնցով խաղալը պահանջում է առնվազն երկու չափում: Երրորդ չափումը պարտադիր շահելու համար է: Չէ՞ որ թիերը կորցրած մակույկը միայն մեկ ճանապարհ ունի՝ հոսանքով ներքեւ, անցյալից ապագա: Ընդամենը այդքան: Մինչ որ չիշովի՝ քարերին խփվելով, կամ հոսանքով չքշվի: Այնպես որ, ես մարդկանց տալիս եմ այդ հասարակ թիակը, պտտաթելը, որ կասեցնում է վայրկյանների վազը: Ընդամենը այդքան: Դրանով ե՛ր դու, ե՛ր ամեն ոք կկարողանաք թիավարել ևս: Եւ օրերին հակառակ, եւ նրանցից առաջ անցնելով, եւ վերջապես, ժամանակի լայնքով... դեպի ափ: Բայց վառվում ես, Ի՛նչ: Վա՛ր ես զգում:

Խոնավ, տաք մատները սեղմեցին Շտերերի ձեռքը.

- Լավ եմ: Այնքան լավ, որ երբեք այլեւս այսքան լավ չի լինի:

Շտերերը ժպտաց.

- Ճիշտ չէ. երբ կառուցեմ իմ մեքենան,- թեկուզ տասը, քսան տարի անց, մեկ է,- խոստանում եմ քեզ, կվերադառնամ այս օրը, մեր հիման, նորից այ այսպես կնստենք, մատներդ խոնավ ու տաք կլինեն, եւ դու կասես. «Լա՛վ: Այնքան լավ, որ...»: Բայց ես կշարժեմ լծակն ու...

- Դեպի ափը:

- Ո՛հ, Ի՛նչ, մոտով եւ առաջ: Տարիների թռիչքի միջով:

Շտերերի պատմությունը, սակայն, շարունակություն չունեցավ: Իխիլի վիճակը օրեցօր վատանում էր: Գիշերօթիկի կառավարչի կանչով հայրենի քաղաքից եկան Տապչանի տեւից: Մի առավոտ, ասես ի հաստատումն թալեսի մասին կատակով արված կանխատեսման, շերտավոր ծածկոցի մեջ փաթաթված Ինչյան ևստել էր կառնթում՝ գլուխը կաշվե բարձին զգած: Մաքս Շտերերը, կանգնելով ոտնակին, զգույշ սեղմեց Ինչյայի փխրուն մատները: Մանուշակագույն թռչնային թաղանթները երախտագիտությամբ թրթռացին: Շտերերն իջավ ոտնակից:

Նրանք երկու նամակ փոխանակեցին: Երրորդ՝ Մոսկվայից ուղարկված նամակը վերադարձավ չբացված ու նշումով՝ հասցեատիրոջ մահվան պատճառով:

Ստընսկին, որը, ի թիվս այլ կյուրերի, օգտվել էր Տապչանի պահպանված օրագրից եւ առաջին մոսկովյան նամակի պատճենից, որը մահվանից մեկ օր առաջ ևս սիրաբար արտագրել էր տետրում, պնդում է, որ հետագայում Շտերերի կողմից ընկերության փորձեր չեն նկատվել:

III

Շտերերի առաջին երկու ուսանողական տարիների մասին չափազանց քիչ է հայտնի: Ֆակուլտետի ընկերները, որ Շտերերի հետ իրենց մատրիկուլներն էին տալիս պրոֆեսորներին՝ ստորագրելու, հիշում էին, որ նրա փոքրիկ մորուքը շիկավուն էր, եւ ամառ, թե ձմեռ՝ հագին նույն կարճափեշ, ցրտից չպաշտպանող վերարկուն, բայց թե ինչ էր խոսում, ում հետ եւ ընդհանրապես խոսում էր՝ հարցվածներից ոչ մեկը չկարողացավ պատասխանել: Ավելի հավանական է վերջին տարբերակը. ոչ մեկի հետ, երբեք, ոչ մի բանի մասին: Կարելի է հաստատված համարել, որ Սաքսիմիլիան Շտերերը, ինչպես որ շատ ուրիշ ոչ շարքային մտածողներ, այդ տարիներին հիվանդացել էր շոպենհաուերականության փիլիսոփայական սեւ ծաղկախտով: Համենայնդեպս, որոշ աղոտ գրառումներ նրա դասախոսությունների տետրերում շարադրում են անցյալի ծագումը բացատրող մի բավական տարօրինակ տեսություն: Ըստ այդ գրառումների՝ անցյալը A ընկալման *դուրսմղումն է* B ընկալման կողմից: Բայց եթե ուժեղացվի A-ի *դիմադրողականությունը*, B-ն ստիպված կկանգնի ոչ թե A-ի տեղում, այլ *կողքին*: Այսպես, նոտայի նշանը նախորդին կարող է միանալ եւ՛ հորիզոնական, եւ՛ ուղղահայաց. առաջին դեպքում գործ կունենանք մեղեդային ժամանակի, երկրորդ դեպքում՝ նրա հարմոնիկ ձեւի հետ: Եթե ընդունենք գիտակցության այնպիսի ընդարձակ դաշտ, որ ընկալումները, այնտեղ կուտակվելով, չճնշեին իրար, ապա ներկան կբավականացնէր բոլորին: Չէ՞ որ աչքից հավասար հեռավորության վրա գտնվող երկու առարկաներից մեկը մոտիկ է թվում, մյուսը՝ հեռու, կախված գույնի պայծառությունից, լույսից եւ ուրվագծերի հստակությունից: Ի՞նչն է գիտակացությանը ստիպում կուտակվող ներկայի այս կամ այն տարրերը մղել անցյալ, կամ գրառումների եզրաբանությամբ՝ ի՞նչն է գիտակցությանը ստիպում կառուցել մի անցյալ, ուր կարելի է *մղել*: «Ցավը»,- պատասխանում է «այն ժամանակվա» Շտերերը (ինչպես հետահայաց նշում է Ստընսկին): Չէ՞ որ տարածության մեջ ցանկացած օրգանիզմ բնական կերպով հետ է մղում օբյեկտը կամ հետ է մղվում օբյեկտից, որը խթանում է ցավը. քանի որ մատները վառող լուցկին կարելի է դեն նետել, ռեֆլեքսն էլ հենց նետում է. բայց քանի որ վառող արեւն անհնար է դեն նետել, ապա ինքս եմ նրանից թաքնվում ստվերի մեջ: Եվ քանի որ,- փաստարկմանը միջամտում էր հոռետեսությունը,- բոլոր ընկալումները ցավ են ու տարբերվում են միայն ցավոտության աստիճանով, ապա ժամանակի եւ տարածության մեջ էլ գիտակցությանը մնում է միայն հեռացնել

նրանց կամ հեռանալ նրանցից՝ այսպես կոչված հեռանկարի եւ անցյալի միջոցով: Մեկնաբանելով Շտերերի սուղ ձեռագիր ժառանգության այս կետը՝ Ստընսկին նշում է Սփենսերի տեսության ազդեցությունը, որը ցավային ընկալումները մեկնաբանում է որպես ազդանշաններ, որոնք նյարդային ծայրամասը տալիս է կենտրոնին արտաքին վտանգների մասին: Շտերերը (ըստ Ստընսկու) անգլիական էվոլյուցիոնիստի հետ հասնելով անդունդի եզրին՝ նաեւ անդունդն է ընկնում. գիտակցությունը, որը վտանգի մասին ցավով չի զգուշացնում, ավելորդ է, հետեւաբար, նրա բոլոր ընկալումները ազդանշաններ են եւ բոլոր ազդանշանները՝ աղետի ազդանշաններ՝ sum-SOS. հեռացնել կործանումը, հետեւաբար՝ ապրել:

Այդ շրջանի Շտերերը ժամանակի եւ ցավի իր սահմանումներում ձգտում է դրանք մի տեսակ դնել իրար վրա: «Ժամանակը,- սահմանում է նա,- իր աղբյուրից փախչող ճառագայթի պես, հեռացում է ինքն իրենից, մաքուր ամենուրեքություն, միևուս միևուսից. ցավը փորձություն է՝ տոգորված անփորձարկելիության միտումով, ցավն ըմբռնելի է իր վերահասությանը - եւ միայն այդպես»:

Նիմա դժվար է նկատի ունենալ բոլոր պատճառներն ու կիսապատճառները, որ փակում են ճանապարհը մետաֆիզիկայով, ընդ որում, մետաֆիզիկայով, որն իր «մետան» խավարի միջով նետում է դեպի մշուշը: Անկասկած է որոշ հիասթափությունը սեփական պարսատիկի ուժի հանդեպ եւ վերջնական թերագնահատումը հակառակորդի հասակի ու հզորության: Բնական է, որ Շտերերի խաղալիք փորձարան-արկղը չդիմացավ համալսարանական փորձարանների հետ բախմանը, նոր, ավելի ճշգրիտ ու ծավալուն փորձերը չհաստատեցին նախկին տնայնագործական կիսափորձերի արդյունքները, շատ ու շատ բաներ ստիպված էր ջնջել ու սկսել սկզբից: Շտերերն իր տեսրերից մեկում դառնությամբ նշում է. «Այսօր դարձա 22 տարեկան: Ես հապաղում ու ներամփոփվում եմ, իսկ այդ ընթացքում ժամանակի թեմայի համար պայքարում հաղթում է տեմպը»: Եվ մի քանի տող ներքեւ. «Ժամանակը միշտ հաղթում է նրանով, որ *անցնում է*: Կամ նա ինձնից կիսի կյանքս, նախքան ես իրենից կիսեմ իմաստը, կամ...»: Այստեղ գրառումն ընդհատվում է: Ասենք, շուտով բուն հոռետեսությունն էլ, քամուց քշվող ամպի ստվերի պես, լքում է Շտերերի գիտակցությունը: Գուցե եւ այդպես է պետք. հետ ձգել աղեղնալարը, որպեսզի նետը թռչի առաջ, դանդաղեցնել միտքը, որպեսզի սահմանվի իմաստը: Ընդմիջմանը հաջորդած մեկուկես տարին առավելագույնն են տալիս Շտերերի մտահղացման կոնկրետացման հարցում: Եվ շատ ցա-

Միգիզմունդ ԿՐԺԻԺԱՆՈՎԱԿԻ

վալի է, որ այդ շրջանի կյուրթերի մեծ մասը մասամբ ոչնչացվել հենց հեղինակի ձեռքով, մասամբ՝ քաղաքացիական պատերազմի հանգամանքներով, եւ կարող են վերականգնվել միայն տարանջատ հատվածներ, որոնք էլ գաղտնագերծում են պահանջում:

Այդ շրջանի առաջին աշխատանքը Շտերերի հողվածն է, որտեղ քննվում էր, այսպես կոչված, *ժամանակի տրամագծի* հարցը: Հոգեբան-պրոֆեսորին ստուգարթային աշխատանքի կարգով ներկայացված հողվածի հեղինակը երկու-երեք տարով առաջ է ընկնում «ներկայի տեսականության մասին» ամերիկյան գիտնականների աշխատանքներից, փորձում է հերքել ներկայի մասին պատկերացումները՝ որպես ինչ-որ կետի, որ զբաղեցնում է «գրո տեսականությունը»: Ժամանակը զձային չէ, դա «անաքրոնիզմ է քրոնոսի մասին», - այն ունի իր տրամագիծը, որը «ժամանակի սպառողների» հայտնի է «ներկա» անունով: Քանի որ մենք մեր «նոսո»-ը [*իմա - յատ.*] նախագծում ենք տեղոդությունների լայնքով, ապա պրոյեկցիան փոխելով՝ նոսո-ը կարելի է տեղակայել տեղոդությունների երկայնքով. այսպիսով, կարելի է հաշվարկել, թե ինչքան ներկա է տեղավորվում ասենք ռուպեի տեղոդության մեջ: Ռեֆերատին կցված, այսպես կոչված, տեմպորամները ներկայցնում էին «ժամանակի տրամագիծը», ավելի ճիշտ՝ տալիս էին դրանց բնութագիրը, որը տատանվում է վայրկյանների տասնորդականներից մինչեւ 3 վայրկյանի սահմաններում (հետագայում ամերիկացիների ավելի ճշգրիտ չափումները թույլ տվեցին դիտարկել ներկայի՝ մինչեւ հիևզ վայրկյանի հասնող տեղոդությունը): Այսպես, թե այնպես, երկրորդ կուրսեցուն՝ «անցյալի վերջը ապագայի սկզբից» (մեջբերում եմ ձեռագրից) բաժանող ժամանակահատվածը չափելու փորձը պրոֆեսորի համակրական հանձնարարականին չարժանացավ: Համալսարանական ամբիոնը, ինչպես եւ պետք էր սպասել, ներուստ անտարբեր ու փուչ էր:

Հայտնի չէ՝ այդ հանգամանքը ստիպեց Շտերերին երես դարձնել պաշտոնական գիտությունից: Գիտենք միայն, որ մոտակա կիսամյակին «խրատաբանության համար» հոր ուղարկած գումարը որդին նախընտրեց ծախսել իրեն անհրաժեշտ պատրաստուկներ գնելու համար եւ սահմանված ժամկետը լրանալուն պես, ուսման վարձը չվճարելու պատճառով հեռացվեց ուսումնական հաստատությունից:

Ընդունված է նրա կարճատեւ համալսարանական շրջանին վերագրել *խիեմսետատորի* գյուտը եւ «յոթնուրբաթ շաբաթվա» նախագիծը:

Խիեմսետատորը, ինչպես հայտնում է Ստընսկին, յուրահատուկ գիտական խաղալիք էր: Շտերերը գտնում էր, որ բազմամյա ժամանակա-

միջոցներով իրար փոխարինող ձմեռն ու ամառը նյարդային համակարգը կարող է ընկալել այսպես ասած «փոշենման տեսքով»: Տարին, որի ընթացքում տեղի է ունենում աչքի ցանցաթաղանթի վրա ազդող կանաչ սաղարթի դանդաղ փոխարինումը ձմռան սպիտակ ձյան ծածկոցով, կարող է խիեմսետատորում աղացվել, ինչպես սուրճի հատիկը՝ ձեռքի սրճադաջում, աղացվածքի յուրաքանչյուր մասնիկում պահպանելով բոլոր հատկությունները: Սկզբունքն այն է, որ փորձարկվողի՝ մնացած բոլոր լուսային ներգործություններից մեկուսացված աչքերին մոտեցվում է այս կամ այն արագությամբ պտտվող սկավառակ՝ բաժանված երկու հատվածի՝ կանաչ ու սպիտակ: Հերթականությամբ ներառվելով տեսողական դաշտում՝ կանաչն ու սպիտակը փոխարինում են իրար, ինչպես սաղարթն ու ձյունը՝ եղանակների շրջապտույտում: Սկավառակների ընտրությունը՝ սպիտակի ու կանաչի տարածքների հարաբերակցության բազմազանության հաշվարկով, ինչպես օպտիկայի մասնագետն է ընտրում ապակիները, թույլ է տալիս գտնել հատվածների՝ աչքին առավել հարմար հարաբերակցություն: Ռուսաստանի տարբեր եղանակային գոտիների բնակիչների վրա արված մոտ հարյուր հիսուն փորձերը, - նույն Ստրենկու պնդմամբ, - տվեցին հետեյալ արդյունքը. այն երկրամասի բնակիչներին, որտեղ, ըստ վիճակագրական տվյալների, ձյունառատ ամիսների հարաբերակցությունը կանաչ ծածկոցով ամիսներին 2:1-ին է, առավել հարմար, «աչքին հարմարեցված» սկավառակին սպիտակի ու կանաչի տարածքները հարաբերակցվում էին նույն կերպ՝ 2:1-ին: Հարավցիների աչքերն ավելի քիչ էր հոգնեցնում այն սկավառակի պտույտը, որի վրա կանաչն ու սպիտակը հարաբերակցվում էին ինչպես 3:2-ին, եւ այլն: Քանի որ գյուտարարն ինքը լուրջ նշանակություն չէր տալիս այդ պտտանին, որը, բնականաբար՝ շատ կոպիտ, նմանակում էր տարվա եղանակների պտույտը, այլեւս հարկ չկա անդրադառնալ խիեմսետատոր:

«Յոթնուրբաթ շաբաթվա», ինչպես այն կատակով կոչում էր Շտերերը, նախագիծը ըստ էության հանգում էր *արհեստական օրվա* կառուցման հիմնախնդրին: «Օրերը, - կարդում ենք նրա անավարտ ձեռագրում, - դրվում են ապերցեպցիոն սարքում, ինչպես գլանիկները՝ երգեհոնիկի մեջ: Օրերը գլանիկներից կտրուկ տարբերվում են նրանով, որ նրանց գամերը, այսինքն հոգեֆիզիկայի վրա ազդելու խթանները, անընդհատ տեղաշարժվում են: Բայց եթե խթանները ամրացնենք բևիկներում, օրերը վերածենք միօրինակ համաչափությունների, պտտենք ընկալումները, ինչպես սլաքը թվատախտակի վրա, ապա ժամանակի, ավելի ճիշտ՝ նրա

Միգիզմունդ ԿՐԺԻԺՄՆՈՎԱԿԻ

բովանդակության, շրջանաձեւ ընթացքը,- պտույտների այս կամ այն քանակից հետո,- պետք է փոխանցվի նաեւ հոգեբանությանը՝ այն նույնպէս դարձնելով շրջանաձեւ: Արհեստական օր պատրաստող մեկուսարանը խորանարդաձեւ սեւյակ էր լինելով՝ բոլոր կողմերից խցանի կրկնակի շերտով մեկուսացված աղմուկներից եւ խոլ ու հերմետիկ պաշտպանված արտաքին որեւէ ազդեցությունից: Առաստաղը (բավական բարձր, որպէզի պաշտպանված լինի փորձարկվողի ցանկացած ոտնձգությունից) լուսային ու ձայնային ազդանշանիչներով պետք է ազդեր մեկուսարանում գտնվող մարդու վրա: Խցանից այն կողմ ժամացույցի մեխանիզմը խիստ հաջորդականությամբ հերթափոխում է հնչյուններն ու ճառագայթները, որոնց շրջափուլը, ավարտվելով 24-րդ թվի վերջին, նորից ու նորից վերսկսվում է նույն հաջորդականությամբ եւ նույն դադարներով: Ուշագրավ է ջանադրությունը, որով նախագիծը կազմող մշակել էր ոչ միայն խցանէ պատյանի մեքենայացումը, այլեւ, որքան հնարավոր է, փորձարկվողի մարմնի շարժումները՝ բռնված ճկուն ծանրությունների համակարգով, որոնք պետք է կառավարեին մարդուն ու նրա գործողությունները:

Ստընսկին իրավացի է, ընդունելով, որ այդ ամենը ավելի շատ նման է խոշտանգման, քան գիտափորձի, եւ ավելի շուտ զնգան, քան փորձարան է հիշեցնում: Թեւեւ հենց ինքն էլ անմիջապէս վերապահություն է անում, որ դաժանացած երիտասարդ մտքից բացի, այդ նախագծում արտահայտվել է նաեւ «ժամանակը պարեցնելու» վաղեմի երագանքը: Վերջպէս, յոթ ուրբաթով շաբաթ արարելու տարօրինակ մտահղացումը, որոնք բոլորը... Չարչարանաց են (Ստընսկու բառերն են), զուցե եւ անընդհատ շուրջը պտտվող գաղափարի մեջ քշված, իր բոլոր օրերը օրերի հիմնախնդրին տված մարդու քնարական պոռթկումն է:

Այսպէս, թե այնպէս, ազատվելով ազդանշանիչներով առաստաղից, կերպարը լիցքաթափելով գծագրերի ու թվերի մեջ՝ Շտերերը մտածողության լուսային թափանցումներից հասնում է մի անխոռվության, որը կարելի է համեմատել անդորր ու վճիտ օրվա հետ, երբ արեւով ընդարձակված հորիզոնը բացում է կղզիների ու լեռների սովորաբար անտեսանելի հեռավոր ուրվագծերը: Նրան մտահղացման կյութականացման արահետ հասած առաջին միտքը *ժամանակի մոդելավորման* գաղափարն էր:

Ելնելով այն կանխադրույթից, որ չափը միշտ համապատասխան է չափվողին (մի շարք համեմատություններ հաստատում էին այդ ենթադրությունը), Շտերերը հիպոթեզի տեսքով ընդունում էր, որ եւ՛ ժամացույցը (ավելի ճիշտ, դրա կառուցվածքի սխեման), եւ՛ նրանով չափվող ժամանակը,

պետք է ինչ-որ բանում համապատասխան լինեն, ինչպես արշինն ու տախտակը, շերեփն ու ծովը եւ այլն: Ժամանակը հաշվող բոլոր մեխանիզմները,- ավագահատիկների, թե ատամանիվների միջոցով,- կառուցված են վերադարձի, երեսակայական կամ կյուքական առանցքի շուրջը պտտվելու սկզբունքով: Ի՞նչ է դա՝ դիպվա՞ծ, թե՞ նպատակահարմարություն: Եթե թոփը չափող արշինը, ձեռքի մեջ պտտվելով՝ իր պողպատե ծայրերին է փաթաթում կտորը, ապա նրա շարժումները խստորեն սահմանված են չափվող կյուքի հատկություններով եւ ինչ-որ առումով պատահական չեն: Ուրեմն ինչո՞ւ չընդունել, որ ժամանակը չափող արշինների (այլ կերպ՝ ժամացույցի) պտտական ընթացքը սահմանվում է չափվող կյուքի, այսինքն՝ ժամանակի, հատկություններով: Եվ գրչաձայրը երեք-չորս անգամից ոչ ավելի թաթախելով թանաքամանի մեջ՝ Շտերերը ժամանակի մասին հնագույն պյուքագորյան պատկերացումը վերակերպում էր ահռելի բյուրեղյա գնդի, որն իր անդադար պտույտով ընդգրկում է աշխարհի բոլոր իրերը: Իհարկե, այդ տարրական պատկերը ժամանակի բազմառանցքության՝ Շտերերի պատկերացմանը նման էր, ոչ ավելի, քան սաղմնային ծլակյութը՝ ավարտուն օրգանիզմին, կամ հեռավոր նախնիների հայտնագործած տասնյակ երկրաչափական թեորեմները՝ նուրբ մաթեմատիկական խթանիչների այն բարդ ցանցին, որ առաջ էր մղում ժառանգորդի միտքը: Ներքնածիգների եւ էջերի հարաբերությունները կարգավորող հանճարին դժվար թե հաջողվեր միանգամից գլուխ հանել բանաձեւերի խաչասերումից, չնայած՝ Ստընսկու վիճակն էլ, որը փորձում է հետ չմալ իր ժամանակակցի մտքի ընթացքից, չափազանց ծանր էր: Տանալով հետ չընկնել՝ նա ժամանակ առ ժամանակ օգտվում է գրադարանային սանդուղքի ծառայություններից: Այսպես, ժամանակի բազմառանցքության հիպոթեզի կապակցությամբ նա հիշում է Լեյբնիցին. մոնադոլոգիայի հիմնադիրը, պատասխանելով հարցին, թե ողջ տարածությունը լցնող մատերիայի անընդհատության, բոլոր տեղերի զբաղվածության պարագայում ինչպե՞ս է հնարավոր տեղերի փոփոխությունը, այսինքն՝ շարժումը, պնդում էր. միակ շարժումը, որ հնարավոր է այդպիսի անընդհատ աշխարհի ներսում, գնդերի պտույտն է իրենց առանցքների շուրջը: Եթե պատկերացնենք, շարունակում է Ստընսկին, որ այս աշխարհի անընդհատության պատճառը ոչ թե մատերիան է, այլ շարժումը (ժամանակն էլ հենց մաքուր շարժումն է), ապա այն անհնար է պատկերացնել այլ կերպ, քան իրենից իրեն ձգտող շրջապտույտի համակարգ: Ինչպես ժամացույցի մեխանիզմում իրար պտտող շրջաններն են,- որոշակի տարածական *հետեւողականությամբ*, - ատամից ատամին փո-

Միգիզմունդ ԿՐԺԻԺՃՆՈՎԱԿԻ

խանցում զսպանակի հրումը, այդպես էլ ժամանակի մեխանիզմում նրան ներհատուկ հետետողականությունը «պտտական ակնթարթը» նետում է առանցքից առանցք՝ դեպի երկարող *հետու*։ Բայց առանցքները, պտտվելով, մնում են այնտեղ, որտեղ կային,- կարճ ասած, ժամանակը տրված է *միանգամից* եւ ամբողջովին, բայց մենք այն կտցում ենք, այսպես ասած, հատիկ-հատիկ, վայրկյանների ցնցումներով։

Ստընսկու շարադրանքին կարելի է կասկածել, որ տպավորիչ լինելու փորձ է արվել։ Իսկ Շտերերը փաստարկում է առանց տպավորության կամ բնագանցության տրվելու, ինչի օրինակ կարող է ծառայել թեկուզ այս կտորը.

Սիագի՞ծ ճանապարհին հնարավոր չէ *շրջանցել* առանց մի կողմ չքաշվելու։ Քանի դեռ ժամանակը մեզ գծային էր թվում, կետերը փակում էին կետերի ճանապարհը։ *Ժամանակի տրամագծի* հայտնագործումը ինձ հնարավորություն է տալիս բացել *երկրորդ գիծը*։ Կետերը ստիպված կլինեն մի կողմ քաշվել, երբ հասնեն նրանց ետեւից։

Ժամերի թվատախտակ։ Դրա ներսում թույլների թվատախտակն է, որով սլաքն անցնում է 60 քայլ-վայրկյանում. բայց ժամային թվատախտակին տեղ կա նաեւ վայրկյանների համար (դա դժվար չէ պատրաստել), նրա սլաքը պետք է վազի 60 բաժանում/վայրկյանում. Բայց եթե ժամագործը ցանկանա սլաքը բաց թողնել շրջանագծով, որը պահանջում է 60 շարժում 1/60 վայրկյանում, մենք 60 շարժումը կընկալենք որպես *մեկ*, քանի որ այդ հաջորդական շարժումների ընկալման համար մեզ տրված ժամանակը տետողությամբ չի գերազանցում մեր *ներկան*, որը ոչ մի հաջորդականություն չի ընդունում։ Եթե սլաքի շարժման արագությունը մեր սարքին հարմարեցնենք այնպես, որ սլաքը բաժանումներով շրջանը, որն անբաժանելի ենք ընկալում, վազի մեկ վայրկյանում, եթե ուշադրությունը կենտրոնացնենք մեկ, ասենք՝ կարմիր գույնով նշված բաժանման վրա, ապա գիտակցությունը սլաքի մեկնելու եւ նույն կետին վերադառնալու ժամանակները կմիաձուլի մեկ *ներկայի* մեջ. Սլաքը կհասցնի, այսպես ասած, բացակայել, վազել շրջանը՝ կանգ առնելով տասնյակ բաժանումների վրա, ու վերադառնալ՝ լրիվ «աննկատ»։ Անկասկած, յուրաքանչյուր վայրկյանի մեջ ինչ-որ բարդություն կա, ինչ-որ, ինձ թույլ կտամ ասել, ժամանակավրեպ ժամանակ. կարելի է կտրել-անցնել ժամանակը, ինչպես փողոցն են կտրում, կարելի է արագ անցնել վայրկյանների հոսքի միջով, ինչպես սլացող անիվների՝ ոչ մեկի տակ չընկնելով»։

Մի քանի տող ներքեւ. «Անիվը պետք է պտտվի առանցքից առանցք։

Ռա մի քիչ բարդ կլինի երկու շառավիղների մասին հանրահայտ արիստոտելյան գլուխկոտրուկից: Այո, իմ անվահեցը առանցքի շուրջը չէ, այլ՝ առանցքից՝ առանցքին: Սրա մեջ է տրանստեմպորային ճամփորդությունների յուրահատկությունը»:

Եվ ավելի ներքեում. «Մեր ուղեղը *տեմպերացնում է ժամանակը*: Եթե ապատեմպերացնենք անենք tempus-ը [*ժամանակ - լատ.*], ապա...»: Եվ հաջորդում է բանաձեռը, որը սկսվում է ինտեգրալի կորով, բայց նրա բոլոր նշանների վրա խաչ է քաշված ու վրայից՝ մատիտով. «Այստեղ ժամանակի միջով անցնելը վտանգավոր է»:

Բայց թերթիկի հակառակ երեսին ճեղքման նոր փորձ է. «Ժամանակի էներգիան իրեն ի հայտ է բերում որպես պոտենցիալների տարբերություն՝ $T - T = t$, միևնույժ, ինչպես կամրջակով, կարելի է մեծ T -ից անցնել փոքրին եւ՝ հակառակը: Եթե ընդունենք...»: Ու նորից բանաձեռ, որի նշանների մեջ շատ ավելի հեշտ է մոլորվել, քան անտառում: Վիպասաւորության մեջ կարելի է՝ միայն բացատից բացատ:

Շտերերի սակավաթիվ պահպանված տետրերից արված այս մեջբերումներն անհնար է թվագրել: Հեղինակը, որը ձգտում էր տապալել ամսաթվերի իշխանությունը, բնականաբար չի նշել ամիսներն ու տարիները: Կարելի է միայն որոշակի մոտավորությամբ ենթադրել, որ մտքերի այս բոլոր պատահիկները, որ պատահմամբ թողնվել են եղել թղթին, վերաբերում են 1912-1913 թվականներին, երբ համալսարանից հեռացված Շտերերը դեռ շարունակում էր ապրել ուսանողական բնակարանի փոքրիկ սենյակում, պատուհանները Կոզիխային հառած հսկա տուփի հենց տակից տակ: Տնից ստացվող գումարները բավական սուղ էին, Շտերերը ստիպված էր լրացուցիչ աշխատանք փնտրել: Եվ հենց այդ ժամանակին են վերաբերում դասերը, որ ամենամայա 20 ռուբլու դիմաց խլում էին ամենօրյա 10000 քայլ: Շտերերը, ձեռքերը գրպաններում, համբերատար կտրում էր Կոզիխա - Չամոսկվորեչյե - Կոզիխա երթուղին եւ երբ կես տարվա պարապմունքներից հետո, փողոցով անցնելիս, պատահմամբ հանդիպեց սիրալիր գլխով անող մի տիկնոջ ու գիմնագիստի, այդպես էլ չկարողացավ հիշել ովքեր են, չնայած իր աշակերտն ու նրա մայրն էին:

Ընդամին, Չամոսկվորեչյան տիկինը առաջին անգամ չէր փորձում թափանցել մռայլ երիտասարդի կախված կոպերի տակ: Ամեն օր, կրկնուսույցի գալուց մի ժամ առաջ, նստում էր հայելու դիմաց եւ իր արտաքինը պատրաստում շատ ավելի մեծ ջանասիրությամբ, քան որդին՝ դասերը: Հայելուց անդրադառնում էին ունելին, շրթունքներին քսվող կարմիր մատիտը, բայց

Միգիզմունդ ԿՐԺԻԺՄՆՈՎԱԿԻ

կրկնուսույցի մեջ ոչինչ չէր անդրադառնում: Սակայն փոքր նպատակի առավելությունը մեծի հանդեպ նրա հասանելիությունն է: Մի անգամ Շտերերը, առաջին 5000 քայլն անելով, պարզեց, որ դաս չի լինելու, քանի որ «երեխան խնդրել է, կենեք, այսօր բաց թողնել իրեն, որ...»: Մինչև վերջ չստելով՝ նա շրջվեց դեպի դուռը, բայց հպում զգաց արմուկիկն. նրան խնդրում էին հանգստանալ, հապալասով թեյ խմել. «Ի՞նչն է ձեզ շտապեցնում»: Շտերերը համաձայնեց, ավելի ճիշտ՝ համաձայնեց հոգևածությունը... Պատին մի դատարկ վանդակ էր կախված: Նայելով շնչառությունից տատանվող գիշերազգեստի քնեած-կապույտ վարդերին՝ հյուրը հարցրեց. ինչո՞ւ է դատարկ: Վտտեց մի վշտալի պատմություն կերկոխ եղած դեղձանիկի մասին, որն աննկատ փոխարկվեց վաղաժամ այրիության, միայնակ, առանց տղամարդու ձեռքի տղա երեխայի չարածճիկությունները հաղթահարելու թեմային: Վտտ մի քանի անհասցե հառաչանք, որոնց հյուրը պատասխանում էր գոլավոլ թեյի տաքությանը դիմադրող շաքարը խթելով:

- Քիչ է մնում տակը ծակեք: Եվ ի՞նչ եք աչքերդ բաժակում թաքցնում: Վապալասով է պետք խմել, ոչ թե աչքերով: Ինչի՞ մասին եք այդպես մտածում. տարբեր բաների՞:

Չրուցակիցը պատասխանում էր. ո՛չ, ո՛չ տարբեր:

- Ուրեմն մի՛ բանի մասին: Թե՞ մեկի:

Ժպիտի միջով՝ երկու արծաթե ատամնալիցք: Կապույտ վարդերը լեղակ էին բուրում: Շտերերը, բիբերը բաժակից կտրելով, ասաց, որ շաշկի խաղալիս հնարավոր է մի վիճակ, երբ երկու խաղացողներն էլ հաղթում են. երբ մեկը իսկապես է խաղում, մյուսը՝ սուտ տարվում: Ընդամին, տեսաբանը չնկատեց, որ խաղաքարերից մեկն արդեն շարժել են:

Առաջին աֆորիզվից քառորդ ժամ անց կողմնակի դիտորդը կարող էր ծանոթանալ *ժամանակի կրճատման* տեսությանը, որը շարադրվում էր ուղիղ գամոսկվորեցյան տիկնոջ ճաճպացող աչքերին:

Սիրո վերաբերմամբ կիրառելի այդ տեսությունը կառուցվում էր այսպես. ե՛լ՝ իր երկար գալարափաթեթը պտտող հիշողությունը, ե՛լ՝ կոճից արձակվող կինոժպավենը կարող են ենթարկվել *մոնտաժի*: Ե՛վ ժապավենից, ե՛լ՝ ժամանակից կարելի է հատվածներ կտրել, հանել տեսողությունները: Բայց եթե իր առաջինի հետ կնոջ առաջին ժամադրության եւ երկրորդի, երրորդի հետ առաջին ժամադրության արանքում կրճատումներ անենք, այսինքն թողնենք առավել մաքուրն ու անկեղծը, հիշողության մեջ խորապես դաջվածը, ապա կինոժպավենը, որին կհանձնենք առաջին ժամադրությունների սեղմ շարքը, կնոջը մեզ ցույց կտա պտտախա-

դի գեղիկի արագությամբ, որ համարից համար է ցատկում, գրկախառնությունից անցնում գրկախառնություն ու ծերանում մեր աչքի առաջ: Դա, իհարկե, իրավաբանին կհիշեցներ քրեական օրենսգրքի այն հոդվածը, որը խոսում է զանգվածային բռնության մասին: Փորձեք կրճատել ավելորդը, թողեք միայն ամենակարեւորը, եւ կտեսնեք, որ այն ծեղ չի...

Եվ այդ վերջին աֆորիզմից մեկ ժամ անց Շտերերը կարող էր համոզվել, որ այն դաժանորեն իրավացի էր: Իսկ կողմնակի դիտորդը... ասենք, նման իրավիճակում այդպիսիք ավելորդ են:

Հաջորդ օրը կրկնուսույցը առաջին անգամ ուշադիր կայեց իր աշակերտին. անհոնք ճակատը Եվտուշեակու վրա կախած՝ գիմնագիստիկը քաշքշում էր զագաթին բիզ-բիզ կանգնած մազերը, ասես փորձելով գլխից դուրս քաշել որոշելի թիվը: Տղայի կարմրած ականջի միջով թափանցում էր լամպի լույսը:

«Իխայի նման», - մտածեց Շտերերը:

Եվ «ես»-ի մեջ՝ ինչպես չքեռուցվող սենյակում:

IV

Դա պատահեց 1914 թվականի փետրվարին: Շտերերը, իր սովորական երթուղին անցնելով, չնկատեց զամուսկվորեցյան նրբանցքներից մեկի մայթին լայնքով իջնող առմուտքը, ու ներբանները շարունակեցին ճոճոացնել ձյունը: Եւ նման էր ինչ-որ մեկի հետքերով գնացող մարդու: Երկու-երեք կանացի մորթեգլխարկ գլուխ շրջվեցին նրա կողմը: Սակայն հետապնդողը պետք է հասներ իր գլխի, ավելի ճիշտ՝ իր մտքերից մեկի ետեւից, որը ձյան վրայով սահող իրիկնային թեթեւ ստվեր էր թվում: Նրբանցքներն ամայանում էին. Ուտնածայները, դուրս գալով խճճված խաչմերուկներից, կապույտ օղը ճոճոացնելով՝ հետեւում էին սիլլոգիզմին: Ուղեկալի սառած սյուները մնացին ետեւում: Ձյունը հասնում էր կոճերին, խառնում գտնված ռիթմը, մեծ եւ փոքր կանխադրույթները ձևակույտի դադարը որսալով՝ բացվեցին, եւ այդ ժամանակ, նրանց ճանապարհը կտրելով, պողպատե գուգահեռներով, վագող անվաշրջանների ետեւից դողդաց ծխի գալարը: Շտերերը ծանր շնչելով կանգ առավ. դեմքը վառվում էր կատաղի ուրախությամբ. Վերջին բանածեւի վերջին նշանը, օ՛, վերջապես, առնված էր ճակատոսկրի տակ:

Ծնկահար ձյան մեջ կանգնած՝ նա քաշեց ձյանը սառած-կպած առաջին իսկ ցիցն ու բաց դաշտում գրի առավ իր բանածեւը: Հաջորդ օրը սկսվեց ձնհալը, եւ արեւի շողերը ջնջեցին Շտերերի մեքենայի գաղտնիքը

Միգիզմունդ ԿՐԺԻԺՄՆՈՎՄԿԻ

բացահայտող փաստաթուղթը: Հետագայում գյուտարարն աշխատանքի մեջ ո՛չ մարդկանց էր վստահում, ո՛չ թղթին:

Ասենք, գրառումներն արդեն նրան պետք էլ չէին. եկել էր ծուղակն ընկած մեքենան կառուցելու ժամանակը: Դրա համար փող էր պետք: Շտերերը հաշվեց. Թիվը տատանվում էր հնգանիշների սահմաններում: Հայր ու որդի նամակներ փոխանակեցին, որոնցով որդին խնդրում էր, հայրը՝ մերժում: Կառուցողը նախահաշիվը սեղմեց նվազագույնի. քառանիշ թիվը գորշին էր տալիս հեռագրի թերթիկի ծալվածքին: Հայրը ակնոցը քաշեց քթից ու նետեց հատակին: Պատասխան նամակի առաջին էջով նա սպառնում էր զրկել ժառանգությունից, երրորդով՝ հորդորում սպասել իր մահվանը եւ այդ ժամանակ ամեն ինչ վերցնել, իսկ հետգրությամբ խոստացավ ուղարկել կեսը:

Փոխանցումը ստանալով՝ Շտերեր-կրտսերը չսպասեց անհրաժեշտ գումարի երկրորդ բաղադրիչին ու որոշեց սկսել մեքենայի կառուցումը: Շտերերին թվում էր, թե սենյակը շրջապատած հարյուրավոր դռներ սպառնում են իր գաղտնիքին: Պետք էր փախչել մարդկային հետաքրքրասիրությունից, ենթադրություններից ու ծիկրակումներից: Շտերերը ծայրամասային Խապիլովկան հատող սրբանցքներից մեկում բավական մեկուսացված ու խաղաղ մի բնակարան գտավ: Փայտաշեն, երեք փոքրիկ պատուհանով կիսավերնահարկ էր, ցածր առաստաղով երկու սենյակ, բակ տանող աստիճաններ: Դրսային սենյակում՝ մահճակալ ու գրքերի կույտեր (այստեղ Շտերերն ընդունում էր իր խիստ հազվադեպ այցելուներին): Ներսի սենյակը, ուր ոչ մեկին չէր թույլատրվում մտնել, մեքենայի կացարանն էր դառնալու:

Խապիլովկայի նոր բնակիչը հազվադեպ էր երեւում վերնահարկից իջնող աստիճաններին: Մի թեւի տակ միշտ ինչ-որ շշածնե ու գլանածնե փաթեթներ էին, մյուսը սահում էր կտրուկ բազրիքով: Վերնահարկի պատուհաններին՝ երբեք չբացվող վարագույրներ, եւ նույնիսկ գարունը՝ բոլոր ապակիները բացելով, փակ թողեց վերնահարկի այդ երեք շրջանակները:

Շտերերի կացարանից ոչ հեռու, սառույցի տակ կծկված վտիտ Յաուգան պատռեց ափերն ու մեկ-երկու շաբաթ փորձում էր հիշել՝ ինչպիսին է եղել ինքը այն հեռավոր դարերում, երբ դեմքով,- դարերի ետեւից,- ոչ թե նավթի գույնզգույն բծեր ու թրիք էր լողում, այլ՝ նավակներ ու առագաստներ: Արեգակը նայեց ջրափոսերին, ինչպես հարբածն է խմելուց առաջ նայում իր առջեւ դրված գինու գավաթների մեջ, ու դատարկեց բոլորը:

Խապիլովկայի առմուտքներին արեւածաղիկ չրթող բերանները մեկ-

երկու քննարկեցին տարօրինակ կենվորին: Սկզբում որոշվեց, որ երեք պատուհաններից այն կողմ մենակ ու անդադար խմում է՝ դատարկելով իր շշերն ու գլանները: Բայց մի անգամ սանդուղքով բարձրացող կնոջ կերպարանք նկատվեց: Վերնահարկում ամբողջ գիշեր լույս էր վառվում: Իջեցված վարագույրներն այլաբար մեկնաբանելով՝ բերանները գոհացած քմծիծաղեցին:

Մայիսի վերջին փողը վերջանալու վրա էր: Շտերերը մտովի շառավիղ գծեց. ոչմիտեղից, ոչ մի կետից: Պատահամաբ ացքին ընկան մի անկյունում մոռացված երկու-երեք փակ ծրար: Շտերերը բացեց. կարմիր թափանցիկ ականջ, օճառ բուրոդ տաք կապույտ վարդեր, դատարկ վանդակ ու նորից՝ թվերի վրա կռացած ականջի բլթակ: Մեքենայի կառուցումը պետք է ավարտել: Ինչ էլ որ լինի: Չզվանքով կկոցվելով՝ Շտերերը չորացած թափաքի խյուսից մի քանի տող քննորեց, ինչի հետևանքով էլ հարեանները տեսան աստիճաններով բարձրացող կանացի կերպարանքը: Հանդիպումը շաշկու խաղի պես մի բան էր, որտեղ երկու խաղացողներն էլ պարտվեցին. Պատճառն այն էր, որ մինչև վերջին քայլը իսկապես էին խաղում, բայց հետո սկսեցին սուտ տանուլ տալ, որն էլ, ի վերջո, դեմ առավ վաճառականական կոշտ դիմադրության: Կարճ ասած. տեղեկանալով, որ ինչ-որ մեքենայի համար այդքան փող է պահանջվում, զամուսկվորեցյան տիկինը մեծ կասկածով վերաբերվեց Շտերերի փաստարկներին՝ հայտարարելով, որ հրաշալի գիտի այդ մեքենայի կառուցվածքը, որի միջոցով երիտասարդ մարդիկ վատնում են իրենց եւ ուրիշների փողերը: Երբ գյուտարարը, ներսի սենյակի դուռը բացելով՝ առաջարկեց համոզվել, Չամուսկվորեցյեն, պայուսակը կրծքին սեղմած, հետաքրքրվեց՝ ինչո՞ւ է այդպես վառվում այդ գաղափարով: Շտերերը համբերատար բացատրեց. մեքենան պետք է, որպեսզի ինքը՝ Շտերերը, իրեն տեղափոխի այլ դարեր ու հազարամյակներ:

- Իսկ ե՞ս,- հարցրեց Չամուսկվորեցյեն:

Գյուտարարը շփոթվեց.

- Մեքենան մեկտեղակի է: Դուք կսպասեք, մինչև վերադառնամ...

- Հազարամյակների՞ց:

- Այո՛:

Պայուսակը չբացեց իր նեղիկ, երկաթյա ճարմանդներով սեղմված բերանը. Դրան համաձայն չէր: Մի կողմը անհամբույր մնաց, մյուս կողմը՝ անփող: Չնայած, մի շաբաթ էլ չանցած, Չամուսկվորեցյի նրբանցքներում սկսեցին բուրել ակացիաների շեղջերը, երեկոները շոգ էին ու շիկ-նած: Պայուսակը, ձվադրման ժամանակ ափ նետված ձկան պես, խելա-

Միգիզմունդ ԿՐԺԻԺՄՆՈՎՄԿԻ

հեղ բացուխուսի էր անում բերանը՝ տալով հարյուրանոցը հարյուրանոցի ետեւից: Շտերերը կարող էր շարունակել աշխատանքը: Հուլիսի հետ վրա հասած տոթը վերջապես բացեց վերնահարկի վեց ապակյա փեղկերը, եւ ուշ գիշերով պատուհանների տակ պատահական անցորդը կարող էր հրումներով օդը ծակող ձայն լսել, որը կոտորակվող կետագծով կարում էր լռությունը: Ավելի ուշադիր ականջ դնելով՝ ուշ մնացած անցորդը ձայնային խայթոցների հերթափոխման մեջ կնկատեր, որ... բայց Խապիլովկայի ուշ մնացած անցորդը միշտ հարբած է ու նախընտրում է թնդացել լռությունը՝ իր գվվացող ականջները նրա տակ դնելու փոխարեն:

Աշխատանքով տարված՝ Շտերերը իր միակ իրականացող իրից այն կողմ ոչ մի իր չէր տեսնում, ապրում էր իր երեք պատուհանների տակ կուտակվող փաստերին անհաղորդ: «Պատերազմ» բառը, որ սկզբում աննկատելի էր թերթերի մանրատառերում, աստիճանաբար տառատեսակը մեծացնելով՝ դուրս ցցվեց բոլոր թերթերի բոլոր վերնագրերից: Այդ բառը Շտերերի հայացքը 2-3 վայրկյանով գրավեց զուտ այն պատճառով, որ եռավանկ էր մեկ այլ՝ «Ժամանակ» բառի պես: Տառակիշերը, սահեցին ականաթաղանթի վրայով եւ անհետացան, ինչպես հայտնվել էին, ու կառուցողը շարունակեց հյուսել իր նրբագույն թակարդը, որով որսալու էր ժամանակը:

Շտերերը վարժվել էր նրան, որ երեկոյան կողմ փողոցի աղմուկը նվազում է, ինչը թույլ էր տալիս առավելագույնս կենտրոնանալ: Սարքի կարգաբերման առավել բարդ գործընթացները գյուտարարը թողնում էր գիշերային ժամերին: Բայց մի անգամ այսպես պատահեց. վրա հասավ մթնշաղը, ետեւից՝ մութը, իսկ պատուհանների տակ աղմուկը չէր պակասում: Քայլերն անընդհատ կոտորակվում ու ձայները խժոժում էին: Շտերերը սկզբում դժգոհ կնճռոտվում էր, հետո,- չնայած շոգին,- անսովոր աղմկոտ գիշերից մեկուսացավ ապակիներով ու շարունակեց տքնաջան աշխատել:

Պատերից այն կողմ անհերթա աղմուկն ու անկարգությունն աստիճանաբար լռեցին: Բայց գիշերը դեռ չէր նահանջել, երբ ապակիները գնգացնելով՝ թխթխկացին իրար ետեւից գլորվող անվակալները: Շտերերը խոժոժվելով կտրվեց գործից ու սպասեց: Բայց անվակալների աղմուկը չէր դադարում: Գետինը ցնցվում էր՝ դողացնելով սեղանին շարված սարքերը, տատանելով թորանոթների ու սրվակների պարունակությունը: Աշխատանքը շարունակվել անհնար էր: Շտերերը մոտեցավ պատուհանին ու հետ քաշեց վարագույրը: Փողոցը լեփ-լեցուն էր երկար, հարթատաշ արկղեր բարձած սայլերով: Մեկի կիսով պոկված կափարիչի տակից երևում էին խրճված սփիների կատարները:

Կեսօրին անվակալները լռեցին: Կարելի էր շարունակել աշխատանքը: Բայց մի պղտոր ու կաշուն զգացում ընդարմացնում էր մատներն ու մտքերը: Շտերերը պառկեց մահճակալին. Նախ՝ թվերի ու նշանների աստիճանաբար դանդաղող պտույտ, հետո՝ աչքերը փակող անթափանց վիրակապի պես՝ քունը:

Գիշերային հսկումների երկար շարանում կուտակված հոգևածությունը հաստատ կծգեր անզգայությունը, եթե դրան թակոցը չխանգարեր: Ձայնից արթնացած Շտերերը բարձրացրեց գլուխը. սենյակը լի էր աղջամուղջով, սանդուղքի աստիճաններով դանդաղ իջնում էր ճոռոցը: Շտերերը մոտեցավ դռանը, բացեց ու դուրս կայեց: Ճոռոցը սկսեց վեր բարձրանալ, ու պղտոր աղջամուղջում ինչ-որ մեկի ուրվապատկերը մի սպիտակ թերթիկ պարզեց նրան: Մնում էր վերադառնալ սենյակ, վառել լույսն ու կարդալ. ծախ անկյունում գինվորական պետի դրոշմակնիքն էր, երեք տողանոց տեքստ, որն առաջարկում էր «ներկայանալ», անունը՝ «Շտերեր»:

Դա թիկունքից հարված էր: Հանկարծակիի եկած բիբերը չէին կտրվում քառակուսի թերթիկից. թեւքից դուրս քաշած խաղաթուղթ, խաղախարդախի քայլ, նենգանշած մահ, որի շահումը նրա մեքենան էր: Չնայած...

Շտերերը բացեց ներսի սենյակի դուռը. ապակյա ամրակալի վրա, թափանցիկ պարույրների միկրոմետրիկ պտուտակների մամլակով բռնված՝ ժամանակի դեմ, ինչպես սուրը թշնամու վահանի, հառնում էր թեթեւ ու հզոր կառույցը:

Նստելով սեղանի մոտ՝ Շտերերը մատիտը ձեռքին հաշվեց օրերը: Օրը 19 ժամ աշխատելու դեպքում երկու-երկուսուկես շաբաթում ժամանակի մեքենան պատրաստ կլինի. Ընթացքի ստուգումից, պահեստամասերից, կրկնակի արգելակման համակարգից հարկ կլինի հրաժարվել: Ավելի լավ է ջարդուփշուր լինել՝ ապագային խփվելով, շարտվելով դարերի անհայտության մեջ, քան դավաճանել մտահոգմանը, թույլ տալ, որ ճգմեն քեզ պոկովի օրացույցի թերթիկով՝ պատահական գնդակի թռիչքով ջնջելով գաղափարը, օրվա ամսաթվով՝ հավերժությունը:

Դա արագության յուրօրինակ խաղ էր, որ մարդն ու ժամանակը խաղում էին անքուն ու ջղածիզ շաբաթվա ընթացքում. ժամանակը քայլ էր անում իրադարձություններով, մարդը՝ իր մեքենայի աճով: Մարդու համար պարզ էր. եթե առաջ անցնի ժամանակը՝ ժամանակի մեքենան տանուկ կտրվի. եթե ինքը՝ ժամանակը տանուկ կտա ինքն իրեն:

Գոտեմարտի երրորդ օրվա վերջին եկավ երկրորդ ծանուցագիրը: Զո-

Միգիզմունդ ԿՐԺԻԺԱՆՈՎԱԿԻ

րակոչվողը մտածեց՝ լավ կլիներ փոխել մեքենայի կառուցման վայրը:

Ասինար էր. մեքենան չափազանց փխրուն էր ու անկատար, որպեսզի դիմանար տեղափոխությանը: Ի՞նչը որոշ ժամանակ թաքնվի: Բայց կարող են գալ, ջարդել դուռը, ու մեքենան կհայտնաբերվի: Ո՛չ, սեղմել ատամներն ու շարունակել պայքարը:

Շտերերի տանջահար գիտակցությանը հստակ պատկերվում էր այն պահը, երբ, վերջին ամրակապը դնելով, տեղադրելով մեքենայի վերջին մասը՝ կպտտի լծակն ու,- պոկվելով հետապնդող օրերից, թիկունքում թողնելով պատերազմի հեռացող դղրդոցը, հաղթահարելով տեղողությունները,- կատաղի պտույտ սկսած ժամացույցի սլաքների վրա առաջ ու առաջ՝ դեպի ապագան:

Յոթերորդ օրվա առավոտյան Շտերերը նկատեց, որ մի ռեակտիվ պակասում է: Պետք էր գնել: Հավաքելով վերջին ռուբլիները՝ հազավ վերարկուն ու բացեց մուտքի դուռը. շեմին՝ երկու հոգի՝ զինված ու զինվորական գորշ մահուդի մեջ: Ժանապարհը փակած երկտողում՝ բերման ենթարկել: Շտերերը պիտանի ճանաչվեց ու ներառվեց պատերազմի մեջ: Ուները համարակալեցին, ճակատին գլխարկանշան դրին ու սափրեցին գլուխը: «Անծնական գործերը կարգի բերելուն» թողնված մի քանի ժամը Շտերերը տվեց համարյա պատրաստի մեքենան քանդելուն: Տենդագին շտապողականության մեջ որոշ առավել նուրբ մասեր ոչնչացվեցին, մյուսները թափվեցին խոր արկղի հատակին, ու մասնատված մեքենայի վրա՝ կափարիչի մեջ՝ սուր մեխեր: Այդպես ժամանակին Ռոսսեվալի կիրճերում շրջապատված Ռուսնոն էր քարերին խփելով ջարդում իր սուրը:

V

Շարքային Շտերերը, բոլոր շարքայինների պես, նախատեսված թվով շաբաթներ երթաքայլում էր «մեկ-երկուսի» տակ, «կանգ առ» հրամանով ոտքը ոտքին խփում, «հետ դարձ» հրամանով, ձախ կրունկը պտտելով, մարմինը դարձնում 180⁰, հրացանը գրոհի բռնած՝ նետվում էր ծղոտե խրովիլակի վրա, իսկ կեսօրին ատամներով պոկոտում փայտե ձողիկին քաշած «բաժինը»: Կարելի է ավելացնել, որ սովորաբար վերջինը մոտենալով ճաշը բաժանողի արկղիկին՝ շարքային Շտերերը ստանում էր դասակի բոլոր քառասուն ավերով շոշափված ու բոլոր ավերից մերժված ջիլն ու ոսկորը, որի համը քիչ էր տարբերվում նրանց խոցած փայտիկի համից:

Համարակալված մահուղը պահեստային գումարտակից մեքենայա-

բար փոխանցվում էր երթային վաշտեր: Եվ մի աշևանային ջինջ առավոտ Շտերերն արդեն,- ուսերն ուսերի արանքում,- քայլում էր բազմաշար սվի-նային ցողունների ներքո, որ ծփում էին, ինչպես արտը քամուց: Դեպի կայարան շարժվող շարայան ետեւից գլխարկներ ու գլխաշորեր էին թափահարում, ու շարքային Շտերերը մտածեց, որ սվինի վրա բարձրաց-րած սպիտակ թաշկինակն իր վերջին հնարավորությունն է:

Զինվորության առաջին օրերին Շտերերը ճնշված ու մի տեսակ ճգմ-ված էր կատարվածից: Բայց շուտով հաջողվեց վերադարձնել հանգս-տությունն ու պայքարի կամքը. թող որ ժամանակը կես գլուխ առաջ էր անցել, թող որ մեքենան ջարդված ու մեխված էր արկղում, բայց իր գա-ղափարը դեռ իր ձեռքով չի նետել եղբայրական գերեզման, թող որ ժա-մանակին ներկայացված մարդու հայցը առժամանակ գորշ մահուղի տակ է, թո՛ղ. կսպասի հրադադարի ու նորից կներկայացնի:

Գիրքերը Շտերերին դիմավորեցին խլուրդային անցումների խառնաշ-փոթով ու հրթիռների կապույտ կորերով: Դիմացը, դաշտային ուղեկալնե-րի գծի վրա, չթջթում էին կրակոցները: Բայց ուշադիր լսելու դեպքում կա-րելի էր լսել ճղրիդի ճթճթոցն ու քամու հպումը խոտերին: Շտերերը, որ զգույշ, բայց վճռական էր գործում, գնդակներին թույլ չէր տալիս կոցել իր գաղափարը, որ բավական ծանրակշիռ պահված էր գանգուկների տակ, այնքան ծանրակշիռ, որ պետք չէր եւս վեց գրամ արծիճ հավելել: Եվ ևս օգտվեց առաջին իսկ մարտական գործողությունից, որպեսզի, ինչպես ինքն էր հետո ասում, «իրեն պահպանության հանձնի գերմանացիներին»:

Գյուտարարի կյանքի հաջորդ 2 տարիները պատված են համակենտ-րոնացման ճամբարի փշալարով: Գերությունը նրան ավելի քիչ էր նեղում, քան բարաքի հարեւաններից ցանկացածին: Նույնիսկ աստղածեւ փշե-րը՝ փշալարի զուգահեռների երկարությամբ, որոնց արանքով սիրում էր իրեն ու իր գաղափարը զբոսանքի հանել Շտերերը, նրան ավելի չէին գրգռում, քան Երկրի շուրջը փակվող ուղեծրերում փայլող իսկական աստղերը: Ընդհանրապես, տարածությանն ու նրա բովանդակություննե-րին Շտերերը վերաբերվում էր ոչ մասնագետի պես, անտարբեր ու կցկ-տուր էր՝ ընդարձակը խառնելով նեղվածքի հետ, երբեք չէր կարողանում հիշել՝ բարձր, թե ցածր է իր կացարանի առաստաղը ու միշտ խառնում էր հարկերի հաշիվը: Ասենք, համակենտրոնացման ճամբարում ոչ մի հարկ էլ չկար, միայն մասնաշենքերի ցածր ու երկար տանիքներն էին, ներսում՝ քառաշար թարեքներ: Երկար ամիսների ընթացքում Շտերերն այդպես էլ չսովորեց իրարից տարբերել աջ, ձախ ու դիմացի թարեքները զբաղեց-

նող մարդկանց. Պա նրան նույնքան անկարելու էր թվում, որքան այդ թա-
րեքների տախտակներն իրարից տարբերելը. Տեսական վարժանքով կա-
րելի է, բայց՝ ինչի՞ համար: Փոխարենը՝ հարեանները երկար ժամանակ
չէին մոռանալու հոնքամիջի կնճիռները ինչ-որ սեւեռուն մտքի վրա խո-
նարհած ճակատը, անխնամ պղնձաթել մորուքի մեջ խճճված մատները
եւ մարդկանց, ինչպես ապակու միջով կկոցվող աչքերը:

Գերության երկար պարապ ժամերը թույլ էին տալիս անշտապ մտար-
կել բոլոր նախկին մտքերը. Գլխում մոդելավորվում, քանդվում ու նորից
հայտնվում էր երեւակայած կառույցը: Շտերերը միայն հիմա էր տեսնում,
թե որքան անկատար է եղել պատերազմի խլած այն անավարտ մեքենան.
Նրանով ժամանակի միջով անցնելը նույնքան վտանգավոր էր, որքան
փոքրիկ գետնակով օվկիանոսը կտրելը: Հապճեպ, էժանագին կյուլթերից
կառուցված նավը չէր դիմանա վրա վագող վայրկյաններին ու մեքենայի
պարույրների բարձրացրած հավերժության ահեղ ափակոծությանը: Շատ
խախտու էր այդ ամենը, առանց տեղողությունների կյուլթի դիմադրության,
տարածության ու ժամանակի շփման հստակ հաշվարկի: Վերջին սկզբուն-
քը Շտերերը բացահայտել էր այդտեղ՝ փշալարե պատի երկայնքով տես-
ական զբոսանքների ժամանակ, երկար մեդիտացիաների ընթացքում: Գու-
ցե հենց պատերազմն էր, երկիրը ռազմաճակատներով տողելով, ստիպել
նրան հայտնագործել ժամանակի ու տարածության հակընդդեմության,
ինչ-որ թշնամանքի այդ փաստը: «Ես հետազոտեցի,- հետագայում հայտ-
նում է նա դասական "Raum und Zeit"-ում [*«Տարածություն եւ ժամանակ» -
գերմ.*], նրա սոճ-ը եւ տեսա, որ ժամանակը, քանզի տրված է որպես հավել-
ված, մշտապես *ուշանում է*, վայրկյանների ու դյույմերի յուրատեսակ շփ-
ման պատճառով չի հասցնում ներդաշնակորեն համապատասխանել, հա-
մարժեք լինել իր տարծությանը»: Պա, Շտերերի եզրաբանությամբ, բերում
էր «իրադարձություններից իրերի հետ մնալուն, հետեւաբար նաեւ աշխար-
հակարգի ընդհանուր աններդաշնակության, որն, ի դեպ, արտահայտվում
է այսպես կոչված երջանկության անհասանելիությամբ, ինչը հնարավոր է
միայն իդեալական եւ իրական ժամանակների համընկնելու դեպքում: Պա-
տերազմներն ու այլ կատակիլզմները, այդ տեսության համաձայն, բա-
ցատրվում էին ժամանակի եւ տարածության շփման ուժգնացումով...

Այդ ամբողջ, փոքր-ինչ տարօրինակ եզրաբանությունը թաքցնում է կա-
տարելագործումների այդպես էլ չբացահայտված ինչ-որ համակարգ՝
ուղղված ժամանակի մեջ ճամփորդելու համար նախատեսված սարքի հա-
վասարակշռության կենտրոնը գտնելուն: Շտերերի մեքենայի նոր, պար-

գեցված տարբերակը խոստանում էր ոչ թե կարճ ցատկ, որը պատռում է մի քանի հարյուր օր, այլ տեսական ու համաչափ թռիչք: Գյուտարարի մատները, կրկին բռնված արարելու ծարավով, զիզգազներ ու անկյուններ էին գծում օդում, բայց համակենտրոնացման ճամբարի փշալարե ցանկապատը փակում էր դեպի մատերիան ճանապարհը: Օրերը կուտակվում դառնում էին շաբաթներ, շաբաթներն՝ ամիսներ, բայց օդը՝ անկյուններն ու զիզգազները կույ տալով, թափուր էր մնում: Ժամանակ առ ժամանակ, ջախտվով կարճել պարապլոյունը, Շտերերը փորձում էր վերանալ ուղեղին քսվող գաղափարագրից: Այդպես պարետության թույլտվությամբ երկուերեք օրում վերակառուցեց ճամբարին լույս տվող փոքրիկ էլեկտրակայանի ռեոստատը, ինչը հոսանքի ծախսը կրճատեց 30%-ով, հետո զբաղվեց ավտոմատ ազդանշանման համակարգով, ինչը լիովին բացառեց փախուստի հնարավորությունը: Գերության ընկերները լռում էին, երբ ևս մոտենում էր, պարետը վեր էր քաշում բերանի անկյուններն ու աջ ձեռքի երկու մատը տանում հովարին: Սակայն բիբերով մտքերին շրջված մարդը դուրս էր ամեն կարգի կենսական ձգտումներից: Օտար միտքը ներկայանում էր զուտ արտաքին բազմաբղետ միալարությամբ (Ռուսաստան-Գերմանիա, օտարներ-յուրայիններ), իսկ ցանկացած աշխատանք, որ կապված չէր նրա գաղափարի հետ, պայանս բացելու պես բան էր թվում, իսկ մի պայանսի հանդեպ մյուսի առավելության մասին վեճը անիմաստ էր:

Շտերերն ազատ խոսում էր գերմաներեն: Ճամբարի գծից դուրս ունեցած մի քանի ծանոթություններ (ղեկավարությունը, որը բարեհաճ էր նրա հանդեպ, ճիշտ է, ոչ հաճախ՝ թույլ էր տալիս բացակայել) նրան հնարավորություն տվեցին,- պատերազմից հետո,- հիմնավորվել ճամբարի հարեան փոքրիկ քաղաքում եւ այդտեղ, ավելի խաղաղ ու քաղաքակիրթ իրավիճակում, շարունակել աշխատանքը: Շտերերը, որը ավելորդ տեղափոխություններ չէր սիրում եւ ընդհանրապես չէր սիրում տեղափոխվել տարածության մեջ, հակված էր հենց այդպես էլ շարունակել, բայց երկու տեղեկություն, որ իրար ետեւից ստացվեցին ռազմաճակատի մյուս կողմից, ստիպեցին փոխել որոշումը:

Առաջինը, որը ստացվեց 1917 թվականի մարտին, հայտնում էր Ռուսաստանում տեղի ունեցած հեղափոխության մասին: Երկրորդը, երկու ամիս անց, հոր մահվան մասին էր:

«Հեղափոխությունը», ինչպես եւ «պատերազմը» կոնստրուկտորը պատկերացնում էր դրդողացող անվակալների, արկերի ու հողը դոփող միլիոնավոր ոտքերի տեսքով, ինչից հատակը սկսում է ճոճվել, սարքերը

Միգիզմունդ ԿՐԺԻԺՄՆՈՎԱԿԻ

թռչկոտում են, աշխատանքը խճճված, անհստակ է դառնում, երբեմն՝ նաեւ անհնար: Բյուրեղը պատած անոթը ցնցումներ չի հանդուրժում. կիստերի աճը պահպանելով՝ այն պետք է հեռու լինի հրումներից ու թափահարումներից. Բնական է, որ Շտերերի գլուխը հետ էր քաշվում հեղափոխություններից, զանգվածային ցնցումներից, պատերազմներից:

Բայց հոր մահվան մասին լուրը բերած ծրարն արտակարգ բարդացնում էր հարցը: Կտակարարը Շտերերին հայտնում էր ժառանգության մասին, որը նրան սպասում էր Սոսկվայի բանկերից մեկում: Պաշտոնական ձեռագրերումների համար անհրաժեշտ էր ժառանգորդի անձնական ներկայությունը: Նամակում նշված գումարը խաչ էր քաշում կյանքի գործն իրականություն դարձնելու բոլոր կյուրական դժվարությունների վրա: Ժառանգությանը տիրանալով՝ կարելի էր սկսել եւ ավարտել աշխատանքը՝ առանց նախահաշիվը կրճատելու, լավագույն ու ամուր կյուրեքով կառուցելով վաղուց ուղեղի բոլոր բջիջներով զտած մեքենան՝ վայրկյանների վրայով թեթեւ սահող, սրընթաց, ժամանակի մեծ պաշարով օժտված ժամանակահատը:

Այո՛, փողերն իրենն են, համարյա գրպանում, մնում է ձեռքը պարզել... Սովորական զբոսաշրջանով պտտվող խռովված գիտնականը պարզեց մատները, ու մատները դիպան լարի պողպատե փշերին. անմիջապես վերելից բռո՞ի բվվոցով հնչեց զանգը, թնդացող մթնշաղի միջով՝ ճառագայթների անսպասելի շեղբեր ու վրան վազող զինվորների կապույտ բծեր,- Շտերերը միանգամից չհասկացավ, որ գործի է դրել իր իսկ հորինած ազդանշանումը:

Միջադեպը, որն ավարտվեց ընդամենը պարետատանը անցկացված հարցումով, մեղավորին բերեց իրավիճակի ավելի արագ ու հստակ գիտակցման: Շուրջը փակված փշալարի գիծ, հետո՝ խրամատների կոտորված գիծ, ապա՝ հեռացող գծերի քառասյին խաչաձեւումներ ու գալարքներ՝ հեղափոխություն: Այդ բոլոր գծերն իրար ետեւից պետք է կտրել, հակառակ դեպքում պարզած ափը առաջին իսկ պատվարին հանդիպելով՝ դատարկ կմնա, իսկ գյուտը՝ չիրականացված:

Մեկօրյա մտորումներից հետո Շտերերը գրեց կտակարարին՝ խնդրելով ձեռք առնել բոլոր միջոցները ժառանգությունն իր անունով ամրագրելու, այն դեպքի համար, եթե գերությունը երկարածոգի բացակայությունը: Կտակարարի նոր նամակը հայտնում էր գործը մոսկովյան հավատարմատարներից մեկին փոխանցելու մասին: Շտերերը կապ հաստատեց նաեւ հավատարմատարի հետ եւ շուտով դրոշմակնքված անկյունով

մի թերթիկ ստացավ. կտակը դատարանով հաստատված է, վաղեմության ժամկետները՝ սառեցված:

Թվում էր՝ ճանապարհը փակող գծերի խառնաշփոթը բացվել ու վերածվել է զուգահեռների՝ հստակ ու հասկանալի, ինչ-որ տեղ նման դրոշմակնքված թերթիկի տողերին:

Բայց ռազմաճակատից այն կողմ կատարվող իրադարձությունների մասին լուրերը Շտերերին ստիպեցին հրաժարվել պասիվ սպասման համակարգից. հայտնի չէր՝ ուր կտանեն մոտակա շաբաթների իրողությունները, իսկ անհայտի դեմ կարելի է պայքարել միայն նրանից առաջ ընկնելով. եթե առաջ խելամիտ էր թշնամիների պահպանության հանձնվելը, ապա հիմա պետք է հետ ստանար իրեն, ու երաշխավոր կարող էր լինել, համենայնդեպս այդպես էր մտածում Շտերերը, տիրոջը սպասող ժառանգության մասին նամակը:

Կտակարարին, ճամբարի պարետին, Մոսկվայի հավատարմատարին, գերիների փոխանակման Բեռլինի տնօրինությանը, Կարմիր խաչին, բժշկական հանձնաժողովին ուղղված բազում պաշտոնական ու ոչ պաշտոնական գրություններով, խնդրագրերով, նամակներով գերին խնդրում, պահանջում ու նորից խնդրում էր փոխանակել իրեն, օգնել վերադարձին, ճնշում գործադրել, ընդհանրապես վերացնել իրեն՝ Շտերերին, իրավունքով պատկանող կապիտալից բաժանող տարածությունը: Նրա նկրտումների կեսը խրվում-մնում էր գրաքննության մեջ, մյուս մասը դեգերում էր գործավարություններով: Եվ երկու ամիս անցավ, եւ երեք: Շտերերը շարունակում էր ուժասպառ անել իր գրիչը՝ խնդրագրից խնդրագիր: Հիմա արդեն հիշեցնում էր, խնդրում էր կցել նախկինում շարադրածին, լրացուցիչ հայտնում եւ այլն, եւ այլն: Սկզբում՝ ոչինչ, բացի երկու-երեք խուսազրությունից ու իրազեկումից առ այն, որ «ծեր այսինչ ամսաթվով դիմումը... ստացվել է»: Հետո,- արդեն աշնան կողմ էր,- Շտերերին մի առավոտ կանչեցին ճամբարի գրասենյակ: Մի անձանոթ, նոսր բեղերով, վրան փոխ տված զգեստով մարդ թերթեց հաստ թղթապանակը, մի քանի անկշան հարց տվեց ու, ժպիտով բեղերը շարժելով, ասաց.

- Ես դեռ չեմ հանդիպել մի երիտասարդի mein Kerl [*Այստեղ. իմ երիտասարդ բարեկամ - գերմ.*], որն իր հարսնացուին սիրահարված լիներ այնպես, ինչպես դուք՝ ձեր ժառանգությանը:

Ինչին ռազմագերին, աչքերը գետին գցած, պատասխանեց.

- Այո՛, բայց եթե նա ուզում է դավաճանել ինձ...

Բեղերը ծիծաղից ցնցվեցին. վիտցը [*կատակ, կալամբուր - գերմ.*] վա-

տը չէր: Պաշտոնյան ինչ-որ բան ընդգծեց թղթապանակում: Եվ մեկ ամիս անց «ռազմագերի շարքային Շտերեր Մաքսիմիլիան» ընդգրկվեց փոխանակման կարգով Ռուսաստան ուղարկվող խմբակազմում:

Տարրական թվաբանական խնդիր կա, որը սկսվում է այսպես. «Քանի՞ պտույտ կանի անիվը, եթե տարածությունը...»: թվում էր՝ տռնիները մտախոհ ճոռացնող, թափարգելները ճակատ ճակատի ճոճող գնացքը տարածությունը դանդաղ բաժանում է անիվների շրջագծերի վրա, գումարումը ստուգում հանումով եւ դանդաղ սողում առաջ ու հետ. չկար մի փակուղի ու ժանգոտած պահեստային գիծ, որտեղ չկանգներ՝ լուծելով իր խնդիրը: Սկզբում կայարանների տանիքները կլորանում էին, հետո նրանց երկանիստը սկսեց բացվել՝ սուր անկյունը փոխելով բուֆի. երկաթգիծը հատող մայրուղու ուղիղ թափավազքերի փոխարեն՝ ուղեփակոցի տակ սուզվող միջոցառային վերամբարձ ոլորաններ. Ռուսաստան: Շտերերի ապրանքատար վագոնի բովանդակությունը պարբերաբար հաշվառվում ու անվանականչվում էր. Շտերերն իրար ետեւից տասնվեց անգամ իր անվանն արձագանքեց «Ես եմ», տասնյոթերորդ անգամը չպատասխանեց: Դեռ նախօրեին, երկար փակուղում տեսական կայանումից հետո, փայտացած ձեռքերը երկինք պարզելով՝ Շտերերը գվվոց էր զգացել ականջներում, ասեղի պես մարմնով անցնող դողերոցը ու դառը համ՝ բերանում, աչքերում՝ մութ բծեր, իսկ հաջորդ օրվա երեկոյան շիկացած տապով բռնված մարմինը վագոնից պատզարակով տեղափոխեցին սանիտարական բարաք: Ախտորոշումն արագ ու սովորական էր. տիֆ:

VI

Նիվանդությունը կուզեր ավելի հեռուն գնալ՝ բարաքից՝ գերեզմանոց: Բայց ամուր սիրտը համառորեն դիմադրում էր՝ մարմինը փոսին չզիջելով: Տիֆի թույլը բարձրացավ ուղեղ. բծավոր տիֆի վեց շաբաթից հետո՝ հոգեվիճակի գործառնական խանգարման եւս մի քանի շաբաթ: Երբ վերջապես գիտակցությունը պարզվեց, եւ Շտերերը, նիհար ու մոմագույն, հավաքեց իրապարկը, որ շարունակի ճանապարհը, որը, նրան թվաց՝ չէր էլ սկսվել. կառամատույցի մոտով ձգվում էին գերմանական շարժակազմերը եւ ամենուր գեռում էր կապտագորշ մահուղը: Գերմանական ռեյխսվերը տեղաբաշխում էր իր գումարտակները՝ Ուկրաինայի՝ ձյան տակ քնած աշնանացանը կտրելով Ռուսաստանից:

Էլի օրեր ու օրեր պետք եղան, մինչեւ Շտերերը, վագոնի աստիճաններից իջնելով, գլխավերելում կտեսներ Բոյանսկի կայարանի երկար, կի-

սագլանածու ծածկը, որն ասես հսկա բարաքի տանիք լիներ: Իրապայուսակն ուսին զցելով՝ նա պարկերի ու թիկունքների ետեւից քայլեց դեպի քաղաք: Փողոցները դժգույն ու կեղտոտ էին, միայն տեղ-տեղ՝ դրոշների կարմիր կարկատաններ: Մայթերի երկայնքով կորացած անցող մարդկանց գլխավերեում՝ պաստառների ու կարգախոսների արշինանոց տառերը: Շտերերը, ոչ վաղուցվա հիվանդությունը ետեւից քարշ տալով, քայլում էր, դժվարությամբ բացելով կարկամած ծնկներն ու կնճռոտվում թոքերին իջնող օդի հարվածներից:

Ամենից առաջ՝ գտնել երդվյալ հավատարմատարին: Շտերերը բարձրացրեց աչքերն ու նայեց կապույտ թվանշաններին. աջից՝ կենտ, ձախից՝ զույգ: Նրբանցք. աջից՝ կենտ, ձախից՝ զույգ: Այստեղ է: Երկար շենք: Ու շքամուտքում, գանգի մերկ լարի կողքին՝ ուռուցիկ քառակուսի՝ սոսնձած թղթով: Շտերերը քերեց թուղթն, ու եղունգի տակից նախ հայտվեց՝ «երդվ», հետո՝ «հավատարմ»՝ ազգանունը թողնելով սոսնձի տակ: Շտերերը քաշեց ազգանվան տիրոջ մոտ տանող դռան բռնակը: Բայց դուռը չէր բացվում: Մուտքը փակ էր: Պետք էր՝ բակի կողմից: Թակոցին սկզբում հարցով պատասխանեցին դռան միջով, հետո, շղթայիկը չհանելով, դուրս նայեցին: Ուղքերը կաճյակների մեջ թաղած, ոսկե ակնոցը վարդագույն քթին մարդը նույնիսկ չառաջարկեց վերարկուն հանել: Բաւայու երկու զնգուն պտույտով բացելով գրասեղանի դարակը՝ հանեց կտակի նոտարական քաղվածքն ու պարզեց ժառանգորդին:

- Թղթի մաքուր թերթը,- քաղաքավարի ժպտալով՝ ասաց նա,- մեր ժամանակներում ավելի թանկ արժի:

Եվ գրոնների պես կլոր արտահայտություններով հավատարմատարը բացատրեց, որ Հոկտեմբերի իրադարձությունները, որոնք բերել են բանկերի ազգայնացման, Շտերերին զրկում են ժառանգված գումարի իրավունքից, եւ, որ, իրավաբանորեն ասած, բոլոր ժառանգությունների միակ ժառանգորդը, այսպես ասած, ժողովուրդն է:

Տեսնելով հաճախորդի աղճատված դեմքը՝ հավատարմատարը կարեկցաբար տարածեց ձեռքերը. մի ամիս առաջ զուցե եւ հնարավոր լիներ հասցնել, այսպես ասած, դրամարկղի փակվող պատուհանիկի տակից, իսկ հիմա...

Եվ փաստաբանը, ճակատագրին հնազանդություն արտահայտելով, թե այցելուին հրաժեշտ տալով, կախեց գլուխը:

Շեմը հատելով՝ Շտերերը մի րոպեի չափ կանգնեց՝ թիկունքով դեպի ասնդղահարթակը, կողք քաշվեց՝ առաջ թողնելով աղբի դույլը, հետո

Միգրիզմունդ ԿՐԺԻԺԱՆՈՎԱԿԻ

ափը բազրիքով սահեցնելով, աստիճանների կտրուկ շրջադարձերով՝
ներքեւ, փողոց:

Նա հասկանում էր իրեն ասված բոլոր բառերն ու չէր հասկանում
իմաստները. ինչպե՞ս կարող է փոքրը ճանապարհը զիջել մեծին, ինչպե՞ս
կարող է նրանց փոքրիկ հեղափոխությունը խանգարել իր մեծին, որը
կրում է քունքերի արանքում, որը ամեն ինչից *վեր* է. ի՞նչ կարող են դրոշ-
ներ կախկիսած այդ մարդիկ, միայն վրեժ լուծել երեք-չորս հարյուրամյակ-
ներից ու կանչել ապագան. միայն կանչե՞ն: Իսկ ինքը - իր մեքենան -
մարդկությունը կնետի դարեր ու դարեր առաջ:

Կողքից, նեղ մայթով, մեջքը կարտոֆիլի պարկի տակ կորած, քարշ
եր գալիս մի պառավ կին: Ընդառաջ, բաժան-բաժան՝ գորշ փափախներ՝
աստղանշված կարմիրով, փոկերից կախ ընկած հրացաններն ու կարճա-
փողերը քսվում էին ձյանը:

Շտերերը դանդաղ գնում էր պատերի երկայնքով: Օդը քարի եւ ապա-
կու միջով դուրս ցցված խողովակների հարյուրավոր ծխաքուլաներով
փակում էր ճանապարհը: Թվում էր՝ տները դժվարությամբ ծուխ են շնչում
բազմաթիվ շնչափողերով: Ժամանակ առ ժամանակ այսուայնտեղ պա-
տերին կպած տառեր էին երեւում: Կանգ առնելով այդպիսի տեքստերից
մեկի առաջ՝ տեսավ, որ տողավերջերը կարճած ու ծածկված են բացա-
կանչական նշաններով.

ԿԵՅՅԵ ՍՈՎԵՏՆԵՐԻ ԻՇԽԱՆՈՒԹՅՈՒՆԸ

ԿԵՅՅԵ ԿԱՊԻՏԱԼԻՉՄԻ ԿՈՐԾԱՆՈՒՄԸ

Պաստառի խայտաբղետությունից հանկարծ ծուռտիկ տառերով
դուրս նայեց «ավանգարդ» բառը: Շտերերի կարկամած միտքը, կառչելով
տառանշաններից, նորից սկսեց շարժվել: Իր համար էլ աննկատ հայտն-
վեց տան առաջ, որտեղ ապրում էր այն մարդը, որին վստահվել էին մե-
քենայի որոշ մասեր: Բայց պարզվեց՝ մարդն արդեն չի ապրում այդտեղ
եւ ընդհանրապես չի ապրում: Շտերերը գտավ դռնապանին ու պահան-
ջեց իրեն հանձնել պահպանության տրված իրերը: Դռնապանը աղոտ
հիշում էր ինչ-որ երկու արկղերի մասին, որոնք կարծես ձեղնահարկ էր
տարել: Սակայն բանալու ետեւից Շտերերին ուղարկեց տնային կոմիտե:
Շտերերը չէր հասկանում դա ինչ է: Եվ վերջապես միայն երեկոյան նրան
հաջողվեց տանիքի տակ, փոշոտ հնոտու կոյտում գտնել իր արկղերը:
Երեւում էր, որ դրանք երկար շուռումուռ էին տվել՝ ծանր, երկաթակոփ
սնդուկի տակ խցկելուց առաջ. շերտաձողերը ճզմված ու կիսով պոկոտ-
ված էին, իսկ մտահղացման պարույրների նրբագույն հյուսվածքի մեջ
առնված փխրուն մասերը՝ ջարդված ու սպանված:

Շտերերը շինելին քսելով մաքրեց փոշոտ ասփն ու լուռ իջավ սանդուղքի կորով: Գիշերն արդեն մտել էր ներս: Եվ ո՛չ պատուհանները, ո՛չ լապտերների աղեղները լույսերով չէին պաշտպանվում նրանից: Միայն տեղ-տեղ, ապակիների պղտորությունից այն կողմ՝ նավթի ճրագների թույլ, գարշահոտ լույս: Շտերերը ճանապարհին ժամանակ առ ժամանակ պարեկախմբերի էր հանդիպում: Ոմանք բաց էին թողնում, մյուսները մախորկայի կրակը սահեցնում էին «փաստաթղթի» տողերով: Գիշերն անցկացրեց ինչ-որ փայտե առմուտքի տակ՝ ոտքերը տակը քաշած ու գլուխը հեռած թաղքապատ դռանը: Նոր օրվա առավոտից Շտերերն ու իր փատաթուղթը սկսեցին պտտվել երկար հերթերում, իսկ էլի երկու-երեք օր անց, փաստաթղթին փաստաթուղթ կցելով, նա տասնչորս արշին ստացավ Չաչատյեվյան երկու նրբանցքների խաչմերուկի շենքի չորրորդ հարկում:

Քառակուսի սենյակի բնակիչը չէր խոսում: Միակ բանը, որ հարեանները լսում էին նրանից, ոտնածայներն էին: Քառակուսի սենյակում ոտնածայներն անսպասելի էին հայտնվում, ավելի հաճախ՝ գիշերվա կեսին, ու ժամեր շարունակ անհամաչափ թխկոցով շարժվում ասես ակյունագծով:

Գուցե խորհրդավոր քառակուսու մարդը կարողանում էր ապրել նաեւ առանց... բայց ամեն կարգի *առանց*-ների ցանկը օրեցօր երկարում էր՝ դառնալով հարեանների կյանքը, բայց ոչ ոք իր *ես եմ* ու *կամ*-ից այն կողմ չէր նայում: Մարդիկ ծավարի հատիկներն էին հաշվում, եւ տառեխի նույն պոչը, ապուրից ապուր լող տալով, ոչ մի կերպ չէր կարողանում լողալ մինչեւ չզոյություն:

Մի անգամ,- արդեն զարնան կողմ էր, երբ քարերից արեւին ընդառաջ են սողում խոնավության աստղածեւ բծերը,- Շտերերի նիհար, բայց լայնուկր, մորուքի շեկ փերթերով կերպարանքը հայտնվեց մայրաքաղաքի ընդարձակ, երկշարք լուսամուտներով գրասենյակներից մեկում: Անկյուն անկյունի գրասեղանների արանքում կանգնած՝ նայում էր՝ ասես պատահական անծրեւից հետո աճած տարօրինակ, բազմոտիկ ու քառակուսի գլխիկներով սունկ լիներ: Հետո քայլ արեց դատարկ մահուդի ետեւում նստածներից մեկի կողմը: Շտերերի ձեռքին ընդամենը քառածալ թուղթ էր: Բայց սեղանի ետեւում նստած մարդը ձեռքն առավ երկականջ հեռախոսափողը, ասես ուզում էր պաշտպանվել նրանից.

- Կա՛րճ:

Շտերերը սկսեց.

- Ես առաջարկում եմ արշավանք դեպի ապագան: Օրերը շրջանցելով: Իմ գերզոնգրիտ բանածեւերը...

Միգիզմունդ ԿՐԺԻԺՄՆՈՎՄԿԻ

- Այդպե՛ն-այդպե՛ն: Այո՛: Տեսակավորո՞ւմ: Ընկեր Չաղյա՛պային:

- Ժամանակի հետախուզման արդյունքներից կախված՝ դուք կարող եք կամ զբաղեցնել ապագայի մատույցները, կամ...

- Չաղյա՛պա, դո՞ւ ես: Լսի՛ր, այսպիսի մի հարց կա: Անհապա՛ղ... այդ ո՞ր գրողի տարածն է անջատում: Այո՛:

Խոստողը աչքերը բարձրացրեց խնդրարկուի վրա, բայց տեսավ միայն դանդաղ հեռացող մեջքը:

Շտերերը նախասրահում մի անգամ էլ կայեց շուրջը: Ցեխոտ ոտնամաններով տրորված մարմարե սանդուղք: Սանդղահարթակին՝ ժամպահ՝ սվինին հագցրած անցաթղթերով եւ չսափրված ու հոգևած, ազդրերին սեղմված կոլտերով մի խումբ մարդիկ: Աստիճանագլխից փողոց կայող զևղացիք:

Սպասե՛լ: Նորի՛ց սպասե՛լ:

Շտերերը ատամները սեղմած քայլում էր նույն հնազանդ, միլիոնավոր անիվներից ու կրունկներից ծեծված փողոցների երկարությամբ: Օրացուցային օրերը,- նա հստակ տեսնում էր,- իրար ետեւից, երկար ու տաղտկալի շարանով հազնում էին սվինի եռանկյունուն:

Հետագայում Շտերերը չէր սիրում հիշել անցումը Սովյալ տափաստանի 700 օրերով, ինչպես անվանում էր այդ շրջանը: Կենսագիրը լռում է դրա մասին, եթե չհաշվենք մի քանի ենթադրություններն այն մասին, թե Շտերերն ինչպես էր կարողանում շրջանցել գերեզմանի փոսը: Կարծես թե որոշ ժամանակ պահակ էր աշխատել Մոսկվայի արվարձանային պահեստներից մեկում՝ բարեխճորեն հսկելով տարատեսակ կողպեքներով պահպանվող դատարկությունը: Հետո... բայց կարելու է մեկ բան. ուղեղում նստած գաղափարն ու գանգատուփում նստած ուղեղը պահպանվել էին, եւ միայն մտքատուփի վրա պրկված մաշկն էր տեղ-տեղ կնճռոտվել ու կպել ոսկորներին:

VII

Դա տեղի ունեցավ Մոսկվայի համար հազվագյուտ օրերից մի օր, երբ երկինքը կլոր կապույտ առաստաղ է՝ սպիտակ ամպերի զարդանախշով: Չնայած՝ մայթով քայլող անցորդին երկնքի գունավորումը հետաքրքրում էր ոչ ավելի, քան հենց նոր ետեւում թողած իր սենյակի քառակուսի առաստաղի փոշին ու սարդոստայնը: Քայլում էր գլխովին իր մտքերի մեջ թաղված, մեկ հանկարծ կանգ էր առնում նրանց հետ միասին, մեկ շարունակում ճանապարհը տեղից պրկված սիլոգիզմի ետեւից: Խնդիրն ակն-

հայտորեն ծանր ու կպչուն էր, որովհետև քայլերը դանդաղ էին, եւ ներբանները ավելի շատ ժամանակ էին տալիս քարին, քան օդին: Հանդիպողներից ոմանք գուցե եւ ժպտային քայլքի այդ տարօրինակ եղանակի վրա, բայց ջինջ կապտաճերմակ օրն արդեն խլել էր բոլոր ժպիտները:

Այնպես պատահեց, որ տախտակի թեթեւ հրումը ծնկին համընկավ ինչ-որ տրամաբանական պատի, որին իր շարժման ընթացքում բախվել էր միտքը: Ներբաններն ակնթարթորեն կանգ առան, եւ խորհողը միանգամից չընկալեց թե՛ տախտակը, թե՛ ինչ-որ մեկի բղավոցը. «Ո՛ր: Ո՛ր ես խցկվում»: Թանի որ բղավոցը խանգարում էր ավարտել միտքը, պետք էր հեռանալ նրանից: Անցորդը քայլ արեց, բայց քայլն անհաջող էր. հողը, կառչելով ներբանից, առաջ չէր թողնում նրան: Շտերերը նայեց ու տեսավ, որ աջ ոտքը մինչեւ կոճր թաղվել է դեռ չսառած ասֆալտի մեջ: Ավելի ուժեղ քաշեց ոտքը, որը քայլ արեց՝ հետը տանելով անհեթեթ ասֆալտե ոտնամանը:

Բանվորների հայիոյանքի ու միջադեպով հրապուրված տղեկների ուրախ սուլոցի ուղեկցությամբ Շտերերը շարունակեց ճանապարհը, բայց ոտքերի անհավասարակշռության զգացողությունը խախտում էր մտքերի հավասարակշռությունը: Դրա հետ մեկտեղ, գետնից կարելի էր նաեւ այլ նենգություններ սպասել: Շտերերը հիմա քայլում էր ուշադիր մայթին նայելով: Եվ եթե այդ հանգամանքը չլիներ, ապա երեւի չէր կայանա նաեւ զույգ աչքերի ու լաքած բութքի լոփ-նոր կոշիկների հանդիպումը: Կոշիկները, սեւ լաքը գործնական շողացնելով, հայտնվեցին Շտերերի տեսադաշտում, եւ զուգորդումն անմիջապես լաքը ջնջելով՝ ի ցույց դրեց գորշ թաղիքը: Շտերերը կոշիկներից աչքերը տարավ գլխին ու տեսավ դեմքին թառած կլոր ոսկեշրջանակ ակնոցը. նրա նախկին հավատարմատարն էր, որի կաճյակները փափուկ հետուառաջ անելով, Մոսկվա վերադառնալու առաջին օրը դատավճիռ էին կարդացել Շտերերին: Հայտնի չէ՝ ճանաչե՞ց իր հաճախորդին լաքած կոշիկների տերը, հայտնի է միայն, որ լաքած կոշիկները, որ համարյա դեմ էին առել ոտնաթաթի շուրջը այլանդակ ասֆալտե գուղձին թոկով կապկպած կաշվե ցեցոտում, հետ քաշեցին իրենց քթերն ու արագացրին քայլը:

Ասե՛ք, Շտերերը բարեւի կարիք չուներ: Նրան ընդամենը պետք էր գաղտնագերծել փաստը, ավելի ճիշտ՝ ամբողջացնել փաստերի շղթան. կաճյակներ - երեք տարի կոշկափոխությանը - եւ ահա... կոշիկներին կպած ասֆալտի գուղձը, որ դեռ չէր քարացել, համառորեն վերադարձնում էր հանդիպման արկածին: Եվ Շտերերն ակնթարթորեն ձգեց ամ-

Միգիզմունդ ԿՐԺԻԺՄՆՈՎՍԿԻ

բողջացվող շարքը. եթե ներբանի տակ թաղիք չէ, այլ կաշի, ինչպես առաջ, ուրեմն կաշվի տակ էլ ոչ թե ցեխ ու փոսեր են, այլ հարթ ասֆալտ. բայց եթե այդպես է, նշանակում է՝ ոչ միայն մայթերին, այլև մայթերից վեր, հնարավոր է նույնիսկ գլուխների բարձրության վրա, գուցե եւ անգամ գլուխներում... Եւ Շտերերը, բիբերը բարձրացնելով, ուշադիր ու զգույշ՝ այդ տարիների ընթացքում երեւի առաջին անգամ նայեց շուրջը:

Կարկատած ապակիներից վեր գլխարկագործն ու ժամագործը կարմիր գծով կիսել էին ցուցանակի թիթեղը: Խաչմերուկում՝ ժանգոտած կաթսայում, պտտածեւ բարձացող գոլորշու տակ, եփվում էր լոր մայթը: Լուսանկարիչը վտիտ ակացիային էր կապել կապտաճերմակ լեռնաշղթան: Սլաքով հատված սկավառակի գլխին՝ սեւ տառերով՝ «Ուժը մարդու գեղեցկությունն է»: Քարե խորշի տակից, թղթի կույտ կազմած, լորից կուսակներով դեպի կյանքն էին մղվում գրքերը: Ասես կեղանքի տակից, այս ու այնտեղ, նշմարներով՝ քաղաքի լորացած վերնամաշկը:

Վերադառնալով տուն՝ Շտերերը փնտրեց-գտավ քառածալ թուղթը: Տառերը հասցրել էին խունանալ, տեքստը նույնպես հեղինակին բավականաչափ հիմնավոր ու հստակ չէր թվում: Լորից սկսեց գրել: Հաջորդ օրը նախագիծն ու նախահաշիվը՝ եզրույթների ու թվերի չոր հյուսք, պատրաստ էին: Եվ Շտերերը դրանք լորից մարմարե սանդուղքներով բարձրացրեց երկշարք պատուհաններով բազմասեղան սրահը: Բայց հիմա արդեն աստիճանները շրջանցելով վերեւ էր սողում անաղմուկ վերելակը, իսկ սեղանները դասավորված էին կանոնավոր եռագիծ շարքով ու ծանրացած՝ թղթապանակների տրցակներով: Դռներից այն կողմ խոտերի մեջ թաքնված ծղրիղների պես ճթճում էին գրամեքենաները: Հաստ գրանցամատյանի առաջ ձգվել էր հերթը:

Շտերերը կանգնեց վերջին մեջքի ետևում: Մեջքը տարիներից մի փոքր կանաչած սեւ էր հագել, օձիքին՝ խունացած եզրաշերտ: Հաջորդ վայրկյանին տեսավ նաեւ մաշված մորթե երիզը, քանի որ օձիքն աշխույժ դարձավ լորեկի կողմը:

- Մինչեւ հերթդ հասնի՝,- հոգոց հանեց եզրաշերտը՝ արծաթե բեղերի արանքով ժպիտ քամելով:- Ես, ահա, վեցերորդ անգամն եմ: Ուզում եմ տոտեսական զողիչ արտոնագրել: Իսկ ձե՞րն ինչ է:

- Ժամանակահատ,- կտրեց Շտերերը:
- Դա ինչպե՞ս հասկանալ:
- Ձեզ համար հասկանալը պարտադիր չէ:
- Հերթը մի արշին էլ առաջացավ:

- Ժամանակ-ժամադակիչ-սառցահատ-ժամանակահատ,- քրթմնջում էր կանաչաձ ոճիքը, ու Շտերերը հանկարծ աչքերից մի ֆուտի վրա նորից տեսավ արծաթ բեղերը, որոնց տակ արդեն ժպիտ չկար:- դա ի՞նչ է: Տրանզիտ ժամանակի միջո՞վ: Թե՞...

Շտերերը չէր պատասխանում: Բայց կանաչաձը հասցրեց նայել նրա ճակատի տակ.

- Իսկ ձեր մեքենան, չգիտեմ էլ ինչպես անվանեմ, հետընթաց ունի՞:

- Այո՞:

- Շա՛տ հետարքիր է: Եթե միայն դա...,- ու հարեանի աչքերը համարյա կիպ մոտեցան,- լսե՞ք, մի կողմ քաշվենք, թե չէ, որեւէ ավելորդ ականջ եւ...

Շտերերը տեղից չարժվեց:

- Ձեզ ինչքա՞ն է հարկավոր: Գումարն ասեք: Այստեղ, մեկ է, ոչնչի չեք հասնի, իսկ եթե հասնեք էլ... թե՞ շատ ավելորդ ժամանակ ունեք:

Վերջին փաստարկն ազդեց: Անսպասելի մեկենասի առաջ սանդղահարթակին կանգնած՝ Շտերերը բացեց իր թերթիկները: Կանաչաձի աչքերը հասցրին սահել միայն մինչեւ տեքստի կեսը, երբ Շտերերը հավաքեց թերթիկներն ու աստիճաններով իջավ ներքեւ: Բայց խուճապով եզրաշերտը կրկնակոխ հետեւում էր նրան.

- Ես ամեն ինչ չեմ հասկանում, բայց... զգում եմ, որ իմաստի հոտ է գալիս: Կարճ ասած, ինձ՝ երկաթուղային ինժեներին, որը միայն իր փայտակոճերն ու զծերը գիտի... ձեր վերժամանակային երթուղիները, ինչպես, ահա, բարեհաճում եք գրել, անհաղթահարելի են իմ փոքրիկ խելքի համար: Բայց, եթե ոչ մտքով, ապա՝ հոտառությամբ: Այ՛ ձեզ կձանոթացնեմ Պավել Ելպիդիֆորովիչի հետ... Խորհրդակցեք, եւ եթե այդ ամենը փուչիկ չի, ապա... Գիտե՞ք, ձեր ճակատը զարմանալի ձեւ ունի: Միանգամից նկատեցի:

Չորս օր անց, հանպատրաստի նիստի պես մի բան տեղի ունեցավ: Երկաթուղային ինժեները Շտերերին հետևասանդուղով բարձրացրեց մի նեղ ու երկար սենյակ: Շտերերի ափը հանդիպեց վեց ձեռքսեղմման: Դեմքերը միանգամից չտեսավ. սենյակում գաղտնապահական աղջամուղջ էր: Առաջինը խոսեց լուսամուտագոգին նստած եւ ասես դեղին մայրամուտին թիկնած մարդը.

- Պարո՛ն Շտերեր, դուք գաղափարի միայն մի մասն եք հայտնել, մենք հավաքել ենք գումարի միայն մի մասը: Բայց եթե մինչեւ վերջ ապացուցեք սխեմայի ճշտությունը, մեզ համար, այսինքն՝ ինձ համար բացեք բոլոր իքսերը, ապա մենք էլ մեր հերթին...

Միգիզմունդ ԿՐԺԻԺՄՆՈՎՄԿԻ

Շտերերը աչքերը հառեց բառերն արտաբերող մութ ձվածիրին.

- Ես ավելի հեշտ կապացուցեմ մտքերիս ճշտությունը, քան դուք՝ որ չեք գողանա դրանք: Առաջարկում եմ սկսել դժվարինից:

- Պարոնայք, պարոնայք,- իրար անցավ աղջամուղջում ամբողջովին լուծված խուն եզրաշերտը,- ինչո՞ւ այդպես միանգամից ճակատ ճակատի: Պա՛վել Ելպիդիֆորովիչ, թույլ տվե՛ք՝ ես: Այստեղ հավաքվել են բաժնետիրական ընկերության առաջին փայատերերը... այսպես ասած՝ ձեր հանդեպ հավատի հիմքի վրա: Խնդրեմ, նկատի ունենալով գաղտնիքի հանդեպ գյուտարարի իրավունքը՝ մենք պատրաստ ենք զնել, այսպես ասած, ձեռնարկի ուրվագիծը: Մեկ էլ տեսար՝ ստացվեց: Ձերո՞ գերագանցություն, պտտեք անջատիչն, ու եկեք քննարկենք նախահաշիվը:

Լուսամփոփը կանաչ լույս նետեց: Լուսամուտագոգի ձվածիր դեմքը, բերանի անկյունը դողացնելով, կորից խոսեց.

- Մեզ պետք է հնարավորինս էժան ու դրա հետ միասին, երկու կամ երեք տեղանոց մեքենա, որը մեզ կկարողանար հասցնել, դե, ասենք...

- Առավելագույնը՝ մինչև 1861 թվականը, գուցե էլի մի տասը տարի ու վերջ: Կամ էլ չի՞ հասցնի, շունչը կփչի՞, հը՞,- լամպի լարի ծայրին, պատի տակ պոռթկաց ինչ-որ ձայն:

Շտերերը զլուխը դարձրեց ձայնի կողմը. երկու ուրախ, բզի նման սուր բիբեր՝ կախված ակնապարկերի միջով. օձիքով պրկված կարմիր դեմքին՝ բութ, բայց ջանադիր ածելու հետքեր:

- Մի ընդհատեք, գեներա՛լ,- եւ լուսամուտագոգի մարդը փորձեց շարունակել:

- Դուք ինձ վարձում եք, ինչպես կառապան կվարձեիք,- նետեց Շտերերը:

Մի րոպեի չափ լռություն տիրեց: Հետո երկաթուղային ինժեները, աչքը չկտրելով Շտերերի հոնքերն իրար բերած կնճիռից՝ մի հարյուրի չափ բառ ծախսեց այդ լռությունը հարթելու վրա: Դա նրան այնքան էլ չէր հաջողվում: Նախահաշիվի մասին հարցերին Շտերերը պատասխանում էր չոր թվերով. երկտեղանի ժամանակահատը ծախսերի 50% բարձրացում կպահանջի: Հանկարծ լսողության մեջ խրվելով՝ ինչե՞ց սուր ձայնը.

- Ես ոչ մի գրոշ ավել չեմ տա ձեզ: Ես ձեզ տվել եմ ամեն ինչ. արծաթյա սպասքս, ժանյակներս, կախազարդս, աղամանդե ականջօղերս: Այլևս՝ ոչ մի կարատ: Լա՛վ, ասենք ինձ հասցրի՞ք անցյալ, այնտեղ ի՞նչ եմ հազնելու, սեփական մա՛շկս:

- Կնկան դրախտ թողիր, կովն էլ հետը կբերի: Հասկացե՛ք, ախր, տի-

կին, որ բավական է հետ գնալ ընդամենը մի տասը տարի, եւ ձեզ կվերադարձնեն ձեր բոլոր...

- Իսկ այնտեղ,- գեներալական բասի մեջ մխրճվեց երկաթուղային ինժեների ձայնը,- անշարժ գույքը դարձնել փող, փողը՝ արտասահման, ու մենք էլ՝ ետեւից: Եվ այնտեղից, «Սատեններով» ու «Թայմներով», այս ամբողջ գրողի տարած հեղափոխությունը՝ հանգիստ՝ հեռադիտակով. ինչպես ասում էր Լուկրեցիոս Կարոսը. «Հաճելի է ափիս նստած հետեւել ուրիշի կործանմանը կատաղի ալիքների մեջ»:

Ի վերջո հաջողվեց համոզել կամակոր փայտափրոջը:

- Լա՛վ: Բայց մի պայմանով. ես առաջինն եմ:

- Ինչո՞ւ:

- Շատ պարզ. իմ անցյալն ինձ իրավունք է տալիս...

- Եթե այդպես է,- անկյունում իրար անցավ աչքերը կապույտ ապակիների տակ թաքցրած ճաղատ մարդը,- եթե դրան գնաց, իմ անցյալն ավելի անցյալ է:

Խոսքը խաչվեց խոսքին: Բայց այդ պահին Շտերերը կտրուկ հետ քաշեց աթոռն ու շուկվեց: Վեճը լռեց: Շտերերը դուրս եկավ նախասենյակ՝ մթան մեջ մուտքի դուռը փակելով: Բայց անմիջապես նրա կողքին հայտնվեց երկաթուղային ինժեները, բռնեց աղմուկն ու արմունկն ու սկսեց ականջին բացատրող-հայցող բառեր շնչալ: Միասին իջան նեղ սանդուղքով: Հարցերն ավելի շատ էին, քան աստիճանները: Պատասխաններ չէին հետեւում: Եվ միայն վերջին աստիճանին, ձեռքը՝ երկու քրտնած ափերի արանքում, Շտերերը վերջապես ասաց.

- Մեկ է:

Ափերը թողեցին ձեռքը:

Հայտնվելով իրիկնային մայթին՝ Շտերերը խոր շունչ քաշեց՝ մինչեւ ամենախոր թոքաբշտիկները, ու հետ գցեց գլուխը. Երկնքից հազարավոր կկոցված զմրուխտյա բիբեր ուշադիր նայում էին երկրին:

VIII

Չաչատյեյան նրբանցքի քառակուսու մեջ առնված ու քառակուսու շուրջը նկարագրված կյանքերը ոչ մի կերպ չէին խաչվում: Միակ բանը, որ նկատելի էին պատկից հարեւանները, ոտնաձայների փոփոխությունն էր քառակուսու ներսում. ավելի կամացուկ ու խուլ էին դարձել: Եթե դրան գումարենք նաեւ եզրաշերտը վզին, ինչ-որ տոպրակներ թելի տակ, հապճեպ քառակուսու ներսն անցնող ինչ-որ մարդու անկանոն այցերը, ապա

Միգիզմունդ ԿՐԺԻԺՄՆՈՎԱԿԻ

դա այն ամենն էր, որ իրենց հիշողություններից կարող էին թափ տալ, նույնիսկ հիշողությանն ուժեղագույն հարվածներ ստանալու դեպքում, չորրորդ հարկի բնականի կենվորները:

Ասե՛ք, հիշողություններն էլ դրա ժամանակը չունեին. անձնական թերթիկների հետ կոփվ տալով՝ տուփերում դասավորում էին՝ 1905-թվականից մինչև 1914, 1914-ից մինչև 1917, 1917-ից մինչև, ու դարձյալ՝ ից ու մինչև, հե՛շտ է ասել, իրենց կյանքը. հապճեպ հիշողության մեջ էին խցկում, մոռանում, վերասերտում իրենց անցյալն ու թերթերի թարմ համարներով ամրագրում ներկան:

Իսկ այդ ընթացքում հենց նրանց կողքին նախապատրաստվում էր մեքենայի մեկնարկը, որի ընթացքի առաջին տակտի հետ մինչ ու հետոյի բոլոր տուփերը դետուղեն էին թռչելու, եւ անցյալն ու ներկան վերածվելու էին նույն փողոցի երկու մայթերի, որոնցով կարելի էր քայլել եւ՛ անցյալով, եւ՛ ներկայով. ում ինչպես հարմար է:

Հիմա ոչինչ չէր խանգարում Շտերերի աշխատանքին: Բազում անգամներ մտքով գտված մեքենան այնքան տրամաբանական ու ավարտուն տեսք էր ստացել, որ նրա իրականացումը շատ ավելի փոքր ջանքեր էր պահանջում, քան մատերիայի հետ Շտերերի սխեմայի առաջին հանդիպմանը: Թվում էր՝ իրականացումից այդքան տեսական ժամանակ բաժանված գաղափարն ինքն է մատներից թռչում էլեկտրոնային ուղեծիրների հյուսվածքների մեջ, փոխարկում միջուկային կցվածքները՝ գաղտնուդի բացելով հարյուրամյակից հարյուրամյակ: Նյութերի հարցը դժվար էր: Բայց ճարպիկ ու փորձառու եզրաշերտը, չգիտես ինչպես, ամեն ինչ ճարում էր: Շտերերը պահանջել էր, որ մինչև ավարտելը ոչ ոք քիթը չխոթի աշխատանքի մեջ: Նրա յուրաքանչյուր բառին հնազանդ՝ կանաչաձր միայն երկու քայլ էր անում շեմից ներս, այն էլ՝ ոտքերի ծայրերին. «Չէ՛, չէ՛, միայն աչք աձեմ, սրբազան հո՛ւր, նույնիսկ սարսափելի է, չէ՛, չէ՛, գնացի՛, գնացի՛, այլես ոչ մի վայրկյան չեմ համարձակվի», - ու ձեռքերը թռիչքի պատրաստվող թռչունի պես թափահարելով՝ անհետանում էր կամացուկ փակվող դռան ետևում: Բայց մի անգամ այցելուն խախտեց քայլերի ու վայրկյանների հաշիվը: Կռանալով դժկամությամբ գործից կտրված Շտերերի ականջին՝ շնչաց. «Իվան Ելպիդիֆորովիչի գործերը վատ են: Փնտրում են նրան: Այլես ոչ մի կերպ չի կարելի մնալ ներկայում: Հնարավո՞ր է ինչ-որ կերպ անավարտ մեքենայով: Կկործանվի՞ մարդը: Իսկ հետո էլ, թե՛լ առ թե՛լ, հասկանո՞ւմ եք»: Այս անգամ այցելուն աչք աձելու խնդրանքի պետք չունեւր, Շտերերն ինքը նայեց նրան: Եվ կանաչաձր հետ-

հետ գնալով՝ մեջքով բացեց դուռն ու անհետացավ անծայն պատին սեղմված փեղկից այն կողմ: Շտերերն անմիջապես մոռանալով հյուրի ե՛ր դեմքը, ե՛ր բառերը՝ շարունակեց աշխատանքը:

Դրանից հետո բավական երկար օրեր անցան, եւ ոչ մի բառ չէր խուժում կենդանություն առնող կառույցի ցածր, խուլ, ապակյա շրշյունների մեջ: Շտերերը ստուգում էր կարգավորիչները եւ ուշադիր լսում պարապ ընթացքով աշխատող մեքենայի զարկերակը: Այդ ամբողջ օրը անծրեւի կաթիլները կտկտում էին ապակուն, երեկոյան կողմ տանիքի վրայով կորացավ զույնզույն ծիածանը, իսկ երբ իջավ գիշերը, ցրտեց, եւ պատուհանները, լռելով, այդպես էլ չբացեցին ապակիները:

Քառակուսուն հարող քառանկյան բնակչի կոկորդը խոնավությունից հիվանդացավ, ու սուր գալարներ գծվեցին ատամնաշապիկի տակ: Բնակիչը, ծանր շնչելով բարձի մեջ, լսում էր պատի ետեւից եկող քայլերի ձայնն ու կոլ տալիս թթվահամ թուքը: Վտո քայլերը դադարեցին: Ցավը շարունակում էր գծել իր գալարները: Եվ հանկարծ պատի միջով չոր ու կարճ քամի անցավ թեթեւ, բայց զնգուն ծփանք ու փախչող կոտորված ծակոցներ. ասես հարյուրավոր կարկիներ սրածայր ոտիկներով սահելով ապակու վրայով՝ շառավիղներով հեռանում էին իրարից: Վտո ամեն ինչ լռեց, ու միայն քունքի մեջ հստակ կտկտում էր ինչ-որ բան՝ փափուկ արծազանքելով ականջներում: Ցավն անհետացավ: Բնակիչը գլխին քաշեց ծածկոցը, ու հաջորդ պահին ուղեղի բջիջները քուն մտան:

Առավոտյան քառակուսի սենյակը տարօրինակ կերպով լուռ էր: Կեսօրվա կողմ հնչեց դռան զանգը. մի երկար ու երկու կարճ: Քառակուսի սենյակը, որին վերաբերում էր այդ զանգահարությունը, չարձագանքեց: Եվ նորից. երկար ու երկու կարճ: Դադար: Եվ նորից. գվվացող գծիկ ու երկու կետ: Քառակուսին լուռ էր: Այտը կապած հարեանը, ոտքերից ընկնող ոտնամանները քստքստացնելով հասավ դռանն ու հանեց շղթայիկը. դիմացը հարգալիր օրորվող եզրաշերտը ծանոթ էր, բայց ծանրամարմին, սպայական ձեւվածքի գորշ մահուդով կերպարանքը, որ դեմքը թաքցնում էր բարձրացրած օձիքի տակ, նրան այնքան էլ հասկանալի չթվաց: Քառակուսու հարեանը հապաղեց՝ ուշադիր զննելով այցելուին: Չույզը, կիսամութ նախասենյակը կտրելով, կանգ առավ Շտերերի դռան առաջ: Սկզբում եզրաշերտը ցուցամատի կոճիկով մանրիկ թխկթխկացրեց դռանը. սենյակը լուռ էր, ցուցամատի թխկոցին միացավ միջնամատի ծավվածքը, մի վայրկյան սպասում, ու հանկարծ դռան վրա իջավ երկրորդ այցելուի բռունցքը, դուռը վնգաց, բայց ներսից ոչ ոք չարձագանքեց: Եզ-

Միգիզմունդ ԿՐԺԻԺԱՆՈՎԱԿԻ

րաշերտված վիզը կոացավ բանալու անցքի վրա, հետ քաշվեց ու շրշաց. «Բանալին այնտեղ, ուրեմս...», - ու մեղմ քերծելով դուռը, կամացուկ, ասես եթե ուզենար ձայնը տեղավորել անցքի մեջ. «Մաքսիմիլիան Ֆյոդորովիչ, ախր մենք ենք, մերոնքական, ինչպես պայմանավորվել էինք...»:

Դուռը շարունակում էր փակ պահել մուտքը: Փոխարենը բացվեցին հարեան երկու փեղկերը: Հետաքրքրասեր քթեր կայեցին դուրս, եւ ինչ-որ մեկը արտաբերեց «միլիցիա» բառը: Եզրաշերտի ուղեկիցը օձիքը քաշեց մինչեւ աչքերն ու բուբ կոշկաքթերը դարձրեց դեպի ելքը: Բայց մաշված եզրաշերտը, դրան խուլ տախտակների ափիփելով, շարունակում էր քսվել բանալու անցքին: Հինգ րոպե էլ չէր անցել, երբ կողպեքը շիկաց, ու դուռը, բացվելով, մեկ դյուժին աչքերին ի ցույց դրեց սենյակի քառակուսին: Ձախ պատի տակ՝ հատակի տախտակների երկայնքով ձգված ներքնակ, աջ անկյունում՝ գրքերի տրցակ՝ վրան ծանր արկո, որից դուրս էին ցցվել սրվակների դատարկ կոկորդները, հենց պատուհանի տակ՝ չներկած սեղան՝ ծածկված ինչ-որ հեղուկների խայտաբղետ բծերով: Բծերից բացի մի բան էլ կար սեղանին, որն իրեն ձգեց բիբերի ողջ դյուժինը. մոմակալ էր, որի ակնախոռոչը կուրացուցից դեղին կրակ էր թարթում: Ներս մտածները նորից աչքերով խուզարկեցին դատարկությունը. մոմը վառած մարդը չկար: Կապած ծնոտով հարեանը մատներով դիպավ ջարդված կողպեքից ցցված բանալուն. ներսում փակված մարդու հետքն անգամ չկար: Միլիցիները, մատիտի ծայրը թըռտելով, անցավ արձանագրություն կազմելուն, բայց չգիտեր՝ ինչից սկսել: Այդ ընթացքում դեղին կրակը թարթեց վերջին անգամ ու մարեց:

Չկայացած ճամփորդության ուղեւորների հանդիպումը կարճ ու անարդյունք էր: Նրանք նման էին մարդկանց, որոնց կողով սլացել-անցել էին ճեպընթաց գնացքի լուսավորված պատուհանները՝ խավարից խավար: Մաշված եզրաշերտը կատարելապես ոչնչացած էր թվում. կանաչը վերարկուից անցել էր դեմքին, բեղերը ջղածգորեն ցնցվում էին. «Ո՞վ կմտածեր, ո՞վ...»:

- Դո՛ւք,- կոշտ ստեղծ ճոնչաց օձիք-գետերալը,- դո՛ւք էիք հորինել՝ «գյուտարար, հանճար», վերցնել փողերն ու փախչել՝ շա՛տ հին գյուտ է:

- Թող վերադարձնեն իմ ադամանդները:

- Իհարկե, ադամանդներն էլ: Պետք է բռնել այդ խարդախին: Գնացե՛ք ՍՈՒՌ ու...

- Ողորմա՛ծ տեր: Ես ՍՈՒՌ գնացող չեմ: Ինքներդ գնացե՛ք ու կայե՛ք, որ...

Ու խոսակցությունը մարեց: Ճիշտ է, դեռ շատ չար, իրար նեղացնող բառեր եղան, բայց արդեն ոչ մի ուժ չունեին:

Չաչատյեյան նրբանցի դատարկ քառակուսին, բնականաբար, շուտով զրկվեց իր դատարկությունից: Անհասկանալի մոմակալը դեռ լրիվ չէր սառել, երբ արդեն ոտքերը ճզճզացնելով սենյակ մտավ ինչ-որ մեկի մահճակալը, մեխերից կառչած՝ պատին բարձրացավ դարակը: Մոսկվան՝ այդ հսկա, տափակած մարդանոցը, անմիջապես խցկվեց այդ դատարկ արշիների մեջ՝ հանձին հանդարտաքայլ ու սափրադեմ, կորված մեջքով ու արմունկին սերտաճած պորտֆելով մարդու:

Նոր կենվորը, որը օրդերը փոխանակել էր քառակուսով, քիչ էր հետաքրքրվում իր կացարանով: Առավոտից ու մինչեւ մթին գիշեր պորտֆելը նրան տանում էր նիստից նիստ, թղթապանակից թղթապանակ, «համարակալած գործերից»՝ «գործերի»: Երեկոյան պորտֆելը փքվում էր, իսկ պորտֆելակիրը տափակում ու դժվարությամբ հաղթահարելով չորս հարկը՝ աջակցություն էր խնդրում իր մահճակալի չորս ոտքերից: Նրա ժամանակը այնքան ճշգրիտ էր բաշխված ներկայությունների բացակայության ու բացակա ներկայության միջեւ, եթե միայն այդպես կարելի է կոչել խոր, լրիվ անջատող քունը, որ կենվորը միանգամից չնկատեց մի աննշան, բայց համենայնդեպս տարօրինակ երեւոյթ, որը որոշակի լուրջություն ու լսողության լարում էր պահանջում: Նոր կենվորն այդ երեւոյթը հայտնաբերեց նոյեմբերի 7-ից 8-ի գիշերը: Այդ օրը պորտֆելը,- որքան էլ տարօրինակ է,- մենակ էր թողել մարդուն: Մարդը վերադարձավ մթնշաղին ու ծոծրակն ափերին՝ պառկեց անկողնու: Պատերից այն կողմ լուրջություն էր տոնը մարդկանց տարել էր ակումբներ ու թատրոններ: Կենվորը, աչքերը փակելով, շարունակում էր տեսնել դրոշների հորդող գետը, բազմահազարանոց ամբոխի ծփանքը, ու հանկարծ զգաց, որ ցածր, արտակարգ ցածր, բայց համաչափ ու հստակ ձայն է լսում: Սկզբում ձայնը թույլ էր եւ ասես սահում էր դեռ ուղեղում աղմկող օրվա եզրով, անցքերի կետագծով բացվող ժապավենի երկարությամբ, բայց հետո, առարկայանալով, ձայնը կտրուկ ու հստակ դարձավ, եւ մարդը, նստելով անկողնում, պարզորոշ տեղայնացրեց այն. մեքենայական համաչափ, օղը ծակող ապակյա հնչյունները զալիս էին թե սենյակի խորանարդը լցրած աղջամուղջի կենտրոնից, թե սեղանի գլխից, թե մի արշին աջից: Կենվորը ոտքերը կախեց մահճակալից եւ արդեն ուզում էր քայլ անել երեւոյթի կողմը, երբ մուտքի դուռը շխկաց, հարեանների ոտքերը թփթփացին միջանցքում, ու փխ-

Միգիզմունդ ԿՐԺԻԺՄՆՈՎԱԿԻ

րուն, լսելիության սահմանին գտնվող ձայնը սկսվեց: Սակայն քառակուսու բնակիչը, չգիտես ինչու տագնապած այդ, թվում է, դատարկ բանից, որոշեց համենայնդեպս հսկել այդ դատարկ բանն ու կրկին ստուգեց զգացողությունը: Այդ նույն գիշեր, երբ տունը խաղաղվեց ու լռությունը փակվեց քառակուսու շուրջը, մարդը ականջը կտրեց բարձից ու սկսեց ականջ դնել. ականջներում հնչող մահճակալի ճռռոցը սկզբում խանգարում էր, սակայն աստիճանաբար խաղաղվող արյան միջով սկսեց կետագծվել կամացուկ, բայց հստակ հաշվարկը: Բնակիչը տառապեց ողջ գիշեր եւ էլի մի գիշեր: Հետո դիմեց բժշկի: Սեւ փողը լսեց սիրտն ու շնչառությունը, բժշկական ափի կողը ստուգեց ծնկային ռեֆլեքսը, եւ այցելուին առաջարկվեց հիշել հոր, պապի ու նախապապի հիվանդությունները: Ափը, մատները կեռելով գրչակոթի վրա, բրոմ նշանակեց, գնաց ձեռքսեղմման ու թղթադրամը դրեց գրպանը:

Բրոմը չհաղթեց երեսույթին: Կետգծային ծակող ձայնը, սպասելով, որ լռություն տիրի, անմիջապես հայտնվում էր նույն միալար մեքենայական հստակությամբ: Բնակիչը սկսեց խուսափել լռության հաշվիչի հետ հանդիպումներից: Անընդմեջ երկու-երեք գիշեր, պատրվակներ գտնելով, անցկացրեց ծառայակցի մոտ եւ, վերջապես, այլեւս չկարողանալով որեւէ նոր բան հորինել, պատմեց լռության հաշվիչի մասին: Ծառայակիցը սկզբում ձգեց հոնքերը, հետո ձգեց բերանը.

- Է՛, տեսնում եմ դուք միստիկ եք, իսկ եթե հրավիրեմ նիստի՞: Չե՞ք ամաչում. մի դատարկ որդից խուճապի եք մատնվում:

- Ինչպե՞ս թե՛ որդից:

- Հենց այդպես. այդպիսի մի փոքրիկ որդ կա, ծակում-մտնում է պատի կամ, ասե՛նք, պահարանի, սեղանի տախտակների մեջն ու՛ կը՛տ, կը՛տ, կը՛տ: Սովորական փայտաթրթուր, միայն չեմ հիշում լատիներեն ոնց էր: Ֆրանսիայում Ճակատագիր են ասում, դեսոն կամ թե ոնց էր նրանց լեզվով: Եվ դուք հենց այդ փոքրիկ որդից՝ դեսոնից էլ վախեցել եք: Պարզից էլ պարզ է:

Չաչատյեյան գիշերակյացը թերահավատ կրկնեց հարցուփորձը, մանրամասներ պահանջեց, առավոտյան թաղվեց միջատաբանության տեղեկատուներում, գտավ, կարդաց, վերընթերցեց ու հանկարծ իրենց ազատագրված զգաց հոգեբանական ճնշումից:

Նույն օրվա երեկոյան նա հանգիստ զետեղվեց իր սենյակի քառակուսու մեջ ու քնեց առանց երազների, եւ նրան այլեւս չարթնացրին ո՛չ լռությունը, ո՛չ էլ նրա հաշվիչը:

IX

Օրերի մակընթացություններն ու տեղատվությունները, արեւի գրոհներն ու նահանջները ամեն անգամ ինչ-որ բան էին բերում ու տանում: Շիրիմների շարայունը Կրեմլի պատի տակ աստիճանաբար երկարում էր: Հնգագլուխ եկեղեցիները ծանրադարպաս թաղվում էին ցուքերի մեջ, իսկ հողը նրանց տակ պատվում էր սալաքարերով: Բեռնատարները դադարել էին սպիրտ խմել ու հարբած օղեհոտ արտաշնչել: Ռադիոձայնը թեք տանիքներին հաղորդալարերի իր ոստայնն էր հյուսում, բարձրախոսների կյոբ բերաններն իրենց շուրջն էին հավաքում հազարավոր անհազ ականջախեցիներ: Ավտոբուսների տուփերը, զսպակները ճռռացնելով, ճոճվում էին դարուփոսերում: Հին Պետրովյան պալատի ետեւում էլիպասածն ձգվել էր հսկա մարգարաշտը՝ քառասուն հազար աչքի համար: Քառասուն նահատակների նրբանցքը վերանվանեցին Դինամոյի փողոցի: Նովոբլագոսլավնիում սկսեցին ծխալ առաջին օդու գործարանի ծխնետյուղները: Այցելուի քիթը քրտինքի ու ռուբլանոց օղեկլունի հոտերի մեջ երբեմն հանդիպում էր արտասահմանյան «Շիպրի» բույրին: Չաչատյեյան քառակուսու բնակիչը ուսերի կորին արդեն ոչ թե ֆրենչ, այլ պիջակ էր հագնում: Սեղանի խայտաբղետ բծերի վրա աճուրդի մուրճի երեք հարվածով որպես սեփականություն ամրագրված սփռոց էր գցվել: Պորտֆելը, թեկուզ խիստ ծերացած ու մաշված, շարունակում էր նրան մահճակալի չորս ոտքերից առաջնորդել դեպի գրասենյակային սեղանի չորս ոտքերն ու՝ հետ: Բանալին՝ անցքից գրպանը ու նորից՝ անցքի մեջ: Եվ միայն մի անգամ բանալու առաջ ոչ անցքը ու ոչ էլ գրպանը, այլ, այսպես ասենք, անդունդ բացվեց: Կարելի է, իհարկե, բանալին մտցնելն անդունդն ու երկու անգամ պտտել ձախից աջ, բնակիչն այդպես էլ արեց, բայց... պետք չէ խախտել քրոնոսի տրամաբանությունը կամ, ինչպես ընդունված է ասել, քրոնոլոգիական կարգը:

Բնակիչը սովորականի պես իր սենյակի դռանը մոտեցավ երեկոյան տասնմեկն անց: Միջանցքում մութ էր, քանի որ բնակարանն արդեն քնել էր, բայց կենվորը, որ անգիր գիտեր այդ մթությունը, լուսի օգնության կարիք չուներ: Կանգ առնելով դռան փեղկից կես քայլի վրա, նա պորտֆելը աջ ձեռքից տեղափոխեց ձախը ու բանալու ետեւից մտավ գրպանը: Եվ այդ պահին պարզորոշ լսեց. Սենյակում տրամազծով, ոչ բարձր, բայց հստակ ոտնաձայն էր լսվում: Զայռը անհամաչափ եւ ընդհատուն էր: Հասնելով սենյակի անկյունը՝ կանգ էր առնում ու երկու-երեք վայրկյան դադարից հետո վերադառնում: Գո՞ղ է: Պետք է արթնացնել հարեաններին: Իսկ

Միգիզմունդ ԿՐԺԻԺՄՆՈՎՍԿԻ

եթե այն հին հիվանդությունն է, դեստինը՝ դարձած հայուցինացիա, որ միայն իրեն է լսելի: Ու նաեւ. գողը կարիք չունի ճոճանակի պես անկյունից անկյուն քայլելու: Ու նաեւ. եթե գող է, ուրեմն դուռը բաց պիտի լիներ: Ստքի ետեւից՝ ձեռքը դռանը: Փակ է: Հետեւաբար... Բնակիչը կանգնել էր խավարում՝ զգալով սրտի տառապագին խփոցը: Հայուցինացիան, սրվելով, բազմապատկում ու բազմապատկում էր կեղծաքայլերը: Բացե՛լ, բացե՛լ դուռը դեպի երեւակայական ու մերկացնել նյարդերը: Կտրուկ շարժում ու պորտֆելը, թելի տակից սահելով, ծանր շմփաց հատակին: Զայլերը դադարեցին: Մեկ րոպեի չափ բնակիչը ականջը պահել էր լռությանը: Ոչ մի ձայն: «Վերջացա՛վ»: Սիրտը կրճատեց զարկերը: Նա համարյա հանգիստ տնտղեց բնալու անցքն ու երկու անգամ պտտեց պողպատը: Եվ անմիջապես էլ, դռան խաղաղ շրշյունից հետո՝ կարճ, բայց բարձր ճիչ. ուղիղ դիմացը, սուր ուներն առաջ բերած, գիշերային փողոցից կապտալույս առած պատուհանի ֆոնին սեւ ուրվագծով կանգնած էր մի մարդ:

Բոլոր պատերին շխկացին անջատիչները: Տասնյակ բոքիկ ոտքեր օգնության վազեցին բղավոցին: Մարդն արդեն լուսավորված քառակուսու մեջ էր՝ ուները կոր, հանդարտ անխռովության դիրքով. կիսով քայքայված հագուստ, երկարուկ ու նիհար դեմք՝ մազերի շեկ հրդեհի շոջանակում, իսկ իսկա ճակատին շեղակի, ասես խազելով, ձգվել էր ֆոսֆորակապույտ սպին: Մազերի մեջ սնդիկաորդի պես խճճվել էր ջղածիզ կծկված պարույրը: Նա շարժեց ձեռքն, ու պարույրը մոխրացավ-հալվեց օդում: Չաչառյուեյան բնակարանի կենվորները, որոնց այդ ուշ ժամին անսպասելի դուրս էին քաշել անկողիներից ու երազներից, տարակուսած ոտնետոտ էին անում հատակին: Նրանց նայելով՝ խազած ճակատով մարդն ասաց.

- Հեռո՞ւ է տասնութից: Ինձ պետք է...

Ու մի անգամ էլ աչքերը պտտելով՝ հասկացավ՝ հեռու է: Ու լռեց: Փոխարենը՝ մյուսների ձայները, որ մինչ այդ արթնանալու ապարդյուն ջանքեր էին անում, իրար հերթ չտալով բարձրացան: Դեռ առավոտը չէր հասցրել բարձրանալ Կրեստովսկի ուղեկալի աշտարակների վրա, երբ զնգուն շխկաց մուտքի դուռը, եւ Շտերերը, ուները սառն ու սեւ օդից կծկելով, քայլեց ամայի Չաչառյուեյան նրբանցքի քարե գալարքների երկարությամբ:

Սկաններով պատմվող տարածությունը պիրկ ու դժվար էր թվում: Տեւական բացակայությունից հետո օդը թանձր ու անթափանց էր: Ոչ մի տերեւ չէր շարժվում զբոսայգում, ուր, ջանքերից թուլանալով, մի կերպ հասավ Շտերերը, օդն ամբողջովին բաղկացած էր անշարժ քամուց, որի արագությունը հավասար էր անսահմանության ձգտող գրոյի: Տեղողու-

թյուններից տարածություն վերադարձված՝ ևա իրեն զգում էր մշտախառնով ու առողջարար ծովը հատող յողորդի պես, որին հանկարծ գցել են կանաչ փառով պատած եւ ափերի քառանկյուն մամլակի մեջ սեղմված ծանծաղուտը:

Հանդիպած առաջին իսկ նստարանը ծալեց նրա ծնկները: Շտերերը նստեց, սրբեց քրտիկը: Միանգամից չնկատեց, որ նստարանի մյուս ծայրն ազատ չէ: Բայց անազատ ծայրից նրան վաղուց էին նկատել: Կինը, որ միշտ արթուն էր մարած պատուհաններով երկու պատի արանքում, պրոֆեսիոնալ-ուշադիր էր գիշերային անցորդների հանդեպ: Տարօրինակ, ասես հրումներով ու ճոճվելով մոտեցած տղամարդու ուրվապատկերը դեռ կարող էր գիշերվա մնացորդը վերածել ռուբլիների: Նորի՛ց ճոճվեց, նորի՛ց. ավելի լավ՝ հարբածները հազվադեպ են անտարբեր անցնում:

Կինը մի րոպեի չափ ճոճում էր ոտքին զգած ոտքը: Նստարանի հակառակ ծայրին տեղավորված հյուրը չէր մոտենում ու լուռ էր: Այդ ժամանակ կինը գլուխը դարձրեց նրա կողմն ու ասաց.

- Չբոսնո՞ւմ եք:

Պատասխան չհետեւեց: Ավելին. գինու հոտ չկար: Փորձառու հայացքն ընդգրկեց անձանոթի բարձրահասակ, մթանը հենված կերպարանքը: Ոչ մի կասկած՝ անփող-անտունի մեկն է: Կինը փեշը քաշեց ծնկին ու՝ հորանջի միջով.

- Եկվո՞ր ես:

Կերպարանքը թեթեւ խոնարհեց գլուխը: Կինը շվացրեց.

- Եվ ի՛նչ եք լցվում այստեղ: Ի՞նչ եք անելու. հետույքով նստարանները սրբեք: Ի՞նչ ես ուզում Մոսկվայից: Անցած օ՞րը, հա՞:

Կերպարանքը ուսով դարձավ հարցին.

- Այո՛,- ու մի վայրկյան դադար տալուց հետո՝ ասածի ետեւից:- Անցած տարիները: Եթե չեմ հասկացել, ուրեմն պետք է նորից ու նորից անցնել նրանց միջով, մինչեւ...

Ձայնն ու վանկերի շեշտային հարվածը առավելագույնս լուրջ ու կենտրոնացած էին: Կինը վախվորած նայեց հարեանին. հո Կանաչիկովոյից չի՞:

Օղը մի քիչ շարժվեց քամուց: Փորձելով փոխել խոսակցության ուղղությունը՝ կինը ասաց.

- Գիշերվանից էլ համարյա բան չմնաց:

Լուսաբացի մեջ աստիճանաբար հստակվող ուրվագծով հարեանը ավելի խոնարհվեց գետնին.

Միգիզմունդ ԿՐԺԻԺԱՆՈՎԱԿԻ

- Ես գիշեր գիտեմ, որի մասին չի կարելի այդպես ասել:

Ղա քիչ էր նման միասին քնելու առաջարկի: Հետո էլ՝ հարեանը կարճ ծիծաղեց ու շրջեց գլուխը: Կինը վեր կացավ, թափ տվեց փեշն ու հեռացավ: Մի հիսուն քայլ անցնելով՝ շրջվեց. վաղորդայնից լուսավորված բարձրահասակ ու սրանկյուն կերպարանքը դեռ նստարանին էր՝ ուները գետնին խոնարհած, ու չգիտես ինչու՝ կինը մտածեց վերջին գիշերվա վերջին հյուրի մասին, որը կգա, վերելից կփլվի վրան ու կճգմի հողի մեջ:

Այդ ընթացքում արշալույսը, որ կարմիր թթխմորի պես բարձրացել էր տների քարե կոյտերից անդին, օդը կարմրասեւ ներկելով՝ ցրիվ եկավ տանիքների վրայով: Շտերերը չէր լքում անշարժությունը: Չքոսայգու ցանկապատից այն կողմ դղրդաց աղբահանի դատարկ սայլը: Ծառերի արանքում հողն էր քերձմրծում ցախավելը: Խուլ զանգահարությամբ կողոքով անցան իրար խփվող կաթի բիդոնները: Հեռվում ինչ-որ տեղ ռելսերի անկյունադարձին կրճտացրեց տրամվայը: Երկու գինովցած հարբեցող, չորս ոտքով բարդ պարափորձ անելով, խառնելով ապլիկատուրան՝ իրենց զիզազն էին գծում զքոսայգու երկարությամբ: Ոմանք շտապում էին քնելու, մյուսները դեռ չէին թոթափել քնի մնացորդները, ու ոչ մեկի քայլերը երկար չէին հապաղում հողին խոնարհված, բաց ճակատը մտքերի ափակծությանը պարզած կերպարանքի մոտ: Եվ ափսոս, որ այլեւս անցորդների, եւ ընդհանրապես ողջերի մեջ չէր ուրվականների գծով մասնագիտացած գրողը, որն ընդամենը մի քանի տարի առաջ սիրում էր լուսաբացներն անցկացնել մոսկովյան այգիների ավազե ուղեծրերում. Շտերերի անքուն կերպարանքի հետ հանդիպումը նրան կստիպեր զգալիորեն խմբագրել Եղիազարի մասին պատմությունը: Զաղաքն աստիճանաբար թոթափվում էր կողպեքի մեջ պտտվող բանալիների շխկոցից: Երբեմն զքոսայգու քայլուղով շտապող որեւէ անցորդ հայացք էր գցում Շտերերի նստարանին: Երկու պտտիկ մարդուկների առավոտվա թթվածնի չափաբաժնի հանած դայակը, Շտերերի ստվերը շրջանցելով, արդեն ուզում էր նստել կողքին, բայց աչքերի շյուղերով հանդիպելով քարացած կերպարանքին, երեխաներին քաշեց-տարավ առաջ: Մարդուկներից մեկը, որին սեղմել էին չոր ու ամուր մատները, ծվաց.

- Օտար՝ քեռի:

Տախել գնչուհին, կեղտոտ մետաքսի մեջ ազդրերը խաղացնելով՝ ոտքը դրեց վազահն գծված անշարժ ստվերի վրա, ու խաղաթղթերի մաշված կապուկն ափերին խփելով՝ սկսեց.

- Լա՛վ մարդ, բախտդ բացե՛մ: Բախտավոր կլինես: Շատ փող կստա-

ևաւ: Մի փոսիկի թագուի սիրում է քեզ: Պետական տան մեջ եմ տեսնում: Ու կզևա արտասահման:

Եվ հանկարծ աչքերը հանդիպեցին անշարժ ստվերի տիրոջ աչքերին: Գնչուի ուռնգերը վախեցած թրթռացին, բիբերը հոնքերի սեւ աղեղների տակ բորբոքվեցին, ինչպես կայծերը քամուց: Կապուկը պահելով թեքի մեջ՝ նա արագ ու անծայն հետ քաշվեց՝ ծածանելով ճկուն ոտքերին փակչող ու բացվող մետաքսները:

Օրը ավելի ու ավելի արագ էր անցնում կողքով: Օդն էին սղոցում ավտոմոբիլների շչակները: Զբոսայգու ծառաքների մոտով սահում էին թերթերի ճչան անունները: Ավագի վրայով, լցվելով սեւ ստվերի մեջ՝ դողում էին հապճեպ կողքով անցնողների ստվերները: Ինչ-որ մեկի հինգ կոպեկանոցն արդեն ուզում էր խցկվել դեպի կարկամած կերպարանքը, բայց վախենալով՝ հետ քաշվեց ու զորովեց գրպանի ճեղքը: Հարեան նստարանի մոտ թռչկոտեցին կոշիկ մաքրողի արմունկներն ու խոզանակները: Փոշու բյուրավոր գորշ կետեր ապաստարան փնտրելով՝ նստում էին փայլերի, ապակիների, պարկերի վրա:

Շտերերը հանկարծ լսեց իր ազգանունը: Կանչը կրկնվեց նորից ու նորից՝ ստիպելով, որ ստվերն ու տերը մի փոքր շարժվեն: Շտերերի բացված կոպերի առաջ պարզվել էր մի 3/5-երորդանոց ձեռք: Այնքան համառ էր պարզվել, որ Շտերերը զուտ բնագոյով պատասխան շարժում արեց ու սեղմեց երեք մատնանի ափը:

- Զճանաչեցիք: Բա ո՛նց: Իսկ ես, ահա, մատներս, ինչպես տեսնում եք, կորցրել եմ, բայց հիշողությունս՝ ոչ: Իհարկե, իհարկե, ձեզնից չորս մահճակ այն կողմ, համակենտրոնացման ճամբարում, գերության մեջ: Թե՞ դա էլ եք մոռացել:

Շտերերը նայում ու չէր ճանաչում: Ութ մատնանի մարդը, երկուսը տանելով ձախ կողմին սեղմած ձանր, թելակար գրքի տակ, եռանդում սեղմում ու բացում էր մնացած մատները:

- Ես դեռ այն ժամանակ էի նկատել՝ խելքով մարդ է, մեր թայրը չի: Կարծես թե գերմանացիներից եք, մի գլուխ բարձր: Մեզ համար, իհարկե, դժվար է դատել դրա մասին, ո՛վ ենք մենք՝ բոլորով մի մոծակի չափ խելք ունենք, բայց եթե ոչ խելքով, ապա՝ հոտառությամբ. խելքը թափվում է ձեր աչքերից, սոթ տվիր վրան, էլ վեր չես կենա:

Խոսողը, արծազանքի չհանդիպելով, շփոթվեց ու եռամատով բռնեց գլխարկի հովարը: Բայց գլխարկը հրաժեշտի շարժում անելու փոխարեն, ձախ հոնքից դարձավ աջին, հետո՝ աջից ձախին.

Միգիզմունդ ԿՐԺԻԺՄՆՈՎԱԿԻ

- ԺՈՒԺԵԼԵ: Պրով ժՈՒԺԵԼԵ: Ձեր շորերը, տեսում եմ... պարզ ասած, հեշ հագնելու բան չի: Ու գլուխն էլ դնելու տեղ պիտի ունենա: Տուֆակը որ ջութակ է, էի պատյանի մեջ է կենում: Գևա՛նք:

Ու մինչ արելը կգորվեր գենիթից, Շտերերը հայտնվեց բնակարան հիշեցնող ինչ-որ տեղ: Եռանդուն ժուժելերը, որը, պարզվեց, Կրուտիցկի վալի համայնքատիրություններից մեկի դռնապանն էր, երկար չմտածեց տարածք գտնելու վրա: Սանդուղքի տակ, աստիճանների թեք գծով ծածկված, մի փոքրիկ եռանկյունացող անպատուհան խցիկ կար, որտեղ կախովի կողպեքի պահպանության տակ վառելափայտ էին դարսում: Ժուժելեի ութ մատները դուրս արին փայտակոճղերն ու ներս արին Շտերերին: Եռանկյունին լցրած կեչու փայտի տեղում հիմքի երկարությամբ մի կարկատած խոտկիր ներքնակ փռվեց, ներքնաձիգից կախվեց կարճատես լամպը, իսկ էջերի կցակետին հենվեց փոխսեղան կարճոտն աթոռակը:

- Ահա ձեզ եւ պատյանը,- ցցված եռամատով բեղերն ու ժպիտը սղալելով՝ քմծիծաղեց ժուժելերը,- Էստեղ որ ուզես չաղանաս էլ, պատերը չեն թողի:

Դրանից հետո մնում էր միայն կենվորի անուկը բնակեցնել թելակար գրանցամատյանում: Տնային կառավարչությունում սկզբում հակառակվեցին, հետո դրեցին կնիքը:

Երկար ճանապարհից հոգևած Շտերերը ձգվեց ներքնակին ու մոտեցող քնի միջով լսում էր գլխավերները, սանդուղքներով վեր ու վար անող ներբանների ելելեջներն ու ձայնանցումները: Քարե ստեղնաշարին թխկթխկացող տասնյակ զույգ ներբաններից արթուն լսողությունը կարող էր առանձնացնել վերելի հարկ՝ տուն շտապող մարդու կտրուկ ստակատն. դա Իոսիֆ Ստրնսկին էր, որի հանդիպումը Շտերերի հետ, ինչպես պարզ կդառնա հետագայում, երկուսի համար էլ բախտորոշ էր:

X

Գրող Իոսիֆ Ստրնսկու գրիչը աչքի էր ընկնում արտակարգ անդադրում բնավորությամբ. մեկ ձեռուտ էր ընկնում կարճաժամկետ ֆելիտոնում, մեկ թաղվում էր տնտեսա-սոցիոլոգիական տրակտատի դանդաղ իմաստներում ու փուլերում, չկայացած դարձվածքի հետ սուզվում էր թանաքամանի մեջ, որ երբեք չէր չորանում, գիտեր սահելու, բայց չսայթաքելու արվեստը, հմտորեն հառնում էր յուրաքանչյուր նոր փաստի ու գաղափարի առաջ: Ստրնսկու երկու գորշ, ասիմետրիկ կտրվածքով, քմախճ նեղ շեղությամբ աչքերը՝ ազահաբար իրենց նետում էին ստվերի ու լույսի

տակ. այսօր լույսի պահանջարկ կար, վաղը ստվերի գներն էին բարձրանում, եւ Ստընսկին, թեման կիսատոնի տանելով՝ մաժորից իջեցնում էր միևնորի: Նրա գրադարակին դեղնակազմ փարիզյան գրքույկների կողքին կանգնած էր Գուստերիլի ու Սարքսի «Փիլիսոփայության աղքատությունը» չորչորուկ հատորը: Կարճ ասած, Ստընսկին գիտեր ինչպես վարվել այբուբենի հետ: Բարե ու չարակամների ասելով՝ նա օժտված էր անուրանալի գրական շնորհով ու երեւի կարողանար, եթե... Բայց արդեն երկու տարի նրա գրիչը, կառչելով այդ ցավալի *եթե*-ից, հայտնվել էր առաջին կարգի ցուցափեղկային գրականության գծից անդին եւ այլևս մուտք չունէր թմբլիկ հանդեսներն ու անձնական թերթահաշիվ դրույքը: Թափի սվոյոր՝ նա, որքան էլ տարօրինակ է, համենայնդեպ սայթաքեց կարծես թե անմեղ հողվածի վրա, որը վերնագրված էր «Հեղափոխական մուրճն ու աճուրդային մուրճիկը»: Խմբագրության պատվերով գրված հողվածում ապացուցվում էր, որ հենց վերջին զարկն է տալիս ապակին փշրող ու մետաղը կռող հեղափոխության մուրճը, սկսվում է աճուրդային մուրճիկների մանրահատ ու գործնական թխկթխկոցը՝ դուրս կանչելով տարբեր դրվագագարդ տուփերի ու պահարանների պահուստը, շրջանակված կտավները եւ ընդհանրապես կյանքից դուրս նետված բոլոր հարմարավետությունները: Խմբագրական պորտֆելը հյուրընկալություն դրսևորեց երկու մուրճների մասին հողվածի հանդեպ, բայց դիպվածի կամոք սովորականից մի քիչ ավելի այնտեղ մնացած եւ ուշացումով տպագրված հողվածը հայտնվեց անհրատապության դաշտում, ու դրանից հետո հեղինակին արդեն ոչ մի կերպ չհաջողվեց բռնել տակտը: Որակագրկումն, ինչպես հայտնի է, բերում է եկամուտների քանակագրկման: Ի վերջո, Ստընսկին ստիպված էր կերակրվել «Մեծ մարդկանցով». այդպես էր կոչվում թերթոնների էժանագին շարքը, որը մեկ-երկու տասնյակ էջով լուծում էր ցանկացած հանճարի հարցը: Ստընսկին արագ հմտացավ, ու «մեծերը» պարզապես հորդում էին նրա գրչի տակից՝ վերածվելով դրամանիշերի: Շարքի հեղինակը չէր գերազնահատում իր աշխատանքը: «Այստեղ ողջ է միայն,- ասում էր նա,- այն կենդանի թելը, որով այդ ամենը կարվում է»: Իսկ մաղձոտ պահերին ավելի կտրուկ էր արտահայտվում. «Սատանան տանի, զգվել եմ, թող ճանճերն ուտեն էդ մեծերին, մեծ ձեւացողներին թիվ ու համար չկա, իսկ մեծություն մանրադիտակով էլ չես գտնի»: Եվ անցնում էր հերթական թերթոնին, որը սովորաբար սկսվում էր այսպես. «Դա այն դարաշրջանում էր, երբ առևտրական կապիտալը...» կամ «Կապիտալը, որին նեղ էր գալիս Եվրոպա մայրցամաքը, վաղ թե ուշ պետք է բացահայտեր Ամերիկան:

Իսկ վենետիկցի...» կամ «Սուրատեսը, տատմոր որդին, որը պատկանում էր հին Աթենքի մասրբութուական ինտելիգենցիային...»:

Մինչև սանդղատակի բնակչի հետ հանդիպումը վերելի հարկի բնակիչը լրիվ պատահական հանդիպեց տնային գրանցամատյանի գրառմանը, որը նրա հայացքը սկզբում գրավեց տարօրինակ ձեռագրով, հետո՝ նաեւ մի ուրիշ տարօրինակությամբ. սրատառ «Շտերեր Մաքսիմիլիանից» աջ սյունակում արձանագրված էր. 34 - ամուրի: «Որտեղից է ժամանել» սյունակում նշվում էր՝ Ապագայից: Ճիշտ է, ինչ-որ մեկի ջանադիր, բայց անհմուտ ձեռքը, որի պատկանելությունը Ստրնսկին, ի դեպ, անմիջապես գուշակեց, «Ա»-ն մեծատառ էր դարձրել ու ձախից կպցրել մի փոքրիկ «գ».

ստացվել էր գ. Ապագայից: Ստրնսկին, որը վերցրել էր թելակար գիրքը՝ զավառից եկած ու ժամանակավորապես հյուրընկալվող ընկերոջ համար, ժուժելեին վերադարձնելիս, զգույշ, որ չանհանգստացնի, հարցրեց.

- Ասեք, Պրո՛վ, այդ որ գավառում է Ապագա գյուղը, կարծես թե չեն հիշում:

Ժուժելեի աչքերը նայում էին քմծիծաղի միջով.

- Գուցե եւ գյուղ էլ չի, բայց ի՞նչ անես, կարգն է այդպես՝ որ միլիցիայում բառերից չկախվես: Համ էլ եթե մարդու ունեցած-չունեցածից մենակ խելքն է մնացել, պետք չի նրան հարցուփորձով անհանգստացնել. էդտեղ առաջ փայտ էր, իսկ սա մարդ է, փայտը խառնշտորի, բայց մարդուն...

Բայց Ստրնսկին, որը պարզաբանումներ էր ստացել տարօրինակ գրառման միայն մեկ տառի վերաբերյալ, որոշեց կռահել նաեւ մնացած նշանները: Նույն օրն ու հաջորդ առավոտյան, մտնելով շքամուտք, նա ուշադիր զննեց սանդղատակի դռան փակ, ասես շեղադիր ծալովի կեսերը: Փեղկերն անշարժ էին, ու դեղնավուն ներկած տախտակներից այն կողմ՝ ոչ մի ձայն: Երեկոյան, երբ, ինչպես ասում էր Ստրնսկին, գայլերը պետք է օգտվեն նրանից, որ իրենց չեն տարբերում շներից, նա սովորություն ուներ մեկնելու սրտային գործերով (դարձյալ Ստրնսկու արտահայտությունն է): Շրթունքներից արձակվող ուրախ դայլայլով, մերակում ծաղիկ հագցրած՝ սանդղղքով սահում էր ներքեւ, երբ հանկարծ եռանկյուն սանդղատակից աղմուկ լսվեց: Բագրիքի վրայով կռահալով՝ Ստրնսկին տեսավ, որ շեղադիր դուռը բացեց փեղկերն, ու ներսից, ասես զսպանակի հրումներով, առաջ եկավ ու շտկվեց ուղղահայաց, բարձրահասակ, լայն ուսերով մի կերպարանք: Գրողը ավելի ցած կախվեց՝ փորձելով աչքերով պատռել աղջամուղը, ու ծաղկի ողորկ ցողունը, նույնպես կռահալով, դուրս թռավ մերակից եւ ընկավ բացվածքը.

- Կներե՛ք: Մի անհանգստացե՛ք, ես կվերցնեմ:

Բայց ծալովի դռնից դուրս եկած մարդը չէր էլ պատրաստվում կրա-
նալ, որ բարձրացնի ծաղիկը: Առաջին ձայնը, որ լսեց ներքեւ վազած
Ստընսկին, իր հետաքրքրասեր ծաղկի խշրտոցն էր, որը կիսախավարում
հենց ինքն էլ ոտքի տակ էր տվել: Նոր կենվորի դեմքը նրա աչքերից մի
արշիհի վրա էր եւ այնպես ապշեցրեց Ստընսկուն, որ ծեռքը միանգամից
չգտավ գլխարկի ճանապարհը, իսկ լեզուն՝ բառերի:

- Շատ ուրախ եմ հանդիպման համար: Իոսիֆ Ստընսկի: Գրդ: Անհաս-
կանալի՞ է. դա «գրողի» մեր «իզվեստնյակովյան» հապավումն է: Քաղա-
քացի գրող Տըլնյակի կամ հարգարժան մետր Սիլիսկիի փոխարեն պար-
զապես «հե՛յ, գրդ», ու գալիս եմ, պատկերացրե՛ք, «գրդ» «գրդ»-ի ետեւից.
հինգշաբթի օրերը ամբողջ գրական «իզվեստնյակս» ինձ մոտ է: Դուք,
տեսնում եմ, վաղուց չեք եղել Մոսկվայում. Ի՞նչ է, փոխվե՞լ է ձերուկը, հա՛:

- Այո՛, 1957-ից: Եթե կուզեք, փոխվել է, այո՛:

Պատասխանն այնքան տարօրինակ էր, որ Ստընսկին մի քայլ հետ
քաշվեց.

- Կներե՛ք, բայց չե՞ր մեզ մոտ հիմա միայն...

Դրանից հետո խոսակցությունը, աստիճանները չքելով, շարունակ-
վեց եւս քսան րոպե: Խնդրողաբար ափը Շտերերի ափին կցած Ստընս-
կու վերջին արտահայտությունն էր.

- Հաջորդ հինգշաբթի սպասում եմ: Ո՛չ: Ո՛չ: Անպայմա՛ն: Ախր մարդու
ուղեղը հալվում է: Ես ինքս կգամ ձեր ետեւից եւ «կամա թե ակամա», հա՛-
հա՛: Թե չէ կհարձակվեն ձեզ վրա «գրողները»:

Հասնելով ժամադրավայր՝ ալեկոծված Ստընսկին «մտածում էի, որ
արդեն...»-ին ոչինչ չպատասխանեց: «Առարկան», որ այս անգամ դեղին
մազերով բանաստեղծուհի-անառարկայական էր, ինչպես եւ վայել է կր-
քի առարկային, վաղուց էր մտածել իր հագուկապը, ռեպլիկները, աչքերի
կկոցվածքն ու համբույրները: Բայց ամեն ինչ մի տեսակ համբույրների
կողքով էր անցնում, եւ նա ստիպված էր աչքերը ոչ թե կկոցել, այլ, ավելի
շուտ, չռել: Ստընսկին, որի ազգանունը երբեւէ վիրավորական զուգոր-
դում չէր առաջացրել կանանց շրջանում, այս անգամ մի տեսակ հուզախ-
ռով-բացակա էր: Մերակից բռնած՝ նյարդային քաշքշում էր պիջակի
դարձածալը՝ ասես փորձելով իրեն նետել առաջ կամ վեր.

- Կարձես թե հանդիպել եմ, նույնիսկ սարսափելի է ասել... նրանցից
մեկին, որոնց մասին թխում եմ իմ թերթունները: Անպատմելի է, անհնար

Միգիզմունդ ԿՐԺԻԺԱՆՈՎԱԿԻ

Է բառերով: Հիմա գիտեմ, թե ինչ է նշանակում հայտնվել Գուլիվերի ափին. կտեղմի մատներն ու՝ փը՛ստ: Արտաքուստ նման է յուրատեսակ մուկայթֆլիտերի, բայց...

- Լսե՛ք, Հոպսե՛փ Անսքանչելի, եթե եկել եք կնոջ մոտ, որը ձեզ թույլ է տվել *tête à tête*... [դեմ առ դեմ - ֆր.]:

- *Tête à tête*. Ճիշտ այդպես, դա իմ առաջին *tête à tête*-ն էր կյանքում, գլուխ գլխի, միտք մտքի: Սովորաբար այդ բոլոր համբույրային հանդիպումները *tête-ը tête*-ից միլիոն վերստի վրա են:

- Երախտամո՛ռ, դեռ քմահաճություն է անում: Սո՛ւտ ևստեք:

- Կիսախավարում հասցրի տարբերել նրա բառերը, բայց ոչ դեմքը: Գունատ թվաց, բայց չգիտես ինչու հիշեցի...

- Իսկ հիմա գրկեք մեջքս:

- Ախ, հա՛, մեջքը, իսկ ինչու ոչ Մելպոմենեին: Ու ես համենայնդեպս հիշեցի Դանտեի դեմքի մասին լեգենդը՝ վառված եւ՛ արեւից, եւ՛ դժոխքի պարունակների հրից: Ո՛չ, սրա նմաններին երբեք չեն խղճում ու պետք չէ խղճալ. չէ՞ որ նրանք, մեկ է չեն նկատում խղճահարությունը, երդվում են իմ թերթոնների շարքով ու տողացի հոնորարով: Պետք է քսի տալ «գրդներին» ու... քառատել: Մենք կծո՞վենք ոտնաձայրերին, այո՛, բայց թող նա էլ զոնե մի անգամ խոնարհվի, զոնե մի անգամ:

XI

Դեռեւս հիկզաբթիի նախօրեին ժուժելելին խստագույնս պատվիրվեց հետեւել Շտերերի կացարանին: Ստընսկին սառչում էր զուտ մտքից, որ իր երեկոյի «մեխը» կարող է որեւէ կերպ խույս տալ մեխությունից:

Իննին մոտ «իզվեստնյակը» կամաց-կամաց սկսեց հավաքվել: Վերին հարկի մեծ, սպիտակեցրած պատերով սենյակը բացել էր ոչ միայն դուռը, այլև երկու բարձր պատուհանները, որոնք իրենց փեղկերը հյուրընկալ պարզել էին մոսկովյան լույսերի շողշողուն կետագծերին ընդառաջ: Արդեն կես ժամից հավաքվածների գլխավերելում լողում էր կապտագորշ ծուխն ու ականջից ականջ էր պտտվում ինչ-որ մեկի՝ ուղեղ քերծող Էպիգրամը: Հյուրերի թիկունքում, պատին ձեփված, ապակու տակից՝ աճուխի ու մատիտի շրջանակված սեղմումներ ու հարվածներ: Անկյունում, իրար մոտեցած գլուխներից վեր գլուխկոնձի էր տալիս վերջին քաղաքական անեկդոտը: Ուղիղ ոտքերով նստարաններին ու աթոռակներին նստոտած մոսկովյան «իզվեստնյակի» մեջ կարելի էր տեսնել նորածե պոետին՝ սառը կրծքում քնարական շիկացում, գիտնական լեզվաբանին, որը բերան

չէր բացում, ու որի մասին ասում էին՝ «լուում է քսանվեց լեզուներով», ևշա-
 նավոր կինոռեժիսորին, որին շարժումների փոխարկվող միտքը դարձ-
 նում էր վեցձեռնանի Վիշու, երկարադեմ վիպասանին, զանկապանների
 մեջ սեղմած ոտքերով, որի այտամկաններին ցնցվում էր ջղակծկումը, իսկ
 դարձվածքներում՝ «ահա այսպես»-ը, մեծավաստակ քննադատի ճերմակ
 մազափնջերով մտոտ ճակատը, անառարկայականի խոր դեկոլտեն, հրա-
 տարակչի կլորացող, ասես աչքերը ծոծրակին կրող, խնամքով սանրած
 ճաղատը, ծաղրանկարչի՝ թեզանիքի տակից կորված նյարդային դաստա-
 կը: Գդալները դադարեցրին իրենց շուրջպարը բաժակներում: Զևարե-
 գուն վեր կացավ ու սառը կրծքի վարդակապը քաշքշելով՝ սվավացրեց.

- Ինձ այստեղ խնդրել էին կարդալ այս...

Բայց Ստընսկին, դուրս գալով սենյակի կենտրոն, ձեռքի կարճ շարժու-
 մով հյուրերի աչքերը քնարերգուից դարձրեց մարդուն, որի բարձր ու ան-
 շարժ թիկունքն ուրվագծվում էր բաց պատուհանի սեւ ուղղանկյան մեջ.

- Կներե՞ք: Այս երեկոն մենք կնվիրենք մի մարդու, որը կարողացել է
 հաղթել «այսօր» բառին: Թանկագին գրղևե՛ր, քաղաքացի Շտերերը՝ ժա-
 մանակահատի հեղինակը, մեզ կպատմի այն ամենը, ինչ հնարավոր կհա-
 մարի պատմել ժամանակի միջով իր առաջին վազքընթացի մասին:

Իր անունը լսելով՝ Շտերերը դեմքը դարձրեց հավաքվածների կողմը.
 Եւ դեռ կանգնած էր իր տեղում՝ ձեռքերով լուսամուտագոգի ելուստը բռ-
 նած, թիկունքում երեսում էին քաղաքի դեղին ու կապույտ լույսերը: Բոլո-
 ռը լռեցին: Դադար:

Մեկի դատարկ բաժակում սրտաճմլիկ, նիկելե հեծկլտոցով զնգաց
 գդալը: Շտերերը սկսեց.

- Ժամանակը հատող մեքենայի ամենակոպիտ սխեման պահանջում է
 հատուկ գիտելիքներ, որոնք հույս չունեն գտնել այստեղ՝ ձեր շրջապա-
 տում: Ուստի այն, ինչ կշարադրեմ, շարադրանքի առարկային նման է լի-
 նելու ոչ ավելի (օգտվելով Սպինոզայի բառերից), քան... սովորական շու-
 նը Շան համաստեղությանը: Գիտությունը, որ նախկինում ժամանակը
 կտրուկ բաժանել էր տարածությունից, հիմա դրանք միավորում է ինչ-որ
 միասնական Space-Time-ում [ժամանակ-տարածություն - անգլ.]: Իմ ողջ
 խնդիրն, ըստ էության, այն էր, որ անցնելի դեռես Time-ը Space-ից բաժա-
 նող ենթամայով, այդ կամրջով, որը հազարամյակից հազարամյակ գց-
 ված է անդունդի վրայով: Եթե Ռիման-Մինկովսկին իր աշխատանքներում
 գտնում է այսպես կոչված համաշխարհային կետը չորս կողորդիատների
 խաչվածքում՝ $x + y + z + t$, ապա ես ձգտում եմ կողորդիատների վերա-

Միգիզմունդ ԿՐԺԻԺՃՆՈՎՄԿԻ

կորոդիկնատավորման, ասենք այսպես. $x + t + y + z$: Չէ՞ որ սանդուղքի աստիճաններով բարձրանալով այստեղ՝ դուք տարածության մեջ էիք մտցնում աստիճանականությունը, այսինքն ժամանակի որոշակի նշան: Հակառակ ուղղությամբ գնալով, մտարկելով ժամանակի հասկացության տարածական նշանները՝ մենք...

Անկյունում, ածուխի գծերի տակ, ինչ-որ մեկի ականջը կռացավ շշուկի վրա, երկտողեր անցան ձեռքից ձեռք: Շտերերը հասգիստ շարժումով ծայրենձայր հայեց լսարանը.

- Արդեն անհասկանալի՞ է: Այո՞: Կփորձեմ՝ ավելի պարզ: Ժամանակը վայրկյանների շղթա չէ, որը ատամնանիվներով ձգում են ժամացույցի ծանրաքարերը: Ժամանակը, այսպես կասեի, վայրկյանների քամի է, որ խփվում է իրերին եւ դրանք փքելով՝ իրար ետեւից վարում դեպի ոչինչը: Ես կարծում էի, որ այդ քամու արագությունը *անհավասարաչափ* է: Դրա հետ կարելի է վիճել: Եվ առաջինը ես սկսեցի վիճել ինձ հետ (մտածողությունը հենց ինքդ քեզ հետ վեճն է), բայց ինչպե՞ս չափել ժամանակի հոսքի ժամանակը. դրա համար պետք է տեսնել *ուրիշ* ժամանակ, հինգերորդ է նշանով բարդացնել Ռիմանի քառանկի բանաձևը: Նորի՞ց անհասկանալի է:

Այս անգամ հարցը լուծվեց լռության մեջ: Երկտողերն անշարժացել էին:

- Բայց ինչպե՞ս ենք մենք վերաբերվում... ավելի ճիշտ, ինչպես ենք շարժվում տետրությունների այդ չդադարող քամու մեջ: Միանգամայն պարզ է՝ ինչպես. ինչպես հողմացույցերը: Քամին մեզ որ կողմը դարձնում է, այնտեղ էլ ուղղվում է մեր գիտակցությունը: Ժամանակի ընկալումը գծային է, իսկ ինքը ժամանակը՝ շառավղաձև: Բայց ես կփորձեմ շրջանցել եզրույթները, ձեզ հետ կփորձեմ շրջանցել բոլոր անկյուններն ու բանաձևերի մարդակները: Մենք ժամանակը կտրում ենք վայրկյանների քամիով, բայց չէ՞ որ կարելի է նաեւ լողալ շեղածեւ առագաստով, է տրամագծի լայնքով, ամենակարճ ճանապարհով, ուղիղ, շրջանցելով է-չափումները: Դե, ինչպես ավելի պարզ ասեմ...

Շտերերի աչքերը, օրինակ փնտրելով, վազեցին պատերի վրայով ու փակելով շրջանը՝ վերադարձան պատուհանի խորշին: Խոսողի ձեռքը հանկարծ ապակե փեղկերի ետեւից ձգվեց դեպի գիշերը: Ինչ-որ մեկը վեր կացավ, մի քանի աթոռակ մոտ քաշվեցին այդ շարժմանը:

- Այ այնտեղ, լույսերի մեջ,- բառերի քայլն արագացնելով՝ շարունակեց Շտերերը,- սովորական, ոլորաններով քաղաքը կտրող գետն է. դուք բոլորդ գիտեք, որ այնտեղ, մեզնից մի քանի կիլոմետրի վրա այդ ոլորքը

թափվում է մի ուրիշ ոլորքի մեջ եւ այդ վերջինը՝ ծովը: Բայց եթե գետը բռնենք երկու ծայրերից (ես խոսում եմ հոսքի մասին), ձգենք-ուղղենք հունը, ապա առանց օժանդակ ոլորանի կծգվի մինչեւ ծով ու կսկսի թափվել ոչ թե ծովեզերքի, այլ անեզրության մեջ: Ուզում եմ ասել, որ ժամանակի հոսքը ոլորուն է, ինչպես գետերի հոսանքը, եւ այն ուղղելով՝ կարող ենք A կետը տեղափոխել B կետ, այսինքն այսօրից թռչել վաղը:

Ես կանգ չեմ առնի նրա վրա, թե մեքենան ինչպես էր սկզբում կառուցվում իմ գլխում, տարին տարվա ետեւից. անիմաստ է նկարագրել նաեւ, թե այն ինչպես հանեցի իմ ճակատի տակից եւ առա մատներիս մեջ: Իհարկե, դա հեշտ չէր. դիմադրում էր առարկայացմանը, տեսական պայքար եղավ, եւ ես անկարող էի տասը րոպեի մեջ տեղավորել այն, ինչ ձգվել էր երկու տասնյակ տարի: Դրա համար ստիպված կլինեի դիմել իմ մեքենային, սակայն մեքենան ջարդվել էր՝ խփվելով... Բայց դրա մասին՝ հետո: Տեղորոշումների ծովում նույնպես հնարավոր են նավաբեկություններ: Բայց վաղ թե ուշ ես մի անգամ էլ կփորձեմ «ուշ»-ը նետել «վաղ»-ի մեջ եւ «վաղ»-ը՝ «ուշ»-ի:

Խոսքը մի պահ ընդհատվեց: Վիպասանը կռացավ հարեանի կողմը.

- Նկատե՞՛ր եթ, ճակատի ոսկորը ասես լապտերի կափարիչ լինի. բարձրացրի՞ր՝ աչքերդ կցավեն:

Հարեանն ուզում էր պատասխանել, բայց Շտերերն ընդհատեց դադարը.

- Առաջինը Լոբաչենսկին է նկատել, որ AB գիծը միաժամանակ եւ BA է, այսինքն՝ երկրաչափական ճառագայթ, որը կարող է տարվել ինչպես A-ից B, այնպես էլ B-ից A: Հետեւաբար, երկու կետերի միջեւ հնարավոր է ոչ միայն մեկ ուղիղ տանել, հետեւաբար... Բայց ժամանակն է շարժվել ժամանակի մեջ, ինչպես ձեզ խոստացել է Ստրենսկին:

Ես ինձ մեկնարկ տվեցի մի ամառային գիշեր: Սենյակիս պատուհանը բաց էր, ինչպես հիմա, եւ ինձ համար դարաշրջանից դարաշրջան սլացող վագոնի պատուհան պիտի դառնար: Ես չէի կարող ընտրություն անել, բայց արդեն մինչեւ մեքենայի գործարկումը հասկանում էի տարածական կորորդիստներից մեկի անբարենպաստ լինելը: Հորիզոնը համարյա հատված էր հակահորդեհային պատով, միայն փեղկի ծախ, ապակեպատ ծավլածքից էր երեւում փողոցի մի կարճ հատված ու կեղտոտ ճակատը՝ երեք անցքերով, իսկ դրանց ետեւից՝ մի քանի տանիք, ու վերջ: Պատահական չէի, այսպես ասած, գիշերային գնացքով մեկնում. մութն ու երագները մեկնարկը պաշտպանում էին անկոչ աչքերից եւ անկոչ ականջների

միջամտությունից այն ձայներին, որ անցնելիս հեշտությամբ կարող էր արձակել օդը: Զգուշության համար նույնիսկ լույսը հանգցրի ու մեկնարկի ժամանակ օգտվեցի սովորական մոփից, որը կարելի է հանգցնել շնչով, այն դեպքում, երբ անջատիչը մեքենայից վեց-յոթ քայլ հեռու էր:

Ես պայմանագրված էի, չեմ թաքցնի ձեզից, դեպի անցյալ մի քանի երթուղի էի վաճառել: Պետք էր ոչ մեծ ցատկ անել՝ հինգ-վեց տարի հետ, ստուգել ժամանակահատի ընթացքը, կարգավորիչ մեխանիզմների ճշգրտությունն ու մեքենան նորից «մատուցել» նույն ամսաթվին: Մտածում էի առավոտյան կողմ վերադառնալ: Բայց սարքի մեջ ներառվելուց առաջ, վերջին պահին, տատանվեցի: Նյութերը, որոնցից պատրաստվել էր ժամանակահատը, բնավ բարձր որակի չէին. Որտեղի՞ց գտնել: Չստուգված բանաձեւս միանգամից նետել անցյալ, այսինքն ժամանակի ընթացքին, վայրկյանների քամուն հակառակ. դա կարող էր բերել մեքենայի վնասվելուն, կամ նույնիսկ... Ես ուզում էի ազնիվ լինել մարդկանց հանդեպ, բայց մեքենայի հանդեպ էլ անազնիվ չէի ուզում լինել: Կարճ երկմտանքից հետո որոշում կայացրի ու փակեցի էլեկտրական շղթան: Դուք պետք է իմանաք, որ իմ սարքի կարելորագույն մասը սարդոստայնի պես բարակ պարույրներից հյուսված օդագույն ձագարն է: Բավական է միայն զլուխը մտցնել այդ զլխարկածու, վերեն անցք ունեցող ձագարի մեջ, տվիչները՝ քունքերին եւ... Մեր ուղեղը, ինչպես հայտնի է, կաթիլաեղուկային է, եւ իմ ձագարը, որ վերալցնում է այն, ավելի ճիշտ՝ նրա մեջ տարածությունից ժամանակի փոխված մտածողությունը... դա այնքան էլ հեշտ չէր. չէ՞ որ զգացողությունների համալիրը պահված է ուղեղային երեք թաղանթների տակ, գումարած ոսկրե պատյանը. պետք էր մաքուր է-ի մեջ դատարկել այդ ամբողջը, բարձրացնել ճակատային ոսկորը սովորական լապտերի կափարիչի պես ու ճանապարհ տալ լույսին: (Չանկապաններն ավելի ամուր սեղմվեցին իրար): Ես միացրի էլեկտրոնային հողմն, ու ժամանակը սկսեց ներս քաշել ինձ՝ նախ ուղեղիցս ձգելով, ուղեղս, իր հերթին, պտտվելով ձագարի միջով, նյարդաթելերից քաշեց մարմինս: Տառապագին ճզմվելով ու տափակելով՝ մարմինս չէր ուզում անցնել. թվում էր՝ էլի մի քիչ, ու արկված նյարդաթելերը կկտրվեն՝ բաց թողնելով ուղեղից կախված բալաստը: Ես շիթացող մատներս չէի քաշում տվիչներից ու կարգավորիչներից, - ու տեսա ինձ... այսինքն ես չտեսա ինձ: Պատուհանի քառակուսուց այն կողմ ինչ-որ ֆանտասմագորիկ բան էր կատարվում. Ասես մի հսկա լուսատու մեկ բռնկվում, մեկ մարում էր՝ պատուհանը նետելով մերթ լույսի, մերթ խավարի մեջ: Պատուհանի այս կողմում նույնպես ինչ-որ բան

եր կատարվում. ինչ-որ բան էր ճոճվում ուղղահայաց, մեկ մոտեցող, մեկ հեռացող ինչ-որ ուրվագիծ էր երեւում ու ընդհատուն ոտնածայն էր լսվում:

Ըստ երեւոյթին միանգամից սահմանային արագութեան էի անցել. շուրջս անծայն թրթռում էր մեքենան, ժամանակից անտեսանելի դարձած, լրիվ առաջ մղված ձախ ձեռքիս ցնցվում էր լծակը: Ձգեցի ինձ, ու պատկերը պատուհանի ետեւում հստակվեց. ես տեսա արեւը, որ դեղին հրթիռի պես վեր էր թռչում իրար վրա կիտված տանիքների ետեւից եւ ալկարմիր մայրամուտի փայլով կորածնէ իջնում հակահրդեհային պատից այն կողմ: Եվ մինչ նրա ցոլքը կհասցնէր անհետանալ խավարով բռնված ցանցաթաղանթից, ևորից ևույն տանիքներից արեւային հրթիռի պես խոյացավ դեպի գենիթ, եւ ևորից ու ևորից՝ Փոսֆորադեղին գլխով խփվելով խավարին, լուցկու պես կարճ բռնկման պես շողացնելով օրերի կրակները: Եվ անմիջապէս էլ մեքենայիս մեջ օդը ծակող ճապացող ձայն հայտնվեց: Իհարկե, սխալ էի արել՝ միանգամից առավելագոյն արագութուն տալով: Պետք էր զգոն լինել. մի քիչ հետ քաշեցի լծակն, եւ արեւն անմիջապէս դանդաղեցրեց թռիչքը. հիմա այն նման էր թենիսի գնդակի, որը հակահրդեհային պատի ցանցի վրայով նետում էին արեւելք ու արեւմուտք: Այդ տարօրինակ տեսարանով տարված՝ մոռացել էի սենյակում կատարվողի մասին: Երբ ժամանակահատի ընթացքը կայունացավ, վերջապէս ուշադրություն դարձրի նաեւ դռանն ու հատակին: Ծիծաղելի ու մի քիչ խղճուկ տեսարան էր: Չնայած սովորական խոլ ու մի փեղկանի դուռ էր, բայց հիմա շքամուտքի պտտվող դռան տպավորություն էր թողնում, համեմայնդեպս, պորտֆելով մարդը կամ մարդիկ, չէ՛, մարդը, ոչ մի կերպ չէր կարող դուրս արձնել նրա փեղկերից: Նա դուրս էր դառնում եւ անմիջապէս, ասես ինչ-որ բան էր մոռացել, վերադառնում էր ներս, վրայից պոկում ամեն ինչ, մտնում ծածկոցի տակ, ու կրկին հիշելով՝ թռչում էր հագուստի մեջ ու անհետանում դռան ետեւում, որ անմիջապէս էլ հայտնվի: Եվ այդ ամենը՝ անընդհատ բռնկվող արեւի ու էլեկտրական թելի ներքո: Ամսաթվերի այդ խառնաշփոթը, կրկնում եմ, անսովոր լինելու պատճառով ինձ մի քիչ ծիծաղելի էր թվում, մեքենայիս կատաղի տեմպը ընդլայնում էր սիրտս, ևորից մի քիչ առաջ մղեցի արագութեան լծակը, եւ այստեղ կատարվեց անսպասելին. արեւը, որ ասես ուժեղ հարվածից դուրս էր թռել տանիքների ետեւից, հանկարծ հետ նետվեց (արեւմուտքը վերադարձնում էր գնդակը), եւ հորիզոնից այն կողմ ամեն ինչ, ասես ինչ-որ պատի խփվելով, կանգ առավ ու անշարժացավ. Վայրկյանների ժապավենը, որ ցնցումներով սահում էր իմ մեքենայի միջով, անշարժացավ ինչ-

Միգիզմունդ ԿՐԺԻԺԱՆՈՎԱԿԻ

որ վայրկյանի, վայրկյանի ինչ-որ տասնորդականի վրա, եւ՝ ո՛չ դեպի ապագա, ո՛չ դեպի անցյալ: Հեռվում, ինչ-որ տեղ արեւի ուղեծիրը հատվել էր հավերժության հետ: Բը՛ռ, նողկալիագույն բառ է «հավերժությունը» նրա համար, ով այն տեսել է ոչ թե գրքերում, այլ... Օղը մոխրագորշ էր, ինչպես լիևում է լուսաբացից առաջ: Տանիքների ուրվագծերը, փողոցի շեղ ընթացքը խրվել էին անշարժության մեջ, ինչպես փորագրատախտակին: Մեքենան լռում էր: Չլուսացող լուսաբացը, որ մնացել էր գիշերվա ու ցերեկվա արանքում, չէր լքում մեռյալ կետը: Միայն հիմա կարող էի տեսնել փոշոտ պատուհանին սեղմված քաղաքային խղճուկ պեյզաժի բոլոր մանրագույն մանրամասները. փորագիր շենքի պատին, սալահատակի քարե ծփանքի վրա արտացոլվել էր կապույտ, ոսկեշրջանակ ցուցանակի ծայրը. կապույտով՝ սպիտակին՝ «...ԱՐԱՆ», մնացածը կտրված էր հարեւան շենքի ելուստով. դարպասատակի խոռոչը, որն իր կիսածածկի տակ թաքցնում էր սեւ, անշարժ ուրվագծով ստվերը. խոռոչի գլխին՝ երկաթե սեղմակում՝ կարմիր դրոշը, օդում քարացած քամին քշտել էր նրա ալ փեշը, եւ կտորը, ասես գալվանապլաստիկայով օդում նկարված, անշարժացել էր փողոցի վրա: Ուղեայունիկի կողքին՝ շան բարձրացրած ետեւի ոտքը. ժամանակի սպազվող անշարժացրել էր նրան: Փողոցը սպառելով՝ հայացքս դարձրի սենյակի ներսին: Եվ ինչ տեսա, ինձ ստիպեց... ո՛չ, ճիշտ չեմ ասում, ցնցվելու համար գոնե մեկ տասնորդական վայրկյան է հարկավոր, բայց ժամանակը, քարանալով, խլել էր ամեն ինչ՝ մինչեւ նվազագույն ակնթարթի ամենափոքր մասնիկը: Եվ այսպես, ուղիղ իմ առաջ, մահճակալին, ափերով ներքնակին հենված եւ վախից վառվող կլոր աչքերը հայացքիս ընդառաջ մղած՝ նստել էր մի մարդ:

Ես նայում էի ասես մոմից դուրս պրծած սարսափի տիկնիկին, եւ մեռյալ աշխարհի ստերեոսկոպիկ անշարժությունը թափանցում էր իմ մեջ: Երկա՞ր տեսե՞ց՝ չեմ կարող ասել, որովհետեւ, հասկացե՞ք, դա տեւողություններից դուրս էր: Մտքերս, որ իներցիայով շարունակում էին սահել մոմի միջով, աստիճանաբար սառչում ու կանգ էին առնում, ինչպես ամպերը՝ անհողմության ժամանակ: Թուլացող ջանքով, այն գերմարդկային լարումով, որ լիևում է միայն մղձավանջներում, ես առաջ մղեցի լծակը, ձգվեցի-հասա մյուսին, ու ժամանակահատը, պատռելով վայրկյանների ավազը, պոկվեց ծանծաղուտից: Արագ պտտվող անվի ճաղերի պես միաձուլված օրերը հիմա հատ-հատ տեսանելի դարձան: Ապագան մատչելի էր դառնում դիտարկման համար: Մեր հարյուրամյակի երեսունական թվականների վրա բացվող պատուհան:

- Եվ ի՞նչ էր այնտեղ՝ պատուհանից այն կո՛ղմ,- խոսակցությանը խառնվեց հետաքրքրասիրությունից թրթռացող կանացի ձայնը:

Շտերերը շփոթված ժպտաց.

- Գիտե՞ք ինչ, ժամանակի մեքենան իմ ուշադրությունը շեղում էր բուն ժամանակից: Ինձ համար շատ տհաճ է, որ չեմ կարողանա... Բայց շիկացած հնոցի առաջ կանգնած մեքենավարը ժամանակ չունի իր մեքենային քսվող բնապատկերների համար: Ու ես էլ ոչ մի վայրկյան չունեի ժամանակի համար. ներկայից տասը տարի այն կողմ, ընդհատումներով աշխատող մեքենայով, ընթացքում թերությունները վերացնելով՝ ես չեի կարող...

- Ուրեմն,- կտրուկ աթոռակի տակ քաշվեցին հետաքրքրված զանկապանները,- ուրեմն աչքերը, ձեր կարծիքով, ակնակապեր են ակնհայտի համար: Բայց եթե այն չի պատվել, կներե՞ք, ոչ մի փաստով, եթե կարողացել էք ապագայում չտեսնել ոչինչ, բացի ամայի դաշտից, ձեր մեքենայի վազբուրդից, եթե ոչինչ չունեք առաջարկելու այստեղ հավաքված ընկերներիս, ապա չեմ հասկանում, ճիշտն ասած...

Շտերերը ձեռքը տարավ ճակատին.

- Ամայի՞: Սպասե՛ք, ինչ-որ բան համենայնդեպս, հիշում եմ, այո՛, այո՛: Լուռության օղակը նորից փակվեց բառերի շուրջը.

- Ահա, օրինակ, դա տեղի ունեցավ հենց այն ժամանակ, երբ ոչինչ տեղի չէր ունենում: Սկստի ունեմ մեքենայի աշխատանքի դադարներից մեկը: Պետք չէ վերադառնալ զգացողություններին, ես դրա մասին արդեն պատմել եմ: Սկարագրեմ միայն մի փաստ: Այս անգամ վայրկյանների շղթան կտրվեց արեւոտ օրվա կեսին: Արեւի ճառագայթը, 300000 կիլոմետր թափավազքով խփվելով սյանը, վերածվեց 0-ի: Փոշու հատիկները շարժվում էին ճառագայթի մեջ. թվում էր՝ օդը լցված է ոսկե ճանճերով: Լուսաբծի տակ թերթ էր փռված (այն թողած մարդը չկար): 1951 թվականի հուլիսի 11-ի «Իզվեստիայի» համարն էր: Հավերժություն տեսած ակնթարթը, կամքիս հակառակ, վերնագրից մինչև վերջին տառը ուղեղիս մեջ խտացրեց աչքիս առաջ բացված էջը, եւ եթե կուզեք...

- Կրճատո՞ւմ,- բառերի ճանապարհը փակեց Ստընսկու կտրուկ գոչուները,- մի՞թե չեք տեսնում, որ գրիչների շրջապատում եք: Այդ համարը հինգ կոպեկից շատ թանկ արժե: Հետո՞: Մեքենան աշխատեց. փոշեհատիկները նորից պտտվեցին ճառագայթի մեջ: Լսում ենք:

- Բայց թույլ տվե՛ք...

- Ինչո՞ւ թույլ չեք տալիս...

- Հենց այն ժամանակ, երբ...

Միգիզմունդ ԿՐԺԻԺԱՆՈՎԱԿԻ

Աթոռակները գայրացած իրար անցան: Անկյունում շրշաց. «Հասկանում եմք...»:

Ստընսկին գունատվեց.

- Ոչ մի գրող էլ չեք հասկանում, գրղներ, ու ոչ մի «հենց» էլ չեք ստանա: Եվ ընդհանրապես, թանկագին հյուրեր, լո՛ւռ, Շտերերը շարունակում է:

- Եթե... կրճատումներով, ապա քիչ է մնացել: Քանի որ իմ ուղերթը փորձնական էր, ժամանակն էր վերադառնալ: Բայց մեքենան այնքան էր անսարքացել, որ վախենում էի կտրուկ շրջադարձից, որը սպառնում էր վթարով, ու շարունակում էի տեղի տալ ժամանակի հոսքին, որն ինձ ավելի ու ավելի էր տանում դեպի ապագան: Անկայուն մեքենան հավասարակշռելու մեջ խորացած՝ միանգամից չկատեցի, որ անդրպատուհանյան տարածությունը կրճատվում է: Այսպես, մի անգամ պատահամա՞ր աչքս ընկավ վեր հառնող քարե եւ ապակե պատին (ըստ երեւոյթին, երբ շրջվել էի, մի նոր հսկա շենք հասցրել էր ոտքի տակ տալ երեք հարկանին՝ իր «...ԱՐԱՆ»-ով ու դրոշի տակի խոռոչով): Մյուս անգամ (գնում էի արագացված ընթացքով) հակահրդեհային պատի աղյուսե վարագույրը աչքիս առաջ սկսեց արագ հեռանալ դեպի անցյալ, իսկ նրա ետեւից հայտնվեց... բայց դա Էական չէ: Միայն հիմա, հեռու ետեւում թողնելով անցյալը, սկսել էի զգալ ողջ անկատարությունը, անիրացվածությունն ու անշոշափելիությունը կանխագործված ժամանակի, որի ակնթարթային ծակոտիների մեջ հոսելով՝ ավելի ու ավելի էի խորանում ապագայի ետեւից: Իմ ապագան, արհեստականորեն աճեցված ու ժամկետից առաջ վեր ձգված բույսի պես, հիվանդագին բարակ էր, հույլ ու դժգույն: Ամեն ինչ, բացարձակ ամեն ինչ... դե, օրինակ, կարմիր դրոշը, որի մասին կարծես արդեն ասել եմ, աստիճանաբար կարմիրից վերածվում էր...

- Ինչի՞:

- Ինչի՞,- անծայն մոտ եկան երկու-երեք աթոռակ:

- Չէ՛,- ձեռքը թափ տվեց Շտերերը,- չէր կորցնում իր գույները, բայց նրա մեջ էլ, ինչպես ամեն ինչի, վայրկյանների հետ աստիճանաբար սկսել էր թափանցել ինչ-որ գորշություն, անիրականի գունագրկող նստվածք: Տարօրինակ տիրություն էր սողում սրտիս մեջ: Ու չնայած գիտեի, որ շրջանցված, ձեր կողմից մինչեւ վերջ չհաշվված քսան տարիների շենքերն արդեն ետեւում են, ինձ չէր լքում հետապնդման զգացումը. վայրկյանների դոփյունը վայրկյանների ետեւից: Ես մեծացրի արագությունը. օրերի գորշ ժապավենը քսվում էր աչքերիս: Ես փակեցի աչքերս եւ ատամներս սեղմելով՝ կույր սլացա առաջ մղված լծակներով: Հաստատ չգիտեմ՝ ինչքան

տեսց, բայց երբ նորից բացեցի աչքերս, տեսա մի այնպիսի, *այնպիսի...*

Շտերերի ծայրը ճոճվեց ու համրացավ: Ձեռքերը ամուր սեղմել էին լուսամուտագոգի ելուստը: Նույնիսկ վիպասանի դեմքի շղակծկումը չէր շարժվում:

- Այստեղ ե՛լ մեքենան, ե՛լ պատմությունը կտրուկ, հարյուր ութսուն աստիճանի շրջադարձ են անում: Հիմա, նրանից հետո, ինչ անսպասելի խփվել էր բիբերիս, չէի վախենում տապալվել տեռոդոթյունների լայնակի հարվածից: Աղե՛տ: Թող որ այդպես: Եվ պատկերացրեք, պատահականությունն իմ կողմն էր. շրջադարձը կայացավ, ու ես գնացի վայրկյանների քամուն հակառակ: Ընթացքը դանդաղ էր, արեւի դեղին սկավառակը գլորվում էր արեմուտքից արեւելք, օրերի ծանոթ կողակը ձգվում էր Futurum-ից [Ապագայից - լատ.] Perfektum [Անցյալ - լատ.]: Հիմա արդեն հաստատ գիտեի իմ ուր-ը: Անկասկած սխալ էր թույլ տրվել, եւ սխալը ոչ թե կառույցի, այլ կառուցողի մեջ էր: Ժամանակը ոչ միայն սինուսակերպ է, ոլորուն, այլ կարողանում է նաեւ մերթ լայնացնել, մերթ նեղացնել իր հունը: Ես դա հաշվի չէի առել. փորձեր անելով t-արժեքներով՝ ես, պարզվեց, վատ դիտորդ էի եղել: Իմ թիկունքում բացթողում կար, երկու-երեք տարվա շոթայակցում, որ լրիվ ջնջվել էր իմ գիտակցությունից: Չի կարելի կյանք առնել կյանքում, եթե ետեւում չկյանք է, գոյության դադար: Այդ չքավոր, արյունով ու ցասումով թունավորված տարիները, երբ ոչնչանում էին ցանքսերն ու անտառները, բայց հառնում էր դրոշների անտառը, ինձ տեսնվում էին սովահար տափաստանի պես, որի միջով անցնում էի, ինչպես դատարկության միջով, չիմանալով, որ... որ մեկ այլ ներկայում ավելի ապագա կա, քան բուն ապագայում: Մարդիկ պոկում են իրենց օրերը պոկովի օրացույցի թերթիկների պես, որպեսզի թափեն աղբի հետ: Նրանք նույնիսկ իրենց աստվածներին իշխանություն չեն տալիս անցյալի վրա: Բայց իմ տեռոդոթյունները ամբողջական գրքի էջեր էին. իմ ժամանակահատը շատ ավելի բարդ էր գրչահատից, որը բացում է չընթերցված թերթերը. այն ինձ կարող է վերադարձնել չհասկացած էջերին ու էջանիշ դառնալ ցանկացած երկուսի միջեւ, քանի դեռ վերահաշվում ու վերընթերցում եմ վերակառուցված անցյալը: Նույնիսկ կոպիտ տարածական տեխնիկայի բնագավառում մենք արդեն մոտ ենք նրան, որ հասնենք Երկրի պտույտի արագությանը. Բավական է միայն կրկնապատկել առաջ մղող պտուտակի ուժը, եւ կարելի հասնել հորիզոնից այն կողմ սահող Արեգակին: Ես հենց այդ էլ ուզում էի. լծակները մղելով լրիվ ընթացքի՝ ուղիղ գնալ դեպի բացվածքը, հասնել հեռացած անցյալին եւ վերապատրաստել իմ առա-

Միգիզմունդ ԿՐԺԻԺՃՆՈՎՄԿԻ

ջընթացքը: Ես ավելի դանդաղ սկսեցի շարժվել բայց ինձ ընդառաջ էր գալիս ինքը՝ ժամանակը, այն իրական, աստղագիտական ու համաքաղաքացիականը, որին, ինչպես կողմնացույցների սլաքները դեպի բեռն, ձգվում են մեր ժամացույցների սլաքները: Մեր արագությունները բախվեցին իրար, մենք խփվեցինք ճակատ ճակատի, ժամանակի մեքենան ու բուն ժամանակը, հազար արեւների վառ բռնկումը կուրացրեց աչքերս, անձայն հրումը ձեռքիցս խլեց բոլոր լծակները: Ես կանգնած էի սենյակի մեջտեղը, ևորից տեսանելի ինձ՝ կիսախավարի միջով: Աղջամուղջն անշարժ էր: Բայց նրա ներսում խուլ շարժվում էր քաղաքը: Իմ մեքենան կործանվել էր կեսճանապարհին: Մատներիս ու ճակատիս այրվածքները նրա միակ հետքն էին, որ մնացել էր տարածության մեջ:

Ինչ տարօրինակ է. դեռ երեկ աստղերին ստիպում էի լուսատիպիկների կարմիր երամի պես սուրալ գիշերվա միջով, իսկ հիմա, ահա, ձեզ հետ միասին ևորից այս անհեթեթ ու քնկոտ լաստի վրա եմ, որը կարող է՝ միայն դեպի ցած ու հոսանքով, եւ ընդունված է կոչել ներկա: Բայց ես համաձայն չեմ: Թող որ մեքենան կործանվել է, բայց ուղեղն անկործան է: Կաղ թե ուշ ես կավարտեմ սկսածս երթուղին:

Շտերերն ընդհատեց խոսքը ու լսարանից շրջվելով՝ սկսեց կայել պատուհանի ապակու մեջ արտացոլված լույսերին: Հեռվից լավեց գիշերային գնացքի խոպոտ սուլոցը: Աթոռակները նրա թիկունքում շարժվեցին: Ձայները՝ սկզբում խուլ, հետո՝ մի քիչ բարձր: Լուցկու թափառիկ կրակ: Ծուխը մտախոհ ներս քաշող թշեր: Կախիչի վրա երկու-երեք կեռիկ ազատվեց: Լեզվաբանը, լուցկու հաճկատար կրակը հետ մղելով, հանկարծ խախտեց քսանվեցլեզվանի լուրջությունը.

- Թույլ կտա՞ք... մի հարց:

Ուսի վրայից հետ կայելով՝ Շտերերը գլխով արեց. լսում եմ: Արդեն այժմ ձեռքը վերարկուի թելքի մեջ մտցրած վիպասանը, կախեց ձախն ու հապաղեց: Երկու թե երեք հոգի կանգ առան շեմին:

- Հարցս հետեւյալն է. որոշ անհամապատասխանություն կա ձեր, այսպես ասենք... վաղաժամ ժամանակի մեջ գտնվելու եւ սովորական, վուլգար, այսպես ասենք, ժամանակի քանակի միջեւ, որ անցել է, քանի դեռ դուք... Ես հասկանում եմ, է-ն ու է-ն տարալեզու են, բայց ինչպե՞ս եք հասցրել...

- Միանգամայն ճիշտ է,- Շտերերը որոշ տարակուսանքով քայլ արեց նետված բառերին ընդառաջ,- ինչպես եմ հասցրե՞լ: Այդ հարցն է ինձ տանջում այս բոլոր օրերին: Իհարկե, է-ի մեջ է-ն հաշվելը այնքան էլ հեշտ չէ:

Բայց հաշվարկներս ինձ ստիպում են մտածել, որ, հնարավոր է, *չեմ հասցրել*, որ իրական ժամանակի հետ հանդիպում չի էլ եղել (իմ մեքենան կարող էր կործանվել ևսեւ պակաս լուրջ խոչընդոտի բախվելով), ու ես, կներեք, խաբուսիկ տետոլոթյունների ծնած ուրվականների մեջ եմ: Ես կուզեի հնարավորինս մատչելի եւ... հարգալից լինել ու բավարարվեցի t-ին բախված t-ի հիպոթեզը շարադրելով: Բայց եթե դուք... եթե այդ հիպոթեզը չի բավարարում ձեզ, ապա կարող ենք ենթադրել, որ մեքենան չի հասցրել հասնել իրականությանը ու ջախջախվել է՝ բախվելով ընդառաջ ելած t-ժամանակի ստվերին եւ... հիմա ինձ շրջապատած մարդկանց դիտարկելով՝ զգացողություն ունեմ, որ դրանք *հիմա* չունեցող, ներկան իրենցից հետ թողած մարդիկ են՝ ևսխագծված կամքերով, բառերով, սրանից շատ առաջ լարված ժամացույցների թիկթակի պես, աղոտ, ասես պատճենաթղթով արված կյանքերով: Ասենք, հնարավոր է ևսեւ երրորդ հիպոթեզը. ես՝ Մաքսիմիլիան Շտերերս, խելագար եմ, որն արժանի չէ ևույնիսկ զսպաշապիկի, իսկ ողջ պատմաձս գառանցանք է, դիվագացիա: Իմ անկեղծ խորհուրդը. կանգ առեք հենց այս տեսակետի վրա. այն ձեզ համար ամենաշահավետը, կայունն ու հանգստարարն է: Եվ սույնով՝ պատիվ ունեմ...

Շտերերն անցավ իրեն դարձած գլուխների կողքով: Շեմին երկու թե երեքը այնպես էին կանգնել, ասես ներբաններով պտուտակված լինեին հատակին: Վիպասանը օղն էր ափսիում ու չէր կարողանում ընկնել փախչող ձախ թեւքի մեջ. ջրակծկումը ցնցում էր շրթունքը՝ փորձելով բարդուրս քաշել:

- Այո՛, լա՛վ փիլիսոփայեց,- ասաց քնարերգուն ու ևայեց հավաքվածներին՝ հույսով, որ գոնե հրաժեշտին կհիշեն չկարողացված բանաստեղծությունների մասին: Ոչ ոք չհիշեց:

Կինոռեժիսորը վեցճեռանի շարժումով խառնշտորեց մազերը.

- Կադրավորել եմ ուղիղ ֆիլմ:

Վիպասանը վերջապես որսաց թեւքը.

- Ինչ կա որ, արե՛ք: Միայն թե այդ ամբողջ ժամանակահատուկությունը բլեֆ է: Շտերերականություն...

Եվ իրենց ազատագրված զգալով՝ երկու թե երեք գույգ ներբանները հետեւեցին շեմն անցած դեղին զանկապաններին:

- Իսկ այ ես,- Ստընսկու ականջին կռացավ լեզվաբանը,- այնպիսի զգացում ունեմ, ասես ուղեղիս մեջ ևոր գալար եմ գծել:

Ստընսկին հոգևած ժպտաց.

- Երբեւէ պատմաբանը մեր տարիները նկարագրելով կասի. «Ղա մի

Միգիզմունդ ԿՐԺԻԺՄՆՈՎԱԿԻ

ժամանակ էր, երբ անունների վերջնատառերին կաչելով, ամենուր սողում էր կոյր ու լարծուն «ուրթունք»: Ասենք, երեւի հենց այսպես էլ սկսեւի Շտերերի կենսագրությունը, եթե...

XII

Հաջորդ առավոտ մեկը գավազանով թխկթխկացրեց սանդղատակի եռանկյունու դռանը:

- Ո՞վ է:
- Վեր կացեք: Գնանք կրճատումներ վաճառելու:
- Չեմ հասկանում:
- Առավել եւս՝ զնանք:

Շուտով երկու հոգի դուրս եկան շքամուտքից: Ստընսկին ձեռնափայտի կլորավուն գլխիկով բռնելով Շտերերի արմունկը, արջ պարացնող նմանակելով, սրան քաշում էր ետեւից:

- Բոլոր մեքենաները փողից են սարքված, այնպես չէ՞: Ուստի... հետեւեք ինձ: Խելք ունենալը քիչ է, թանկագին Շտերեր. պետք է խելք ունենալ, որը կարողանում է խելքը վարվել խելքի հետ, գաղափարների հաղորդափոկ: Եվ ահա, թույլ տվեք ինձ լոցմանի նավակ լինել, որն իր ետեւից տանում է նավը: Ես արդեն զանգել ու խոսել եմ հրատարակչի հետ: Նա երեկ լսում էր ձեզ. այն սանրած ճաղատը, հիշո՞ւմ եք: Հիմա հուշագրությունները նորածնի են: Թագածառանգներ, հեղափոխականներ, սիրուհիներ, էքս պրեմյերներ, կոոպերատորներ ու իմպերատորներ. Բոլորը փող են աշխատում հուշերի վրա: Արդեն վերնագիրն էլ եմ մտածել. «Հիշողություններ ապագայի մասին»: Տպաքանակ է խոստանում: Ձեզ ինչքան է պետք մեքենայի համար: Օհո՛: Բայց եթե այսպիսի չորս-հինգ հրատարակություն, ապա կկարողանաք նորից պատրաստվել ճանապարհի: Այդ լպստած ճաղատի խմբագրական խորհուրդը ձեր ձեռքերում է. բայց ճաղատի տակ մտնելը քիչ է, պետք է գնալ առաջ՝ դեպի դրամարկը:

Հենց նույն օրն էլ նախնական բանակցությունները հաջողությամբ ավարտված էին: Հրատարակչությունը, թեկուզ եւ անվստահությամբ, բայց հետաքրքրվեց: Դե ինչ, ծայրահեղ դեպքում, եթե ոչ պատմության, ապա վիպասանության գծով, *se non e vero [եթե նույնիսկ ճիշտ չի... - իտ.]...* Եվ «ունդերվուրդ» կտկտացրեց պայմանագիրը: Կանխավճա՞ր: Կարելի է եւ կանխավճար:

Վերադարձի ճանապարհին Ստընսկին, լայնեզր գլխարկի ուրախ թա-

փահարումով պատասխանելով հանդիպող ծանոթներին, խելք էր սովորեցնում ուղեկցին.

- Իսկ հիմա, մե՛ծն Շտերեր, անհապաղ՝ աշխատանքի: Թանաքամալից թղթին ու հետ եւ ուրիշ ոչ մի տեղ: Եթե աստիճանների տակ ձեզ հարմար չի, իմ մոտ գրեք: Ոչի՞նչ: Դե, ինչպես կուզեք:

Եվ Շտերերի գրիչը շարժվեց կապույտ տողով՝ գրողի բառերով կրկնելով անցած ճանապարհը: Մեջքը՝ պատին, ծնկները տողերին հենարան արած՝ ժամանակահատի հեղինակը հիշում էր իր ապագան, թույլ չէր տալիս ոչ մի վայրկյան թաքնվի ու հավաքում էր օրերը, ինչպես ճամփեգրի խոտերն են քաղում, ականջներում երակազարկի հետ մեջընդմեջ լսվում էր կործանված մեքենայի ընթացքը, իսկ հոնքամիջի կնճիռում խտացել էր համառ միտքը:

Ստընսկին, սանդուղքի զիզգագով իջնելով, Շտերերի դռան առաջ համրացնում էր քայլերը: Երբեմն,- շաբաթը մեկ կամ երկու անգամ,- բազրիքից կախվելով՝ ձեռնափայտով թխկացնում էր դռանը.

- Այո, խոսում է քսանութը: Որտե՞ղ եք:

- Քառասուններքում,- խուլ արձագանքում էր փեղկերի ետեւից:

- Օհո՛: Եվ չի՞ թուլացել թանաքի ուժը: Տանո՞ւմ է գրիչը, թեկուզեւ ճուշտով: Լա՛վ, մի փնթփնթացեք, գնում եմ:

Երբեմն Ստընսկին չէր բավարարվում դռանը թխկացնելով եւ եռանկյունու բնակչին դուրս էր քաշում զբոսնելու, ծանոթանալու, ինչպես ինքն էր ասում, «ապագայի խոր թիկունքի, այն է՝ այսօրվա հետ»: Բարձրանում էին Կրուտիցկու նրբանցքի կտրուկ թեքությամբ՝ Ուսպենսկի պարսպի քարաջնարակների կողքով՝ դեպի դարպասագլխի թեթեւ վերնատնակը, որը Մոսկվայի դղրողի վրա էր պարզել հեռավոր դարերից բերած առկայծող թեփուկները: Դարպասների բրոնզի ոլորքներից անդին՝ ճանապարհը փակող թիթեղյա վահանակ. Կարանտինային կետ: Ու վերադառնում էին:

- Եվ իրոք,- մի անգամ ժպտաց Ստընսկին, երբ արդեն մոտենում էին տանը,- ինչ հնամաշ քուրջուփալաս է այդ այսօրը, այ այս վերնամաշկը՝ ազդագրերի սյան թղթե անհեթեթությունների վրա, շրթունքները գունավորող կանաթ, եւ տղամարդիկ, որ գունավորում են այն, ինչ ելնում է շրթունքներից,- եւ այդ ամենը՝ ասես հին, իրար կպած էջերով գրքից:

Երբեմն Ստընսկին սանդղատակի բնակչին ավելի հեռու զբոսանքների եւ էքսկուրսիաների էր տանում՝ ծանոթացնելով «նորությունների հնագիտության» հետ, ինչպես ինքն էր արտահայտվում: Շտերերը, խոնարհ կորացնելով ուսերը, իր չիչերոնեի ետեւից հայտնվում էր գրական

Միգիզմունդ ԿՐԺԻԺՄՆՈՎՄԿԻ

ու գիտական բազմամարդ հավաքություններում, լսում միտինգների ճառերը, նայում թատրոնի բարձրացող վարագույրի տակ, եւ նրա աչքերից, որոնց մեջ երբեմն թաքուն նայում էր Ստընսկին, ոչ մի կերպ հնարավոր չէր գուշակել՝ վայրկյանաչափի սլաքի այդ ամբողջ պարը հիշեցնո՞ւմ է նրան ապրած ապագա տարիները, թե ոչ: Շտերերի ներկայությունը բարդություններ չէր ստեղծում, եթե չհաշվենք մանր դիպվածները, օրինակ, այնպիսին, որ պատահեց առաջիկա համաշխարհային պատերազմի մասին դասախոսության ժամանակ: Չեկուցողը, սահուն ամփոփելով արդյունքները, դժբախտ պատահականությամբ բիբերով հանդիպեց Շտերերի բիբերին, խառնեց թերթիկները, կորցրեց թելն ու ոչ մի կերպ չէր կարողանում դուրս պրծնել դադարից: Ինքնակարգավորվող այսպիսի մի քանի դրվագ էլ եղավ, բայց բուֆետի վաճառատեղանի ու հանդերձարանի արգելապատի առաջ խմբված մարդիկ չափազանց տարված էին լինում լիմոնադի պղպաճակներ կույ տալով, արծաթե մանրադրամը հաշվելով, հարեւանտեղու արմուկկով ու մատին պտտվող համարիկով, որպեսզի նկատեին իրենց մոտով հանգիստ անցնող բարձրահասակ մարդուն:

Ճիշտ է, գրական աշխարհում ոմանք դեռ չէին հասցրել մոռանալ ժամանակահատի մասին պատմությունը, որ խուժել էր Ստընսկու հինգշաբթօրյա ընթերցումների մեջ: «Հիշողությունների» պայմանագրի, դեռեւս չկատարվածի մասին պայմանագրի մասին լուրը ոմանց ստիպում էր զայրանալ, մյուսներին՝ զգուշորեն շոշափել հողը... Ինչ արժի, այսպես ասած, ապագան եւ հնարավոր չէ՞, որ ինչ-որ կերպ մի բան էլ իրենց հասնի: Մեկը փորձեց հարցուփորձ անել Ստընսկուն, որպես սանդղատակի խցիկում կատարվող աշխատանքին առավել մոտ կանգնած մարդու, բայց Ստընսկին օրեցօր ավելի ու ավելի սակավախոս էր դառնում, պատասխանները թունոտ էին, հակիրճ, խորհրդավոր կամ ընդհանրապես չէր պատասխանում: Ծանոթների դիտարկումներով՝ հինգշաբթիների տիրոջ բնավորությունը սկսել էր փոխվել ու կարծես՝ ոչ դեպի լավը: Բուն հինգշաբթիները խախտել էին իրենց կանոնավոր ընթացքը, իսկ հետո ընդհանրապես դադարեցին: Գրողների մարդամոտ հյուրընկալը, «իզվեստյակի» ուրախ կազմակերպիչը սկսել էր խուսափել հանդիպումներից, բամբասանքներից ու գրական կուլիսներից:

Մի անգամ, դեպի Կրուտիցկու վերնատնակ հերթական զբոսանքի ժամանակ,- արծաթագորշ սեպտեմբերյան երեկո էր,- Շտերերն ասաց.

- Հիմա հասկացա, թե ինչու այն *կլիներս*-ը, որտեղ *եղել եմ*, ինձ այդքան մեռյալ ու ասես մշուշի միջով էր երեւում. ես միայն «կլիներս»-ի ու «չեմ լինի»-ի տարբերությունն էի գտել. ուզում եմ ասել՝ թամբին կապված մեռ-

յալը կարող է բարձրանալ լեռնալանջով, բայց... իհարկե, դա հիմարագույն պատահականություն է, եւ եթե այն չլիներ, ապա, հասկանում եք...

Հասնելով դարպասագլխի, գորշ օդում փայլող հինավուրց ջլարակներին՝ նրանք կանգ առան՝ բրոնզե փեղկերի հյուսքի արանքից նայելով կարանտիկային բակի տաղտկալի սալահատակին: Մի պահ հապաղելով՝ Շտերերը ավելացրեց.

- Վաղը կավարտեմ վերջին էջը:

Վերադարձի ճանապարհին լուռ էին:

Մի քանի օր անց՝ ապագան հիշող ծեռագիրը տեղափոխվեց խմբագրության պորտֆել: Հեղինակին առաջարկվեց «այցելել մի շաբաթից»: Բայց երկու օր էլ չէր անցել, երբ հեռախոսի զանգը սկսեց փնտրել ու կանչել Շտերերին: Շտերերը գնաց ընդունելության: Ծանոթ տետրի վրա կռացած ճաղատի շուրջը բիզ-բիզ կանգնած մազերը նյարդային վերթոսն ներս մտածին ընդառաջ.

- Գիտե՞ք ինչ, սա, ինչպես ասեմ... Մտածե՛լ եք ինչ եք գրում:

- Կուզեի դրա մասին ուրիշները մտածեն. Իմ գործը փաստերն են:

- Փաստե՛ր, փաստե՛ր: Ո՞վ է տեսել ձեր այդ փաստերը: Ո՞ր է այն վկան, հարցնում եմ ձեզ, որ կգա ու կհաստատի:

- Արդեն գալիս է: Թե՛ չեք լսել: Ես խոսում եմ հենց ապագայի մասին: Բայց եթե կասկածում եք...

Շտերերի ձեռքը պարզվեց տետրին: Հրատարակիչը ափերով թերթերը սեղմեց սեղանին.

- Ո՛չ: Արագ միայն ոջիլ են ջարդում: Այնպիսի գործ չի, որ ձեռքդ թափ տաս ու... Արտակարգ կազուս է: Հասկացե՛ք. այս գերհետաքրքիր ծեռագրի համար ես կարող եմ վճարել երկու անընթացաբար, բայց նրա քաշած խաչի տակ դնել այս ամենը,- խոսողը դեն հրեց սեղանի երկու կողմերին թափթփված տետրերն ու թղթապանակները,- դա արդեն ավելի դժվար է, մանավանդ, քանի դեռ այնտեղ, ինչպես ասում եք, սողում է ձեր խխունջը...

Հրատարակիչը մոտեցավ Շտերերին.

- Իսկ զուցե համաձայնեիք որոշ բաներ շտկել, բաց թողնել, հը՞...

Շտերերը ժպտաց.

- Դուք ինձ առաջարկում եք խառնել դրոշակներն ու ազդանշաններ՝ ճանապարհն ազատ է:

Ճաղատի շրջանակն ալ կարմիր ներկվեց.

- Ես հրաշալի հասկանում եմ, որ չի կարելի ներկել հայելու արտացոլումը, ավելի լավ գիտեմ, որ արտացոլմանը հարվածելով...

Միգիզմունդ ԿՐԺԻԺԱՆՈՎԱԿԻ

- Կջարդեք հայելին:

- Ավելի վատ, հայելու փոխարեն երես կթեքնեմ *արտացոլվողից*: ժամանակը պետք է կռվով նվաճել, ստիպելով, որ նահանջի... ապագա: Այո՛, այո՛: Տեսնո՞ւմ եք, ես յուրացրել եմ ձեր ոճը: Օ՛, ես դա գիտեմ: Բայց ամենից ավելի ուսումնասիրել եմ,- խոսքը ոչ թե արտացոլումների, այլ դրոշմակնիքի մասին է,- այսպիսի մի նեղիկ ուղղանկյուն՝ ներսում տասը տառ. Չտպե՛լ:

Խոսակցությունն ընդհատվեց «այո»-ի ու «ոչ»-ի արանքում: Ձեռագիրը մնաց խմբագրական թղթապանակի ձիգ կապիչների տակ: Բայց տեքստերը դիֆուզիայի ունակություն ունեն. «Հիշողությունների» որոշ պարբերություններ ու էջեր ինչ-որ կերպ թափանցեցին խավաթղթի միջով եւ բազմանալով ու տարբերակվելով՝ սկսեցին ձեռքից ձեռք, մտքից միտք անցնել: Այդ թերթիկները թաքցվում էին հագուստի գրպաններում, պորտֆելների մեջ՝ խցկվելով ծառայողական հաշվետվությունների ու արձանագրությունների արանքը, կորացնում էին իրենց քառատակ ծավալած մարմինները, որ տեղավորվեն լուսամտի փոխ շրջանակում, թերթիկների տառաշերտը նստում էր ուղեղի գալարներում, բառերի խզվածքները պաշտոնական գեկույցների արանքում դառնալով անեկդոտ ու շրջատություն՝ կաթում էին կուլուարային գրույցների մեջ:

Մի քամոտ, աշնանային անձրեւով դեմքին խփվող առավոտ Ստընսկին ու մուսջ լեզվաբանը ուսերով հանդիպեցին խաչմերուկում: Գվվացող օդի միջով Ստընսկին այնուամենայնիվ որսաց ցրիվ բառերը.

- Լեզենդի ծնունդը:

Եվ նայելով սեղմված բերանին՝ նետեց.

- Թող որ այդպես: Աչքերից վտարվածն ուղեղի ճանապարհը կգտնի նաեւ գանգի կարերով: Թող որ այդպես:

Լեզվաբանն ըստ երեւոյթին ուզում էր պատասխանել, բայց սուլող քամին լցվեց բերանը, ու բառերը նորից չկայացան: Օդի հարվածների տակ կռանալով՝ նրանք բացազատեցին քայլերն ու հեռացան՝ իրենց գլխարկների եզրերը բռնած: Քամին կուրացնում էր ծակող աղափոռու պես, խփում տակիքների թմբուկները, ճչում ջրհորդանների երգեհոնային խողովակներում, պոկում հեռագրային ցիտրանների լարերը՝ առավելագույն *dis*-ի [*Ուե դիեզ - գերմ.*] հասցնելով քառսի ահեղ պարտիտուրան: Թվում էր՝ էլի մի քիչ ու պոկված գլխարկների ետեւից կթռչեն պոկված գլուխները, ավելին՝ Երկիրը, քվելով ուղեծրից, ճյուղը կորցրած տերեւի պես՝ կթռչի արեւներից արեւներ:

Կապույտ մեքենան աղեղ տվեց Կրուտիցկու հողապատնեշից ու շարունակեց առաջին ձյան վրայով: Անիվների շերտավոր հետքը շքամուտքի մոտ կանգ առավ հենց այն ժամանակ, երբ ժուժելեը հնձվորի շարժումով քաշելով ցախավելը՝ մայթի աղյուսներից թափում էր ձմռան առաջին ցանքը: Օդը ապակյա-մեռած էր: Դրոշները շտկել էին իրենց ծալքերը ու նմանվել չգիտես ինչու կախ տված կարմիր ներքևաշորերի: Վարորդը դռնապանին մոտ կանչելով՝ հարց տվեց, հետո, դառնալով ավտոմոբիլի պատուհանին, հարգալից խոնարհվեց. Այստե՛ղ: Մեքենայի դուռը բացվեց, ու ժուժելեը հազիվ հասցրեց հետ քաշվել՝ ճանապարհ տալով աստիճաններով շքամուտք բարձրացող այցելուի հանդարտ, զսպանակվող քայլին: Հարյուրավոր կրպակներով անցնող էջերին արտացոլված դեմքն անհևար էր չճանաչել: Շփոթմունքը հաղթահարելով՝ ժուժելեը նետվեց բացելու շքամուտքի փեղկերը: Բայց այցելուն արդեն ներս էր մտել: Աստիճաններով վազելով վեր՝ ժուժելեը տեսավ նրա թեթևակի կորացած մեջքը Շտերերի վանդակի դռան առաջ: Հետո փեղկերը բացվեցին, ու բարձր այցելուի թիկունքն անհետացավ խցիկում: Ժուժելեը վազեց չորրորդ հարկ՝ հայտնելու Ստընսկուն, բայց բևակարանը չէր արձագանքում: Ժուժելեը եռամատ ձեռքով քորեց գլուխն ու ջանալով արձակել հպարտությունից ու վախից խճճված զգացումները՝ իջավ ներքե: Սանդղատակի վանդակում երկու ձայն անհասկանալիորեն խուլ բառեր էին փոխանակում: Հետ քաշվելով դեպի շքամուտքի դուռը՝ նա քարացավ դրոշի տակ կանգնած ժամապահի կեցվածքով: Բոլոր սանդուղքով վեր վազողներին կամ դրսից դուռը հրողներին կանգնեցնում էր տիրակալն շշուկը. «Սըսս... ոտների ծայրերին, մի դոփեք, կամ էլ հետևամուտքով անցեք», ու կամացուկ, սոսափյունի պես հետևում էր անունը: Եվ այդ հնչումից բնակիչների ոտքերն իրենք իրենց էին բարձրանում ծայրերին, որ շրջանցեն հետևամուտքով:

Բարձր այցելուի խուլ, դռան փեղկերով ճզմված խոսքը լռեց. միայն Շտերերն էր խոսում: Շքամուտքի ապակե պրիզմաների միջով նայելով՝ ժուժելեը տեսնում էր մթնշաղի մանրահատիկ մուրը, որ խտանում էր ծխախոտի կրակն ատամների արանքում սեղմած, անշարժ կանգնած վարորդի շուրջը: Հետո թիկունքում, տախտակներից այն կողմ երկար լռություն տիրեց: Ժուժելեը ձգվեց՝ ելքի սպասելով: Բայց լռությունը երկարում էր բարակող թելի պես: Այցելուի խոպոտ ու ավելի խլացած ձայնը բարձրացավ հարցական նոտայի: Պատասխան չեղավ: Փեղկերն անսպասելի բացվեցին, եւ այցելուն դուրս եկավ: Ժուժելեը փութկոտ

Միգիզմունդ ԿՐԺԻԺԱՆՈՎԱԿԻ

քաշեց մուտքի դռան բռնակն, ու բարձր հյուրը շուրջը չկայելով՝ քայլեց դեպի ավտոմոբիլը. Դեմքը անշմարելի էր աղջամուղջում, բայց ուսերը մի քիչ կորացած էին թվում, իսկ քայլը ծանրացել ու դանդաղել էր: Ավտոմոբիլի մեջ լույս վառվեց, ու շարժիչը, փափուկ մռնչոցով տեղից պոկեց մեքենան: Ժուժելիւր մաքրեց քրտնած դեմքն ու, ջանալով անաղմուկ քայլել, մոտեցավ դռան փակված փեղկերին ու լռությամբ: Մի րոպեի չափ անվճռական կանգնելով՝ զգաց, որ այդ ամենից հետո իր՝ հասարակ մարդու ճանապարհը դեպի այնտեղ փակ է:

Կեսգիշերին մոտ ձյուն եկավ: Փաթիլների փափուկ անձայնությունն իջնում էր թեթեակի ճերմակած սալարկին: Ձյունը համաչափ շտապում էր ճենապակյա-փխրուն բնապատկեր հյուսել, քանի դեռ փողոցներն ամայի էին ու երազները չէին դարձել կյանք: Ու հետկեսգիշերի միակ կաճանը, որ ավարտվում էր ձնակույտերում, ինամքով ծածկվեց փափո՛կ, փափո՛կ ձյունով:

Ստընսկին, որ շատ ուշ էր տուն եկել, կեսօրից առաջ արթնանալով՝ հաճույքով տեսավ պատուհանների շրջանակներին, ասես թառին ևստած ձյունը: Արագ հագնվելով՝ մոտեցավ լուսամուտին. տանիքները կորել էին ձյան սարերի տակ, ծառերը ճերմակ ծաղկունք էին հագել, եւ ևույնիսկ քաղաքի զլխին կանգնած ամպերի ֆանտաստիկ ուրվագծերը ձյունից ծեփված էին թվում: «Լավ կլիներ լսել ձյան ճոռոցը», - մտածեց Ստընսկին եւ չսպասելով հաջորդ մտքին՝ հագավ վերարկուն ու սկսեց իջնել աստիճանների սովոր շրջադարձերով: Փեղկավոր եռանկյունու վերելը սովորականի պես կանգ առավ ու գոչեց.

- Ալլո՛, Շտե՛րեր:

Ոչ ոք չարձագանքեց:

Ստընսկին եւս երեք-չորս աստիճան իջնելով՝ կախվեց բազրիքի վրայով ու բարձրացրեց ձայնը.

- Ալլո՛, Շտե՛րեր, վառելափայտ մի ձեւացիր: Գնացի՛նք:

Պատասխան չհետեւեց:

Ստընսկին արագ ցած վագեց աստիճաններով, հասավ խցիկի դռանն ու թակեց: Թակոցը բութ ու կցկտուր էր: Եվ ի պատասխան՝ ոչ մի հնչյուն: Այդ ժամանակ ևս բացեց փեղկերը. սանդղատակի խցիկը հատակից առաստաղ լցված էր վառելափայտով, որոնց հարթ սղոցատեղերը, կիպ սեղմված իրար, պիրկ գելոցի պես դուրս էին ցցվել խցիկի կոկորդից:

Ստընսկին հետ ընկավ, բիբերը լայնացել էին, մուգ բծեր էին սահում տեսադաշտով, թվում էր տափակ փաթիլներով սեւ ձյուն է թափվում:

Մաքսիմիլիան Շտերերի անհայտացումը միակը չէր: Շշուկները դարձան շրշուկներ: Բուն լուրջությունը վախենում էր շատ բարձր լռել: Ասենք, ո՛չ Ստրնսկին, ո՛չ քսանվեց լեզուներով լռող լեզվաբանը, ո՛չ հրատարակիչը, որ «Հիշողություններ ապագայի մասին»-ի ձեռագիրը վաղաժամ արտաքսել էր Կենտրոնի արխիվներից, զարմացած չէին. ձեռագիրն առաջիկա ժամանակի համար հենց այդ էլ կանխատեսում էր:

Կրուտիցկու նրբանցքի սենյակը երբեմն այդ երեքին հավաքում էր Շտերերի պահպանված ձեռագրերի շուրջը: Ստրնսկին, որին հաջողվել էր ժամանակահատի հեղինակի մի քանի հպանցիկ արտահայտությունների հետքերով գտնել նրա հին տետրերից ու նախամեկնարկի շրջանի գրառումներից մի քանիսը, չէր համարձակվում դրանք վստահել մասնագետների աչքերին: Դասավորելով ու կարգի բերելով խուճապած թերթիկները՝ նրանք ուրախանում էին, երբ անտառում բացատ տեսնելու պես՝ բառեր էին գտնում անհասկանալի բանաձևեր կազմող հիերոգլիֆային անհասկանալի նշաններում:

Այդպես էր նաեւ այդ երեկո: Երեքը պատուհանների ապակիների ծեփված դեկտեմբերյան սառցե աստղերի տակ, զոց դռան ու մետաղյա կոպով փակված բանալու անցքից այս կողմ լուռ կոացել էին յուրաքանչյուրն իր թղթերի տրցակի վրա: Արդեն կեսգիշերն անց էր: Հանկարծ լեզվաբանը բարձրացրեց գլուխը.

- Ահա այստեղ բանաձեւին հենված դարձվածք կա. «Այստեղ ժամանակի միջով անցնելը վտանգավոր է»: Բայց եւ այնպես նա անցավ ու...

- Այո՛,- ակնոցի եղջրականթերը շտկելով՝ քրթմնաջաց հրատարակիչը,- իսկ դուք կարդացե՞՛ր եք այսօրվա երեկոյան թերթիկը: Մեկը մեկին, կետը կետին:

Ստրնսկին, մինչեւ վերջ չլսելով, ընդհատեց.

- Մաքսիմիլիան Շտերերի՝ իմ հեղինակած կենսագրությանը այսպիսի բնաբան կղնեմ,- եւ նայելով *այն* կողմը՝ վանկ առ վանկ արտասանեց. «Տար ինձ հասկացողների բանակը»:

- «Մահացողների»,- ուղղեց լեզվաբանը:

- Նույնն է:

Ու երեքը շարունակեցին աշխատել:

1929

*Թարգմանությունը կատարվել է՝ 03.02.-16.04.2022
Երեւան*

**«Գրողը պետք է լինի այլտեղ,
որտեղ նրա թեման է...»**

Սիգիզմունդ Կրժիժանովսկի՝ ռուս սովետական գրող, բանաստեղծ: Թատերագիր, կինոսցենարիստ եւ օպերային լիբրետիստ: Պատմաբան եւ թատրոնի տեսաբան, փիլիսոփա: Ազգությամբ լեհ էր, դավանանքով՝ կաթոլիկ: Վիպակների, բազմաթիվ պատմվածքների, պիեսների, ակնարկների հեղինակ, թարգմանություններ է արել լեհերենից: Ստեղծագործական ժառանգության մեծ մասը հրապարակվել է միայն 1990-ական թվականներին:

Սիգիզմունդն ընտանիքի ամենափոքրն էր եւ իրենից մեծ չորս քույր ուներ: Հայրը՝ Ղոմիսիկ Ալեքսանդրովիչը, զինվորական էր, թռչակի անցնելով՝ ընտանիքով հեռացել էր Լեհաստանից եւ Կիեւի արվարձանում տուն գնել այն գումարով, որ տրվում էր պաշտոնաթող սպաներին: Ծառայում էր որպես հաշվապահ, իսկ Սիգիզմունդի մայրը՝ Ֆաբիանա Ստախիլավովնան իրեն նվիրել էր երեխաների դաստիարակությանը: Նա լրջորեն զբաղվում էր երաժշտությամբ, հրաշալի դաշնամուր էր նվագում եւ մշակության լավ դաստիարակություն տվեց երեխաներին: Դրա համար էլ պատանի Սիգիզմունդը երագում էր օպերային երգիչ դառնալ եւ երգեցողության դասեր էր առնում:

Ընտանեկան կրթություն ստանալով՝ Սիգիզմունդ Կրժիժանովսկին 1899 թվականին ընդունվում է Կիեւի 4-րդ գիմնազիան: 1907 թվականին ընդունվում է Կիեւի համալսարանի իրավաբանական ֆակուլտետ՝ զուգահեռ հաճախելով պատմափիլիսոփայական դասախոսությունների:

Հենց այդ ժամանակ էլ սկսվում է նրա գրական գործունեությունը. 1912 թվականին հրապարակվեցին առաջին բանաստեղծությունները, իսկ Իտալիա, Ավստրիա, Ֆրանսիա, Գերմանիա կատարած ուղեւորությունից հետո «Կիեւսկի մըսլ»-ում տպագրվեցին ուղեգրությունները:

Ավարտելով համալսարանը՝ Սիգիզմունդ Կրժիժանովսկին 1913-1917 թվականներին Կիեւում ծառայում է որպես երդվյալ հավատարմատարի օգնական: Հեղափոխական 1918 թվականին թողնում է իրավաբանի աշխատանքը եւ սկսում ստեղծագործության հոգեբանության, թատրոնի պատմության ու տեսության, գրականության եւ երաժշտության վերաբեր-

յալ դասախոսություններ կարդալ Կիեւի կոնսերվատորիայում, Երաժշտա-դրամատիկական ինտիտուտում ու Հրեական ստուդիայում: Ամսագրերում տպագրվում են նրա «Բրիգանտինա» բանաստեղծությունն ու «Յակոբին եւ յակոբին» պատմվածքը:

1920 թվականին Կրժիժանովսկին մի գրական երեկոյթում ծանոթանում է ապագա կնոջ՝ Աննա Բովշեկի (1889-1971 թթ.) հետ, որը ՄԽՏ-ի առաջին ստուդիայի դերասանուհի էր, Կ. Ստանիսլավսկու եւ Ե. Վախթանգովի աշակերտը: Նրանք միասին համերգային ելույթներ էին կազմակերպում, որոնք ջերմ ընդունելություն էին գտնում բանվորական ու կարմիրբանակային յարաններում: Չույզին միացան նաեւ կոմպոզիտոր Գ. Նեյհաուզն ու օպերային երգիչներ: Բայց այդ շրջանում իրար ետեւից մահանում են նրա ծնողները, սիրելի Ելենա քույրը, ապա եւ քեռին, որի հետ Սիգիզմունդը շատ մտերիմ էր:

Կրժիժանովսկին տխուր հիշողությունները թոթափելու համար 1922 թվականին տեղափոխվում է Մոսկվա եւ սկսում է դասախոսել Կամերային թատրոնի ստուդիայում: Հենց այնտեղ էլ 1923 թվականի դեկտեմբերին տեղի ունեցավ նրա միակ բեմ հասած «Մարդը, որ Հինգշաբթի էր» պիեսի պրեմիերան, որը անգլիացի գրող Չեսթերտոնի համանուն վեպի դրամատիկական վերամշակումն էր:

1920-ական թվականների կեսին Կրժիժանովսկին ակտիվորեն մասնակցում է Գեղարվեստական գիտությունների պետական ակադեմիայի աշխատանքներին: Արագորեն լայն ճանաչում գտնելով Մոսկվայի թատերական շրջանակներում՝ նա կանոնավոր կերպով կազմակերպում էր իր նովելների, դրամատուրգիային եւ բեմի հոգեբանությանը նվիրված ակնարկների հանրային ընթերցումներ: Ադ շրջանում է գրել արձակ գործերի հիմնական մասը. 5 վիպակ եւ 6 գիրք-նովել, «Արվեստի, գրականության եւ թատրոնի շաբաթ» հանդեսում տպագրվեց «Դրոշմակնիք. Մոսկվա» ակնարկաշար-վիպակը: Գրականության եւ թատրոնի պատմությանն ու տեսությանը նվիրված հոդվածներ հրապարակվեցին «Սովետական արվեստ» թերթում, «Գրական քննադատ» եւ «Ինտերնացիոնալ գրականություն» հանդեսներում, որի համար մի քանի հոդված գրեց Բեռնարդ Շոուի մասին:

Սիգիզմունդ Կրժիժանովսկին հանդես էր գալիս նաեւ որպես կինոսցենարիստ եւ օպերային լիբրետոների հեղինակ: Նրա գրչին են պատկանում «Սուրբ Յորգենի տունը» եւ «Նոր Գուլիվեր» ֆիլմերի սցենարները, Կաբալեւսկու «Կոլա Բոյունյոն» օպերայի լիբրետոն: 1942 թվականին տե-

ղի ունեցավ Սերգեյ Վասիլենկոյի՝ նրա լիբրետտոյով գրված «Սուվորով» օպերայի պրեմիերան: Բեմադրվեց «Եվգենի Օւեգինը»՝ Սերգեյ Պրոկոֆեի երաժշտությամբ, և այդ աշխատանքը սկիզբ դրեց գրողի ստեղծագործության տեսական «պուշկինյան» շրջանին: Արդյունքը գրականության տեսությանը նվիրված մի քանի աշխատանքներն էին՝ «Բնաբանի արվեստը (Պուշկին)», «Բնաբանների բառարանի» ուրվագրերը: Ուիլյամ Շեքսպիրի երկերի ժողովածուի առաջին հատորի առաջաբանից սկսվեց ստեղծագործության «շեքսպիրյան» շրջանը, որի ընթացքում գրվեցին անգլիացի թատերագրի ստեղծագործությանը նվիրված մի շարք հոդվածներ և ակնարկներ:

Չնայած գրական շրջանակներում ունեցած համբավին, Կրժիժանովսկուն հազվադեպ էր հաջողվում տպագրել իր ստեղծագործությունները, ինչը ստիպում էր հանապազօրյա հացը վաստակել արտագրական աշխատանքով: 1925-1931 թվականներին «Հանրագիտարան» հրատարակչության վերստուգիչ խմբագիրն էր, սցենարներ էր գրում գովազդային հոլովակների համար և այլն:

Կրժիժանովսկին չորս անգամ փորձել է հրատարակել իր նովելների և վիպակների ժողովածուները: «Մյունխհաուզենի վերադարձը» վիպակը նույնիսկ ընդունվել էր տպագրության, բայց մերժվեց հրատարակչության կողմից: Տեսական աշխատանքներից առանձին գրքույկով հրատարակվեց միայն «Վերնագրերի պոետիկան» (1931 թ.): 1939 թվականին Կրժիժանովսկին ընդունվում է Գրողների միություն, բայց նույնիսկ դա չօգնեց ստեղծագործությունների հրատարակմանը, և 1940 թվականից Կրժիժանովսկին այլևս արդեն գեղարվեստական արձակ չէր գրում:

Պատերազմի ժամանակ Կրժիժանովսկին չլքեց Մոսկվան՝ համոզված, որ գրողը պետք է լինի այնտեղ, որտեղ նրա թեման է: Այդ շրջանով են թվագրվում նրա բազմաթիվ ակնարկները՝ նվիրված մայրաքաղաքին ու պատերազմին: Դրանք, ինչպես որ նախկինում, չէին հրատարակվում: Գրողը վաստակում էր բանաստեղծությունների և լեհական արձակի թարգմանություններով:

Սիզիգմունդն ու Աննա Բովշեկը իրարից բաժան ապրեցին մինչև գրողի կյանքի վերջին օրերը: Նրանք այդպես փորձում էին պահպանել ռոմանտիկան ու պաշտպանել իրենց սերը ավերիչ կենցաղից: Բայց օգնում էին իրար ամեն ինչում, քնքուշ նամակագրության մեջ էին, ճամփորդում էին միասին: Նրանց հարաբերությունները լեցուն էին ջերմությամբ, հարգանքով ու բարեկամությամբ:

Գրողի կյանքի վերջին տարիները մթազևվեցին ծանր հիվանդություններով: Աննա Բովչենկը իր հուշերում գրում է հիպերտոնիայի եւ սակավարյունության մասին: Հիվանդության հետեանքը ուղեղի՝ հիշողության համար պատասխանատու հատվածի վնասվելն էր: Եվ Կրժիժանովսկին մոռացավ այբուբենը: Նա կարող էր գրել, իսկ կարդալ՝ ոչ: Եվ դա իսկական ողբերգություն էր մարդու համար, որն իրեն չէր պատկերացնում առանց գրքերի: Եվ կատարելապես անօգնական վիճակում գրողը տեղափոխվում է կնոջ փոքրիկ բնակարանը:

Կրժիժանովսկու գերեզմանն անհայտ է, բայց ստեղծագործական ժառանգությունը փրկվել է սիրող կնոջ ջանքերի շնորհիվ, որը ձեռագրերը խնամքով պահել էր իր տանը:

Հեղինակի պես՝ կինն էլ չապրեց մինչեւ ստեղծագործությունների լույսընծայումը: Սիգիզմունդ Կրժիժանովսկու տեքստերի հրատարակությունը, Վադիմ Պերելմուտերի շնորհիվ, սկսվեց միայն 1989 թվականին: Ռուսերեն երկերի ժողովածուն՝ վեց հատորով, տպագրվեց 2001-2012 թվականներին եւ ընդգրկում է հեղինակի ողջ ստեղծագործությունը՝ եւ՛ արձակը, եւ՛ դրամատուրգիական գործերը, եւ՛ տեսությունը, եւ՛ նույնիսկ դրոշ նամակներ:

ԲՈՎԱՆԴԱԿՈՒԹՅՈՒՆ

ՍՅՈՒՆԻՆՀԱՌԻՉԵՆԻ ՎԵՐԱԴԱՐՁԸ	5
ՏԱՌԱՍՊԱՆՆԵՐԻ ԱԿՈՒՄԲԸ	111
ՀԻՇՈՂՈՒԹՅՈՒՆՆԵՐ ԱՊԱԳԱՅԻ ՍԱՍԻՆ	215
<i>«Գրողը պետք է լինի այնտեղ, որտեղ նրա թեման է...»</i>	290

Միգրացիոն և Կրթիչական Վարչություն

ՀԻՇՈՂՈՒԹՅՈՒՆՆԵՐ ԱՊԱԳԱՅԻ ՄԱՍԻՆ

երեք վիպակ

Ռուսերենից թարգմանեց
Ներսես ԱԹԱԲԵԿՅԱՆԸ

Ստեփանակերտ 2022

Հրատ. խմբագիր՝ Յ. Ալեքսանյան
Սրբագրիչ՝ Ա. Գրիգորյան
Էջադրումը՝ Թ. Հարությունյանի
Կազմի ձեւավորումը՝ Ա.Խաչատրյանի

Թուղթը՝ օֆսեթ, չափսը՝ 60x84 1/16: Ծավալը՝ 19 տպ. մամուլ
Տպաքանակը՝ 500:

Տպագրվել է «Դիզակ պլյուս» հրատարակչության տպարանում
ԼՂՀ, Ստեփանակերտ, Հ. Դակոբյան 25

«ԳԵՂarm» հանդեսի մատենաշարով լույս են տեսել

- «Թատերախաղեր Արեւմտյան գրականությունից» - 2010
Իոսիֆ Բրոդսկի. «Տեղատարափի շաչյունը» - 2011
Մ. Բախտին. «Դոստոևսկու պոետիկայի խնդիրները» - 2012
«Սիրիուսի սրնգահարները»/Վ.Խլերնիկով, Ն.Գումիլյով,
Վ.Խոդասեիչ/ - 2012
Սերգեյ Դովլաթով. «Միայնակների երթը» - 2012
Յուրի Լոտման. «Միֆ.Անուն.Մշակույթ» - 2012
Վառլամ Շալամով. «Կոլիմյան պատմվածքներ»- 2012
Ժարկո Միլենիչ. «Լեռնը՝ հրաշագործի աշակերտը»- 2013
Պավել Ֆլորենսկի. «Իկոնոստաս» - 2014
Ռուս կոնցեպտուալ պոեզիա/ Գ.Պրիգով, Վ.Նեկրասով,
Լ.Ռուբինշտեյն/ - 2014
Հենրիխ Սապգիր. «Ջուգահեռ մարդը» - 2014
Վասիլի Գրոսման. «Կյանք եւ ճակատագիր» - 2014
«Կամուրջների խռովությունը.
մետամետաֆորիստներ» - 2015
Ալեքսանդր Մոլժենիցին. «Մատրյոնայի կալվածքը»- 2015
Անդրեյ Պլատոնով. «Չեւենգուր. Գուրը.
Պատմվածքներ» - 2015
Արդի ռուսական վերլիբո (անթոլոգիա) - 2015

Չինաստանի մշակույթի քրեստոմատիա - 2015
Ջիդի Մաջիա. «Հրեղեն խոսքեր» - 2015
Մա Քայ. «Սրտի արձագանքներ» - 2015
Եվգենի Վոդյազկին. «Լավը» - 2015
Քայ Տյանսին. «Խաղաղ կյանքի երգը» - 2015
Ռուս ալլախոհական պոեզիա (անթոլոգիա) - 2015
Չինական մտքի եւ մշակույթի հիմնական
հասկացություններ (հատոր 1) - 2016
Յու Ջիան. «Անձրեւից պատսպարվող թռչունը» - 2016
Պավել Բասինսկի. «Լեւ Տոլստոյ.
Փախուստ դրախտից» - 2016
Չժան Ցզի-յան. «Երազ ծովի մասին» - 2016
Վան Ջենչկի. «Երիտասարդ վանականի սիրո
պատմությունը» - 2016
Լյոդմիլա Պետրուշենսկայա. «Մեր. երջանկություն.
նեքվիեն» - 2016
Անդրեյ Բելի. «Պետերբուրգ» - 2016
«Դիկոռոսներ. Անհայտ պոետների ապաստան»
(անթոլոգիա) - 2016
Ռուս միմիմալիստներ (անթոլոգիա) - 2016

Իձյե Թան. «Առնֆուցիականությունը, ուղղայականությունը,
դատսիզմը, քրիստոնեությունը եւ չինական
մշակույթը» - 2016

Սյուն Շի-ի. «Երկնային կամուրջը» - 2016
Չինական մտքի եւ մշակույթի հիմնական
հասկացություններ (հատոր 2 եւ 3) - 2016

Դոնգ Քիանգ. «Ամուսնություն» - 2017

Դոնգ Քիանգ. «Կացարաններ» - 2017

Ինգերորգ Բախման. «30-րդ տարին» - 2017

Ջիդի Մաջիա. «Ընձառյուծից մինչեւ Մայակովսկի» - 2017

Չինական մտքի եւ մշակույթի հիմնական
հասկացություններ (հատոր 4) - 2017

Անդրեյ Վոլոս. «Վերադարձ Փանջիռուդ» - 2017

Դոնգ Քիանգ. «Թաղում» - 2017

Դոնգ Քիանգ. «Փառատոներ» - 2017

Դոնգ Քիանգ. «Ուտեստներ» - 2017

Սյաո Յյան. «Վիշապի մորուքներն ընդդեմ
նախագծերի» - 2017

Ուան Յուոլիան. «Մերձակցության աստիճաններ» - 2017

Ֆյոդոր Սոլոգուբ. «Չնչադելը» - 2018

Չինական մտքի եւ մշակույթի հիմնական
հասկացություններ (հատոր 5) - 2018

Ու Չուն. «Չինական մշակույթ. փիլիսոփայություն» - 2018

Ուեյսին Սյուրն, Սյուն Շու. «Չինաստանի յուրահատկու-
թյունները: Չինաստանի համաշխարհային

ժառանգությունը»- 2018

Չինական մտքի եւ մշակույթի հիմնական

հասկացություններ (հատոր 6) - 2018

Ադի ձայնը (20-րդ դարի հետադարձական թվականների

սերնդի շին գրողների պատմվածքներ) -2019

20-րդ դարի ռուսական պատմվածք (անթոլոգիա) - 2019

Չինական մտքի եւ մշակույթի հիմնական

հասկացություններ (հատոր 7) - 2019

Գվինեթ Լյուիս. «Բաոսի հրեշտակները» - 2020

Պավել Բասինսկի. «Լեւ Տոլստոյ. Ազատ մարդը» - 2020

Ցերինգ Նորբու. «Փրկված գառը» - 2020

Չժան Յավեն. «Դարերի կանչը» (Մտորումներ Հոնկոնգի

մասին. իրական պատմություն) - 2020

Կոնֆուցիոս. «Զրույցներ» - 2020

Չինական մտքի եւ մշակույթի հիմնական

հասկացություններ (հատոր 8) - 2021

Չինական մտքի եւ մշակույթի հիմնական

հասկացություններ (հատոր 9) - 2021

Մարիա Գրեչ Գանադո. «Երիզվածք» - 2021

Էլիզաբեթ Քրիստին Յոկուվտոտիր. «Մեր, նյարդերի քայքայում.

ոչ մի պար ձուկ-քարի վրա» - 2021

Ալեքսեյ Վաղլանով. «Մտագայլը» - 2021

Միխալ Այվազ. «Այլ քաղաք» - 2021

Իմանուել Միֆսուդ. «Յուտա Հայմ» - 2021

Խոսերա Սարիոնանդիա. «Բանտեր եւ արքայներ» - 2022

Չինական ավանդական բժշկության հիմնական

հասկացությունների հանրագիտարան (հատոր 1) - 2022

Նիկոլա Դուրետիչ. «Մահվան եւ անհետացման

ժամանակագրությունը» - 2022

Սլավենկա Դրակուլիչ. «Ֆրիդա կամ՝ ցավի մասին» - 2022



Ոգի-Նաիրի

Vogi-Nairi

www.vogi-nairi.am

Էլ. ասոցն՝ vogi.nairi@mail.ru

հեռ.: +374 97252323, +374 94259161